

**IN EBENBITAR
TRACTATUM DE
MALIS LIMONIIS
COMMENTARIA
PAULI...**

Paolo Valcarenghi, Abdallah Ibn
Ahmad Ibn al-Baitar





I N
E B E N B I T A R
T R A C T A T U M D E M A L I S
L I M O N I I S
C o m m e n t a r i a
P A U L I
V A L C A R E N G H I

Cremonae Ferrariae & Brixiae
Physici Collegiati Comitis & Equitis
In Regio Ticinensi Archigymnasio Medicinae
Primarii Professoris
Ejusdemque Facultatis Theorico-Practicae
In Scholis Palatinis Mediolani Publici Interpretis
Bononiensis Academiae Instituti Scientiarum
& Botanicae Florentiae Socii
Collegio Nob. Physicorum Mediolani ob honorem distincte
Aggregati

SERENISSIMO DUCI MUTINAE
a Consiliis Medicis.

CREMONAE MDCCLVIII.

Apud Petrum Ricchini.
SUPERIORUM PERMISSU.

REBERTA

REBERTA

REBERTA

REBERTA

REBERTA

REBERTA

REBERTA

REBERTA

REBERTA

[III]

ILLUSTRISSIMO
AC SAPIENTISSMO VIRO
DOMINO
D. PAULO DE RIDO
DE SILVA

Ex Mediolanensi Nobilium Judicum
Comitum & Equitum

Collegio
Regio Ducali Senatori Mediolani
& Cremonae Praetori &c.

PAULUS VALCARENGHI

Felicitatem.



Um de me, rebusque meis honorifice Te loqui, SENATOR AMPLISSIME, multoties intellexerim, licet alioquin tenuitatis meae satis ego sim conscius, vere ne, an secus id sentias, meum utique non est statuere. Cumque praeterea Te neutiquam ex illis esse pro certo habeam, qui (sicuti non raro, pessimo

[IV]

mo plane fato, contingit) aliud in ore, aliud in corde referre student: aequum erit dicere, quod eam Tibi de me opinionem sola pepererit humanitas, qua caeteros mirum in modum excellis. Utcunque autem, vel summo humanitatis impetu, vel egregio Tuo instinctu, de omnibus benemerendi, vel qualibet alia de causa, Te mihi adeo favere quispiam existimet; in hoc uno meae felicitatis, & gloriae plurimum agnosco: de quo quidem eo magis magisque mihi gaudeo, quo illustrius, & jocundius est, laudari a laudatis Viris. Si enim illud interest maxime, atque

Senec. & P.
Syr. sentent.
449.

curandum summo opere est, non ut quam multis, sed qualibus unusquisque placeat; quum ea, quae ipse agit, Sapientibus haud omnino displicere animadvertit, ceu summa potitus gloria, nihil insuper exoptandum sibi fore putans, eo majus in dies sibi ad virtutem incitamentum addi, alacrioremque ad studium se fieri, mirabiliter sentit. At caeterorum, qui vel inconsulto, vel non aequali lance, aliena pensitare consuecunt, licet eisdem omnino probetur, judicia prorsus ipse despi-

Senec. Prover.

cit; eo vel maxime quia, monente Seneca, *Malis displicere laudari est*. Nam probi Viri ab improbis

Petr. Haed. de
miseria hum.
lib. 2. p. 45.

laudari neque optant, neque gaudent; quod eorum praeconia, tanquam e vase inquinato, foetidoque quodam

erum-

[V]

erumpentia , non modo nibili pendenda , sed nec audienda quidem putant . Siquidem quicumque mente nimium agitata res ipsas judicare conantur , ii non aliter , quam illi , qui vertiginem patiuntur , omnia verti putant , [ut Plato inquit] cum ipsi vertantur . Quemadmodum itaque Viri illius , a quo laudes eveniunt , praestantia Homini commendato decus affert ; ut eam , quam abs Te gloriam in me video proficisci , unicuique patefaciam : quis revera , quantum sis , explicare aggrediar . Ecquem porro fugit , Te plurimis , conspicuisque dignitatibus antehac insignitum , Senatoria modo diratum , Toga , non tantum vetustissima Generis Tui nobilitate , verum etiam sapientia , sacris Religionis nostrae dogmatibus apprime consona , omni-que doctrinae , ac virtutum genere praeditum , prudentia praecipue , integritate , fortitudine , ac-quitate , liberalitate , nec non in maximis geren-dis negotiis dexteritate , valere plurimum ; adeo quidem ut eorum omnium , qui ad Te libentis-sime confugiunt , plausum , & admirationem . Tibi conciliaveris ? Quae sane omnia , praeter tot alia , quibus summopere praestas , si pro di-gnitate prosequi vellem , dies plane me defice-ret . Caeterum in celebranda praeclariissimae Fa-miliae Tuae nobilitate , plurimis firmata saeculis ,

Marfil. Ficini:
de Vita sana
cap. 7.

[VI]

Isaac. Voſſius
variar. obſerv.
lib. cap. 13.

non eſt, cur immorer: cum ex illis Tu proſecto
ſis, qui huiusmodi decus, ut ut eximium, a
Majoribus tantummodo dimanans, plurimi qui-
dem faciunt, at ceu quid extrarium habendum
eſſe, pro certo credunt. Quamobrem, licet Tibi
Sinarum institutum haud prorsus arrideat, qui
gentilitiam deſpicientes, nobilitatem ſolis attri-
buunt Litteratis: cum Homines apud ipſos, li-
cet honeſto loco nati, *ſi indocti, & ignari fuerint,*
ad priſtinam denuo relabuntur conditionem, & Plebejis
accenſeantur: eo pluris tamen Generis praeſtantiam
faciendam eſſe arbitraris, quo magis ſcientiarum
cultu ea fuerit illuſtrata. Quidquid itaque decoris,
& gloriae (quod certe maximum eſt) a Majo-
ribus Tuis naſtus undequaque eſt, illud abs Te
uno ſplendidius evaſiſſe, fatentur omnes; veram
ſcilicet in Te ſapientiam, omni virtutum, & doc-
trinae genere partam, plurimum ſuſpicientes.
Et ſane quo ſaepius ad Te accedo, maiorem
ſemper e Tuis moribus, Tuiſque eruditiffimis
ſermonibus haurio ſuavitatem: cum inde ad vir-
tutem, pietatemque, additis, ut ita dicam, cal-
caribus, excitari me ſummopere ſentiam. Illud
autem potiſſimum in Te etiam atque etiam ſpec-
to, nec id ſatis unquam laudibus efferre poterō,
quod in Tuis cogitationibus, atque operibus, haec
Tibi

[VII]

Tibi prima est, & antiquissima ratio, ut Deum Optimum Maximum, a quo uno, quae vere bona sunt, emanant omnia, humanis rebus, quae fluxae nimis, infirmaeque sunt, penitus anteponas. Enim vero per Te illud stat imprimis, nec unquam Tibi mente excider, omnium etiam virtutum pietatem in Deum esse fundamentum, unde alia quaeque bona semper fluunt. Hinc tantum abest, ut quis per Te doctrinae studio ita se rapi putet, ut illud tantum anhelare se sentiat, quod ejus Mens, omni sublato sacrae Religionis repagulo, velut Equus, solutis habenis, huc illucque pro arbitratu discurrat, deque omnibus liberrime judicare se posse, audacter praesumat; quin etiam omnibus, qui Te documento habentes, in litteris se totos abdunt, religione vitae nihil est antiquius. At, dum ita de Te a vero Animi sensu judico, nihil me gratia, nihil afficit ambitio; imo equidem (quod in hanc rem facit) de Teipso cum Cicerone loquar. *Cum multis aliis de causis Virorum bonorum mentes divinae mihi, atque aeternae videntur esse, tum maxime quod optimi, & sapientissimi cujusque Animus ita praesentit in posterum, ut nihil, nisi sempiternum spectare videatur. Hujusmodi propterea nobilitati, atque verae sapientiae insistent, nihil Tu meditaris, nihil studes, aut*

Cicero Orat.
pro C. Rabirio,

[VIII]

agis unquam, quod Deo displiceat, quod Homi-
nibus non profit; quum unicuique quod suum
est, pro Instituto Tuo, jugiter tribuas. Quae
dum summa cum laude praestas, Tuo commo-
do, Tuaeque minus, quam aliorum, utilitati in-
serviens: quotquot ad Te saepissime confugiunt,
ii nunquam abs Te discedunt, quin comita-
tem morum, lenitatem sermonis, & omnige-
nam eruditionem Tuam uno ore depraedicent;
atque in Te oculos, tanquam in speculum, con-
jicientes, ex Te sumant semper, quod imitentur.
Quia tamen in Reos quoscunque aequae justus es
vindex, ac suavis, & hilaris erga Probos, & In-
nocentes; dum ex aequo utrinque decernis, adeo
in omnes Jus Tuum exerces, ut nec precibus,
nec donis, nec quacunque de causa ab eo recedas
quidquam, quod rectum Tibi exhibet iudicium.
Atque haec omnia ut aequabiliter agas, aliorum
bono accurate, & gloriose studens, nullis unquam
laboribus, vigiliisque parcis. Eapropter ex iis Te
revera, esse quisquis existimat, *quorum oculos* (Cice-
rone teste) *virtutis splendor occupavit, gloriaeque stu-*
dium delinivit; qui nempe nec laborem sentiunt, &
si tantus est, ut aliquando erumpat, eo tamen non ma-
gnopere moventur. Toti enim in eo sunt, ut prosint Pa-
triae, immortalemque sibi nominis memoriam comparent.

Ira

Cicero de
Consolatione
n. 28.

[IX]

Ita in omnibus idem videris esse semper , dum vigilantissimi simul, & aequissimi Praetoris munus Cremonae geris : ad quod profecto (juxta Plutarchi monitum) delectus diceris , *non tam is nempe, qui clarus sit, & potens, quam qui eo per virtutem aspiravit.* Quae omnia nil mirum est quod Tu nobiscum tam gloriose peragas; cum Mediolani, Patriae diligenter inserviens, summis additus muneribus, atque praeclaris dignitatibus decoratus, illud de Te ipso specimen omnibus praeberis, ut jure meritoque par sit statuere, quod illis Tu majus addideris decus, quam inde quomodolibet acceperis . Sive enim Urbis illius bis Praefectus , sive in Capitalibus rebus supremus Judex constitutus, sive Regii Fisci Patronus designatus, sive in gravioribus agendis negotiis fueris persaepe delectus, atque tandem Conscriptorum Patrum Regio-Ducali Coetui adscriptus: cum Tibi semper constiteris, omnium plausus , & encomia promeritus es, in publicam tranquillitatem, utilitatem, felicitatemque pro virili incumbens. Sapientiae insuper , & admirabili dexteritati Tuae quam maxime debet Collegium Nobilium Jurisperitorum Mediolani , in quod merito pluribus abhinc annis fuisti coopratu : itidemque debet maxime Collegium Nobilium Physicorum , cujus

Plutarchus
praecept. politico.

Con-

[X]

Consultorem egregium ego quoque Te sum expertus, tunc cum, Tuis fretus officiis, eidem illustri Coetui (non ut medendi facultatem exinde obtinerem, quam alioquin ii, qui publico Artis magisterio praestant, ex se ubique habent, sed honoris dumtaxat causa) aggregatus distincte fui: quod ita quidem extero nemini usque in hanc diem concessum est. Possem denique, quin imo deberem tot alia, eaque maxima, quibus me cumulasti, beneficia commemorare, pro quibus pares nunquam referre grates potero. Sed desunt dicenti verba, renuitque magnanimitas, & renuit aequa Mens Tua, omni virtutum genere illustrata; unde Tibi semper praesto illud est Senecae dictum: *non est beneficium, quod in quaestum mittitur. Hoc dabo: hoc recipiam: Auctio est.* Adeo autem benemerendi de omnibus es sollicitus, ut etiam in Inuitos, etiam in Ingratos beneficia plena manu congerere quotidie studeas. Quod enim a Seneca didicisti, illud Tibi passim in ore sonat: *demus etiam, si multa in Inuitum data sint: demus ipsis, apud quos jactura facta est.* Quae cum ita sint, non modo ob sublimem Dignitatem, qua fulges, sed praesertim ob excelsas Animi Tui dotes, Te dum intuentur omnes, laetantur maxime, Teque sicuti nobilitate, ita virtutum,

&c

Seneca de
benefic. lib.
4.

Idem ibidem
lib. 7.

[XI]

& doctrinae quocunque genere praestantissimum admirantur, & summis efferunt laudibus; ac ego, prae aliis, Te colendum omnifariam esse judico. Verumtamen, quum is ego sim, qui, quo me voluntas ducat, a ratione profecta, eo libenter sequor: gessi morem. Animo meo, tacite hortanti, ut hanc meam, ad Te colendum, propensionem, non modo Tibi, sed, quatenus ego possim, caeteris etiam, publico aliquo officio declararem. Idcirco cum tulerit occasio, Commentaria in EBENBITAR tractatum de *Malis Limoniis* vulgandi: peropportuna ad id, quod statueram, visa mihi res est. Nam hunc librum, si Tuo praeclarissimo inscriptum nomini, publici juris facerem, putavi me praestare quidquam, quod utrique nostrum conveniret: Tibi nempe, quia nonnulla eruere hinc dogmata poteris, quibus valetudini Tuae consulens, diutissime vivas incolumis: mihi vero, quia Operi ipsi summum inde decus accedet; unde & probis Viris placeat, & Obrectatorum iniquas artes effugiat.

Illi, qui acidi vegetabilis virtutem aut ignorant, aut damnant, egregio se Medicamento privant.

Jo: Frideric. Bachstrom de Scorbut. natur.

Ego autem, sine jactantia, affirmo, me ex nullo alio remedio simplici tot felices effectus in tota Praxi mea observasse, quam ex Limonibus.

Martin. Lister Tract. de Morb. Chronic. exercit. 5. ita sentit ex Pisone Batavo.

[XIII]
BENEVOLO LECTORI

COMMENTATOR S.

Vir magni nominis, ut alii, qui Cremonae summa cum laude Medicinam faciunt, Martinus Ghisius, meus quondam Discipulus, aliquot abhinc mensibus EBENBITAR tractatum de Malis Limoniis hic Typis edidit, quem quidem, a tribus circiter saeculis latinitate donatum, manuscriptum ab Amico acceperat. Eum Medicis omnibus, ad exercendam Artem, summo opere utilem censuit: cum plurima, quae de istorum fructuum facultatibus haud penitus perspecta fuerant, ibi breviter indicata deprehendisset. Idcirco nullus dubitavit, fore ut quilibet consilium suum probaret; eoque magis, quia aetate nostra, plusquam alias, isti fructus, non tantum ad voluptatem, verum etiam, firmandae, ac restituendae valetudinis, causa, passim adhiberi solent; unde & plurimi a sanioribus Medicis aestimantur. Cumque praeterea perspectum satis haberet, me fructuum eorumdem suavi aequae, ac utilissimo praesidio, prae aliis, maxime tribuere, ita quod aliquando de iis disserere adamussim vellem: eundem tractatum meo nomini inscribere voluit; eo sane animo, ut non modo me ad exaranda citius in Auctorem commentaria urgeret; sed etiam ut unicuique ostenderet, quantum eorum memor esset, quae sponte, plurimis abhinc

[XIV]

ab hinc annis, effecerant, ut eum, ad Medicinæ studia anhelantem, Theoriæ, Anatomæ, Praxeosque Doctrinis primum imbuerem. At, quia, vix aliquibus in vulgus emissis exemplaribus, altera fortuito hic prodit ejusdem tractatus editio, Venetiis acta, apud Oratium de Gobbis anno 1583., curante Francisco Butiriono: de hoc Lectores, congrua adjecta schedula, monitos statim voluit. Haud enim immerito sibi persuaserat, quod, cum antea pro certo haberet, nondum tractatum hunc fuisse vulgatum; id aliquis illi vitio vertens, omnino consilium suum reprobaret: perinde ac si ipse, qui publicæ salutis sic optime consuluerat, alios decipere vellet, indebitamque sibi gloriam asciscere. Verumtamen ego tantum absui, ut de ipso sic temere judicarem, quin palam dixi, in hoc semper Editoris voluntatem, benemerendi de omnibus, commendandam esse; nisi ei quispiam injuriosus esse mallet. Ecquid enim, obsecro, ultra agere ille poterat, posteaquam, quotquot alibi habebat in Historia medica versatos Amicos, etiam atque etiam rogaverat, quod, si quidquam de hoc Autore, ejusque tractatu, iis innotuisset, eidem ingenue significarent, ut mendacii notam ipse penitus effugeret? Idem propterea Clar. Ghisio contigit, quod Gaspari Bindonio anno 1602. (a.) Parisiis evenit, dum hunc tractatum, nun-

(a.) Editionem hanc indicant Mangetus Bibliothecæ, Scrip. Med. 1om. 1. part. 1. lib. 1. pag. 109. Itidemque part. 2. lib. 5. pag. 215.

nunquam hactenus [*ut iste loquitur*] in publicum aspectum *omissum*. edere , atque Excellentissimo Viro Vido Vidio. Juniori Medico dicare voluit: atque cum *is summam* apud aequos rerum Aestimatores gratiam promeritus sit; id ipsum & Editori nostro concedendum esse, inficiari nemo ausit. Neque minorem sibi in hoc comparasse laudem mihi Ghisius videtur quam Salustius Viscanti [*cujus exemplum ipse pene sequi visus est*], qui nempe cum anno 1576. utilissimum tractatum de Peste, jamdudum a Saladino Ferro Esculano conscriptum, educere in vulgus vellet, nec alioquin certo sciret, num antea revera prodisset: nihilominus, ne quidquam communi deesset bono, id, quod statuerat, praestitit: de quo quidem Lectores data opera (b) commonefecit. Quidquid itaque moro-

215.: Linden. renovat. &c. a Georg. Abrah. Mercklin. continuat. pag. 260.: Haller. Method. stud. med. Boerhaav. Edit. Venet. Tom. 1. pag. 210.: atque demum nobilitate aequae, ac doctissima praestantissimus Comes Jo: Maria Mazzucchellus Vol. 1. part. 1. Gli Scrittori d' Italia, verbo Alpago &c.

- (b) Discorso di Peste di M. Andrea Gratiolo di Salò ec. ed appresso un trattato di Peste ec. non più veduto di Saladino Ferro Ascolano. *Ea vero, quae in epistola nuncupatoria Salustii Viscanti ad Cardinalem Moronem ibi conscribuntur, cum ad propositum nostrum faciant, hic placet referre.* — Ho molte volte cercato d'intendere, se o per via di stampa, o in altro modo fosse di questo Autore, e del presente suo Scritto qualche notizia tra i Medici del nostro tempo, ne mai alcuno me n'ha saputo dar nuova alcuna: Sia, o non sia noto altrove, a me non è noto, che egli sia noto: mi è bene cosa notissima, che sarà molto commendevole opera di carità verso l'umano genere, che questa Opera sia pubblicata ec.

[XVI]

inorosos, quam par est, ii Censores dicant, qui sua tantummodo, quaecunque ea sint, commendantes, aliena passim maligne carpunt, atque spernunt: Ego tamen optimam Ghilii voluntatem efferre laudibus nunquam desinam. Eum praeterea laudabo semper, quod, quae ad Arabicum hunc Auctorem spectant, aliquas addiderit notiones, quas vel ipse proprio Marte sibi comparaverat, vel aliorum causa fuerat assequutus. Atque in hoc potissimum, ut omnes intelligant, me ejus consilii rationem penitus sequi, alia quoque, data opera, subnectam, quibus ipsi ultra morem gerere, & Eruditus quibuscumque aliquatenus satisfacere valeam. Horum pleraque ab Auctoribus erui: nonnulla mihi humane reddidit Clar. Medicus noster Joseph Migliavacca, & ipse meus olim Discipulus: ex quibus aliqua ipse obtinuit a Clar. Bononiensis Instituti Academico Francisco Maria Galli Bibiena: cui proinde me quoque debere plurimum, fateor, eoque magis quia memoratae EBENBITAR editionis Parisiensis Exemplar, quod a Clar. ejusdem Celeberrimi Instituti Academico Joseph Biancano receperat, ad praeclaudatum Migliavaccam misit, ut illud meo inserviret usui.

In primis itaque si EBENBITAR nomen quis consideret, etiamsi diversimode ab Auctoribus conscriptum illud sit, haud quidquam dubito, quin eundem Arabicum hujusce tractatus Auctorem ii omnes indicaverint. Is a Celeberrimo Hallero EBNBITAR nominatur; in quo Typographum

[XVII]

phum accusare (c) malo : cum nemo sibi unquam persuaserit , quod accuratissimus hujusce aevi , doctissimisque ille Auctor , qui Bindonii praedictam editionem [in qua EMBITAR nomen a Mangeto , Lindenio , aliisque legitur] commemorare voluit , illud male adeo designaverit . Imo ego , summam in caeteris Halleri diligentiam admiratus , verisimilius existimo , quod ipse , Bindonii errorem corrigens , EBENBITAR scripserit : unde , per incuriam Typographi , omissa littera E , EBNBITAR postea fuerit impressum . Etenim , licet in Cremonensi Manuscripto , atque proinde in Ghisiana editione , nec non in altera Veneta Buttironi , Arabs iste Medicus EMBEBITAR dicatur , [uti ego ipse , utriusque vestigia sequens , in Commentariis scripsi] rationi tamen consonum magis mihi modo videtur esse , quod EBENBITAR debeat dici : sicuti in hujusce Libri titulo postea inprini curavi . Namque in hoc praesertim , ut arbitror , plurimam tribuere debemus auctoritati Andreae Alpigi Bellunensis , cum in alio quovis doctrinae genere , tum in Arabica lingua [teste Nicolao (d) Massa] peritissimi : qui scilicet Arabicorum nominum significatum explicans , & in

↓
Arabi-

(c) Method. Studii Medic. Boerhaav. cum notis Halleri Tom. 1. Edition. Venet. 1753. pag. 210.

(d) Nicolaus Massa in Avicennae Vita, ejusdem Operibus praefixa, ubi de Alpago loquitur, haec habet. — Et quamquam plures, qui titulum librorum Canonum exposuerunt, aliter interpretati

[XVIII]

Arabicorum (e) verborum latina interpretatione , (f) EBENBITAR semper scripsit . Atque hic scribendi modus , in Arabicis designandis nominibus , quod apud Arabes familiaris fuerit , eo clarius tunc Alpagus ostendit , quum alios Avicennae Expositores , aut Arabicae locutionis Interpretes , praeter EBENBITAR , nominat : Ebensem videlicet , Ebengiesle , Ebengian , & Ebencos &c. Eadem insuper Bellunensis interpretatio , quae speciales Avicennae denominationes ibidem explicat , conjectandi merito nobis ansam praebet , nomen EBENBITAR ostendere , quod Arabs iste Auctor habendus sit , uti a BITAR descendens : sicuti Avicenna nominatus Ebenhali indicat quod sit descendens a Patre suo Hali ; & Ebenfina praefert , quod sit descendens a Sina , qui ejus Avus fuisse dicitur . Alias etiam denominationes fas hic est adjungere , quibus eruditissimus Seguierius (g) EBENBITAR diversimode exhibet : nempe BAITAR , IBNU-

EL.

pretati sint , nihilominus majorem fidem interpretationi Andreae Alpagi , Viri in Arabica lingua , praeter ceteras doctrinas , exercitatissimi , adhibendam esse censui , quam reliquis : quoniam nonnisi a doctissimis Arabibus , tum Avicennae discipulis , tum interpretibus , fide dignis , accepit , nobisque tradidit .

- (e) Andreae Alpagi Bellunensis de Arabicorum nominum significato . In *Operibus Avicennae* .
- (f) *Idem ibidem* . Arabicorum nominum , quae in Avicennae Libris sparsim legebantur , ad mentem Expositorum Arabum , latina interpretatio .
- (g) Jo: Francisc. Seguier. *Biblioth. Botanic. Part. I. A.*

EL·BAITAR, ARENBITAR, EBENBITAR, EMBITAR
 & ABDULLAB·BEN·ABMED. Qui porro diversi expli-
 candi modi quomodonam, & qua ratione hunc eundem
 Arabicum Auctorem significent, ii tantum docere nos po-
 terunt, qui in eo idiomate sint exercitatissimi. Ego autem,
 qui hoc prorsus ignoro, vulgarem significationem, a tot
 saeculis confirmatam, sequens, EBENBITAR dicam. Segui-
 erius insuper nos admonet, quod EBENBITAR Malaccæ
 obierit, in ea scilicet Indiarum Urbe (h) extra gangem,
 quam Emporium celeberrimum cum portu, & ar-
 ce prope ostium dicunt, nec non etiam Caput regni
 cognominis, in parte australi Aureae Chersonesi
 ad fretum Malaccæ; de qua quidem Urbe, præter
 caeteros fufius agit Strabo, (i) & P. Tursellinus (l).
 Nec enim, ut opinor, hujusce Urbis nomine altera intel-
 ligi hic potest Malacha Hispana Regni Granatensis, sita
 in ora Maris Mediterranei; cujus ibidem meminit Lazor.
 Præterquam quod, si, Seguierio teste, dicendum sit, quod
 EBENBITAR extremum compleverit diem anno Christi
 1216.; nisi brevem admodum ipsi vitæ terminum statua-
 mus [quod veri similitudini opponitur, cum agatur de
 Litterato Viro, Medicis elucubrationibus celebri]: Halleri
 testimonio, par erit dicere, quod ipse vixerit anno 1187.,
 † 2 Sala.

(h) Alphonf. Lazor a Varea Univerf. Terrar. Orb. Tom. 2.

(i) Strabo Geograph. lib. 7.

(l) P. Horat. Tursellin. de Vit. S. Franç. Xaver. lib. 2. cap. 18.

Saladini scilicet aevo. Neque tamen hic, Saladini nomine, possumus intelligere Saladinum, celebrem Esculanum Medicum [uti forsitan aliquis ex Junckeri (m) asserto poterit conjicere] : cujus nempe tractatum de Peste supra commemoravimus ; unde, eo satente, clare deducitur, quod ipse id scripserit anno 1448. Quapropter Saladinus, Rex Syriae, & Aegypti, ob quamplurima facinora celeberrimus, hic indicatur, qui anno 1164. Aegyptum cepit, & mortuus est (n) anno 1193. Cum itaque saeculo XII., vel initio XIII. Arabico idiomate tractatum hunc de Malis Limoniis EBENBITAR scripserit, ipsum postea latine reddidit Andreas Alpagus Bellunensis, quem initio Saeculi XVI. floruisse, praecitatus eruditissimus Comes Mazzucchellus ibidem auctor est. Attamen ex hisce non aequè patet, quod EBENBITAR noster ille ipse sit, quem Auctorem Libri de Medicamentis Simplicibus fuisse Bellunensis, aliique permulti censent. Etenim Alpagus, etiamsi in Avicennae Operibus, atque praesertim in Arabicorum nominum interpretatione multoties EBENBITAR nominet, tam uti unum ex Avicennae Expofitoribus, quam uti Auctorem praefati Libri de Simplicibus : nunquam tamen, [quod ego sciam] hunc de Limoniis Malis tractatum ibidem tangit, quem ipse cacteroquin ex Arabico Ser-

(m) Juncker Conspect. Physiolog. &c. Tab. 1. Saecul. XII. n. 39. Inter Italos celeberrimos Medicos, qui Saeculo XII. floruerunt, Saladinum ab Esculo recenset.

(n) Morer. Le grand Dictionair. Historiq. Tom. 4.

Sermone in Latinum converterat. Eoque magis de hoc ipso dubitandi nobis ansam praebet Seguierius (o), qui Arabicum Auctorem Libri de Medicamentis Simplicibus in decem Capita digesti, commemorans, dicit, eum scripsisse anno Christi 1295., novem nempe supra septuaginta annis ab obitu alterius EBENBITAR, de quo paulo antea verba fecimus. Praeterea dubium quoque movent diversi illi modi, quibus Auctor Libri de Simplicibus, ad differentiam alterius, in eadem Seguierii Bibliotheca nominatur. Illius quippe alia nomina ita ibidem scripta reperio. ABDULLAB-BEN-ABMED, BEN-MUHAMED, & MALEQUI ELASCIAB, notior nomine IBN BEITHAR. Nihilominus secus etiam conjectari nobis hinc licet; quippe quia tam BEITHAR, quam ABDULLAB-BEN-ABMED nomina alteri pariter assignata conspiciuntur, etsi in aliis minime consentiant: unde non immerito suspicandum foret, quod, ob errorem Typographi, tam diversa illa annorum nota fuerit huic assignata. Contra tamen illud maximi momenti adhuc esse reor, quod, ubi in praecitata Seguierii Bibliotheca, tractatus de Limoniis Malis Auctor EBENBITAR, sive EMBITAR dicitur; nullo modo Lectorem admonet, quod ille ipse quoque Librum de Medicamentis Simplicibus exaraverit; de quo postea in secunda parte ejusdem Bibliothecae mentio habetur, ut diximus.

Addo denique, quod Junckerus (p) de Abenguefit Bulca-
fen loquens, ceu de Scriptore Saeculi XII., eidem adjungendum
esse monet ABENBITAR, velut Auctorem Operis, quod de
Simplicibus Medicamentis, ordine alphabetico, con-
geſſit: de quo quidem Stollii Historiam [quam ego haec-
tenus nunquam legi] conferendam esse animadvertit. Unde, ſi
dicamus cum Junckero, quod ipſe ABENBITAR ſcripſerit
Saeculo XII, hoc non conſentit cum Seguierii Bibliothe-
ca, quae anno 1295. illud Opus conſcriptum eſſe, designat.

Aſt haec omittamus, quae ſane, quomodocunque ea ſint,
ad propoſitum noſtrum parum faciunt. Intereſt enim magis,
quod unusquiſque ſciat, me, ut publica grati animi ſignifica-
tione, collatum mihi a Ghifio munus, quoquo modo auge-
rem, Traſlatum EBENBITAR commentariis, uti potui,
explicavi, propter quod eo utilior, ad exercendam Artem,
Tyronibus poſſimum evaderet. Haud enim deſpero fore,
ut conatus mei ſanioribus Medicis quadantenus ſatisſaciant:
eo quia nunc magis, quam alias, ſucci praecipue Limo-
niorum uſus plurimi fieri ſoleat: quotieſcunque ſcilicet aut
in Sanis, aut in Aegrotis alcaleſcant humores, vel bilis
abundet, vel aeſtuet nimis: ſimulac inde caeteris gravior
paratur potio. Idcirco tametſi certo ſcirem, bujuſce ſuavis
pharmaci uſum ſatis nunc notum cuique eſſe, nec non ubi-
que locorum familiarem penitus; non ideo tamen a propo-
ſito deſiti. Nam eo praecipue animo commentaria haec con-
ſcripſi,

(p) Juncker. Conſpect. Phyſiolog. &c. Tab. 1. Saec. XII. n. 37.

scripsi, ut modum Tyrones agnoscerent, atque tempus, quo, juxta peculiares circumstantias, hisce fructibus utendum nobis est, aut ab illis abstinendum, ne forte summis eorum laudibus alliciti, iis frustra, vel temere ipsi utantur. Etenim verebar, ne ea, quae summam de Malorum Limoniorum facultatibus scripserat EBENBITAR, uti nimis revera probant, ita facile incautos deciperent Medicos. Alioquin, si Arabicus hic Auctor fluxe magis, quam par erat, eorum vires commendare visus est, excusationem mereretur: cum ille primus inter Arabes Medicos eoque magis inter Latinos, adamussim de iis edisseruerit. Quandoquidem, quae de Malis Medicis, scilicet de Citriis, apud Priscos Artis Professores, laudes existunt, non omnino ad Limonia pertinent [licet maxima inter utroque fructus similitudo intercedat] uti fusius in commentariis ostendemus. Atque hoc profecto Alpagus indicare tunc voluit, quum, ad Benedictum de Montefilice scribens, animadvertit, quod ab Avicenna, & a Latinis diminute de ipsis scriptum fuerit, eorundemque juvamenta ab ipsis Latinis praesertim fuerint ignorata. Siquidem hoc adverbium barbarum diminute, non exacte, non accurate, non diligenter, sed parce potius hic sonat, vel paululum; nisi alioquin Glossarii (q) explicationi quispiam inhaerens, existimet, quod diminute idem hic significet ac de verbo ad verbum, aut

†

4

potius

(q) Glossarium ad Scriptor. mediae & infim. latinitatis &c.

[XXIV]

potius minutim, vel minutatim: ex quo sane Belli-
 uensis mentem haud satis hic assequi possumus. Preter-
 quamquod, me toties antea errasse, candide, libenterque
 fateor, quoties in aliis, a me editis, Libris, de horum
 fructuum praestantia loquens, non Limonia, sed Medi-
 ca Mala [quod sane ad Citria magis proprie spectat]
 scripsi, caeteroquin alios non paucos imitatus, qui eodem
 modo pluries hallucinati sunt; adeo ut aliqui fere ad libitum
 tam Citria, quam Limonia Mala appellare visi sint,
 atque simul utrorumque fructuum facultates quammaxime
 confundere. Hinc quoque factum esse censeo, quod celebra-
 rimus Civis noster Baptista Platina [quem melius Bar-
 tholomaeum de Sacchis Historicus noster Char. Fran-
 ciscus Arisius (r) vocat] Malorum Medicorum no-
 mine, non Citria, non Limonia, sed Aurantia specia-
 tim tunc indicare voluerit, cum pleraque, ad Citriorum
 minas facultates pertinentia, summam (s) recensuit. Neque
 vero.

(r) Francisc. Aris. Cremon. Literat. Tom. 1. §. 75. I

(s) Platina de honest. volup. & valetudi. lib. 2. de Citro, *cujus-
 quidem, quas ipse memorat, proprietates, haud abs re hic eris
 subnectere, dum ita ait. — Citrum, vel Citreum Cloantius &
 Malum persicum a Provincia vocavit. . . .* Varia habentur
 genera. Alia enim sunt, quae Sylva confinis Mauritaniae
 producit. Alia, quae in Italia, & Media nascuntur. Omnium
 tamen magnitudine, potiusque genere differentium, eadem
 fere vis est. Oloratissima enim sunt: & vestibus interjectas
 tineas necant: Unde & odorata vestis citrosa a Nevio voca-
 tur. Generantur autem in Perside omni tempore. Alia enim
 praecar.

vero putemus, quod si fructus isti, ut diximus, Mala Limonia vocitentur, cum Limonio (t) herba ii unquam possint confundi: quippe quod Limonium Malum qui scribit, is aequivocum omne tollit.

Cum itaque Commentaria haec scribere, nec non edere modo decrevissem, tam Cremonensem EBENBITAR editionem, quam Venetam, & Parisiensem ob oculos habui, easque omnes, veluti Textum hic Lectoribus data opera exhibui; atque tunc praecipue, quum inter editiones hasce differentiam eam adesse deprehendi, quae alicujus momenti foret: dum alioquin diversae interpunctionis nihil pene sollicitus fui. Ita & neminem movere debet, si aliquot EBENBITAR excidere voces, quae alicujus forsitan obtundere aures queant, cum illas tunc temporis ejusmodi Auctorum scribendi consuetudo ferret. In hisce vero Commentariis exarandis, ut aliquo

praecarpuntur: alia interim maturescunt. Putantur enim in venenis contraria, quod trita cum vino purgatione virum suarum bibentes servant. Non tamen una, eademque virtus in omnibus Citri partibus est. Putamini enim calida sunt: quod intus est, semiacidum: ac per hoc stypticam vim habere manifestum est. Assis, & calidis obsoniis adhibentur omni tempore: aestate tamen praecipue: quod bilem reprimunt, sitim extinguunt, & desiderium edendi inducunt. Multis Aegritudinibus Citrea vis medetur. Nam & praegnantem Mulierem a nausea vindicat: & tritum in portione Vini datum, Lieni, ac quaerelis Jecoris medetur. Sunt qui Citrum tessellatim concisum, ex sale, oleo, & aceto comedant. De Malis Citreis, vel Medicis, quae vulgo Naranja vocamus, eadem fere dici possunt.

(t) Matthiol. Com. in lib. 4. Dioscoridi.

aliquo procederem ordine , Francisci Buttironi exemplum imitatus, EBENBITAR opusculum in tot divisi capitula: in quibus singulis, simulac Auctoris mentem assequi conatus sum, quamplura fusius, clariusque explicui, quae vix cortice tenuis, ut dicimus, indicata ab eo fuerant; uti ea, quae magis scitu digna mihi visa sunt. Idem & alia addidi, quae ad eandem materiem quomodolibet spectarent, aut saltem instruere Tyrones possent; adeo ut ipsi causas, vices, complicationes, aliasque differentias eorum morborum assequerentur, in quibus speciali modo ad Limoniorum Malorum usum, iis unquam, ratione duce, confugere necesse foret. Ita enim fiet, quod ipsis nunquam illud Plutarchi (u) dictum aptetur: Qui multis Aegris paria medicamina, exquisito modo, & pondere dispensat, ridiculus sit. Quandoquidem mea maxime intererat, ut non modo iis faverem, qui jure huic remedio, pro re nata, sunt additi; verum etiam eorum incongruam ceciderem sollicitudinem, qui ad illud semper indiscriminatim sese referunt.

Meam ergo mentem paucis accipe, Lector benevole. Nec enim diffido scire, ut laboribus meis faveas, aut alii saltem hinc excitentur, ut nova, eaque meliora addere in posterum quaerant. Atque, cum hisce temporibus, longe facilius, quam olim, Censeres insurgant, & ii praecipue, qui, etiam ultra proprios cancellos, dominatum afficiant; hocce, cum

Cicerone

(u) Plutarch. Quaest. Conviv. lib. 2.

[XXVII]

*Cicerone (x) sic alloqui opportunum existimo . A vobis ,
Judices , antequam de ipsa causa dicere incipio ,
haec postulo : primo id , quod aequissimum est ,
ut ne quid huc praejudicari afferatis . Etenim
non modo auctoritatem , sed etiam nomen Judi-
cum amittimus , nisi hic ex ipsis causis judicabi-
mus : ac si ad causas judicia jam facta domo de-
feramus . Deinde si quam opinionem jam vestris
mentibus comprehendistis , si eam ratio conveller ,
si ratio labefactabit , si denique veritas extorque-
bit : ne repugnetis , eamque animis vestris aut
libentibus , aut aequis remittatis .*

(x) Cicero pro A. Cluentio Avito .

EX mandato A. R. P. F. Aloysii Chiefa O. P. sacrae Theologiae Magistri, & Vicarii Generalis S. Officii Cremonae attente legi Librum, cui titulus : *In Ebenitar Tractatum de Malis Limoniis Commentaria Pauli Valcarengi &c.* Nihil in eo reperi, quod probis moribus, aut Catholicae Fidei adverfetur : immo, fpectata Nobilis, & Celeberrimi Profefſoris perſpicacitate, doctrina, & eruditione, qua Opusculum hoc eleganter illustravit, maximum inde, ob plurimas in primis Theoriae, & Praxeos animadverſiones, tanto Viro dignas, ad Medicos emolumentum permanare, cenſeo.

Cremonae Idibus Julii MDCCLVIII.

*Joſeph Migliavacca Philoſ. & Med. D.
& S. Officii Medicus.*

Attenta ſupraſcripta
Atteſtatione

Die 29. Julii 1758.

IMPRIMATUR

*Fr. Aloyſius Chiefa Vicarius
Gen. S. O. Cremonae.*

1758. 30. Julii
IMPRIMATUR
De Silva Praetor.

INDEX CAPITUM.

- CAPUT I. **D**E malis Limoniis in genere, atque præcipue de eorum cortice. pag. 5.
- CAPUT II. Quod duobus modis ex malis Limoniis exprimitur succus. pag. 24.
- CAPUT III. De natura, & proprietatibus succi malorum Limoniorum, cum suis corticibus expressorum. pag. 41.
- Articulus I. Quod malorum Limoniorum succus incidens, & abstergens suapte natura vere sit. pag. 43.
- Articulus II. Quod malorum Limoniorum succus, uti abstergens, ab extra Corpora detergat, ideoque in plurimis cutis morbis utilis sit. pag. 49.
- Articulus III. Quod malorum Limoniorum succus, ut incidens, tenaces, & viscidos humores adeo solvat, ut genitos ab iis morbos evincat. pag. 55.
- Articulus IV. Quod malorum Limoniorum succus, uti attemperans nimium humorum æstus, valeat in febribus inde ortis, in inflammationibus, & apostematibus peculiaribus. pag. 59.
- Articulus V. Quod maiorum Limoniorum succus potissimum attemperet Bilis æstus, seu maris, furorem, ideoque sedet morbos, & accidentia, quæ ab illa fiunt. pag. 71.
- Articulus VI. Quod malorum Limoniorum succus, simulac humores attemperat, insuper incidat, & abstergat, juxta indigentiam. pag. 86.
- Articulus VII. Quod malorum Limoniorum succus, tanquam Bezahar contra venena, sive tanquam alexipharmacum remedium, haberi merito debeat. pag. 100.
- Articulus VIII. Quod malorum Limoniorum succus non noceat alicui.

[XXX]

alicui membro, sed nervis tantum, & iis demum
Hominibus, qui frigida temperie pollent, pag.
128.

Articulus IX. *Quod malorum Limoniorum succus magis, quam
Acetum, conveniat, congrua facta utriusque com-
paratione. pag. 136.*

Articulus X. *Quod malorum Limoniorum succus, pro nutriendo
Corpore, nihil valet. pag. 143.*

CAPUT IV. *De Virtutibus Seminum Limoniorum 146.*

CAPUT V. *De Limoniis salitis. 151.*

CAPUT VI. *De Limoniis insertis super Citrum. 157.*

CAPUT VII. *De Syrupo de Limoniis. 167.*

CAPUT VIII. *De Juvamentis pluribus Syrupi de malis Limoniis.
175.*

CAPUT IX. *De Syrupo Limoniorum cum Citoniis. 192.*

CAPUT X. *De Syrupo Limoniorum cum Mentha. 200.*

CAPUT XI. *De qualitatibus succi Limoniorum, Soli expositi.
211.*

CAPUT XII. *De condimento Limoniorum. 215.*

ANDREAS

[XXXI]

ANDREAS BELLUNENSIS
EXCELLENTISSIMO D. BENEDICTO
DE MONTESILICE

Physico Veneto Primario S. D.



Emini Praeceptor observandissime Excellentiam tuam summopere desiderare ut si quid de Limonibus scriptum est ab Auctoribus arabicis illud latinum facerem: quum ab *Avicenna* & a Latinis diminute de ipsis Limonibus scriptum fuerit. Quare cupiens tuo desiderio pro immensis beneficiis tuis in me collatis satisfacere: Statui sermonem de Limonibus arabicum ab auctore EBEMBITAR nominato in latinum traducere, ac ipsum transmittere tuae Excellentiae ut ipsa & posterii alii intelligant juvamenta quamplurima ab Auctoribus arabicis diligenter annotata, & ab ipsis Latinis ignorata. Vale.

Ita legitur haec epistola tam in manuscripto Cremonensi, quam in editione Veneta.

TRAC-

[XXXII]
TRACTATUS
EMBITAR ARABIS
PER ANDREAM BELLUNENSEM

Latinitate donatus.

ANDREAS BELLUNENSIS
EXCEL. D. BENEDICTO DE MONTESILICIS

Physico Veneto Primario S.



Emini Praeceptor observandissime Excellenciam tuam summopere desiderare, ut si quid de Limonibus scriptum esset ab Authoribus arabicis, illud latinum facerem : cum ab *Avicenna* & a Latinis diminute de ipsis Limonibus scriptum fuerit. Quare cupiens tuo desiderio, pro immensis beneficiis tuis in me collatis satisfacere, statui sermonem de Limonibus arabicum vertere, ac ipsum transmittre tuae Excellenciae, ut ipse, & posterii alii intelligant juvamenta quamplurima ab Authoribus Arabicis diligenter adnotata, & experta fuisse, quae a Latinis ignorantur. Vale.

Ita legitur haec epistola in editione Parisiensi.

EBEM.

EBEMBITAR

TRACTATUS DE LIMONIIS MALIS

Ex Manuscripto Cremonensi.

DIxit ABENGIEMIHA Limon est compositus ex partibus tribus habentibus diversas virtutes & juvamenta diversa: & hujusmodi quidem partes sunt cortex: Et acetositas: Et semen eius. Dicamus autem primo de cortice, quod in sapore ejus apud masticationem ipsius apparet amaritudo plurima & acuitas pauca, & stipticitas occulta: & cum hoc in ipso cortice est aromaticitas manifesta: & illud significat quod in natura ipsius est calefactio propinqua temperamento, & exsiccatio manifesta & propter illud est complexio ipsius corticis calida in primo gradu secundi sicca in fine ejus: & propter amaritudinem & stipticitatem & aromaticitatem quae est in ipso cortice dicendum est quod cortex limonis est confortans stomachum proprie & excitans appetitum cibi adjuvans bonitatem digestionis; bonum faciens oris odorem: & bonificans odorem eructationis: confortans cor: rectificans qualitates humorum malorum: & cum hoc est in eo virtus bezartica per quam re-

A

fistit

fistit nocumento venenorum bibitorum aut ab extra accidentium & liberat ab eis: & hoc est quod affirmatur de ipso quando sumitur secundum semitam medicinae. Cortex vero limonis secundum viam cibi est difficilis digestionis tardae descensionis pauci nutrimenti: & significat hoc durities corporis ejus: & soliditas substantiae ipsius & difficultas masticationis ejus & remanentia saporis ejus & odoris ipsius in visceribus longo tempore.

Ex editione Veneta Anni 1583.

Dixit EBENGEMIHA Limon est compositus ex partibus tribus, habentibus diversas virtutes, & juvamenta diversa: Et hujusmodi quidem partes sunt cortex, & acerositas, & semen ejus. Dicamus autem primo de cortice, quod in sapore ejus apud masticationem ipsius apparet amaritudo plurima, & acuitas pauca & stipticitas occulta: cum hoc in ipso cortice est aromaticitas manifesta, & illud significat, quod in materia ipsius est calefactio propinqua temperamento, & exsiccatio manifesta. Et propter illud est complexio ipsius corticis calida in primo gradu: vel in principio secundi, sicca in fine ejus: & propter
ter

ter amaritudinem, & stipticitatem, & aromaticitatem, quæ est in ipso cortice dicendum est, quod cortex limonis est confortans stomachum proprie, & excitans appetitum cibi: adjuvans bonitatem digestionis, bonum faciens oris odorem & bonificans odorem eructationis, confortans cor, rectificans qualitates humorum malorum: & cum hoc est in eo virtus bezartica, per quam resistit nocumento venenorum bibitorum, aut ab extra accidentium, & liberat ab eis, & est hoc, quod affirmatur de ipso, quando sumitur secundum semitam medicinae. Cortex vero limonis secundum viam cibi est difficilis digestionis, tardæ descensionis, pauci nutrimenti: & significat hoc durities corporis ejus, & soliditas substantiæ ipsius, & difficultas masticationis ejus, & remanentia saporis ejus, & odoris ipsius in visceribus longo tempore.

Ex editione Parisensi Anni 1602.

Dixit EBENGIEMIHA, Limon est fructus compositus ex partibus habentibus diversas virtutes, & juvamenta diversa, & hujusmodi quidem partes sunt: cortex, & acetositas, & semen ejus. Dicamus autem primo de cortice, quod in

A 2

sapore

7
sapore ejus apud masticationem ipsius apparet amaritudo plurima, & acuitas pauca, & stipticitas occulta, & cum in ipso cortice est aromaticitas manifesta: & illud significat, quod in natura ipsius est calefactio propinqua temperamento, & exsiccatio manifesta, & propter illud est complexio ipsius corticis calida in principio gradus secundi, sicca in fine ejus, & propter amaritudinem, & stipticitatem, & aromaticitatem, quæ est in ipso cortice dicendum est, quod cortex Limonis est confortans stomachum proprie, & excitans appetitum cibi, adjuvans bonitatem digestionis, bonum faciens oris odorem, & bonificans odorem eructuationis: confortans cor, & rectificans qualitates malorum humorum, & cum hoc est in eo virtus Bezahartica, per quam resistit nocumento venenorum bibitorum, aut ab extra accidentium, & liberat ab eis, & hoc est, quod affirmatur de ipso quando sumitur secundum semitam medicinæ: cortex vero Limonis secundum viam cibi est difficilis digestionis, tardæ descensionis, pauci nutrimenti: & significat hoc durities corporis ejus, & soliditas substantiæ ipsius, & difficultas masticationis ejus, & remanentia saporis ejus, & odoris ipsius in visceribus longo tempore.

CAPUT

CAPUT I.

*De malis Limoniis in genere, atque praecipue
de eorum cortice.*



UM Limoniorum malorum facultates hoc aeo tanti fieri soleant, non modo ad conservandam, verum etiam ad restituendam sanitatem; ut in plerisque morbis, atque in iis maxime, qui perniciosi sunt, uti efficac & suave praesidium, fructus isti passim usurpentur: hinc mirum videtur esse, quod nulla fere, apud primaevos cordatiores Medicos, accurata eorum mentio reperiatur. Enimvero de eorumdem usu nihil pene legitur apud *autenticos* Auctores, nisi apud *Avicennam* in 4. *Canone de cura februm acutarum in genere*, uti apposite cum *Matthaeo Silvatico* animadvertimus; cuius textus hic (n. 1) subnectitur. Verum quia de Citriorum malorum, viribus, eorumdemque praeparationibus, & usu vario (tam quod ad Medicinam, quam quod ad rei culinariae blandimenta, & luxum attinet) vix ullus ex celebrioribus antiquis Auctoribus occurrit, qui quadantenus saltem, sin minus fuisse diligenterque non edisseruerit: Idcirco conjectandi locus adest merito, quod ipsi, sub Citriorum malorum nomine, Limonia praeterea comprehende-

A 3 re

(n. 1) *Limon fructus pulcher, odoratus, plenus succo acetoso, valde apto salsamentis: & ipse etiam comeditur sale conditus. Nusquam memini me de ipso legisse apud Auctorem autenticum, nisi apud Avicennam in 4. Canone de cura februm acutarum in genere, ubi jubet dari aquam acetositate Limonis non saliti.*

Matth. Silvatic. Pandect. cap. 508.

re voluerint: uti prae aliis *Nigrifolius* (2) existimat: Aequae potiore iure conjectura haec veritati ideo magis conformis videtur esse, quod easdem propemodum facultates, quibus Citria mala pollere ii omnes arbitrabantur, eas, inquam, paucis mutatis, & Limoniis plerique attribuerint, quotquot de hisce verba fecisse comperiuntur: Addam insuper, quod praecitatus *Nigrifolius*, dum in eo progymnasmate tam de succi Citri, quam de succi Limoniorum viribus adamussim agit, caute praenotandum esse voluit, quod ea, quae ibidem ab ipso referuntur de Citri viribus, eadem Limonibus appellatis erunt tribuenda. Et sane quis ignorat, quod, qui de Citriis & Limoniis malis, atque de utrorumque utilitate sermonem instituerunt, ii prorsus innuunt omnes, quod utrique fructus isti aequae ad eosdem valent usus, eoque maxime quia ipsi, quod ad qualitates suas, vere congeneres (3) appellantur? Neque solum

- (2) Animadvertit Manardus lib. 15. epist. 3. vel de Limonibus. Antiquos non meminisse, vel eos sub Citri nomine comprehensisse, adeo ut Citri nomine, Limones etiam veniant, Brasavoli testimonio. Hieronym. *Nigrifol.* Progymnas. 2. de succi Citri & Limonium viribus.

- (3) Non longe natura, & viribus a Citriis distant mala Limonia, & Aurantia dicta, & illa, quae Adami poma vulgo dicuntur... Tamest Limonia magis cum facie, tum facultate Citria referant. Matthiol. *Com.* in lib. 1. Dioscorid. Limonia mala Citrii mali virtutes aemulantur, nisi quod ut magis acidiuscula sunt, ita & magis refrigerantia.

Ettmüller. *Op. Omn.* T. 2. in Schröder. n. 192.

Citro congener est malus Limonia.

Limonia mala valent ad eosdem usus atque Citria.

Geoffroy T. 2. *Mat. Med.* Part. 2. Sec. 2.

I Limoni anno la medesima qualità che i Cedri, ma più debolmente: Castor Durante nel Tesoro della sanità.

solum Citria mala cum Limoniis plurimam habent relationem, sed etiam cum Pomis Aurantiis, atque cum aliis, quae Poma Adami nuncupantur; adeo ut *Joseph Lanzonus* (4) sub ipso Citriorum genere tum Limonia, tum alios praecitatos fructus comprehensos esse, nihil dubitet. *Mangetus* tamen, etsi cum aliis existimet, (5) quod malum Limonium cum Citrio (cui quidem mali Medici nomen potissimum *Theophrastus* (6) prae caeteris adscribit) congener sit; admonet tamen, quod ideo fructus ille ab hoc differt, quia ille minor mole est, & insuper cortice tenuiore, copiosiore pulpa eaque acidior, quam iste, praeditus est. Id ipsum animadvertit *Geoffroy* loco supra citato, tunc cum Limoniorum malorum arborem, folia, flores, & fructus considerans, eorum a Citriis differentias praecipuas exhibet. Etenim jure meritoque adnotat, quod Limoniorum arbor, satis procera, nec tamen admodum, plerumque ramosa, oblonga Citri folio, sed brevior, crebris saepe aculeis, ac minoribus, languidi odoris, flore propemodum aequali, fructu in ovalem figuram conglobato, sed contractiore, remissius flavente, ac levius odorato, Citrum ex parte repraesentat. Ab eo tamen distinguitur fructu minore, cortice ramoso, seu interiore, tenuiore, copiosiore pulpa, ac succo uberosiore, ut interdum nihil fere nisi succum contineat, eoque magis acidum, quam quod mandi facile queat. Eandemque differentiam inter hosce fructus adfert *Matthiolus* eodem, ut diximus, loco, dum ita ait. Limonia mala sunt Citriis minora, oblonga, cute non adeo crassa, & magis succo praegnantia, qui

A 4

gustu

-
- (4) Animadvertendum autem, sub ipso Citriorum genere comprehendendi Poma Aurantia, Limonia, Poma Adami &c.
Joseph Lanzon. Citrologia Part. 1. cap. 1.
 (5) *Manget. Biblioth. Pharm. Med. T. 2. lib. 12.*
 (6) *Theophrast. de Histor. Plant. lib. 4.*

gustu acidior percipitur, semine fere simili, & colore pallida. Ibidem demum Geoffroy concludit, quod quia *Limonia mala* comparata cum *Aurantii* & *Citrii* sunt gustu acidiora, ideo magis refrigerantia ea esse verisimile est: uti ex his, quae postea dicemus, manifestum fiet. Cum vero easdem fere, quod ad haec, animadversiones ibidem exhibeat *Mangerus*, ubi istorum fructuum comparationem instituit: eas hic data opera omittimus. Varia praeterea ac specialia, quae *Citrii* malis adscribuntur, nomina a *Limoniis* ea distinguere consuecunt. Nam ab iis Regionibus, a quibus ea primum delata esse creduntur (uti adnotat *Theophrastus*) veluti a *Media*, & *Persia*, tam *Medica*, quam *Persica* vocata ipsa sunt; uti etiam *Affyria*, vel *Aurea mala*, vel *Hesperica*, auctore *Juba*, ea nominat *Lanzonus* (7), qui insuper *Virgilii* testimonio (8), *Citrium* hoc pomum tam excellens vi sua dicit esse, & commendabile,

. quo non praestantius ullum;

Pocula si quando saevae infecere Novercae;

Miscueruntque Herbar, & non innocua verba;

Auxilium venit, ac membris agit atra venena.

Caeteroquin ut speciatim, pro instituto nostro, de Malis *Limoniis* hic agamus, cum praelaudato *Mangero* animadvertimus, quod eorum variae emergunt species, dum scilicet istiusmodi fructus aut anserini ovi formam magnitudinemque referunt, medioque, ut ita dicam, inter *Citrium* & *Aurantium*, odore pollent: aut globosi sunt, sed *Citrio* minus: & utroque extremo velut eminente: aut oblongi facti, ovi gallinacei figuram & molem exhibent: aut denique globosi quidem, aliter

(7) Joseph Lanzonus Citrolog. Part. 1. cap. 1.

(8) Virgil. Georgic. lib. 2.

aliter sunt; aut aequali magis superficie. Hisce alias ejusdem fructus differentias idem Auctor addit, easque *G. Bauhino* petitas: sive quia nempe acidus ille speciatim est, atque consuetae magnitudinis: sive major mole, sed dulcior: sive oblongus, & tenuissimo obductus cortice, adeo ut *Limis* assimiletur: sive rotundam orbiculatam referat formam, *Limis* aliis similem: sive praegnans dici debeat, eo quia fructum alium minorem in se contineat: sive variae alterius cujusvis figurae videatur esse, totusque fere carnosus: sive minimae molis sit, nucem vix aequans, sapore tamen dulcior, & caeteris odore praestantior: sive magis adhuc exiguus, & acidissimus, quales illi sunt, qui Sylvestres in Syria, alique in Aegypto germinare dicuntur. Quod si alias praeterea Limoniorum malorum differentias, quas *D. Tancredo Robinson* deberi *Mangetus* ait, hic retexam, Lectori gratum hoc futurum arbitror. Hujuscemodi autem sunt, ut ejusdem Auctoris utar verbis:

Limon Ligusticus insigniter variat, ut Limon S. Remi, seu Citriformis Genuensis, qui, a fructu parvo rotundo, pusilla pila nominatur.

Limones Neapolitani multum variant; ut Limon Cajetanus, figura ultra vulgarem modum ovale, ut cacumine fastigiata; Limon Amalphitanus forma oblonga, apice admodum eminente; Limon perpusillus Calabrensis fructu subrotundo.

Limon Romanus a Rio, vel Rivo, insigniter cuspidatus, nunquam digitatus.

Limon praegrandis Dominae Laurae.

Limon incomparabilis, figura in oblongam & rotundam ovata.

Limon imperialis caeteris productior, satisque crassus.

Limon medulla dulci duplex, vel vulgaris Gallicus, vel Olyssipponensis.

Limon Pyri effigie, vulgo Peretta, sive Spatafora, isque major & minor, laevis vel striatus.

Perettas

Perettæ consimilis Limon, sed oblongior & angustior.

Limon Spatafora Rheginus, crasso mucrone fastigiatus, aromaticus, cortice punctim lacunoso.

Limon Rheginus fructu racemoso oblongo, paulatim extenuato in apicem cuspidatum.

Limon striatus, sive caniculatus, summa parte muliebrem in papillam extuberante.

Limon striatus Amalphitanus, mali Citrii magnitudine, cortice perquam verrucoso & scabro.

Limon Shardonius, rotundus, manente floris apiculo, velut rostratus.

Limon Rosolinus, umbone reorto in mucronem emisso, bene fastigiatus.

Limon Florentinus Barbadorus, foliis serratis, viridi atrore pictis, & Hyperici modo punctim pertusis, & translucidis.

Limon scabiosus lepræ facie.

Limones varii Citrati, laeves, & scabri, & alios Limones sæpe includentes.

Limon Pseudo-Citratus Barberinorum.

Limon Citratus Sylvestris.

Limon globosus Ponzinus, isque quintuplex: Ligusticus, Rubens, Romanus, Chalcedonius, Tripolitanus.

Limon Sponginus Calabriae rugosus.

Limon Sponginus (spongiosus) Liguriæ verrucosus.

Lima est multiplex: dulcis, acris, Agri Privernatæ, Romana Citrata.

Lima Citrata oblonga, scabiosa, & monstrosa, quandoque & subrotunda.

Lima subrotunda, spinis, crassitie, & longitudine vastissimis, Fiorum in Hortis Romæ.

Praeter hosce exigui Limones (9) vulgarissimi sunt Surinani fructus,

(9) Mariæ Sibil. Merian Dissert. de Generatione & Metamorph. Insector. Surinansenf. &c. fig. XVII,

fructus, qui cibis fere omnibus apponuntur, & cum illis assumuntur. Exiguorum Citrorum est species quaedam, in Sylvis nascentis, cujus arbor ad altitudinem procerae Mali excrescit.

Variae autem hujusmodi, & aliae etiam, si quae unquam alicubi occurrunt, Malorum Limoniorum differentiae, tamen si pleraeque a speciali Arborum istarum natura suboriantur: aliquae tamen variis furculorum institutionibus, uti & Aëris temperiei, in diversis locis dominantibus, sunt adscribendae. Quandoquidem vero horum fructuum varietatem considerandam hic esse volui, non ideo id praestiti, quia de peculiaribus ipsorum facultatibus verbis singillatim facere in animo habeam: sed ut curioso solum Lectori quoquo modo satisfacerem. Ex hisce namque Limoniis malis pleraque vel rara sunt adeo, quod in usum Medicinae minime veniant: vel iis non pollent viribus, quas in propositum nostrum investigandas assumpsi. Ea ideo Mala Limonia consideranda solum mihi modo propono, ad *Ebembitar* mentem, quae, utpote vulgaria, ubique fere locorum apud nos germinant, atque maxime ex Benaci Lacus, & Ligustici Maris, & Neapolitanis oris procedunt; quae Citriis minus fragrantia sunt, minus crassum habent corticem, atque demum acido succo ita abundant, ut eo undique turgant.

Antequam tamen de Malorum Limoniorum viribus distincte loquar, quales de iis apud Antiquos laudes extent, haud abs re erit hic summatim enarrare. Quae tamen laudes, etsi Citriis malis praecipue tribuantur, aequè Limoniis magna ex parte conveniunt: eo quia (sicuti initio diximus) utraque haec Mala fere iisdem praedita sunt facultatibus, sin minus quam proxime: eoque maxime, quia de Limoniis super Citrum insertis potissimum hic cum *Ebembitar* agimus. *Aemilianus* (10) *Doctissimum ait Ju-*
bam

(10) Athenaei Coen. Sapient. lib. 3. cap. 5.

bam Mauritaniae Regem meminisse de Citrio in suis de Lybia commentationibus, quod pomum apud eos Malum Hespericum dicit nominari: a quibus fama est Herculem aurea Mala, sic ex eo colore nominata, in Graeciam postea detulisse. Scriptum apud Asclepiadem lib. 60. Rerum Aegyptiarum reperitur, Terram in Jovis & Junonis nuptias malum illud emisisse. In eo autem pretio Malum Citrium habitum est priscis usque temporibus, apud Magnates, & Dynastas, & Principes; ut illud, cui datum coelitus donum, scrupulose asservare, nec non mensis, uti ornamentum illustre, potius apponere, quam mandare, consueverent. Quod porro, licet satis esse queat, ut cuique pateat, quanti tunc fructus hujusmodi fuerint aestimati: illud tamen eo magis evincitur, si praecipue, Athenaeo teste, consideremus, cujusnam usus ille tunc fuerit, ad venenorum destruendam vim: de quo quidem insignis ab eo Auctore historia exhibetur; eamque plerique, de Citrii facultatibus agentes, cum adferant, nos quoque in propositum nostrum transcribere congruum arbitramur, quae ita se habet: Citrio comesto, Praedones quidam, horrendis, crudelissimisque animalibus projecti, & Aspidibus percussi, nihil denique passi sunt. Dubius fuit dudum sane Princeps, atque militem eorum custodem, si quid vel edissent, vel bibissent, interrogavit; ut vero Citrium illis traditum eodem die fuisse cognovit, huic Citrium postero die dari, illi autem nequaquam, iussit. Is demum, qui Citrium prius comederat, nihil rursus passus est, & ille morsus statim interiiit. Hoc cum multis in rebus expertum esset, inventum est denique, Citrium omnibus venenis adversum esse pharmacum. Si quis totum Citrium, veluti se habet ex ipsa Natura, in melle Attico cum semine coquat, in melle solvetur: quod si quis ex eo mane ad duos vel tres digitos sumpserit, nihil prorsus a venenis patietur. Si quispiam vero minus fortasse nostris sermonibus credendum arbitretur, disceat hoc a Theopompo Chio, Viro veri maxime studio, qui
etiam

etiam multa nummum millia in diligentem historiae inquisitionem impendit. Quod autem non impar contra venena in Malis Limoniis vis sit admittenda, ex iis patebit magis, quae de eorum potissimum succi facultatibus infra dicemus.

Ut itaque ad rem nostram propius accedamus, cum tres partes in Limoniis Malis *Ebembitar* consideret, quae diversimode in usum Medicinae revocari solent: ego quoque de hisce singillatim loquar, atque primum de cortice.

In cortice duae adsunt partes: externa scilicet & interna. Externa pars tenuior est, plus minusve flavescens, aut flavo-virescens, pro peculiari fructuum istorum natura, & diversis maturitatis gradibus. Inaequalis superficiei pars ea est, laevigata tamen, etsi plerumque inordinate protuberans, & foraminulis, surculisque omnino referta. Flava haec pars amara quoquo modo gustui evadit, atque grato fere aromatico odore praestat, eoque magis si Mala haec ex iis sint, quae super Citriis fuerint inserta. Propter hoc (uti *VVeckerus* (11) adnotat) iste cortex *Citreo malo similis est*, odoris suavitate commendatur ut *Citrum*, acrior *Citri cortice*, facultate parum dissimilis *Citreo Malo*, & difficile concoquitur. Quod si corticis extima pars haec concoctu difficilis unquam dicenda est, id potiore jure de intima, verum comperitur esse: quippe quod haec longe quam altera crassior existit, etsi mollior, odore nullo vel sapore praedita est, albicans, non friabilis, haud parum tenax, ita ut ope masticationis in mucosam pene substantiam abeat, quae ventriculum apprimat, ideoque & aliorum alimentorum concoctionem perturbat potius, quam adjuvat. Idcirco existimaverim, quod si speciali unquam potentia Limoniorum Malorum cortices valent: hoc ab extrema

(11) Jo: Jacob VVecker, Medic. Syntax. lib. 1. Part. 2.

ma eorumdem flava tenuissima parte, neque quidquam ab intima albicante repeti merito queat: maxime quia pars haec insipido, ut ita dicam, phlegmate revera scatet. Extrema secus pars fragrantissimo oleo, sive mavis tenuissimo spiritu ditatur; qui flammae inspersus, accenditur illico, atque non modo nares jucunde vellicat, dum sponte sua indefinenterque avolat; verum etiam ex recenti cortice non exsiccato, sola digitorum compressione elicitus, vinoque commixtus, illud perquam gratum, ob adjunctum fragrantem odorem, efficit. Atque adeo Limoniorum extimus iste cortex eo fragrantissimo spiritu abundat, ut etiam sponte, quod inde prodit oleum illud, aequo vino communicetur; dummodo hoc tenuissimis hujusmodi corticis frustulis, in fundo cyathi positis, affundatur: perinde ac si vinum ipsum, ceu menstrum efficax, habendum sit, ad illud inde citius uberiusque eliciendum oleum, eoque pene modo, quo emeticam vim ab Antimonio citissime illud haurit. Volatilem vero efficacissimumque spiritum hunc Limonii corticibus insitum esse, prae caeteris docuit Immortalis Boerhaavius (12), cum inde aquam parari animadvertat, quae sane fragrantia, saporis aromaticitatis penetrantissima suavitate, flatus, Syncopas, languores, Cordis abnormes motus, celerissime depellebat, vel parva copia. Atque praeterea idem Auctor speciatim innuit, (13) quod oleum mobile corticum Limoniorum ad palpitationes Cordis, ab aqua frigida, & inertii mucoso ortas, felicissime adhibetur. Ob aromaticum volatile principium hoc, quo extimum praecipue Limoniorum corticem ditatum esse cognoscimus, una cum grata amaritie, intelligimus etiam, quomodonam Stomacho praesertim conferat, uti ciborum concoctionem pro-

(12) Boerhaav. Elem. Chem. T. 2. Part. 1. Procel. 16.

(13) Idem ibidem Procel. 30.

promovens, & flatus cito discutiens. Quotiescunque enim mucosi inertesque humores in Ventriculi cavo lateant, qui ideo potissimum digestionem adferuntur, quia gastricorum succorum vi vim debilitant, atque, contenti in interstitiis alimentorum, Aeris vim elasticam & motum impediunt: Ille penetrantissimus & aromaticus spiritus, eos, uti fas est, attenuans, inde perquam facile remove-
 poterit; ita ut, demptis eorundem vinculis, Aer maxime vim suam in alimenta exerat, atque etiam liberum fortiat undique aditum, ut adinstar flatum, pro re nata prodeat. Omni ideo jure Expertissimus Riverius (14) pro roborando Ventriculo, velut utilem laudat corticem Citri, & Aurantiorum conditum: quod & de Malorum Limoniorum corticibus, ob allatas supra rationes, erit asserendum. Eaquepropter Limoniorum cortices aeque ac Aurantiorum saccharo condiuntur pro bellariis, (15) atque ad eorundem valent usus. Quod quidem dum confirmat Geoffroy, (16) insuper addit, quod Limoniorum fructus integri parvi, virides condiuntur quoque, & inter stomatica recensentur. Quidam Mala haec taleolatim secta, asperso multo saccharo, comedant, sicque appetitum languentem excitant, sitim potenter extinguunt, & febrilem ardorem compescunt. Verum quia non eodem modo omnes hisce Limoniorum frustulis, aut mavis taleolis saccharo aspersis, utuntur; cum alii extimum penitus auferre corticem satius existiment, alii vero nequaquam: quid sane de utraque opinione sit judicandum, uti arbitror, meos modo adferam sensus. Dum frustula haec Aegroti in ore detinent, atque etiam dentibus terunt, ut sitim, dumtaxat sedent, aut arceant; eo melius
 tunc

(14) Lazar. River. Prax. Medic. lib. 9.

(15) Manget. Biblioth. Pharmac. Med. T. 2. lib. 12.

(16) Geoffroy. T. 2. Mat. Med. de Veget. Indig. Sec. 26.

tunc mihi videtur esse, quod flavus inde & albicans cortex auferatur. Secus vero cortex inde non separari debet; si una siti prospicere, palato gratiam conciliare, & volatile illud oleum, pro roborando Stomacho, addere quispiam velit: dummodo tamen ita gravati & morbo fracti non sint Aegroti, quod durum cum corticem dentibus incidere, atque satis masticare ii minime possint. Alias autem sola extimi, fragrantis corticis frustula in ore diu detinemus, ut foetor oris evincatur; simulac, ope masticationis, fragrantissimus ille spiritus inde effluens, cardiacam (ut dicimus) vim suam Corpori communicat; dum etiam pestiferum miasma, fortassis in Aere dominans, opportune corrigitur. Atque hoc eo modo prorsus intelligendum est; (17) quo *Silvaticus* existimat, quod Citrii corticis odor *rectificat corruptionem Aeris & pestilentiam*, atque cortex ejus recens odorem oris efficit bonum, & ejus decoctio similiter, cum retinetur in ore. Quamobrem eos semper laudabo, qui Nosocomia quotidie adire coacti, si unquam contagiosi ibidem morbi grassentur, ne labem facile hinc contrahant, usquedum inter ejuscemodi Aegrotos versantur, flavi Limoniorum corticis lamellas in ore detinent, easque assidue mandunt: id quod ego praesertim utile expertus sum, tunc cum in Nosocomio majore Cremonae (antequam Primarii Medicinae Professoris muneris in Regia Ticinensi Universitate essem destinatus) plus quam per viginti annos quotidie versatus fui. Namque id conforme prorsus est, authorante Harris, (18) mori Turcarum, qui, ut Pestis virulentae causae se opponant, dum malignantes ejusmodi dominantur febres, nedum Limoniorum Malorum succum cuique immiscunt

(17) Matth. Silvatic. Pandect. cap. 345.

(18) Gualter. Harris Tract. de Morb. Acut. Infant.

ſcent juſculo; verum etiam eorundem fruſtulum ſaccharata fruſtula cum cortice in ore retinent frequenter, atque dentibus incidunt. Ejuſdem quoque Limoniorum corticis maſticatio in Scorbuto & Phthyſi prodeſt maxime, tam ne illi, qui hiſce detinentur morbis, in pejus cito ruant; quam ne alii unquam, qui ſani ſunt, atque cum Aegrotis illis verſari crebro debent, ab iſdem inficiantur. In ſcorbuticis enim aut gingivae a dominante, acri humore illo ſunt exefae, aut ulceribus ſcarent: unde illi utrinque foetidum ichorem ſere ſemper in ore geſtant, qui a bibulis (ut ajunt) prope eas partes ſitis, vaſculis abſorptus, humoribus aliis eo pejorem ſupeditat labem. Atque virus hoc, ab ore procedens, ideo corrigere poſſunt maxime maſticati ſaepe Limoniorum cortices: quia iſti fruſtus adverſus Scorbutum ſummopere valent: quod infra fuſius demonſtrabimus. Aliter quoque in Scorbuticis conciſus Limoniorum cortex, in ore verſatus diu, prodeſt: eo quia foetens oris halitus imminuitur, ita quod nec aliis (cum quibus ii unquam ſaepe agant) nocere, adeo poſſit. Quemadmodum & ipſi, qui ſani ſunt, atque cum Scorbuticis verſari paſſim debent, eo minus ab hiſce inficiuntur, quo ſaepius praeſeſtati corticis fruſtula in ore geſtant, & dentibus aſſidue conterunt. Alii praeterea, quibus, ob dentium cariem, Os foetet, optimum inde praefidium obtinent, propter quod nec ſibi, nec aliis, prae gravi, quem ſpirant, halitu, inſenſi omnino ſint. Quo quidem modo & putridos ichores, & ſaniem, ipſam a male olentibus dentium cavernulis, vel interſtitiis detergant, uſque dum iteratis illa ablutionibus denique educant. Atque tunc ablutiones huiusmodi utiles magis fore cenſeo, quae cum aqua ſiunt, in qua Limoniorum ſucus cum modico ſacchari fuerit ſolutus: aut iidem Limoniorum cortices, una cum hordei granis, decocti ſint.

B

Verum-

Verumtamen quod innuimus de miri istius Corticis usu; occasione Scorbuti, Phthyſi pariter id aptari poteſt: ut nempe tam illis, qui Phthyſici ſunt, quam aliis, qui cum iis verſantur, congruum inde levamen eveniat. Etenim ſimulac in Phthyſicis a Pulmonari ulcere purulenti halitus iteratis expirationibus prodeunt; ii intimam Oris ſuperficiem undique ſaedant, atque proinde dum Os ipſum male olet, huic Limoniorum cortex in ore ſaepe evolutus, inciuſus dentibus, opitulatur maxime. Quemadmodum ſani etiam, eandem ſervantes normam, afficiuntur longe minus a noxiis halitibus illis, quibus, circumambiens Phthyſicos, Aer utcumque reſertus eſt. Quae porro omnia ut ex ipſa Praxi eruuntur, ita & congruo ratiocinio evinci poſſunt, attenta maxime Chymica corticis Citri analyſi, quam *Geoffroy* (19) adfert. Neque mirum cuiquam videbitur, ſpero, quod ad probandas corticis Limoniorum facultates, analyſin Citri, ab eo factam, adducam. Nam, Auctoris eiſdem teſtimonio, *Citro congener eſt Malus Limonia*, & iſti ſcutus valent ad eoſdem uſus atque Citria, ſicuti ſupra animadvertimus. In qua Chymica exponenda analyſi, ne quidquam Lectores decipiam, iſdem Auctoris verbis utar. Itaque poſteaquam ipſe Citrum in quatuor partes diſtinxerat: in corticem ſcilicet exteriorem, ſeu flavedinem, quam modo in Limoniis praecipue conſideramus: in corticem interiorem, albicantem, ſeu mavis carnem, de qua nihilum ſolliciti ſunt Medici: in pulpam, ſive ſuccum: atque tandem in ſemina; hanc inſtituit accuratam analyſim.

Ex corticis exterioris Citri libris quinque, per retortam diſtillatis, prodierunt humoris limpidi, odorati, & ſapidi, primo obſcure ſaſſi, deinde obſcure acidi, cum oleo eſſentiali limpidi, flave-

(19) *Geoffroy T. 2. Mat. Med. Part. 2. de Veget. indig. Sec. 2.*

flavescente, odoratissimo, librae tres, unciae duae, drachma una, & grana decem & octo. Humoris limpidi, citrei odoris, saporisque grati, manifeste acidi & austeri, cum oleo essentiali limpidi, flavescente, grato, sub finem rufo, unciae quindecim cum dimidia, & grana triginta novem. Humoris rufi, empyreumatici, intense acidi, austeri cum levi acrimonia, unciae duae & drachmae septem. Olei tum tenuis & essentialis, tum crassi, & empyreumatici, uncia una, cum granis quinquaginta duobus. Massa nigra in retorta residua pendebat uncias quinque, & drachmas septem: quae calcinata reliquit cinerum unciam unam, drachmam unam, cum granis triginta septem: ex quibus lixivo facto, Salis fixi, mere alcali drachmae tres, & grana triginta tria extracta sunt. Partium fractura in distillatione fuit unciarum quatuor, drachmarum trium, granorum triginta sex. In calcinatione unciae quatuor, drachmae quinque, & grana triginta quinque. Subinde vero analysim quoque succi ipsius Citri exhibet, quam infra suo loco subijciam. Atque demum concludit, quod cortex Citrii Mali plurimum olei continet, cum sale essentiali ammoniacali subadstringente conjuncti. Quod cortex exterior, propter duritiem, in Ventriculo difficile concoquitur, quemadmodum & cortex interior, seu caro alba, quae, non secus ac de Limoniis diximus, nullius prorsus est usus. Quod denique exterior cortex flavescent valde odoratus est, & aromaticus, quod vesiculis constat innumeris, oleo essentiali praeditis. Is propterea masticatus oris habitum emendat, amarore Ventriculum roborat, vermes necat. Ipsi exsiccatu vis cardiaca & alexiteria tribuitur. Flatus potenter discutit, humores crudos in Ventriculo, aut in intestinis contentos conciens, ac digerens. . . . Saccharo conditus inter tellaria mensis secundi infertur. Electuariis etiam cardiacis admiscetur adversus morbos contagiosos, vel ad Ventriculum roborandum. Quae quidem externi corticis Citri facultates optime cum iis, quas supra Limoniis adscriptas esse diximus, omnino consentiunt: dum-

modo concedamus, quod in flavo Citri cortice, potius quam Limoniorum, ille volatilis spiritus, seu mavis essentialis oleum, longe magis abundat; etiam si de illis agatur Limoniis malis, quae super Citrum fuerint inserta, quae ideo magis quam alia, fragranti grato odore pollent, atque magis commendantur. De hoc ipso Oleo, ad mentem Avicennae, loquitur *Silvaticus* (20) quod scilicet speciatim forte esse animadvertit. *Juncker* etiam (21) huiusce spiritus meminit, dum ita ait. Oleum autem fragrans, quo turgent cortices, magnopere expetitur, idque e recentibus expressum cum saccharo abis in gratissimum eleosaccharum, ex quo deinde cum essentia corticum, per spiritum Citri abstractitium parata, tinctura carminativa & analeptica conficitur: etsi aliis alia visa placeat. Caeterum suavissimum Oleum per B. M. acquiritur, vel si vulgari modo id destillare lubeat, non putrida poma, ut vulgo fit, sed recentes cortices sumendi sunt. Eadem servata analogia, si Limoniorum corticis vires quis ultra velit inquire, congruam cum Citriis comparationem instituendo, non abs re erit cum praecitato *Silvatico* animadvertere, quod cum ponitur Citri cortex in pannis, prohibet tinnas: & ejus odor rectificat corruptionem Aris, & pestilentiam. Quod medulla Citri curat combustionem ignis. . . & curat mirabiliter ramicem Puerorum: & potissimum si ex eo fit unguentum hoc modo: Accipe medullam Citri subtiliter incisam, & bulliat in acunzia porci recenti, & postea coletur per periam, & iterum reponatur ad ignem: & in fine misceatur mixta, olibanum, & cera alba, & erit optimum unguentum Citrinum. Aliqui consueverunt ipsum cum Citro, & acunzia tantum: sed est minus bonum: & posteaquam colatum est, non reponitur iterum ad ignem. Fit similiter alio modo unguentum de Citro, secundum quod invenies in Antidotario

(20) Matth. Silvatic. in Pandect. cap. 345.

(21) Juncker Confpect. Therap. general. Tab. 4. n. 4.

*tidatario minore Galeni, quod ibi interpretatur unguentum Citri-
num. Sed attendendum est, quod quando aliquod unguentum,
vel emplastrum fit ex Citro, debet fieri ex Citro bene maturo.
Nam secundum quod dicit Avicenna, Diacitrum, & quae sunt
ex Citro, debent fieri ex Citro, Sole existente in Capricorno,
idest in medio Decembris usque ad medium Januarii. De qui-
bus etiam ita sentit Silvaticus loco supra memorato ex
Averrhoë.*

Haec itaque omnia, quae aut per analogiam dumtaxat
ex Citri proprietatibus peculiaribus eruimus, aut proprie
magis de corticis viribus in Limoniis Malis considera-
vimus: Ea, inquam, facultates illas, quas *Ebembitar*
summatim cortici huic omni jure adscripsit, adamussim
patefaciunt; sive quod ad usum medicamenti, sive quod ad
usum cibi. Quapropter in hisce non amplius nobis erit
immorandum: eoque maxime quia per transennam alias
in conspectum pleraque venient; tunc cum infra de aliis
Limoniorum partibus incidet sermo.



DIxit etiam quod Limon exprimitur & ex eo fit succus duobus modis : uno modo exprimitur succus ab eo post excorticacionem ipsius a cortice suo exteriori citrino ita ut ab eo sit excoriatus & non remanserit super ipsum nisi cortex subtilis albus qui similatur cortici subtili intrinseco ovi. Secundo modo exprimitur succus Limonum cortice ipsorum remanente super eos : & succus quidem expressus post excorticacionem eorum a cortice suo est frigidus & siccus in tertio gradu. Sed succus eorum expressus cum cortice est frigidus & siccus in fine secundi aut in primo gradu tertii : ex hoc quod frigiditas succi acetositatis ejus frangitur & remittitur per caliditatem ejus quod de succo corticis permiscetur cum eo. Et nos quidem non loquemur nisi de succo expresso cum corticibus quum ipse administratur & est in usu.

Ex editione Veneta.

DIxit etiam, quod Limon exprimitur, & ex eo fit succus duobus modis, uno modo exprimitur succus ab eo post excorticacionem ipsius

ipſius a cortice ſuo exteriori citrino , ita ut ab eo ſit excoriatus , & non remanſerit ſuper ipſum , niſi cortex ſubtilis albus , qui ſimilatur cortici ſubtili inſinſeco ovi : Secundo modo exprimitur ſuccus Limonum cortice ipſorum remanente ſuper eos . Et ſuccus quidem expreſſus poſt excorticacionem eorum a cortice ſuo , eſt frigidus ſiccus in tertio , ſed ſuccus eorum expreſſus cum cortice eſt frigidus in fine ſecundi , aut in primo gradu tertii , ex hoc quod frigiditas ſucci acetofitatis ejus frangitur , & remittitur per caliditatem ejus , quod de ſucco corticis permiſcerur cum eo . Et nōs quidem non loquemur , niſi de ſucco expreſſo cum corticibus , quoniam ipſe adminiſtratur , & eſt in uſu .

Ex editione Pariſenſi.

Dixit : quod Limon exprimitur , & ex eo ſit ſuccus duobus modis . Uno modo exprimitur ſuccus ab eo poſt excorticacionem ipſius a cortice ſuo exteriori citrino , ita ut ab eo ſit excorticatus , & non remanſerit ſuper ipſum niſi cortex ſubtilis albus , qui ſimilatur cortici ſubtili inſinſeco ovi : Secundo modo exprimitur ſuccus Limonum cortice ipſorum re-

B 4

manen-

manente super ipsos, & succus quidem expressus post excorticacionem eorum a cortice suo est frigidus, & siccus in gradu tertio. Sed succus eorum expressus cum cortice est frigidus, & siccus in fine secundi gradus aut in principio tertii, ex hoc quod frigiditas succi acetositatis ejus frangitur, & remittitur per caliditatem corticis ejus, facultates enim istæ permiscuntur. Et nos quidem non loquimur nisi de succo expresso cum corticibus, quoniam ipse administratur, & est in usu.

CAPUT II.

Quod duobus modis ex Malis Limoniis exprimitur succus.



Uae summatim in hoc Capite, ab *Ebembitar* caute proposita, reperiuntur, circa modum exprimendi succum a Limoniis malis, ex se patent adeo, ut vix ulla explicatio indigeant: posteaquam videlicet & corticis essentiam, & ea, quibus cortex ipse maxime scatet, principia, satis, ut arbitror, in antecedente Capite consideravimus. Et sane cum inficiari nemo possit, quod extimus Limoniorum tenuissimus flavus cortex praeaudato volatili, & mobili maxime Oleo scatet, quod sola digitorum pressione inde evolvatyr, & abunde exeat;
imo

imo etiam sponte sua prodiens, in eo gratissimi odoris praestantiam patefaciat: Hinc facile erit inferre, quod ille, qui a Malis Limoniis minime decorticatis exprimitur, succus recensito penetrantissimo Oleo sit referendus, ideoque & eo melior altero, qui a Limoniis, cortice carentibus, ob pressionem congruam exit, qui propterea tali spiritu fortasse penitus, aut saltem magna ex parte, destituitur. Atque ex hoc uno prodit ratio differentiae, ab *Ebembitar* indicatae, tunc cum dixit, quod ejuscemodi succus *expressus cum cortice est frigidus, & siccus in fine secundi, aut in primo gradu tertii*: atque secus alter, *expressus post excorticationem Limoniorum, est frigidus & siccus in tertio gradu*. Si enim frigiditatis & siccitatis qualitates hasce a saniorum Philosophorum dogmatibus repetendo, earum genuinas assequamur ideas: intelligemus etiam, quid fiat, ut in primo casu Oleum illud tenue, & fragrantissimum, dum acido illi succo immiscetur, eum attenuantem & dissolventem magis efficiat, atque eidem penetrantem vim speciatim communicet, quam spiritus illius vere propriam esse demonstravimus. Contra vero succus alter, eo spiritu fere penitus carens, propter hoc ad agendum minus efficax esse debet. Quamobrem, cum *Ebembitar* de primo potius, quam de secundo loqui voluerit, uti de illo, qui tanquam utilior administratur, & est in usu: signum utique est, quod illius specialem efficaciam maxime perspectam habuerit. Nihilo tamen secius ego, de ipso agens, etiamsi ne latum quidem unguem ab Auctoris hujusce mente recedere velim: tamen animadvertendum esse censeo, quod speciales aliquando evenire, circumstantiae possint, in quibus uno potius, quam altero dictorum succorum uti nobis fas erit, ut & melius & tutius Aegrotis prospiciamus. Atque hoc, ob eandem rationem verum comperiri, arrepta occasione, potest, ob quam,

quam, dum Alvim solvere intendimus, modo haec, modo illa seligimus purgantia remedia, eaque plus, aut minus efficacia; pro ut & morbi, & Aegroti cuiusvis specialis postulat ratio: quod quidem & de aliorum quorumlibet remediorum nŕ verum est. Itaque si concedamus, quod expressus succus a Malis Limonis cum cortice, ob allatas rationes, eo magis odoratus, & penetrans, & incidens sit, aptiorque propterea, ut humores attenuet, ad motum sollicitet, ac una inertibus laxatisque solidis elasticitatem majorem conciliet, simulac & aciditate sua pravas humorum qualitates, eorumdemque nimium aestum corrigit, atque compescat: Ejuscemodi succus iis conveniet magis, in quibus Lymphatici crassiores dominantur humores, atque nerveae fibrillae minus oscillare aptae sunt; unde & Lypothimiae, & Syncopi, & Stomachi passionibus ii speciatim, atque magis quam alii, obnoxii evadunt. Contra vero, quotiescunque de Cholericis agitur Hominibus, atque de iis maxime, qui, utpote robustiores, magis elasticis ditantur fibris, & aestuantibus maxime scatent humoribus; qui insuper morbis illis potissimum laborant, qui ab effraenata Bile principium obtinent: tunc eo potiore jure conveniens erit magis ille succus, qui, dempto prius cortice, a Limoniis exprimitur. Fragrantis insuper, & penetrantissimi spiritus, quo praecipue (ut ostendimus) primus ille succus abundat, habenda merito ratio est in Hystericis junioribus foeminis, quae, uti a male olentibus pharmacis ut plurimum levantur illi-co, ita ob gratos odores laeduntur maxime: quod sane dum innuo, id eo sane modo intelligendum esse volo, quo rarius foeminis illis assentiri consueŕco, quae opinione falsa potius, quam ratione ductae, ita a bonis odoribus abhorrent semper, fere ac si ab omnibus indiscriminatis, & semper eae laedi deberent, praecipue cum Puerperae sunt.

sunt. Ast quia perquam raro eae contingunt circumstantiae, in quibus praeclaudatum corticis Limoniorum Oleum nocere revera possit: ideo Auctori huic concedens, quod succus expressus ab integris Limoniis longe magis efficax sit & utilior, de eo maxime in sequenti Capite ego loquar, una pro certo habens, quod, pro re nata, sagaciores Medici alium usurpabunt, si unquam opus fuerit.



DIcamus ergo quod natura hujusmodi succi est frigida & sicca in gradu secundo & est subtilis substantiae vehementis abstersionis fortiter incidens humores grossos viscosos subtilians eos : frigiditatem vero & siccitatem hujusmodi succi significat fortis acetositas ejus . Subtilitatem autem substantiae suae significat velocitas conversionis ejus ad id quod cum eo permiscetur sicut zucarum aut sal . Vehementem autem abstersionem ejus significant operationes ejus manifestae in extrinseco corporis humani & in aliis corporibus sicut ablutio quam facit in exteriori parte corporis & mondificatio ejus quando cum eo fit fricatio & mondificatio quam facit in Ære & in Vasis Æneis & eorum absterio ab omnibus sordiciebus quae eis adveniunt & eradicatio malarum vel rerum sordidarum quas a pannis eradicat ; & juvamentum ejus ad morseam nigram & pano & impetigini quando cum tali succo fit fricatio aut linitio super ea ; Virtutem autem incisivam ipsius significat illud quod apparet ex operatione ejus in flegmatibus viscosis grossis adhaerentibus palato & gutturi incidendo ipsa & eradicando ea & facili expulsiōe ipsorum

rum per sputum. Et cum istis proprietatibus & virtutibus succus praedictus est in-
 flammationem stomachi extinguens acuitatem
 sanguinis & sedans ejus furiositatem & ebulli-
 tionem ipsius subtilians quod ex eo est grossum
 conferens febribus conclusis causatis ex calefac-
 tione sanguinis & factis ex putredine ipsius con-
 ferens etiam bothor & apostematibus generatis
 ex eo sicut sare & safati: & forunculis & apos-
 tematibus gutturis: & uvulae & amigdarum: &
 squinantiae prohibens illud quod de materiis de-
 fertur seu fluit ad ea praecipue quando cum eo
 fit gargarisma. Conferens est etiam acuitati co-
 lerae citrinae: frangens malitiam ipsius & fu-
 riam ejus & abstergens quod de ea aggregatur
 in epate & stomacho & in partibus ei vicinanti-
 bus & propter illud efficitur juvans angustiae &
 syncopi & tristitiae causatae ab ea; & est ab-
 scindens vomitum colericum removens nauseam
 & subversionem animae excitans appetitum cibi
 & commovens ipsum sedans sodam & vertigi-
 nem & scoromiam generatam ex vaporibus ejus:
 conferens caphachà causato ex vaporibus colerae
 nigrae: conveniens febribus tertianis puris aut
 non puris: & ad summum conveniens est pa-
 tientibus febres antiquas omnes propterea quod
 extir-

extinguit caliditatem ipsarum & incidit & subtiliat illud quod ex eis est grossum : & abluir : & abstergit illud quod est in meatibus & viis adhaerens coarctatum generans vel causans opilationem facientem putredinem ; & est abstergens quod aggregatur in stomacho & epate de humoribus grossis viscosis : incidens subtilians grossitiam eorum : adjuvans ad ascensum ejus quod oportet ascendere & expelli per superius per vomitum : Et adjuvans ad descensum ejus quod oportet descendere & expelli per inferius per secessum abscindens vomitum flegmaticum causatum ab humore retento in eo : prohibens ebrietatem quando sumitur post vinum vicibus pluribus : Removens corruptionem vel vomitum cibi multi viscosi & unctuarii molificantis os stomachi occurrens ei lavando ipsum a superfluitatibus suis & unctuositatibus ejus & cum hoc removet molificationem ejus acquisitam ab eis ; Et cum hoc juvamento est bezahar resistens a tota substantia venenis quae bibuntur aut ab extra applicantur sicut venenum viperarum serpentum scorpionum & proprie scorpionum qui nominantur algierarar : & venenis plurimis ex medicinis interficientibus quum assumitur ante adventum ipsorum venenorum , aut assumitur post evacuationem

tionem ejus quod est in stomacho & quod est cum eis mixtum cum vomitu ultimo seu efficaci post assumptionem lactis & butiri & similium; Et in summa juvamenta ejus sunt plurima & utilitates hujusmodi succi sunt exuberantes. Et iste quidem succus non habet nocumentum de quo dubitetur neque laedit aliquod membrorum. Verum non est conveniens eis qui habent nervos debiles & habentibus complexionem frigidam. Et plurimum illius nocumenti accidit quando talis succus assumitur simplex non permixtus cum eo quod rectificat ipsum. Et propter illud succus Limonum praedictus est magis conveniens patientibus duo nocumenta quam acetum propter debilitatem illam quae ex eo sequitur vel causatur in stomachis ipsorum, & in intestinis eorum, vel secundum aliam litterarum in membris ipsorum & propter paucitatem tolerantiae nocumenti aceti. Immo esse ipsius in juvamento est sicut esse aceti & in juvamento amborum scilicet stomachi & intestinorum succus ipse nobilitatem habet & virtutem quae in aceto non reperitur. Et propter hoc illi qui eligunt potum hujusmodi succi & multum utuntur eo excusantur per ipsum a syrupo acetoso in plurimis dispositionibus & hoc quando administrant ipsum secundum semitam medicinae.

dicinae. Secundum autem semitam cibi ipse quidem non habet in cibatione utilitatem de qua sic curandum immo non existimatur, quod declinet ad cibos neque numeratur inter eos.

Ex editione Veneta.

DIcamus ergo quod natura hujusmodi succi est frigida sicca in gradu secundo, & est subtilis substantiae vehementis abstersionis: fortiter incidens humores grossos, viscosos, subtilians eos. Frigiditatem vero, & siccitatem hujusmodi succi significat fortis acetositas ejus: subtilitatem autem substantiae suae significat velocitas conversionis ejus, ad id, quod cum eo permiscetur, sicut zucorum, aut sal. Vehementem autem abstersionem ejus significant operationes ejus manifestae in extrinseco corporis humani, & in aliis corporibus sicut ablutio, quam facit in exteriori parte corporis, & mundificatio ejus, quando cum eo fit fricatio: & mundificatio, quam facit in aere, & in vasis aeneis: & eorum abstersio ab omnibus sorditibus, quae eis adveniunt & eradicatio macularum, vel rerum sordidarum, quas a pannis eradicant: & javamentum ejus ad morseam, nigram & panno,
&

& imperigini, quando cum tali succo fit fricatio, aut linitio super ea: Virtutem autem incisivam ipsius significat illud, quod apparet ex operatione ejus in phlegmatibus viscosis grossis adhaerentibus palato, & gutturi incidendo ipsa, & eradicando ea, & facili expulsionem ipsorum per sputum. Et cum istis proprietatibus succus praedictus est in frigidans inflammationem stomachi, extinguens acuitatem sanguinis, & sedans ejus furiositatem & ebullitionem ipsius, subtrahens, quod ex eo est grossum: conferens febribus conclusis causatis ex calefactione sanguinis, & factis ex putredine ipsius, conferens etiam bo-
 thor, & apostematibus generatis ex eo sicut sere, & safati furunculis, & apostematibus gutturis, & uvulae, & amygdalarum, & squinantiae prohibens illud, quod de materiis defertur, seu fluit ad ea praecipue, quando cum eo fit gargarisma, conferens etiam acuitati colerae citrinae, frangens malitiam ipsius, & furiam ejus, abstergens quod de ea aggregatur in hepate, & stomacho, & in partibus ei vicinantibus: & propter illud efficitur juvans angustiae syncopi, & tristitiae causatae ab ea: Et est abscindens vomitum colericum removens nauseam, & subversionem animae, excitans appetitum cibi, & commovens ipsum,

C

sedans

sedans sodam, & vertiginem, & scotomiā generatam ex vaporibus ejus conferens casacham caustato ex vaporibus colerae nigrae conveniens febribus tertianis puris, aut non puris. Et ad summum conveniens est patientibus febres antiquas omnes: propterea quod extinguit caliditatem ipsarum, & incidit, & subtiliat illud, quod ex eis est grossum, & abluit, & abstergit illud, quod est in meatibus, & viis adhaerens coarctatum, vel inobediens, & generans, vel causans opilationem facientem putredinem. Abstergens, quod aggregatur in stomacho, & hepate de humoribus grossis viscosis, incidens, subtilians grossitiam eorum: Adjuvans ad ascensum ejus quod oportet ascendere, & expelli per superius per vomitum, & adjuvans ad descensum ejus, quod oportet descendere, & expelli per inferius per secessum: Abscindens vomitum flegmaticum causatum ab humore retento in eo, prohibens ebrietatem, quando sumitur post vinum vicibus pluribus. Removens corruptionem, vel nocumentum cibi multi viscosi, & unctuarii mollicantis os stomachi occurrentis ei, lavando ipsum a superfluitatibus suis, & unctuositatibus ejus, & cum hoc remover mollificationem ejus acquisitam ab eis. Et cum hoc juvamento est bezahar resistens a tota sub-

substantia venenorum , quae bibuntur , aut ab extra applicantur , sicut venenum viperarum , serpentum , scorpionum , & proprie scorpionum , qui nominantur algierarat , & venenis plurimis ex medicinis interficientibus , quando assumitur ante adventum ipsorum venenorum , aut assumitur post evacuationem ejus , quod est in stomacho , & quod est cum eis medicinis mixtum , cum vomitu ultimo , seu efficaci , post assumptionem lactis , & butyri , & similibus , & in summa juvamenta ejus sunt plurima , & utilitates hujusmodi succi sunt exuberantes , Et non habet nocumentum succus praedictus , de quo dubitetur , neque laedit aliquod membrorum : Verum non est conveniens eis , qui habent nervos debiles , & habentibus complexionem frigidam , & plurimum illius nocumenti accidit , quando talis succus assumitur simplex , non permixtus cum eo , quod rectificat ipsum , Et propter illud succus Limonum praedictus est magis conveniens patientibus duo nocumenta , quam acetum propter debilitatem illam , quae ex eo sequitur , vel causatur in stomachis ipsorum , & in intestinis eorum & propter paucitatem tolerantiae nocumenti aceti . Immo esse ipsius in juvamento est , sicut esse aceti : Et in juvamento amborum , scilicet sto-

C 2

machi,

machi, & intestinorum succus ipse nobilitatem habet, & virtutem, quae in aceto non reperitur, & propter hoc, illi, qui eligunt potum hujusmodi succi, & multum utuntur eo, excusantur per ipsum a syrupo acetoso in plurimis dispositionibus, & hoc quando administrant ipsum secundum semitam medicinae. Secundum autem semitam cibi ipse quidem non habet in cibatione utilitatem, de qua sit curandum, immo non existimatur, quod declinet ad cibos, neque numeratur inter eos.

Ex editione Parisiensi.

DIcamus ergo, quod natura hujusmodi succi est frigida, & sicca in gradu secundo, & est subtilis substantiae, vehementis absterfionis, fortiter incidens humores grossos, viscosos, subtilians eos: frigiditatem vero, & siccitatem hujusmodi succi significat fortis acetositas ejus, subtilitatem autem substantiae suae significat velocitas consumptionis ejus ad id, quod cum eo permiscetur, sicut saccarum, aut sal: vehementem autem absterfionem ejus significant operationes ejus manifestae in extrinseco corporis humani, & in aliis corporibus: sicut ablutio, quam facit in
exte-

exteriori parte corporis, & mundificatio ejus, quando cum eo fit fricatio, & mundificatio, quam facit in aere, & in vasis, aeneis, & eorum absterfio ab omnibus sorditibus, quae eis adveniunt, & eradicatio macularum, vel rerum sordidarum, quas a pannis eradicant, & juvamentum ejus ad Morphaeam nigram, & panno, & imperigini quando cum tali succo fit fricatio, aut lenitio super ea: virtutem autem incisivam ipsius significat illud, quod apparet ex operatione ejus in phlegmatibus viscosis, grossis adhaerentibus palato, & gutturi, incidendo ipsa, & eradicando ea facili expulsionem per sputum, & cum istis proprietatibus, & viribus succus praedictus est infrigidans inflammationem stomachi, & extingvens acuitatem sanguinis, & sedans ejus furiositatem, & ebullitionem ipsius, subtilians quod ex eo est grossum, conferens febribus conclusis causatis ex calefactione sanguinis, & factis ex putredine ipsius, conferens etiam bothor, & apostematibus generatis ex eo, sicut sare, & saphati, & furunculis, & Apostematibus gutturis, & uvulae, & amigdarum, & squinantiae, prohibens illud quod de materiis defertur, seu fluit ad ea praecipue quando cum eo fit gargarisma. Conferens est etiam acuitati cholerae citrinae, frangens mali-

tiam ipsius, & ejus furorem, & abstergens quod de ea aggregatur in hepate, stomacho, & in partibus ei vicinantibus, & propter illud efficitur juvans angustiae & syncopi, & tristitiae, causatae ab ea, & est abscindens vomitum cholericum, removens nausëam, & subversionem animae, excitans appetitum cibi; & — ipsum, & sedans sodam, & vertiginem, & scotomiam generatam ex vaporibus ejus, conferens caphacan. idest tremori stomachi causato ex vaporibus cholerae nigrae, conveniens febribus tertianis puris, aut non puris, & ad summum conveniens est patientibus febres antiquas omnes, propterea quod extinguit caliditatem ipsarum, & incidit, & subtiliat illud, quod ex eis est grossum, & abluit, & abstergit illud, quod est in meatibus, & viis adhaerens coarctatum, generans, vel causans oppilationem facientem putredinem, & est abstergens ejus, quod aggregatur in stomacho, & hepate de humoribus grossis viscosis: incidens, & subtilians grossitiam eorum, adjuvans ad ascensum ejus quod oportet ascendere, & expelli per superius, & vomitum, & adjuvans ad descensum ejus quod oportet descendere, & expelli per inferius per secessum, abscindens vomitum phlegmaticum causatum ab humore retento in stomacho: prohibens

hibens ebrietatem quando sumitur post vinum vicibus pluribus, removens corruptionem, vel vomitum cibi multi viscosi, & unctuarii molificantis os stomachi occurrentis ei, lavando ipsum a superfluitatibus suis, & unctuositatibus ejus, & cum hoc removet mollificationem ejus acquiram ab eis, & cum hoc juvamento est bezahar resistens a tota substantia venenis, quae bibuntur aut ad extra applicantur, sicut venenum viperarum, scorpionum, & proprie scorpionum, qui vocantur Algerarati. idest parvorum scorpionum post se trahentium caudam. idest rastellatorum, habentium corpus gibbosum, caudam acutam, quorum venenum est calidum, & venenis plurimis, & medicinis interficientibus, quando assumitur ante adventum ipsorum venenorum item si assumatur post assumptionem venenorum scilicet post evacuationem ejus quod est in stomacho factam per vomitum a lacte, vel butiro excitatum, abstergit enim stomachum, & venenum erradicat per vomitum ultimum. Et in summa juvamenta ejus sunt plurima & utilitates hujusmodi succi sunt exuberantes: & iste quidem succus non habet nocumentum, de quo dubitetur, neque laedit aliquod membrorum. Verum non est conveniens eis, qui habent nervos debiles, & habentibus

40
tibus complexionem frigidam, & plurimum illius nocumenti accidit, quando talis succus assumitur simplex non permixtus cum eo, quod rectificet ipsum, & propter illud succus Limonum praedictus magis est conveniens patientibus duo nocumenta, quam acetum, propter debilitatem illam, quae ex eo scilicet aceto sequitur vel causatur in stomachis ipsorum, & intestinis eorum, vel secundum aliam literam, & in membris ipsorum, & propter paucitatem tolerantiae nocumenti aceti, in eo esse ipsius in juvamento est sicut esse aceti in juvamento amborum, scilicet stomachi, & intestinorum succus ipse nobiliorem habet virtutem, quae in aceto non reperitur, & propter hoc illi, qui eligunt potum huiusmodi succi, & multum utuntur eo, excusantur per ipsum a succo acetoso in pluribus dispositionibus, & hoc quando administratur ipsum secundum semitam medicinae, secundum autem semitam cibi ipse quidem non habet in cibatione utilitatem, de qua sit curandum, imo non extimatur, quod declinet ad cibos, neque nominetur inter eos.

CAPUT

CAPUT III.

*De natura & proprietatibus Succi Malorum
Limoniorum, cum suis corticibus
expressorum.*



Lurimis attentis proprietatibus illis, ob quas in plerisque morbis Malorum Limoniorum succum utilem maxime esse *Ebembitar* hic summatim docet; ut eas modo adamussim explicem, imo pro dignitate prosequar: rem totam in articulos data opera dividam; in quibus singulis Auctoris ipsius mentem accuratius interpretabor: dum ea nempe, quae ibidem strictè proferuntur, alioquin scitu maxime digna, qua potero diligentia enucleare contendam.

Horum itaque Articulorum series ita se habebit, ut problem

Art. I. Quod Malorum Limoniorum succus incidens, & abstergens suapte natura vere sit.

Art. II. Quod Malorum Limoniorum succus, uti abstergens, ab extra Corpora detergat, ideoque in plurimis Cutis morbis utilis sit.

Art. III. Quod Malorum Limoniorum succus, uti incidens, tenaces, & viscidos humores adeo solvat, ut genitos ab iis morbos evincat.

Art. IV. Quod Malorum Limoniorum succus, uti attenuans nimium humorum aestum, valeat in febribus inde ortis, in inflammationibus, & Apostematibus peculiaribus.

Art. V. Quod Malorum Limoniorum succus potissimum attenuet

peret Bilis aestus, seu maxis furorem, ideoque sedet morbos;
& accidentia, quæ ab illa sunt.

Art. VI. Quod Malorum Limoniorum succus, simulac humores
attemperat, insuper incidat, & abstergat, iuxta indigentiam.

Art. VII. Quod Malorum Limoniorum succus, tanquam Beza-
har contra venena, sive tanquam Alexipharmacum remedium
haberi merito debeat.

Art. VIII. Quod Malorum Limoniorum succus non noceat alicui
membro, sed nervis tantum, & iis demum Homini-
bus, qui frigida temperie pollent.

Art. IX. Quod Malorum Limoniorum succus, magis quam
Acetum, conveniat, & utilis sit, congrua facta utriusque com-
paratione.

Art. X. Quod Malorum Limoniorum succus, pro nutriendo
corpore nihil valeat.



CAPUT III.

ARTICULUS I.

*Quod Malorum Limoniorum succus incidens,
& abstergens suapte natura
vere sit.*



EX eo vel maxime evincitur; quod mira vis incidens in succo Limoniorum malorum viget; quia succus iste ab aliis acidis summo pere differt, in quibus vis adstringens praecipue dominatur. Merito enim, Galeno teste, in propositum nostrum animadvertit Hieronymus Nigrifolius (22) quod ex acidis hujuscemodi succis alii sunt, qui crassis & terrestribus scatent particulis, qui scilicet ideo adstringunt, quippe quod austeri sunt: alii, qui tenuissimis atque penetrantibus scatent moleculis; qualis est malorum Limoniorum succus; qui propterea tantum abest, ut vere adstringat, quod potius attenuet, & incidat maxime. Nam hoc (uti praecitatus Auctor innuit) ratio quoque suadet. Cum enim acida & succi Citri, & Limonum in specie, tenuium sint partium, ea, quae crassa sunt, & viscida melius penetrare posse, & per illa se se insinuando divellere, atque ideo incidere, etiamsi frigida sint, nemo non fatebitur. Atque id ipsum confirmat testimonio Sennerti, Isaaci Judaei, & Hewnii. Quod quidem ut eo magis demonstraretur, sequens experimentum proponit, quod ad rem non
frank

(22) Hieron. Nigrifol. Progymn. 2. de Succ. Citr. & Limon.

fram facit. Si ponatur succus agrestae in uno vitro, & in alio succus Limonum, vel Citri, & in utroque ponatur ovum, cera, vel lapillus; succus Limonum, vel Citri emolliet ovum, ceram, & lapillum, succus autem agrestae nequaquam: & ratio est, quia succus Citri & Limonum tenuissimae substantiae est, adstrictionis expers, ideoque penetrat & incidit; Agresta vero propter partes terrestres & crassas, quibus componitur, non potest id facere. Quibus ratiocinis in Renum frangendo calculo, meatus abstergendo, maculas auferendo, ac detergendo non ultimas tenere partes, omnibus est in confesso. Propter specialem incidentem hanc & attenuantem facultatem, ultro monet Auctor iste, quod malorum Limoniorum succus, utcumque assumptus, atque etiam ferculis & iusculis immixtus, Uteri quandoque morbis prospiciat; unde & Puerperis tuto concedi queat, etiam si lochia fluant. Tantum enim abest, quod possit lochiorum fluxum adstringendo compescere, ut male opinatur Vulgus, quin potius sua vi incisiva, attenuante, & aperitiva, eorum faciliorem reddere expurgationem, ac uberiores aptus existat: quod quidem adnotatu maxime dignum est in quamplurimis circumstantiis, de quibus infra nobis agendum erit. Atque ut eo magis magisque huiusce succi incidentem & colliquantem facultatem patefaciat Montanus (23) eum cum Aceto ita comparat: Succus autem Limonum tantae aciditatis est, & in tenuissima substantia fundatur, ut acetum etiam incidendo & colliquando superet: & clarum est hoc experientia, cuius facultates neque a Galeno, neque ab Antiquis deprehensas esse video, neque enim omnia experiri potuerunt: atque comparatio haec Aceti cum Limoniorum succo fusius postea proponenda erit. Itaque cum huiusce succi vires haud satis cordatioribus Antiquis Medicis innotuissent, minime mirum videbitur, quod ex illis plerique adstringentem, & incrassantem potius

(23) Montanus de Simpl. Medicam. qualit. Comment.

porius, quam incidentem & abstergentem ei vim adscribere non dubitaverint. Exinde factum fortassis est, quod in morbis Pectoris (tunc cum tutior, & utilior crisis per anacatharsim promoveri a Natura solet) non modo ex Antiquis, verum etiam ex Recentioribus Medici tantum abest quod succum Limoniorum unquam omnino laudent, ut ad eum confugere piaculum sere ducant; pro certo scilicet habentes, quod hoc praesidio tenaciora fiant sputa, firmitusque bronchialibusea adhaereant tubulis, atque insuper contractilis vis eorum musculorum torpescat, qui ad excreatum conferunt; quod idem est ac dicere, quod succus Limoniorum, uti adstringens, sputorum excreatum impediat. Quicumque autem indiscriminatim sententiae huic adhaerere velit, errare multoties poterit, atque tunc maxime, cum in Pectoris morbis eae vigent circumstantiae, propter quas succi Limoniorum usus omni jure convenit & necessarius vere est. Atque hoc potissimum contingit in Pleuritide illa, quae speciatim Biliosae nomen habet; in qua nempe, quia furens abundat Bilis, eaque summum in sanguine, ac etiam in Pectore, aestum & tumultum parit, initio emeticum aliquando utiliter usurpamus, eo videlicet animo, ut proveniens ab Hepatis ductibus hostilis biliosus ille humor, quo citius fieri potest, educatur, ne ad Pectus transiens, eo magis Pulmones aggravet. Tunc autem cum ita penitus eliminari bilis nequeat, ejus impetum saltem compescimus ope Limoniorum succi, cum aqua diluti, addito etiam saccharo, uti Aegroti placeat, aut morbi ipsius ratio poscat. Insuper in Pleuritide illa, aut alio Pectoris morbo, qui a tenaciore copiosa lymphâ unquam fiat, aequè utilis, ob allatas rationes, evadet Limoniorum succus, qui eam incidet, dissolvit, atque ad urinarias vias abunde deducet, ut inde dissipetur. Non ideo uti adstringens indiscriminatim in morbis Pectoris.

Pectoris omnibus damnandus est succus Limoniorum: sed tunc solum cum fibrarum laxa maxime textura utcunque est, seu potius vis vitae languet, neque nimius in sanguine dominatur aestus: atque hoc eo clarius evinci ex iis poterit, quae Articulo VIII. dicentur.

Alioquin vero incidens & attenuans succi Limoniorum vis ultra a *Mangeto* (24) confirmatur, dum admonet, quod succi Limoniorum sunt admodum efficaces in dissolvendis calculis, & detergendis partibus. Quod insuper a *Gesnero* eruimus (25) ubi testatur, quod si dissolvantur aceto forti, praesertim distillato, vel succo Limonum, Margaritae, Testae ovorum, Lapides Renum, Vesicae, Corallium utrumque, ea post siccata prompte friantur. (26) Non mirum igitur est, si Medici ad frangendos calculos summo opere extollant succum Limonum. Quam ideo, ad dissolvendos calculos, in hoc succo vigere vim, si quis unquam omnino concedere nolit, is tamen non negabit, quod arenulas, mucososque Renum & Vesicae humores dissolvendo, possit impedire ne calculi adeo facile concresecant, neque tam cito augeantur: quippe quia alibi ostendimus, quod diureticum efficax remedium hoc est, quod & aliis, uti tutius, palmam praeripit.

Quae porro omnia cum satis esse videantur, ad incidentem & abstergentem succi huiusce miram vim comprobendam: tot alia modo omittimus, cum & ea, quae dicentur postea, id ipsum confirmare valeant. Attamen quia *Nigrifolio* concedimus (27) quod, quae afferuntur de *Citri viribus*, eadem Limonibus appellatis erunt tribuenda: plurimi fieri ad hoc debet succi Citri Chymica Analysis,
a Geof-

(24) *Manget.* Bibliothec. Pharmac. Med. lib. 12. Tom. 2.

(25) *Evonym.* Conrad. *Gesner.* de Remed. Secr. lib. 1.

(26) *Montanus* loco supra citato.

(27) *Hieronym.* *Nigrifol.* Progymn. ut supra.

2 Geoffroy (28) tentata, quae vere ad rem nostram facit; atque huiusmodi est. Ex succi Citri recenter expressi libris quinque prodierunt humoris limpidi, saporis & odoris fere expertis, obscure subsalsi & obscure acidi, libra una, unciae quinque, drachmae tres, & grana sex. Humoris limpidi, saporis & odoris expertis, neque manifeste neque obscure acidi, austeri, subsalsi librae duae, drachmae tres, grana triginta. Humoris rufi, leviter empyreumatici, intense acidi, austeri, cum acredine, quidam, obscure subsalsi & alcali, drachmae sex & grana avardecim. Olei spissi drachmae duae. Massa nigra in retorta residua pendebat uncias duas, & drachmas septem, cum granis decem & octo: quae calcinata reliquit Cinerum uncias quatuor, & grana sexaginta cum uno; ex quibus salis fixi, mere alcali, drachmae duae cum granis viginti quatuor lixivio sunt extractae. Partium factura in distillatione fuit drachmarum sex cum granis quadraginta duobus: In calcinatione, duarum unciarum, duarum drachmarum, & granorum viginti novem. Ad quae omnia si quispiam, congrua servata analogia, rite mentem intendat, haudquaquam verebitur asserere, quod Limoniorum malorum succus & incidens, & abstergens suapte natura sit. Utrumque praeterea ex sequentibus Articulis eo magis patebit, simulac & plures alias ipsius proprietates enucleaverimus, jure meritoque cum Poterio (29) concludendum nobis erit, quod iste succus, ob praestantiam, & saporis dignitatem, omnes alios facile superat.

Sed antequam ad alia transeamus, ut eo magis magisque comprobetur admirabilis vis incidens, qua Limoniorum succus prae aliis praestat: ob quam nempe non modo Renum: & Vesicae calculos (ut paullo antea diximus) dissolvere ipse valet, verum etiam marmorea solidissima corpora: summo opere

(28) Geoffroy Tom. 2. Mater. Med. Part. 2. Sec. 2.

(29) Petr. Poterius in Pharmac. Spargyr. lib. 3. Sec. 2.

mopere interesse puto, quod accuratissimi *Theophili Lobb* experimenta, Anglico idiomate primum evulgata, subinde Gallice traducta, summatim hic referam; (*) quae maxime ad rem nostram faciunt. Primo enim in epistola ad D. *Hans-Sloane* R. Societatis Londinensis Praesidem, & postea in alia ad D. *Mortimer* ejusdem Societatis Secretarium conscripta, Auctor iste ostendit, quod Alabastrites albus & ruber, & alia marmorea dura corpora Limoniorum succo solvuntur optime, tunc cum aëreae inde bullae speciali modo erumpunt. Inito autem experimento in humano lapide, idipsum, ejusdem succi ope, contigisse animadvertit: sive nempe simplici eo succo, sive addito eidem melle, sive & Anglica portione, *Punch* nuncupata, usus ad hoc ipse fuerit. *Punch* vero ea potio est, quae (ut ex annexis ibidem notis patet) in Anglia parari solet, tunc cum duabus partibus Aquae communis, alteram addunt spiritus Vini, cum sufficiente quantitate sacchari, ad ejus attemperandam vim, cui demum eam succi Limoniorum dosim adjiciunt, quae satis esse videatur, ad gratam ipsi conciliandam aciditatem. Neque vero ad propositum nostrum conferre quidquam existimaverim; quod eas singillatim hic adferam animadversiones, quibus *Lobb* evincit, quod lapides isti, aut e terra eruti, aut ab humano prodeuntes corpore, non aequè cito, nec eodem modo solvantur omnes, sed diversimode quidem, pro varia eorumdem compage: tam si simplex adhibitus sit Limoniorum succus, quam si additum sit mel, vel etiam praedicta potio *Punch* fuerit insurpata. Satis enim est ex iteratis experimentis hisce deducere, quod, uti Limoniorum simplex succus lapides dissolvit, ita incidens & aperiens ipse dici jure meritoque debeat.

CAPUT

(*) Traité des moyens de dissoudre la Pierre &c.

CAPUT III.

ARTICULUS II.

*Quod Malorum Limoniorum succus, uti ab-
stergens, ab extra Corpora detergat,
ideoque in plurimis Cutis morbis
utilis sit,*



Atis, ut opinor, ostendimus in antecedente Articulo, quod Malorum Limoniorum succus ideo incidens vere sit, quia tenuissimis ipse scatet particulis, quae poros corporum intime subeunt, atque pervadunt. Eae itaque ipsae molecule penetrantes, atque scindentes, si in Corporum interstitia se se unquam insinuant, & facile, & cito in eorundem extimas superficies primo vim suam exerunt. Atque proinde fit, quod si forte foedata ab extra illa Corpora sint, eo quia tenax aliquis, aut sordidus humor ibidem concreverit, atque firmiter constiterit: illuc pervadendo succus iste penetrans, atque scindens, foedantem humorem illum inde removebit penitus, usque dum abstergatur pars, seu sordes tolerantur. Hoc quippe norunt Mulierculae ipsae, quibus mos est, dum atramentum ab indusiis, aliisque vestibus auferre satagunt, quod eas Limoniorum succo abluant; quo nihil aptius reperitur ad ejuscemodi delendas maculas. Etenim haud quidquam tunc refert, quod atramentum liquor viscidus sit, & tenax, ob adjunctum ipsi arabicum Gummi, propter quod firmiter corporibus adhaeret.

D

Nam

Nam tenuissimae Limoniorum succi guttulae, exsiccati licet, atramenti poros intime subeunt, atque nexus partium solvunt adeo, quod nigricantes particulas loco moveant, easque denique illinc detergendo, maculas eas tandem omnino deleant. Quamobrem nemo fidem denegabit Domino Favernier (30), qui in peregrinationibus suis per Regnum Tunquin testatur, quod ibi Citria quaedam mala succrescant, tam acido succo praedita, quod neque mandi ea queant, absque molesta Oris & Ventriculi laesione, quippe quia ea Limoniorum Malorum naturam abunde obtineant. Ejuscemodi vero ab illis fructibus elicitus succus (uti apud nos Aqua fortis) ab Incolis illis usurpatur ad mundanda metalla, cuprum, stannum, ferrum, antequam deaurentur, uti & ad tincturas, praecipue Serici. Ibidem quoque adhibetur acidissimus succus ille pro loxiis, ad candorem lintheaminibus conciliandum, eaque excolenda. Quin & per totum Magni Mogoris Imperium eo utuntur ad pannos lineos, calciticos dictos, candefaciendos, unde interdum adeo nivei, & lucidi evadunt, ut splendore nimio intuentium oculos perstringant, & offendant. Quapropter Arabico Auctori nostro fas erit concedere, quod Limoniorum succus ita potens sit, ut a vasis aeneis sordes abstergat, & maculas a pannis omnino tollat. Atque id notum etiam est Tinctoribus, qui eo passim utuntur succo, (31) ad colores multos transmutandos, aut fixiores efficiendos: ex quo fit etiam, ut parva ejus succi guttula, super vestes forte cadens, plerisque colores in flavum protinus immutet. Namque ob eandem rationem, ob quam ita valet succus iste, (32) quod elegantem purpureum colorem conservae rosarum, aut etiam violarum, aliorumque multo-

(30) Manget. Bibliothec. Pharmac. Med. lib. 12. Tom. 2.

(31) Geoffroy Tom. 2. Mat. Med. Part. 2. Sec. 2.

(32) Manget. Biblioth. Pharmac. Med. lib. 12. Tom. 2.

multorum conciliet; ita & apud Tinctores magno in pretio habetur, ad colores multos *transmutandos*, aut figendos. Atque hinc factum esse reor, quod ex malis Limoniis paretur distillata aqua, quae (33) valet maxime ad expoliendam faciem, pro fuco: quae & vitiligines & totius Corporis tollit maculas, & varos delet: ad quod insuper conferre, maxime & ipsum horum fructuum succum, addito saccharo, vulgares quoque mulierculae norunt. Parem distillatam ex Limoniis aquam *Pisanellus* (34) indicat, quae tanti fieri a foeminis consuecit, quanti ab ipsis habetur faciei venustas, ut Viris placeant, cum ejus ope maculae quaevis illico deleantur. Neque solum hoc adminiculo evanescent e Cute maculae; verum etiam variae, quae ibi assurgunt eminentiae parvae, vel a pravo quolibet erodente humore, vel ob quamcunque morbosam causam exortae: propter quod fit, ut, *Ebembitar* testimonio, *Morpheae*, *Panno*, nec non *Impetigini* succus iste prospiciat, si cum eo fiat *fricatio*, aut *liniatio*. Et porro uti apud saniores Practicos Medicos in plerisque Cutis morbis (ubi maxime fas sit attemperare, atque detergere) acida fere omnia remedia commendantur: ita & potiore jure succus Limoniorum utilis existimatur. Ad detergendam faciem a Varis foedatam *Joseph Lanzonus* (35) praesertim eo utitur, una cum aqua destillata Lapathi acuti, pro ablutione. Dicit insuper, quod ad hoc adhibent aliqui Mercurium crudum, eodem succo subactum, addita viperarum pinguedine, ut fiat linimentum. Ast ego Mercurii usum in hisce circumstantiis, ob quamplurimas rationes, haud ita facile probarem; eoque minus, si nulla tunc adit celticae luis suspi-



D 2

cio.

(33) Andr. Matthiol. Com. in lib. 1. Dioscorid.

(34) Pisanelli Trattato della natura de' Cibi.

(35) Joseph Lanzonus Consult. 152.

cio. Cumque alibi *Lanzonus* (36) in impetigine, prae caeteris; laudet sulphur cum aceto, ut affecta fricetur Cutis: quod ea illiniatur cum saliva humana, & oleo Tartari: proponit denique Limoniorum succum, vel acetum cum saccharo Saturni. Quae quidem curandi methodus conformis ubique est Antiquorum Medicorum judicio. Nam *Rasis* de hisce morbis agens (37) ita sentit. *De his autem, quae impetiginem auferunt, est fricatio, quae fit cum Citri acetositate, & ammoniaco, & aceto: vel cum Masbacumina mixta cum aceto, & episthemata, aut cum mugad, & aceto.* Etiam *Silvaticus* (38) ex *Aben Mesuay* deducit, quod Citri acetositas, quando linitio fit ex ea, convenit impetigini, & auferit eam: uti quoque ex *Avicenna*, quod haec acetositas abstergit choleram rubram, & auferit pannum. . . & valet impetigini illinita. Neque mirum erit, quod, cum nos hic de Limoniorum succo speciatim agamus, acetositatis Citri usum cum hisce Auctoribus consideremus. Etenim, ut toties diximus, Limonia tam viribus, quam suapte natura a Citriis non multum differunt. Imo addam, quod si Citriorum succus, utpote acidus, ad hoc commendatur; utilior eo longe censendus sit Limoniorum succus, qui illo revera acidior est. Cum autem hic obiter & de Morphea, & de aliis hujuscemodi pustulis, quae in facie, vel in Cute quomodocunque fiunt, incidere sermo; Tyrones praecipue Medicos, ut animadvertant, obsecro, quod ut plurimum adhibita extrinsecus remedia parum juvant, etsi optima illa sint, quin una & interna congrua praescribantur. Siquidem raro fit, quod externa illa succrescant in Cute mala, quae a falsa (ut ajunt) aut quomodolibet acri, sive etiam biliosa humorum temperie;

(36) Joseph Lanzonus Consult. 144.

(37) Rasis Tract. 5. cap. 31.

(38) Matthaeus Silvatic. in Pandect. cap. 345.

male una se habente Hepate, primo non habeant originem. Pierique ideo, qui diu meraciore utuntur vino, propter quod & acris maxime, atque aestuans in iis bilis emergit, sive (ut paucis dicam) calidam Hepatis intemperiem inde contrahunt, ii facile morphea rubra foedantur. In quibus circumstantiis, praeter abstergentia remedia quaelibet, atque Limoniorum malorum succum, extrinsecus usurpatum, interna praesertim demulcentia, & attemperantia fas erit adhibere, eumdemque insuper Limoniorum succum in aqua ebibere; qui ne dum detergit, verum etiam, si quis alter, humorum aestum attemperat: uti postea clarius ostendamus.

Prae aliis autem, quae in cute eveniunt, pustulis; quae detergentium huiuscemodi remediorum ope sanantur, aut saltem mitescunt, eas etiam per transfennam considerare fas est, quae ad scabiem attinent, in cuius potissimum curatione praelaudari Limoniorum succi abstergens vis plurimi habetur. Sive enim scabiosae pustulae jam satis eruperint, & suppuratae sint, ut apto tempore detergentur melius, exsiccentur, atque secedente crusta citius evanescant: sive illae paucae sint, ut contiguas inficiendo partes, non affluentius prodeant: in utroque casu Limoniorum succi externus usus proderit, dummodo id apto tempore, congruaque ratione fiat. Nam, quod ad primum morbi statum attinet, anteaquam consuetis linimentis scabiosae pustulae curentur, Limoniorum succo cutis erit abluenda, ut sordes inde detergentur, quae poros ibidem obstruunt: atque id ipsum iterum erit praestandum, statim ac pustulae illae, unguenti praedicti ope, magna ex parte complanatae sint, ita quod exsiccati incipiant. Imo & ob easdem rationes, uti linimento illi Acetum aliqui adjicere solent, ego Limoniorum succum immiscere ut plurimum malo. In hunc propterea finem Radices Lapathi acuti

recentis ebulliri, pro ut opus sit, in Axungia, vel in Butyro jubeo, donec humiditas consumpta sit, saepe tamen cum lignea spatula agitando: factaque colatura cum forti expressione, addo congruam dosim sulphuris, & salis communis, in tenuissimum pulverem redacti: totique huic massae, rite jam praeparatae, tertiam circiter partem adjicio succi hujusce, ut iterum lento igne ebulliat, atque postea serviat pro linimento. Non negaverim tamen, quod in Pauperibus, quorum crumenae, quo magis fieri potest, parcendum est, ad hoc aequae praescribi possit acetum, dummodo ejus augeatur dosis, ut melius fortietur effectum. In secundo autem casu valet adeo congrua Cutis ablutio, cum succo Limoniorum opportune facta, ut illi, qui scabie laborant, apposite caventes, ne manus praecipue nimis inde foedentur, ii utile admodum experiuntur, quod mane quotidie, atque etiam interdum Limoniorum succo cum modico salis, eae partes detergantur, & abluantur. Atque praesidium hoc, in utroque Scabiei statu, arridere iis quoque poterit, qui existimant, quod Scabies a specialibus vermiculis, in cute firmatis, ortum habeat; maxime si cum Antiquis admittant, quod succus iste *Acoris* interimit, & *Ventris tineas*: uti praecipue monet *Matthiolus*. Ex quibus facile erit inferre, quare nam idem Auctor putat, (39) quod Poma Adami peculiariter valent ad scabiem, si per medium secta, & tenuissimo sulphuris pulvere aspersa, & deinde cinere ferventi calefacta, Corpori Scabioso confricentur.

CAPUT

(39) Matthiol. Com. in lib. 1. Dioscorid.

CAPUT III.

ARTICULUS III.

Quod Malorum Limoniorum succus, uti incidens, tenaces & viscidos Humores adeo solvat, ut genitos ab iis morbos evincat.



Decidentem hujusce succi specialem facultatem in primo Articulo satis demonstravimus: idque eo magis, quia valere ipsum praesertim ostendimus ad dissolvendos calculos, atque ad ciendas urinas: uti & infra probandum uberius erit. Ejus itaque tenuissimae, penetrantesque molecule si tanti ad hoc valent, hinc praeterea evincitur facile, quod eae tenaces, viscidosque humores attenuare, ac eorundem stases tollere aptae sint: uti docet *Ebembitar*. Hujuscemodi ideo succus in *Mesve* commentis laudatur (40) maxime, velut idoneus in Faucium inflammationibus: quippe quia, facta ipsius comparatione, dum abolentur maculae, cum succo nucum, hunc illo minus ad id efficacem esse deprehendit: unde ita concludit. *Sed huic* (de Limoniorum succo loquitur) *licet adsit tenuitas, quae in interiores penetrat recessus, deest tamen terrena vis substantiae, quae in succo nucum affluit, ob quam etiam mali punici totius cum Malicorio, & decoctum, & expressus succus, succo ejusdem acinorian finero in hunc usum magis praestat. Quam*

D 4

solven-

(40) *Mesve* Compend. Medicam. lib. 1. in *Costae* Comment.

solventem specialem vim in hoc succo, prae aliis, cognovit VVeckerus (41), dum eum valere potissimum docet, ut *crassos humores incidat*. Quamobrem exinde patet, cur maxime in morbis Palati, & Gutturis, qui a tenaci phlegmate, in iis partibus remorato, suboriuntur, ipse prosit. Tunc enim illae emergunt Anginae, quas Lymphaticas appellamus, quae videlicet a cohibita plerumque perspiratione, tanquam a praecipua remota causa, dependent: atque maxime quia, posteaquam Aegrotus utcumque incaluerit, subinde frigido Aëri tunc illico subijcitur. Ea siquidem occasione, dum, incalescente Corpore, sollicitatur maxime ad motum Lympha, eaque, ob subsequentem perfrigerationem, liberam, ut antea, ad exitum suam, aut per Cutis porulos, aut per alia emunctoria, non amplius obtinet: ipsa postea circa fauces facile consistit, ibidemque concrevens ejusmodi morbum efficit. Tunc itaque, simulac accuratus Medicus, ut cohibitam perspirationem sollicitet, calidas attemperantes, atque diaphoreticas potiones abunde sumendas esse jubet; affectis una superioribus partibus optime prospicit, Limoniorum malorum succum solvendo cum decoctione hordei, & modico sacchari, ut serviat pro gargarismo: eodem pene modo, quo alii, ad eundem finem, aceto uti solent. Ejusmodi praesidio, cum manifesto levamine, mihi ipsi toties opem attuli, quoties Lymphatica simplici Angina laboravi: uti plurimis vicibus expertus fui. Acida namque haec affectarum Oris partium ablutio, non modo ibi genitum morbosum calorem attemperat; verum etiam partes illas ita blande vellicat, ut opportune contrahantur, ideoque lymphaticum humorem illum inde removeant, exprimant, atque ad exitum urgeant: maxime quia incidente

(41) Jo. Jacob. VVecker, Medicin. Syntaxis lib. 1. part. 3.

dente succi ipsius vi plurimum attenuatur. Hoc autem indicat copiosa & tenax ea lymphæ, quam, dum eo gargarismate utuntur, Aegroti per os emittunt. Attamen sedulo cavendum esse moneo, ne acida hæc præsidia tunc usurpentur, cum imminens sit suppuratio; cui quidem perficiendæ cum ea ob stare maxime possint, maturantia potius & demulcentia gargarismata fas est adhibere: cujusmodi ea sunt, quæ ex solo lacte, aut ex decoctione hordei, passularum, ficuum pinguium, aut similium parantur: non omissa sanguinis emissionem, si opus fuerit; quæ juxta morbi sævitiam, & Aegrotorum peculiarem constitutionem, antea fuerit opportune celebrata. Caeterum extra suppuratæ suspensionem, in simplici lymphatica Angina, propter allatas supra rationes, tam utilia profecto evadunt acida illa gargarismata, quam quæ alia. Verum quia aliquando per diaphoresim lymphaticos humores illos educere Natura nequit, qui alioquin, ob cohibitam antea perspirationem, in corpore fuerant accumulati: quin imo ad Renes potius moliri crises ea videtur: tunc nihil utilius erit, ad ciendas urinas, quam malorum Limoniorum succus, abunde cum decoctione Hordei ebibitus, qui simul aestum sanguinis mirifice compescit, & tollit. Præterquamquod, si quæ unquam Viscerum obstructions (uti non raro evenit) eodem tempore adsunt, vel ab eadem glutinosa lymphæ, vel a crassiore, tenacique bile factæ: eas pariter solvit Limoniorum succus, cum aperientibus decoctionibus copiose usurpatus. Ita prodest succus iste ad evincendam icteritiam illam, quæ ab eadem tenaci bile, in biliariis poris, & in vesica fellis resistente, principium sortitur. Mira quoque attenuante facultate sua valet insuper, ad viscidos humores illos attenuandos, atque educendos, qui circa Uterum in Puerperis moram agunt, suppressis lochiis, imo ut lochia ipsa promoveantur,

antur, simulac urinae affluentius hinc prodeunt; dummodo tamen a grato Limoniorum odore non abhorreant foeminae illae. Horum omnium testem habeo expertissimum *Nigrisolum*, (42) qui in propositum nostrum ita concludit. *Abeant itaque Massaria, & reliqui, qui succi Limonum, & Citri usum, ob adstringentem facultatem, in febribus rejiciunt, Puerperis ob eandem rationem prohibent, ac interdiciunt; cum... jam conslet, non solum eum non adstringere, sed aperire, incidere, ac deobstruere. Sed de hisce alibi.*



CAPUT

(42) Hieronym. *Nigrisol.* Progymn. 2.

CAPUT III.

ARTICULUS IV.

Quod Malorum Limoniorum Succus, uti attemperans nimium humorum aestum, valeat in febris inde ortis, in inflammationibus, & apostematibus peculiaribus.



Nimadvertit Juncker (43) quod succus Citri saluber est in intensiore febrili aestu, & discrasia biliosa: quippe quia humorum effervescentiam, quae tunc maxime fit, compescit, atque sedat. Eodemque modo judicat Geoffroy (44) dum ita ait. Citria in febris ardentibus, &

malignis plurimum conferunt, ad sitim extinguendam, bilis, aut sanguinis aestum, & effervescentiam coercendam, vires prostratas restituendas. His nominibus in potum, frustulatum secta, commiscuntur. Succus cum saccharo aqua diluitur, & potum praebet refrigerantem, palato gratum, sanis & Aegris saluberrimum. Si itaque Citriorum succus, uti attemperans, adeo valet ad febrilem compescendum aestum: quid de Limoniorum succo dicendum ad id potiore jure erit? Quamobrem praecitatus Geoffroy ibidem postea subdit, quod, quia Limonia mala, cum Aurantiis, & Citris comparata, gustu acidioraprehenduntur esse, ideo magis sunt refrigerantia, atque idcirco.

(43) Juncker Conspec. Therap. gener. Tab. 4. n. 92. art. 5.

(44) Geoffroy Tom. 2. Mater Med. Part. 2. Sec. 2.

idcirco *ad aestuantes morbos valentiora habentur*. Revera enim tam acidam qualitatem in Limoniorum succo vigere docet *Nigrifolius* (45), quod saepe in acetum imbecillum ipsum conjiciant, ut illud acius reddant. Eaque propter succus iste, tanquam acidissimus, omnium melior habendus est, & tutior ad febriles sedandos aestus: atque id praesertim interest admodum in acutioribus febribus, quas ardentes appellamus, in quibus Aegroti, praeter intensam sitim, exurentis, pene dixerim, caloris molestiam patiuntur. Intenso calori huic ut succurrerent Prisci Medici, omnem adhibebant operam, Aërem cubiculi, in quo degebant Aegroti, omni ope attemperando. Quemadmodum solliciti maxime tunc ii erant (animadvertente (46) *Avicenna*) ut stabella plurima ibidem suspensa essent, quorum crebro motu agitatus indecenter Aër aequa proportionem refrigeraret. Nivem etiam accumulabant, & dulcis aquae fontes, accurato paratos, artificio, ibidem excitabant, a quibus assidue profiliens unda, Aërem verberaret maxime, nec non frigidiorum efficeret. Praeter haec undequaque Salicum, Cydoniorum, Myrthi, Nenupharis, aut similibus folia sternebant, aqua rosarum madentia. Neque insuper ibi deerant sat ampla vasa, frigidis referta fructibus, boni odoris, & eadem rosarum aqua inspersis, una cum tenuissimo Santalorum pulvere, atque etiam rosarum, & Camphora: cavendo insuper, ne plures, quam opus esset, in Aegroti cubiculo degerent Adstantes, quorum potissimum assiduus, & multiplex halitus quantum ibidem incalescat Aër, unicuique patet. Quod autem operosa haec Veterum Medentium industria, pro congrua Aëris temperie in Cubiculis Aegrotorum excitanda, atque tollendo molesto Aestu, non uti vana,

(45) Hieronym. Nigrifol. Progymnas. 2.

(46) Avicenna lib. 4. Fcn. 1. Tract. 2. cap. 10.

vana, vel ridicula habenda sit, quisque facile concedet; eoque magis posteaquam spectatissimus & doctrina & experientia, Caesareus Archiater nostri aevi celeberrimus, L. B. *Gerardus Van-Svviecten* (47) non modo *Sydenhamii*, *Celsi*, & *Aërii* auctoritate, verum etiam solidissimis rationibus ostendit, quanti utique ad hoc ea valeant sedulae Antiquitatis praesidia, quantique ideo sint aestimanda. Verumtamen, etsi in hoc tanti Viri auctoritati acquiescere nullus ego dubitem: mihi nihilominus videtur, quod summum omnium, & magis efficax praesidium tunc sit, ut Aegrotis hisce, nimis ob vehementiam febris aestuantibus, succurramus: si identidem non flabellorum ope, sed apertis, uti opus fuerit, fenestris, oclusus in cubiculo permutetur Aër, puriore alio in ejus locum prudenter intruso. Praeterequam quod enim Aër ibidem calescit maxime, parique pacto rarefcit, ita ut & laboriosam respirationem, & eo pejorem aestum Aegrotis adferat: ille praeterea noxiis imbuitur halitibus, qui ab infectis corporibus illis assidue emanant; unde & eo magis magisque ii Homines infici solent. Quas omnes animadversiones ob oculos caute habens *Trillerus* (48) in curatione Pleuritidis, praeter caetera, ita admonet. *Fenestrae frequentius per diem nonnihil aperiendae, sudo imprimis & clariore coelo, quo aër purior, & salubrior, & frigidior paulo intronittatur, ne miseri Aegroti, putrida sua atmosphaera circumfusi, sordidas suas exhalationes continuo inspirando, & resorbendo, & suffocentur tandem, & in vivum quasi Cadaver commutentur. Quod & in universum in omnibus morbis acutis, inflammatis, & exanthematicis, ut Morbillis, Variolis, Petechiis &c. sedulo observandum esse, post Hippocratem*

(47) Van-Svviecten Com. in aph. Boerhaav. parag. 605. n. 2. & parag. 691. 698. 742. & 743.

(48) Dan *VVilh. Triller*, de Pleuritide cap. 4. n. 8.

peratam, Aetacum, Celsum, & alios Veteres, praeclare dicit Sydenham, Baglivus, Boerhaavius, Hoffmannus, & alii Viri magni. Quae porro praesidia omnia externa, tametsi optima, & vere utilia forent, non ea tamen, uti praecipua, habebant Veteres Medici. Ideoque tantum aberrat, quod iis dumtaxat fiderent, ad febrilem attemperandum aestum; ut potiore jure majorem ab internis auxiliis sibi spem pollicerentur. Apposite ideo praecitato loco, pro Aegrotorum hujusmodi potu, ad propositum nostrum memorat Avicenna & Succum Granati mazi, & acetosi, Aquam Agrestae, & Aquam mori de semi, atque denique Aquam acetositate Limonis, & Citri: quae sane posterior aqua ad hoc omnem, prae aliis, meretur laudem: uti cum Ebembitar probare intendimus. Hujusce autem Arabici Auctoris in hoc sententiam eo pluris habendam esse reor, quo magis utilem fore puto malorum Limoniorum succum, quam vulgares Emulsiones, ex seminibus frigidis paratas, quibus temere, pro sedando nimio febris aestu, fidere plerique solent: quippe quia nempe quo magis febris viget, eo magis timendum nobis sit, ne emulsiones illae subinde facile acedentes, & stomacho molestiam, & sanguini tumultum adferant, atque luctam. Neque abs re fore censeo, si hac eadem occasione eorum quoque opinionem perpendam, qui indiscriminatim existimant, in hisce ardentibus febribus nullum aliud efficacius, ad refrigerandos Aegrotos, haberi praesidium posse, quam a copiosa, & pluries iterata sanguinis emissione. Quod sane pro certo magis habent, quo tutior conjectandi iis ansa videtur, quod tenax maxime tunc vigeat sanguinis compages; atque id praecipue, quia is, qui primum a secta vena prodierit, sanguis lente admodum, ac pene guttatim effluere visus sit. De hoc autem, ut meam hic obiter sententiam indicem, concedo quidem, quod in Plethoricis Aegrotis, in quibus

quibus tunc forte tumeant summopere vasa, componentes sanguinis molecularae, stricto nimis nexu coeuntes adinvicem, dum in febrili lucta vehementer agitantur, aequa proportionem tunc colliduntur mutuo, ita quod major exinde in iis aestus eveniat. Eaque propter Phlebotomia, uti fas sit, celebrata, quandoquidem majus properanti sanguini spatium parabit, illud insuper efficiet, quod minor postea molecularum collisio fiat, sive mavis quod minor inde succedat aestus: atque in hoc revera casu sanguinis facta emissio, veluti efficacissimum attemperans, seu refrigerans remedium, habenda revera foret. Attamen, quod, ob eandem rationem, iterum iterumque educendus sanguis sit, quam quod sana vere methodus postulet, sin minus permittat, haud unquam assentiar: maxime quia metus hinc esset, ne subiinde plurimum debilitarentur Aegroti. Idcirco in hisce circumstantiis, & in aliis etiam, in quibus unquam expediat sanguinem educere, *Avicenna* (49) *consilium* mente sedulo revolvat Medicus, quod quidem in *phlebotomia* est, ut dimittatur, quantum possibile est, si autem non est possibile, tunc multiplicatio numeri est melior multiplicatione quantitatis Nam debilitatur virtus a resistendo in *Crisibus* expectatis. Atque eo minus ad attemperandos humorum aestus, ideo emittendi copiose sanguinis indicatio urgere Medicos debet, quia tenacitatis sanguinis signa ex eo repeti posse credantur, quod, secta vena, vel nullus pene sanguis, aut parum, difficileque prodeat. Haec enim conjectura fallax omnino est, & flocci facienda; quae propterea illis dumtaxat arridet, qui nulla ad hoc ratione ducuntur, ideoque facile nimis Chirurgis tunc aures adhibent, qui merito a *Clarissimo Brogiani* (50) hisce verbis irridentur. *Quis a risu sibi temperet, qui garrulos*

(49) *Avicenna* lib. 4. Fen. 1. Ta&. 2. cap. 7.

(50) *Domini Brogiani de Veneno Animantium;*

garrulos quosdam Chirurgos audierit , obicium a pinguedine , membranulis , fibrae elasticitate &c. profluentium immemores , tam frequenter crassitiem sanguinis accusare , quotiescunque vel nullus , vel difficilis ex incisa vena sanguis erumpat , dum tamen eo ipso momento per infinitos omnino tubulos , eosque supra omnem fidem tenuissimos , ille ipse sanguis incredibili , facillique celeritate circumfertur ? Egregium revera eruditissimi humilce Viri monitum ! Quod quidem ut plurimi a Clinicis Medicis fiat semper , interest maxime , quo saepius crassitiei , & tenacitatis sanguinis idea apud vulgares Medentes sonat , maxime cum inde phlebotomiae necessitas inconsulto repetatur .

Ast , ut eo redeamus , unde non frustra digressi sumus ; dum Limoniorum succi speciales hic prosequimur vires , cum primo comparabimus cum aliis potionibus , quarum usus familiaris est , occasione acutarum praecipue febrium , ut calor , & aestus sanguinis imminuatur , imo tollatur penitus . Ejusmodi praecipue vulgares emulsiones illae sunt , quae ex seminibus illis constantur , quibus frigiditatis varii gradus adscribi solent . Ast de hisce idem propemodum dici merito posse censerem , quod de Oleo amygdalarum dulcium toties alias innui , & aliquando data opera demonstrabo fusius : quod scilicet vix credibile sit , quod emulsionnes illae assumptae , dum febrilis viget urens calor , eam vere servant blandam temperiem , quam antea habebant : unde plerumque rancidae factae , noxam potius adferant ; quippe quia neryeas irritando fibras , haud leves exsuscitant tumultus . Nec impar infortunium ii plerumque patiuntur , qui , tam ad laxanda solida , quam ad fluidorum attemperandum aestum , sero lactis depurato uruntur ; cuius quidem quam facilis eveniat corruptio , & flatu inde fiant , enormi praesertim vigente febris calore , nemo est , qui ignorat . Acetum quoque , tametsi veluti refrigerans , prae-

præcis usque temporibus, in ardentibus febribus usuvenire consueverit, atque adhuc ab aliquibus probetur; haud ita semper meretur laudem, congrua ejus facta cum Limoniorum succo comparatione, quam, ad mentem *Ebembitar*, Artic. IX. subnectam. Eo minus autem Vitrioli spiritus, ut ut acidissimus, sicuti & alii ejusdem census liquores, a Mineralibus elicit, tuto in hunc usum revocari possunt: quidquid, præ aliis, secus existimet *Andreolus* (51) Medicus Veronensis, qui hujuscemodi remedio, tanquam attemperante, & antifebrili, authorante *Riverio*, in aestuantibus febribus utendum nobis esse, monet. Quæ revera enim intercedat differentia inter hosce acidos minerales liquores, & eos, qui a vegetabilibus, atque præsertim a Limoniis malis eliciuntur, accurate, præ caeteris, indicavit eruditissimus *Antonius Cocchi* (52): quippe qui, dum istorum miram facultatem, pro sedando febrili aestu, summopere commendat; e contra illorum usum nocere plurimum posse, docet. Eademque occasione, qua vulgarem eorum opinionem merito refellit, qui putant, quod vegetabilia hæc acida remedia plerumque insensa Aegrotis sunt: ostendit insuper, quod ne dum ipsa effraenes humorum aestus attemperant, atque compescunt: sed etiam incidente, ac resolvente, qua pollent, vi, humorum concretiones illas arcent, atque tollunt, propter quas ut plurimum acuti morbi infustos sortiuntur exitus. Ex quo potissimum, tanquam per confectaria, authore *Ebembitar*, deducimus, egregium hunc Limoniorum succum in inflammationibus Viscerum, valere plurimum, uti & in aliis stasibus, a quibus peculiaris sunt concretiones, ab eodem arabico Auctore diligenter indicatae. Dicimus autem ipsum in inflammationibus

E

spe-

(51) Mich. Angel. Andreol. de febribus &c. lib. I. cap. I.

(52) Anton. Cocchi discorso del Vitro Pitagorico,

speciatim prodesse, tam ut eae, quae forte evenire subinde queant, arceantur; quam ut aliae, jam factae, solvantur citius, si possibile sit. Atque utrumque nemini mirum erit, si illae rite investigentur causae, quae, occasione dictarum febrium, inflammatorias efficere stases, easque ultra firmare aptae sunt, usque dum inde mors sequatur. Enimvero, posito quod immediata inflammationis causa, (uti accuratiores hujus aevi Medici cum Immortali Boerhaavio putant) ut plurimum sit *error loci*, relate scilicet ad humores illos, qui tunc propriam praetereundo semitam (quam merito inire, vigente sanitate, debent) alienos, ut dicimus, subeunt ductus, in quibus exinde resident, atque concalescunt, usque eo, dum affectam eam partem alterent, in tumorem attollant, eandemque demum omnino corrumpant: hinc facile intellectu erit, quomodo nam, adaucta maxime, in hisce febribus velocitas sanguinis, ad hoc ansam saepissime praebet. Quamobrem cum Limoniorum succus, ceu effraenes, uti innuimus, humorum tumultus sedare valens, celeritatem quoque sanguinis imminuat, impedit etiam, ne inflammatoriae stases, hisce morbis familiares, saepe adeo contingant. Nec impar erit ratio, si de aliis loquamur inflammationibus, quae factae revera sint. Ad eas etenim solvendas requiritur primum, quod stagnans tunc humor attenuetur, atque ad motum sollicitatus, in aream circulationis denique tendat: quo modo ab inflammatoria ea stasi pars affecta opportune liberetur. An non ideo & ad hoc valere plurimum poterit Limoniorum succus, quem & attenuante, & abstergente vi pollere, supra satis ostendimus, ac eo magis magisque demonstrabimus postea? Cum itaque vel ob adauctum sanguinis, aliorumve humorum motum, vel ob acrem, sive mavis, corrodentem ipsorum vim, eae in cute fiant pustulae, quas, ob varietatem materiae, in ipsis contentae, *Bothor*, & *sare*, & *sahafati*

fabafati nominare *Ekembitar* hic voluit: iis optime medebitur iste succus, & intra, & extra, juxta indigentiam, usurpatus: tanquam is, qui stagnantes ibidem attenuabit humores, acremque eorumdem qualitatem evincet; ita ut modo ob alterutram, modo ob utramque rationem (ut specialis morbi indoles, aut causa postulat) eae demum pustulae aboleantur penitus. Idemque Limoniorum succus pariformiter succurrit aliis humorum concretionibus, seu statibus, in *Utrula*, vel in *Amygdalis*, vel in alia quavis *Pharyngis*, aut *Laryngis* parte progenitis: quotiescunque scilicet iste succus vel in aqua ebibatur, vel pro gargarismate cum saccharo fuerit usurpatus. Neque quidquam obstat quod *apostemata* ibidem facta sint: dummodo id caute fiat, videlicet juxta eam normam, quam in antecedente Articulo proposuimus. Caeterum, ut generatim dicam, in ardentibus febribus, in quibus enormes fiunt humorum aestus, Aegrotis insensissimis, cum intensa siti, & siccitate faucium, atque linguae; hisce admodum prospiciet Medicus, si jubeat, quod identidem, & saepe simplicem, frigidamque ii ebibant aquam, in qua succus Limoniorum recens expressus fuerit, eaque copia, quae congruam ipsi adferat aciditatem, modico insuper, si lubeat, adjecto saccharo. Potionem gratissimam hanc vulgo *Limonada* nominant, quam & alio modo parari posse, sic a *Poterio* edocemur. (53) Limoniorum succus, *solis calore addensatus*, aut in *Hypocausto*, aut alio loco calido exsiccatns in formam solidam, servetur in *Pyxide*, vase vitreo, aut quovis alio. Ejus minima quantitas in *pusculo dissoluta*, aqua stillatitia communi, aut simili potum reddit gratissimum, & elegantissimum. Aliam hujuscemodi potionem, *Limonada dictam*, ex Limoniorum succo praecipue paratam, ad sedandam in Aegrotis sitim, *VVolfgangus Höferus*

E 2

Höferus

(53) Petr. Poterius in Pharmacop. Spargyr. lib. 3. Sec. 2.

Höferus (54) hisce verbis indicat. *Plurimis arridet potus Limonada dictus, & Italis quam maxime consuetus, ex aqua fontana cum saccharo parum cocta, additis sub finem coctionis aquae, adhuc tamen ferventi, corticibus Citri, vel Limonum extimis, & recentibus, & succi eorundem quantum satis ad suavem acorem. Palato gratus, & oculis quoque amicus potus; refert enim colorem Vini Neccarini. Cujus mentionem quoque Horstius facit Oper. tom. 2. pag. 130. Potio haec VVolfgangi, ob additos cortices Citri, ejusque succum, suavior quidem est, quam altera, a nobis indicata; sed majoris expensae, quam quod ab omnibus parari facile queat: dum alioquin nostra, quae simplicior est, aequae intento satisfacit, atque fortasse utilior, quam alia, cui saccharum adjunctum sit. Nam, dum ad voluptatem tantum aliquid sacchari addi permittimus, una noscimus, quod ea, quae sine saccharo sit potio, longe est aptior, ad effervescentiam humorum melius, citiusque sedandam; uti alias probabimus. Ea quoque aliter laudari meretur potio, juxta *Poterii* descriptionem; quo magis interest, quod etiam tunc cum Limoniis fructibus careamus, praesto nobis sit semper succus ille condensatus, qui recentis alterius defectum suppleat, ad hanc parandam utilem potionem. Praeterea vices potionis hujusce cum Limoniorum succo, pro grato solum oris sapore, & ablutione, supplere quoquo modo poterunt Limoniorum frustula, seu taleolae, paululum saccharo aspersae, (si lubeat) & in aqua simplici maceratae, quae in ore detineantur, atque sugantur. Ista enim taleolae (55) *appetitum languentem excitant, sitim potenter extinguunt, & febrilem ardorem compescunt*: quo nihil utilius, aut gratum magis Aegrotis evenire tunc potest.*

Quae

(54) VVolfgang. Höfer. Hercules Medicus lib. 6. cap. 1.

(55) Geoffroy To m. 2. Mater. Med. Part. 2. Sec. 2.

Quae cum ita sint, Limoniorum malorum succus in hisce febris, quae, prae aliis, enormem adferunt humorum aestum, optimi, & grati cardiaci remedii vices geret, aliisque hujusce census pharmacis erit utique praefendus. Si enim sano quispiam ad hoc utatur ratiocinio, illud vere cardiacum remedium dicit esse, quod ea praeditum sit facultate, cujus ope vis Naturae, si vigeat, in eo conservetur statu: vel in pristinum reducatur, si ea unquam diminuta sit: quod idem est ac dicere, quod eo praesidio speciatim motrices corporis vires aut servantur, aut restituantur, uti opus est. Ea idcirco remedia, quae eas arcent, aut tollunt causas, ob quas motrices imminuuntur vires, cardiaca, hoc ipso revera erunt. Proinde in allatis circumstantiis, cum effraenis sanguinis motus (eo quia aestus illos immoderatos producit) vires hasce motrices admodum cohibeat, succus Limoniorum, uti cardiacus, habendus erit, imo omnium melior: quippe qui immoderatos aestus compescet, ac una crascescentes attenuabit humores, ne ii stagnando partes fortassis obruant. Secus autem quomodonam cardiaca illa dicemus esse praesidia, quae tunc effraenatos hosce humorum tumultus excitare, vel augere potius, quam sedare apta quomodolibet sunt? Haud tamen inficiabor unquam, quod si, hisce oppositae, circumstantiae vigeant in specialibus febribus, in quibus aliquando torpescunt potius humorum motus (tam ob eorum tenacitatem nimiam, quam ob solidorum praecipue laxitatem, & inertiam): tunc ea praesidia cardiaca ulveniant, quae fibrarum tonum roborando, humoresque attenuando, praedictas motrices vires magis vegetas exinde reddant. At tunc generosum vinum, moderate usurpatum, cujusvis cardiaci vices optime geret; atque propterea utilius erit, quam alia quaeque aromatica, summo parata sumptu, ex multiplicibus pretiosis remediis, quae in officinis ad pompam dumtaxat asservari deprehenduntur.

duntur. Nam ejuscemodi nimis composita remedia tantum abest, quod expetitur Corpori robur addant; ut potius, simulac Aegrotorum stomachum maxime defatigant, Argentum illos emungant. Atque oh utinam aliquando pro bono publico resipiscant ii, qui tot vulgaribus cardiacis confectionibus (quae contrarius ut plurimum remediis scatent) eo usque fidunt, ut Aegrotis quam maxime noceant! Quod quidem potiore jure dicendum de illis est, qui pretiosas Margaritas frustra iis immiscent, atque etiam Auri folia, quae primum, nescio quo fato, in Medicinam invexerunt Arabes Medici, (56) chimaericis hisce inventis ignarum decipientes vulgus.

Atque ut ad propositum redeam: quia, ut diximus, non in omnibus aequae morbis semper Limoniorum succus adhibendus est: id ipsum eo fusius postea explicandum erit, ut pateat, quando vere conveniat, aut non.



CAPUT

(56) *Histoire de la Médecine. &c. Par Daniel Le Clerc pag. m. 771.*

CAPUT III.

ARTICULUS V.

*Quod Malorum Limoniorum succus potissimum
attemperet Bilis aestus, seu mavis furo-
rem, ideoque sedet morbos, & acci-
dentia, quae inde fiunt.*



Uotiescunque Bilis naturalem diathesim suam servans, congrua copia, debitoque modo, & tempore ad intestina transeat; cum oeconomiae animalis regimini rite conferat, bene se habet Homo. Ea enim non modo ciborum concoctioni tunc favet, verum etiam peristalticum intestinorum motum opportune adjuvat: unde & Chylosa materies facile intestinale subit undique cavum, ut a venis lacteis exsugatur; & quae inde emergunt foeces, uti fas est, eliminantur. Ut bilis naturalem assequamur diathesim, sanitati conferentem, satis erit cum celeberrimo Hallero (57) animadvertere, quod *analysis Chymica, vel experimenta ex miscela cum variis corporibus, demonstrant, aquae quidem ipsi inesse plurimum, non tamen parum olei inflammabilis, ad duodecimam fere partem, quod in calculis cysticis adeo manifestum est, neque etiam ita parum salis volatilis alcalini. Sapo ideo est, sed ex eo genere, qui ex lixivo volatili sale fiunt.* Ob haec autem principia, praesertim flava bilis est amara, & viscida, necnon vim habet blande detergendi, aliaque proinde

E 4

ab

(57) Albert. Haller. Lin. Physiolog. cap. 27. n. 693.

ab ea fiunt, quae, vigente sanitate, contingunt, praecipue in Abdomine, quo usque bene se habet Homo. Eadem autem Bilis varias nobis adfert aerumnas, pro ut vel ejus copia deficit, vel abundat, vel ea festinanter, aut tarde nimis a colatoriis ductibus suis effluit: quae omnes hujusce humoris morbosae vices a variis tunc occurrentibus symptomatibus eruuntur. Ut plurimum vero longe pejora nobis adfert incommoda, quotiescunque, ob oleosam subcalcinam indolem suam, ex quavis interna, vel externa causa, acris evadit, seu mavis, rancida facta, irritans summopere, atque spissior fit, magis amara, simulac varios, praeter confectum, colores acquirit. Idque praecipue contingit, dum minus aquae in ea remanet, atque, praevalentibus oleosis moleculis, in aestus prona redditur, atque magis idonea, ad eas irritandas partes, in quibus detinetur, aut ad quas utcunque fluit. Haec autem, ut opinor, potissima ratio est, cur, caeteris paribus, Aestatis calidioris tempore, bilis eo magis, quam alias, dum fervet, & acris fit, insensa nobis evadat, eosque speciatim excuset morbos, qui Aestate revera graviores sunt, atque magis frequentes, quorum ideo fomes in imo Ventre latet. Etenim Aestate, quippe quod magna pars aquae, seu lymphae per cutis poros disperditur, ejus minor copia remanet, quae bili immisceatur, ut effraenes hujusce motus attemperet. Idcirco tunc bilis & spissior, & magis amara, magisque colorata, seu utcunque morbosa redditur.

Hujuscemodi est prava bilis diathesis, quam *Ebembitar* hic indicare videtur, dum *acritatem colerae Citrinae* nominat, cujus edomandae *malitiae*, & *furiae*, tanquam consentaneum maxime remedium, Limoniorum succum commendat, qui scilicet ejus viribus omnino opponitur, etiamsi insensa adeo bilis qualitas dominetur, ut veneni pene indolem sapiat. Est porro si quis animadvertat, quod ideo tunc bilis tam
noxia

noxia est, quia spissa magis, quam oportet, & efficax evasit; ideoque stricte nimis adhaerens partibus, quas propterea acuitate sua vellicat, & irritat maxime, simulac aestum, & tumultum in humoribus progignit: quis unquam praestantius remedium aliud, quam Limoniorum succum adhibeat, ut citius, & melius ejus actioni, seu *fariae* resistat? Siquidem iste succus ne dum incidit, & attenuat, verum etiam bilis amarorem solvit, ejusque effervescentiam sedat; attemperat nempe suppeditando fluidum, loco aquei illius, quo, ut innuimus, magna ex parte fuerat ante spoliata. Apposite ideo monet *Nigrisolus* (58) quod tot & tantis pollet facultatibus succus Limonum, idcirco in febribus praecipue biliosis, ubi praesertim crassior bilis abundat, urgeat sitis, adsint obstructions, gravae & venenatae qualitatis vigeat suspicio, praestantissimum fore illius usum, inficiari nemo potest. Sua enim frigeditate febrilem compescet calorem, sitim extinguet, partium tenuitate bilem crassam incidet, attenuabit, obstructions aperiet. Acidorum autem miram facultatem, ad bilis furorem, seu potius malitiam extinguendam, ultra indicat expertissimus *Riverius*, ita ajens: (59) *Acida in biliosis febribus nunquam omit- tenda; quia amara dulcificantur per acida; quae si intensa sint in suo gradu, ut Spiritus Vitrioli, aut Sulphuris, ipsius Aloës, & Colocynthis amaritudinem delent. Bilis autem flava, suo amaro- re spoliata, mortua est, & innoxia. Utcunque tamen & spi- ritus vitrioli, aut sulphuris aptus magis a Riverio creda- tur esse, ad amara dulcificanda: non ita facile remedia haec, in dictis circumstantiis, Limoniorum succo praeferenda esse concederem; quippe quod tam suapte natura, quam ex imperitia eorum, qui illa quandoque praeparant, haud semper suspicione careant; dum revera per se ap- p- nocent.*

(58) Hieronym. Nigrisol. Progymnas. 2.

(59) River. Praxis Medic. lib. 17. cap. 2.

nocent. Praeterea, quod alia ejuscemodi acida praestare posse creduntur, id ipsum efficit, teste *Nigrisolo*, (60) Limoniorum succus. Siquidem plures acidae Citri, & Limonum parti, vel ipso *Galeno Auctore*, vires sunt tribuendae. Omnia enim ea, quae acidis communiter censuit convenire, eadem acido Limonum, vel Citri aptanda esse, manifestum existit. Verum si quis in hoc succi Limoniorum vim, cum ea, qua Citri succus pollet, comparare velit; licet & huius etiam congruum esse, & utilem usum existimaverim: nunquam tamen concedam, quod par utriusque succi facultas sit. Nam *Limoniorum succus* (61) acidus, crudus, frigidior, sicciorque Citri succo habetur; incidit, vomitum, & nauseam sedat.

Cum ergo, ex dictis, efficax adeo sit Limoniorum succus, tam ad effraenes bilis aestus sedandos, quam ad ejus tenacitatem solvendam, ne ea scilicet membraneis adhaerens partibus, in iis spasmodicas exsuscitet contractiones: hinc facile captu erit, quomodonam iste succus iis omnibus proficere queat symptomatibus, quorum hic *Ehemitar* meminit. Ideo sive in Hepate consistat tenax haec, & irritans bilis, sive in Ventriculi cavo, sive in partibus eidem contiguis; utilis semper erit iste succus: dum biliosum humorem illum tam attenuare, quam attemperare cito potest. Quod autem, ob affluxum acris huiusmodi bilis, nervea Ventriculi stamina patiantur admodum: id evincunt, prae aliis, gravia accidentia illa, quae Tertianas febres, easque maxime, quae perniciosae sunt, ut plurimum comitantur. Ejusmodi sunt vehementes vomendi conatus, vel inanes prorsus, vel cum biliosis ejectionibus facti: nausea, inappetentia, Lypothimiae, cardialgicae passiones variae, oris amarities,

(60) Hieronym. Nigrisol. ut supra.

(61) Jo: Jacb. VVecker. Medic. Syntax. lib. 1. part. 3.

amarities, sitis, & alia hujusce census symptomata. Quae omnia potissimum ideo sunt, quia irritans acris illa bilis, & Ventriculi, & Intestinatorum tunicas afficiens variis modis, ibidem nerveas fibras ita distorquet, ut aliquando peristalticus inversus motus eveniat; aliquando & per consensum nervorum aliae superiores afficiantur partes, quae cum Ventriculo, & Intestinis insigne magis obtinent commercium. Quamobrem hisce omnibus illico succurret succus iste, copiose cum aqua assumptus: qui simulac aestuantem noxiae bilis vim enervat, eam quoque dissolvit, urgetque ad motum, ut educatur citius. Atque hoc ut fausto magis omine contingat, ea sane, ante succi hujusce usum, adhibenda praesidia sunt, quae hostilem humorem illum, aut ad superiora, aut ad inferiora blande urgeant, ita quod ad alterutram partem eidem liber magis paretur aditus, ut congruo tempore eliminetur. Idcirco tunc utile Aegrotis evadit, quod emollientes injiciantur Clysteres, eoque magis si, inani urgente vomitu, tepentem abunde ebibant aquam: quo modo, aut infra, aut supra eliminata quadantenus bile, qui assumitur postea Limoniorum succus, eo melius, & citius opratum effectum praestat: uti ego saepissime in hisce circumstantiis observavi. Quotiescunque vero summa tunc est debacchantis, ut ita dicam, in illis partibus bilis saevities, non solus utique sufficit Limoniorum succus: ast illi insuper opium fas est addere, ut intento satisfaciatur. Ideo tunc prodest, *Riverio* docente, quod Salis Absynthii scrupulum unum, cum grano uno circiter Laudani Opiati, in succi Limoniorum modica dosi, Aegroti assumant: id quod ego toties utile expertus sum, imo tanquam certum praesidium, tunc cum in summo Tertianae febris aestu cardialgiae vehementes passionem vigent: quae derepente hinc fere cessant, uti in editis a me Cremonensibus constitutionibus animadverti. Neque solum ita prodest

prodest Limoniorum succus cum Opio, ad sedandum vomitum, aliasque stomachi passiones, quae in hisce febris excitantur; verum etiam, ut vomitus ille tollatur, seu gravis stomachi molestia, quae tunc evenit, cum emetico, aut purgans aliquod remedium fuerit assumptum; ut merito animadvertit praeclaudatus eruditissimus *Van-Svicten* (62). Etenim, postquam acres, & putres biliosi humores, aut lenta, & viscida fluctuans materies in Ventriculo, aut ejus vicina collecta, fuerint expulsa per emetica, aut purgantia, accidit tamen vomitus fieri ab ingestis illico, ob nimis sensibilem jam redditionem Ventriculi, & post repetitas toties in frequenti vomitu convulsiones, facillime irritabilem. Tunc opiata, quae omnes hos tumultus sopiunt, & acriorem Ventriculi sensum obtundunt, hic maximum usum habent. Celebre ad hos usus laudatur remedium illud antiemeticum *Riverii*: quod paulo antea descripsimus. Attamen licet ea modica succi Limoniorum dosi, adjuncto Opio, veluti congruum sedans remedium in recensitis circumstantiis utiliter usurpetur, ut urgens illud vomitus symptoma sedetur protinus: nihilo tamen secius, ut furentis tunc bilis aestus omnino compescatur, eaque citius ad exitum sollicitetur; opus erit quod interdiu & saepe, & abunde eodem succo cum aqua utantur *Aegroti*, nec non diluculo praefertim, & jejuno stomacho. Quamobrem frigida aqua, cum eo succo, serviet pro ordinario potu; qui quidem & enarratis succurrer symptomatibus, & intensam sitim, atque febrilem calorem imminuet. Ob eandem autem causam, propter quam tunc succus iste, aquae frigidae adjunctus, aequae suavem ac utilem potum praestat; ita & pro grato condimento jusculis, aliisque edulis addendus erit, in febricitantibus, atque etiam Puerperis foeminis: maxime quia non adstringens (ut vulgo creditur) sed attenuans,

(62) *Van-Svicten* Com. in Aphor. *Boerhaav.* parag. 658.

nuans, & aperiens ille est: uti supra satis ostendimus. Quid quid enim in oppositum oscitanter nimis *Albertus* asserat, (63) quod Limonia mala *incrassant*, *coagulant*, & ex parte *adstringunt*, & hinc non aequae selectam utilitatem medicam habent; tamen & iteratis fretus experimentis, & ratione duce, congruum existimo, quod circa haec, auctorante *Nigrisolio*, sic instruantur Tyrones Medici. (64) Concedant iam miseris febricitantibus, defessis, & languidis Puerperis, sibi ut plurimum, & nausea vexatis, iucundum hoc saltem ciborum condimentum, Medici nimium formidolosi, ac vetularum cantilenis addicti, ut suaviore reddito alimento, quod & meliori praeferendum est, iuxta divini Hippocratis oraculum. . . . & fractas, ac deperditas vires restaurando, alacriores evadant. Huic insuper opinioni favere merito videtur *VVeckerus* (65) aperte docens, quod succus Limoniorum, obsoniis mixtus, appetitum excitat, gustum movet, & vomitum reprimat. Quod autem acida quasque, eduliis immixta, dejectum appetitum excitent, apud vulgares etiam Homines in confesso est, qui propterea acetum adhibent. Verumtamen tunc, cum ideo appetitus deprimitur, quia ob irritantem, & aestuantem bilem stomachus laborat, haud facile concedam, quod acetum potius, quam Limoniorum succus, usurpetur: quippe quod inter utrumque non levis intercedit differentia, quam postea explicabimus.

Verum quod ad alia morbosa accidentia pertinet, quibus Limoniorum succum convenire *Ebembitar* animadvertit; eadem pene ac de supradictis militat ratio. Esto namque, quod *Soda*, quod *Vertigo*, *Scotomia*, & *Cafacha*, ac eo magis cholerici vomitus, a speciali morbosae bilis copia, vel diathesi

(63) Michael. Albert. Introduct. in Medicin. Mat. Med. cap. 5. n. 48.

(64) Hieronym. Nigrisoli. ut supra.

(65) Jacob. VVecker, Syntax. Med. lib. 1. Part. 3.

diathesi tantum, vel aestu proveniant: hisce omnibus aequè prospiciet Limoniorum succus. Etenim *Soda* specialis est, Capitis dolor: *Scotomia* tenebrositatem, ut ajunt, oculis adfert, quae accidit cum homo surgit e loco, in quo est; quae affectio (juxta expositionem *Andreae Alpago Bellunensis* in operibus *Avicennae*) dicitur etiam arabice *Sadum*. In utroque hoc morbo, tametsi nervorum principia, sive eorum peculiare rami laborent: id fit non per essentiam, ut dicimus, aut solummodo per consensum: unde *sympatici* tantum ii morbi dicendi sunt. Etenim eorum potissima causa in confiniis Ventriculi latitans (nempe morbosa bilis) dum ibi vim suam exerit, ob commercium nervorum, supremi etiam Ventris partes ita male habent: non secus ac evenit, male affecto Utero, in hysterica passione. Quae porro explicatio *Ebenbitar* judicium confirmat, qui pro causa istorum affectuum peccantis tunc bilis vapores, in alium delatos, (uti opinari solebant prisci Medici) distincte accusat: eademque valet ratio de *Vertigine*, in qua speciatim ad nervorum opticorum filamina, quae tunc convelluntur, atque distorquentur, est utique attendendum. Sic & *Cafaba* cordis passionem significat, ita tamen ut per consensum tantum illud afficiatur; alterato videlicet stomacho a pessimae indolis bile, cujus noxiam qualitatem, nomine *colerae nigrae*, indicare voluit *Ebenbitar*. Cum itaque isti morbi omnes, aut alii hujuscemodi a bilis morbosa actione principium fortiantur; iis semper Limoniorum succus prospiciet, si cum aqua copiose, & saepe, ut diximus, ebibatur, una etiam alimentis commixtus. Quod si unquam, aestuans, & irritans maxime bilis haec non tantum circa Ventriculi confinia Tyrannidem suam exerceat, sed ad Intestina transiens, ea ita afficiat, ut peristalticus eorum motus plus aequo sollicitetur, ideoque, soluta nimis Alvo, diarrhoea fiat: aequè tunc, ob allatas rationes, huic morbo

bo etiam succurret Limoniorum succus, eo modo usurpatus. Uti & par curationis methodus utilis erit, quotiescunque ob irritantem bilem illam non solum nimis solvatur Alvus, sed etiam exesa hinc minima sanguifera Intestinatorum vasa, cum foecibus sanguinem effundant. Neque ad propositum nostrum omittam, quod aliquando bilis, etiamsi pravam non contraxerit indolem, ratione tamen suae copiae, ejusque uberioris fluxus ad Intestina, molestiam parit: dum ibi nempe copiose accumulata, praeter modum aestuare deprehenditur. Hoc evenit praesertim Aestatis tempore, potissimum vero cum aliquis in iram vehementer excitatur, ideoque bilis motus ad Intestina longe major solito tunc evadit: qua occasione sitis intensa fit, cum amaritiae Oris, & cardialgicae molestae passionis circa Ventriculum excitantur. Idcirco tunc proderit Limoniorum succus abunde cum aqua ebibitus, qui bilis, copiose nimis ad eas partes fluentis, aestum, & tumultum impedit, sin minus compefceret. Atque haec praecipua ratio est, ob quam iracundos Homines suadeo, quod statim ac in Iram ciuntur maxime, plurimum statim de hoc succo bibant, in aqua; quo quidem modo tam Corporis ea molesta sensatio sedatur, quam animi affectio cohibetur, & tollitur. Addo denique, quod cum Aestate magis, quam alio tempore, caeteris paribus, in unoquoque bilis abundet, & aestuare magis apta sit: ideo tunc eo magis familiaris esse debet hujusce succi usus, cujus scilicet ope aestivi evitentur morbi, &, si qui unquam contingant, iis citius, tutiusque medelam adferamus.

Præ aliis autem morbis, Aestate maxime, & Autumno grassantibus, febres Tertianae sunt, quae a bile praesertim originem quoquo modo habent. Hisce dum Limoniorum succum opitulari, docet *Ebembitar*, puras a non puris distinguit: ego vero cum aliis Auctoribus legitimas,

&

& spurias eas nominare malo. Utrisque hisce febribus ideo obviam ire Limoniorum succum, animadverto, quia ipsae si non immediate, mediate saltem a bilis speciali actione dependent, aut inde saltem longe graviores fiunt. In legitimis Tertianis febribus tenuiorem, atque magis aestuantem saevire bilem, existimo: in spuris vero tenaciorem, ac longe minus mobilem. Hujusmodi vero bilis dominium in Tertianis hisce febribus indicant Anni tempus, quo facilius insurgunt, & gravius saeviunt; specialia, quae eas comitantur, symptomata; atque potissimum morbi illi omnes, in quos tunc transeunt, cum diutius protrahuntur, non neglecta ratione temperiei, qua ii, prae caeteris, pollent, qui in hasce febres sunt procliviores. Et porro, si symptomata quaeque, in Tertianis familiaria, quispiam consideret, non alia ea esse cognoscet, quam furentis bilis effectus, quibus solvendis Limoniorum succus, ex dictis, omnino conveniens est. Revera viget in hisce vomitus, modo inanis cum amaritie oris, modo cum biliosis excretionibus. Alvi biliosae dejectiones fiunt, & aliquando dysentericae, plus minusve copiosae, cum Intestinatorum cruciatu, & premitu. Cardialgiae exsurgunt stomachi passiones, saepe cum lypothimia, & anxietate. Sitis urget maxime, cum inappetentia, nausea, vigiliis, & enormi praecordiorum aestu; dum pulsus frequens, concitatus, & parvus evadit. Internus vero ille aestus, ita quandoque crescit, perinde ac si interiora urantur, simulac exteriora frigent undique, & morti proximus Aegrotus videtur esse. Graviora autem ejusmodi symptomata praecipue occurrunt in Perniciosis Tertianis, atque in iis maxime, quae *Lypiriae* nominantur; quae etiam ad spuriarum classem reduci possunt, de quibus nempe fufius in memoratis Cremonensibus constitutionibus egi. In hisce viscidior, & furibunda magis saevit bilis, quam itaque dissolvere, & refrac-

nare

nare admodum valet Limoniorum succus, abunde in aqua usurpatus: qua sane porione nec ulla suavior, nec ulla magis utilis Aegrotis hisce tunc administrabitur: dummodo & lenia purgantia (si necessaria videantur esse ad educendam bilem) sin minus emollientes Clysteres in usum revocentur, juxta faniorem methodum, non omiffa quandoque sanguinis emissionem, pro specialibus Aegroti circumstantiis. Caeterum interest maxime, ut, quo citius fieri possit (statim ac alia, ut diximus, peracta secundum rationem euerint) Perniciosae febres istae usu Chinae Chinae edomentur, anteaquam pessimum *Lypiriae* caracterem induant, aut saltem ad summum statum perveniant, in quo suspiriosi, ac singultuosi facti, Aegroti plerumque miserrime pereunt. Neque tamen obstat quidquam, quin, si Chinae Chinae sollicito tunc opus sit usu, simul & Limoniorum succum adhibeamus. Nam ii toto coelo errant, qui ea occasione succum hunc praescribere renuunt, perinde ac si febrifugi actionem ipse destruat, aut saltem coerceat maxime. Quae chinaerica opinio adeo a veritate aliena censenda est, ut ex dictis apprime pateat, quod, uti Limoniorum succus effraenem bilem, veluti earum febrium causam, enervat; ita una cum febrifugo, junctis viribus, eo citius, atque melius effectum sortiatur. Neque quispiam opinabitur merito, quod Limoniorum succus ea propemodum ratione Chinae Chinae vim retundere queat, uti & alii fructus eidem opponi vulgo creduntur. Enimvero, dum huic opinioni nihil penitus experientia favet, non desunt aliqui, qui, febrifugo utentes, a fructibus etiam dulcibus, & herbis nihil abstinere, & nihilominus remedii effectum sortiuntur. Illud praeterea discrimen inter Limonia mala, & alios fructus (qui scilicet dulces sunt, iisque ideo adversatur vulgare praeceptorum Medicorum adagium) addere par est, quod *dulcia bilem*.

F

Succus

Succus autem Limoniorum acidus est, ac proinde minime oppositus curationi febris, ac potissimum Chinae Chinae actioni: sicuti repetitis saepe observationibus ego didici. Pro coronide subdam; adeo verum esse, quod acida quaelibet in hisce febribus praecipue admodum prosint; ideoque nec Chinae Chinae vim destruant; ut, tanquam utilia, nedum apud Antiquos, verum etiam apud Recentiores Medicos audiant atque id eo rationabilius de Limoniorum succo dicendum esse; demonstravimus. Praeclaudatus Caesareus Archiater meritissimus *Van-Svietem* (66) Aceto, aliisque acidis praesidiis, cum aqua saepe utendum esse putat, tunc cum, ob summum Aëris calorem, ad putredinem disponuntur humores, aut ob nimiam Corporis exercitationem aestuant; propter quod demum in propositum nostrum ita subdit. *Cum autem in febribus aucto motu circulatorio, sales, & olea sanguinis acriora sunt, & in putredinem vergunt, imo saepe in primis viis putrida excrementa deponuntur, optime aqueis adduntur subacida, quae omni putredini resistunt, & optima contra sitim, ab hac causa ortam, sunt remedia. Hinc succus Citri, aurantiorum, cerasorum, ribesiorum &c. aquosis miscentur tanto cum fructu, & in febre sitientes avidissime haec expetere solent. Verum quae diximus de congruo Limoniorum succi usu in Tertianis febribus spurii, quae, ob graviorum symptomatum comitatum, Perniciolae vocari solent: ea quoque continuis acutis (quae vel a bile fiunt, vel ob ejusdem humoris specialem aestum eo magis insensae evadunt) atque maxime Tertianis exquisitis, quas puras dicit *Ebembitar*, aptari merito possunt. Etenim in hisce omnibus febribus magnus adest bilis, aut aliorum etiam humorum aestus, tumultus, & lucra; cui optime,*

(66) *Van-Svietem*. *Com. in Aphor. Boerhaav.* §. 605. &c.
& 640.

optime, prae aliis, succus iste, opportune usurpatus, opitulatur. Quid? quod si concedamus, eundem hunc succum (67) ita valere in Intermittentibus febribus, ut ille per se, cum aqua epotus, tanquam efficax praesidium haberi debeat, ad eas penitus evincendas: quod mirum cuique videri poterit.

In omnibus itaque biliosis febribus, cum acida quaeque remedia, ob allatas rationes, utilia videantur. esse, velut ea, quae praecipuis tunc satisfaciunt indicationibus, hoc maxime de Limoniorum succo verum esse comperitur. Qua sane methodo eo fidentius imposteram uti nullus dubitabo, cum, praeter tot alios saniores Viros, in hoc mihi faventes, eruditissimus *Tissot* (68) se nuperrime prodiderit; qui, simulac speciales observationes suas in medium adduxit, meas quoque ob oculos habere, easque haud parvi facere, non recusavit. Quandoquidem vero Clarissimo huic Auctori me debere candide fateor: at aequo animo ferre non possum, quod ipse ibidem statuerit, in huiusmodi curationibus, unum esse tamen mihi familiare remedium, quod in usum vocare, sacrum semper ipse habuit, Oleum nempe *Amygdalarum dulcium*; perinde ac si uti alios Medicos Italos, ita & me ejus usui addictum supra modum esse censeat. Numquid merito egregius *Tissot*, me huic remedio nimis addictum judicet, dum eidem revera me vix quadanteus, seu in aliquibus circumstantiis tantum, favere, quotquot apud Aegrotos mecum consilia inire, & scripta mea evolvere, atque demum ex Cathedra me differentem audire, semper contigit, ii omnes uno ore publice fatentur? Si quid unquam in iis, quae ad Medicinam faciendam pertinent, Italorum quorundam opinionibus me oppositum demon-

F 2

(67) Abreg. de toute la Medecin. Pratiq. Tom. 1. Chap. 1.

§. 2. Art. 54.

(68) S. A. D. Tissot Med. Doct. de febribus biliosis pag. 52.

demonstravi, in hoc quidem est: quod scilicet in huiusce remedii administratione (uti alias innui) (69) *cavus magis, quam alii, esse consueverim: id, quod specialis dissertatione aliquando melius ostendam*. Dixi Oleum Amygdalarum dulcium tunc omnem mereri laudem (70), cum urgente purgandi necessitate, & contractis nimis existentibus solidiorum fibrillis, timendum merito est, ne purgantii cuiusvis vi, in violentiores contractiones ipsae redigantur, propter quas, impedito successu fluentium humorum motu, eorundem postea stagnationes, & inflammationes eveniant; quod a purgantium validiorum usu evenisse, non semel novimus. In hisce circumstantiis, quis, obsecro, negaverit, quod, si materia turgeat, optimam, & necessarium consilium sit, ad illud confugere, quod simul & humorum tenuiorum aestum, eorundem minimas particulas irretiendo, compescit, & solidiorum simul corrugationes, laxando, mirabiliter tollit. Paulo tamen postea ibidem docui, quod per saepe inutile evadit remedium hoc, quotiescunque, ob speciales Aegrotorum dispositiones, idem prorsus est eo uti, ac morbum suaviter, & blande lenire, seu melius tantum titillare, & incassum agere. Ego quoque insuper novi, atque in operibus meis ostendi, quod non adeo fidere huic Oleo debemus, cum suapte natura vere leniens sit, & laxans, neque quidquam irritans. Eam enim blandam vim suam eo usque illud servat, quo usque rancidum non evadat. Rancescit autem facile ope caloris, atque illius maxime, quo febricitantium viscera summopere pollent. Ne vero rancescat, omnem adhibere debemus operam, ut quo citius fieri possit, injectis Clysteribus, eliminetur, anteaquam lenies

(69) Continuat. Epidem. Crem. Constit. Sec. 2. cap. 4.
§. 82.

(70) Medicin. Rationalis Sec. 3. cap. 2. §. 341.

lenientem vim suam amittat, ideoque noceat; (71) tunc cum scilicet pejora ab usu hujusce olei incommoda Aegrotis supersunt, quam a mitioribus purgantibus. (72) Sed in hisce non amplius fas est immorari, quae tamen sufficient, ut ipsi Clar. Tiffot, aliisque, qui, cum eo, de me pari modo senserint, obiter ostenderim, quod ego, si quis alter, Olei usum, multiplici ratione, raro tutum, & utile evadere posse arbitror, atque praecipue in Aegrotis illis, in quibus bilis, & alii quibet aestuantes dominantur humores.



(71) Medicin. Rat. ibid. §. 344. & 345.

(72) Continuat. Epidem. Cremon. Constat. Sec. 2. cap. 3.

§. 45.

CAPUT III.

ARTICULUS VI.

*Quod Malorum Limoniorum succus, simulac
humores attemperat, insuper incidat,
& abstergat juxta indigentiam.*



Atis, ut arbitror, in praecedenti Articulo demonstravimus, quod Limoniorum succus oleosam, subalcalinam, inflammabilem, compescit bilis substantiam, & vim, ac eam etiam, quae, occasione morborum, dum intenditur, effraenata usque evadit. Hoc satis est, ut attemperantem ejus, facultatem assequamur, quae scilicet non modo bilis, verum etiam lymphae, & aliorum humorum pravas qualitates emendet, atque destruat. In scorbuto itaque, dum acris, imo erodens Lymphae, & aliorum humorum diathesis dominatur, ob quam & solida ipsa exedi, & fluida dissolvi maxime deprehendimus, aeque proderit Limoniorum succus, cum aqua abunde usurpatus. Ita prae aliis existimat *Martinus Lister*, (73) sic animadvertens: *Praecipua autem hujus morbi medicamenta sunt cochlearia, Limonumque, Aurantiumque succi: & ex hac nota sunt omnigeni fructus, & olera: & quo magis acidi, eo meliores sunt: Hinc acetum quoque, & Spiritus Vitrioli valde prosunt. Ego vero, tamen & acetum, & Vitrioli Spiritum in specialibus hujusce morbi circumstantiis, ut aliquibus occurramus symptomatibus, prodesse sciam: haud in hoc unquam Limoniorum succo.*

(73) *Mart. Lister. Tract. de Morb. Chronic. Exerc. 5.*

succo palmam eripiam, maxime quia & abunde, & diuturno tempore exhiberi tunc ille potest, absque ulla noxa, vel ejus etiam suspicione. Nec omittenda hic ea sunt, quae de Citriorum facultate adversus Scorbutum *Lanzonus* (74) scripsit: quippe quod & ipsa ad Limoniorum succum pertinent. Eo itaque teste Auctore concedendum est, Citria mala in scorbuto praesens esse remedium, uti volunt multi. Hinc *Belgae*, quando in alia absita loca navigant, ubi tantum non semper scorbutum contrahant, praeservationis gratia succum Citri adhibent. Acidum enim volatile Citri corrigit acidum rancidum Scorbuti. *Geoffroy* (75) quoque probat, quod Citria insigni donantur antiscorbutica virtute, ita ut pro hujus morbi specifico remedio habeantur. Equidem solo succo Citri, vel malorum Citriorum esu, scorbutici etiam gravissimi sanantur. Eorundem succo, scorbuticorum gingivae exulceratae, saepius callusae, citissime absterguntur. *Batavi* certe post diuturniores navigationes in *Indiam orientalem*, aut alia absita loca, ubi scorbutum citissime contrahunt, statim ac *Lusitanas* oras attingere possunt, & mala Citria, vel *Awantia* obtinere, ab eo citissime liberantur. Ad quem sanandum morbum si tantum Citria mala valent, id ipsum cum *Bachstrom* (76) de Limoniorum succo dicendum erit: praecipue quia (sicuti supra cum *Listero* asseruimus) quo plus aciditate praestant ejuscemodi fructus, eo magis antiscorbutici ii sunt: atque haec aciditas in Limoniis, quod longe major, quam in Citriis observetur, neminem latet. Attamen etsi, quod ad scorbuti curationem pertinet, plurimum huic succo ego tribuam (ut diu, & abunde cum aqua cibatur, atque insuper simplex cum alimentis immisceatur): nihilominus haud unquam negaverim, quod potissimum

F 4

mum

(74) Joseph Lanzonus Citrolog. Part. 1. cap. 2.

(75) Geoffroy Tom. 2. Mater. Medic. de Veget. Sec. 2.

(76) Jo: Federic. Bachstrom de Scorbuti natura &c.

num in hoc & Raphano rusticano; & Cochleariae, & Nasturcio aquatico, & aliis huiusce census vegetabilibus, diuturno tempore usurpatis, fides sit adhibenda. Nam ex hisce, vel seorsim, vel junctim a Medico praescriptis, variae fiunt praeparationes, quae juxta peculiare hujus morbi gradus, atque Aegrotorum circumstantias, utiles plurimariam evadunt: de quibus omnibus hic distincte agere supervacaneum existimo.

Attemperantem insuper vim optime exercet Limoniorum succus (dum etiam magis gratam efficit potionem, & nauseam arceat) quotiescunque purgantibus remediis adjungitur: quorum nempe vim tantum abest ut imminuat, vel impediat, quod potius ipsis conferat admodum, ut eadem fatis quidem, sed blande effectum suum sortiantur. In illis itaque suavis potio, ex Manna, & Senna confectis, (quas vulgo *Angelicis* dicere solent) apposite succus iste adhibetur, atque etiam Limoniorum, aut Citriorum fructus ipse. Hujusmodi potio illa est, ab *Hoffmanno* (77) indicata, quae (ut ipse ait) *Sacratiss. Romanorum Imperator (CAROLUS VI.) sub potu Thermarum Carolinarum utebatur; hoc modo praescripta.*

R.^c Cremoris Tartari drach. duas.

Solve, & coque in libra una Aquae fontanae, usque ad medietatem: adijce

Mannae electae uncias tres:

Clarificetur albumine ovi, addito succo integri pomi Citrii succulenti: demum fiat parva ebullitio. Coletur denique frigide per linteum album, cui flavi cortices Citri inditi fuerint aliquoties, donec fiat potio clarificata, quae insigni virtute, gratissimoque sapore egregie sese commendavit.

Haud

(77) *Frideric. Hoffman. &c. Opuscul. Med. Dissert. 3. de Manna n. 39.*

Haud absimilis portio illa est, quae passim apud Praeclarissimos Bononientes Professores usuvenit; habitaque fortasse ratione ad illam, quam (ut diximus) CAROLO VI. praescripserat *Hoffmannus*, vulgo *Regia* nominatur: cujus sane sequentes formulas Clar. Medico nostro *Mighavacca* humaniter communicavit Clar. Medicus *Franciscus Maria Galle Bibiena*, Academicus Instituti Scientiarum.

R.^c Sennae elect. sine stip. drach. duas.
 Limon. in taleolas incis. n. 1.
 Aquae Nocerianae uncias octo.
 Fiat infusio frigida per noctem:
 dein mane coletur, forti expressione;
 et colaturae adde Mann. el. uncias duas,
 Cremor. Tartari drachm. duas:
 Misce, fiat haustus.

Alii alio modo ita parari jubent.

R.^c Sennae el. sine stip. unciam semis;
 Mannae elect. uncias tres.
 Limon. in taleol. incis. n. 1.
 Aquae Cichor. uncias sex.
 Misce, fiat infusio frigida per horas duodecim,
 factaque expressione, & colatura,
 serviat pro haustu.

Alii duas, aut tres uncias Mannae electae
 solvi, secundum artem, jubent
 in sufficiente quantitate decoctionis
 cordialis solutivae, cui addunt
 cochlear unum succi Limoniorum.

Alii demum quavis alia decoctione, vel aqua utuntur, ut
 in ea tam Manna, quam succus Limoniorum solvatur,
 juxta speciales indicationes illas, quibus unquam opus esset
 facit.

satisfacere. Ego vero cum multiplici ratione congruum existimem (nisi tamen quidquam in oppositum militet) quod hujusmodi infusio fiat in aqua simplici distillata cum glandibus Persicorum; alia sequenti norma potionem hanc parari utiliter posse puto, ut grata Aegrotis evadat.

R.^c

Folior. Senn. sine stip.

Cremoris Tartari an. drach. duas, vel duas, & semis.

Semin. Citri, vel Anisor., aut Cinam. contus. scrupul. quatuor.

Aqu. Gland. Persicorum, sine vino distillatae, uncias sex.

Flavedinis Cortic. Limon. incisi. drach. duas,

Succi Limonior. recent. unc. unam.

Misce, fiat infusio frigida per noctem, mane coletur cum expressione, & colaturae adde Mannae el. uncias tres:

Clarificetur, & fiat potio.

(*) Nec omittenda hic est alia potio purgans, quam Clar. Roncallus (*nonnulla remedia in Galliae Regionibus frequentiora referens*) in locupletissimo suo Opere *Europae Medicinae*, Regi ipsi familiarem esse adnotat: quae hujusmodi est.

R.^c

Folior. Senn. drachm. duas

Rhabarbari,

Salis Absynt. an. drachm. unam.

Succ. unius Citri.

Infund. in aqua fontis,

mane adde Jus Vituli,

Lactuc., Chaerifol., Porcellan.

Betae,

(*) Roncall. *Europae Medicina* pag. 85.

Betae, Cichorei an. manip. unum.

Mannae elect. unc. duas.

fiat expressio.

Sed haec mihi penitus non arridet; cum minime intelligam, quomodo ea parari potio queat. Quicumque vero purgantes potiones hasce ita effici cum Limoniis malint, ut gratae magis, suavioreque Aegrotis suis fiant, Aetii (78) consilio inhaerere mihi videntur: cum ipse imbecillioribus hominibus, imo etiam pueris, hoc modo construi Pharmacum suadeat.

R.

Citri Corticis, ac Carnis libram 1.

Aquae sextarium unum cum semisse.

Mellis sextar. semis.

Piperis, Scamon. ana unciam 1.

Citrum in teneras partes secato, & cum aqua ad tertias coquito, deinde colato, & Mel ad decoctum adjecto, ac coquito ad bonam compagem, & reliquias coctorum Citrorum terito, ipsique arida tenuissime trita inspergito, & ubi simul triveris, coctam illam aquam mulsam adjecto, & unitis utitor, cochlearium unum exhibens.

Jam vero attenuantem, detergentem, ac una incidentem hujusce succi vim aliunde etiam fas est demonstrari, ut eo magis magisque Limoniorum mirae facultates patefiant. Illa vis ex eo praesertim evincitur, quod hujusmodi succus adeo diureticus est, quod non tantum urinas abunde cieat, sed & calculos, arenulasque dissolvat, atque educat: id quod indicasse videtur *Ebembitar*, dum viscidos, tenacesque humores ejus ope attenuari, atque expelli, docet. Diureticam vim hanc in Limoniorum succo perspectam, praeter aliis, habuit *Riverius*, (79) qui gratam ex eo parari potionem.

(78) Aetius Tetrab. 1. Serm. 3. cap. 93.

(79) Lazar. Riveri. Praxis Med. lib. 14. cap. 1.

nem jubet, ex duabus scilicet unciiis succi hujusce, totidemque Vini albi generosi, una cum semiuncia sacchari candidi: quae sumatur jeuno stomacho, pluribusque vicibus, uti opus fuerit. Hujusmodi remedium usitatissimum ipsi fuit ad detergendos Renes, & Vesicam a mucosis humoribus, atque ad expellendas urinas, & calculos. Ad *prophylaxim* autem in Calculo Renum, inter alia magis temperata remedia, ipse insuper laudat aquam Limoniorum distillatam: quae fit ex Limoniis integris, in taleolas postea incisis, & Mariae Balneo distillatis: cui etiam remedio, ut magis attemperans evadat, addit praeterea Lac, ut una distilletur. In eundem finem *Ettmullerus* (80) duas uncias hujus succi, cum sex unciiis Vini Hispani in secretis haberi censet; cum optime intento satisfaciatur. Pariter & diureticam specialem facultatem huic succo inesse, testantur (81) *Castor Durantus*, *Pisanellus*, & *Montanus*. Novit etiam *Mangetus* quantum valeat iste succus ad dissolvendos Calculos, eosque cum arenis expellendos: propter quod specialem ipse formulam exhibet, quam in nephriticis affectibus utilem esse putat, eamque hic adnectere congruum duco.

(82) **R.^e**

Ligni Querc. rasi unc. 1.

Aq. fontis lib. sex.

Succi Limon. uncias quatuor.

Infundantur omnia per 24. horas supra cineres castidos, postea coque ad tertiae partis consumptionem: coletur, & ejus dosi sunt unciae sex.

Hoc remedium ipse distincte commendat in calida Hepatis intem-

(80) *Ettmuller. Op. omnia Tom. 2. in Schroder. n. 190.*

(81) *Castor-Durant. Tesoro della Sanità.*

Pisanelli Trat. della natura de' Cibi.

Montani. de Simpl. Medicam. qualit.

(82) *Manget. Biblioth. Pharmac. Med. Tom. 2. lib. 12.*

intemperie, in ulceribus Renum, in ardore urinae, atque praefertim ad viscidam salsam pituitam a Renibus, & a Vesica educendam. Neque hic omnittam nephriticam aquam, a *Volfango Höfero* (*) descriptam, quae, tametsi Citria mala comprehendat, aequè tamen utilis esse potest, si ex Limoniis, Citriorum loco, confecta sit. Ejus autem haec est descriptio.

R.^c Citriorum quantum placet: abjice, quod intus est, acidum: reliquum rasum, comminutumque stet in vase vitreo 24. horis: post, expressionem, ejus

Recipe libram unam,

Fructuum Alkekengi recentium n. 64.

contus. misceantur, & stent iterum 24. horis simul; dein ex retorta vitrea distillantur per arenam, ut de libra una remaneant unciae novem.

Hujus aquae distillatae uncia duabus, & semis adde

Vini Rhenani unciam unam, & semis,

Sacchari candidi alb. pulv. unciam semis.

M.

Haec est aqua, a Lotharingiae Duce missa Principi Eggenbergico, tunc secreta habita, & Magnatibus in magno usu, & mirabilis etiamnum in expellendo Calculo, si corpus prius Clystere, vel alio leniente pharmaco, purgatum, & illius duo, vel tria cochlearia, ante prandium, & modicam deambulationem, sumpta fuerint. Alias ejusdem census compositas praescriptiones, quae apud Practicos Auctores exstant, addere hic possem. Attamen ego, dum, quo magis simplicia sunt remedia, eo magis iis fidem praestare soleo: simulac diureticam una, & attemperantem vim huic succo, duce ratione, & experientia adscribere malo: ita eos maxime suadeo, qui in Reni-

(*) Volfgang. Höfer. Hercul. Med. lib. 3. cap. 4.

Renibus, arenulas habent, ibique vel in Vesica tenaces humores gerunt, aut Ischuriam, Dysuriam, vel Stranguriam exinde patiuntur: quod, caeteris non omis- sis praesidiis, quae unquam peculiaris morbi ratio poscat, quotidie diluculo, jejuno stomacho, ebibant magnam copiam Tincturae florum, aut foliorum Malvae, addita congrua dosi succi Limoniorum, recenter expressi. Ex hisce autem, qui in ter- diu quoque eadem frigida potione utuntur, eo citius, & melius sibi prospiciunt, & praecipue cum diu abstineant a Vino. Nam eo modo, dum Vesicae, & Renalium cellula- rum intimam superficiem omnino deterguunt, urinae quo- que acrem qualitatem demulcent, eodemque tempore are- nulas educunt, impediuntque proinde, quo minus eae, adin- vicem coalescendo, Calculos efficiant.

Et quia insuper Limoniorum succus, in ea Tinctura dis- solutus, ad tollendam urinae acrimoniam confert, ita *Ettmullero* (83) concedendum est, quod idem succus open- adferat Gonorrhoeae, & valeat, pro *extinguenda nimia, venere*. In Gonorrhoea speciatim subdit *Ettmullerus*, quod apud Italos quosdam solet ea potiuncula commendari, quam refert *Sylvaticus*, (84) ceu praestantissimum remedium: cujus haec est norma.

R.

Aquae Rosar. unc. tres.

Succi Limon. unc. unam.

Album. Ovi crudi n. 1.

Misce, ut hauriatur quarta qualibet die.

Claudius (85) etiam Limoniorum succum adhibet ad sanan- dam Gonorrhoeam, ac una animadvertit, quod iste succus valet in *femine absumendo, sicuti & succus Citri: nam copiosum semen*

(83) *Ettmuller. Op. omnia Tom. 2. in Schroder. n. 190.*

(84) *Sylvaticus Centur. 4. Observ. 1.*

(85) *Jul. Caes. Claudius. Empiric. Tom. 2. lib. 4.*

semen mirifice minuunt. Quamborem in ejus usu cautum esse debere Medicum, ita docet Rhodius (86): Succo proinde Limonis acidi, quamvis magni sit usus ad Ischuriam, a Pituita crassa, & Gonorrhoeam sistendam, caute utendum, ne, venere extincta, sterilitatem inducat. Itaque si ea pollere vi succum hunc concedamus, ut copiosum semen minuat, atque ut venere extinguat; hinc facile erit deducere, quod congruum ipse praesidium faeminis adferre queat, quotiescunque eae, Aphrodisio aestu percitae, gravibus hystericae affectionis insultibus divexantur, imo Uterino furore laborant. Tunc enim aestuans, ac summopere mobilis, qui ab Utero procedit, humor, & in aream circulationis cum sanguine abiens, Oeconomiam animalem totam pervertit, non aliter melius attemperari poterit, quam Limoniorum succo, saepe cum aqua usurpato. Siquidem ob eandem rationem, propter quam adnotavimus supra, quod Limoniorum succus, biliosum attemperando humorem, Itae furem compescat; ita & de aphrodisia edomanda passione sentiendum est, quotiescunque ea ab analogis furentibus humoribus illis exciteretur, quorum ideo vim enervare maxime poterit acidus iste succus, ne tam graves inde fiant turbae, ratiocinijum quandoque ipsum perturbantes. Ex hoc ipso facile cuique erit deducere, cur nam Ebembitar existimet, quod Limoniorum succus prohibeat ebrietatem, quando sumitur post vinum vicibus pluribus. Eadem enim, & longe major, huic succo in hoc facultas adscribenda esse videtur, quam aceto, cui alioquin, ad ebrietatis tollendos effectus, plurimum tribuebant Veteres Medici, imo & ad acuendum appetitum; quae opinio nostro adhuc aevo communiter viget. Jure ideo meritoque ita ad rem nostram monet (87) Cato. Si voles in convivio multum bibere, coenareque libenter, ante

coenam

(86) Jo: Rhod. analect. & not. in L. Septalium.

(87) Cato de re Rustica.

coenam esto crudam, (brassicam) quantum voles, ex aceto. Et item, ubi coenaveris, comesto alia quinque folia, reddent te, quasi nihil ederis, biberisque, bibesque quantum voles. Ex quo fortasse mos praecipue penes Germanos invaluit, ut aesculentibus brassicae foliis in prandio summopere delectentur; quem cibum *Saxer Kraut* appellant. Siquidem (ut *Baccius* (*) inquit) alius haeret causa, qui brassica hanc habet antipathiam cum natura Vini, Agricolarum testimonio, *Theophrasti*, & *Plinii*, ut sata in *Vinetis* ipsas laefaciat vites; unde consentaneum sit, quod brassicae qualitas sic vini in stomacho distrahat vapores. Utunque autem quis credat, quod brassica, juxta specialem qualitatem suam, vino sese opponens, ejus vim imminuat: in casu nostro verisimilius existimo, quod, dum hinc genitae ebrietatis sedantur effectus, id aut adjuncto ipsi aceto, aut acquisitae a brassica aciditati, potissimum adscribere liceat. Quandoquidem (88) *Natura ipsa docet*, quod post *crapulam*, aut copiosum potum spirituosorum liquorum, quae sanguini aestum, & quasi effervescentiam conciliant, nil magis, quam acida, *Ebriosi* appetunt. Cum ergo inter acida quaeque, veluti attemperans maxime, atque refrigerans *Limoniorum succus*, ex dictis, habendus sit; necessum erit arabico Auctori nostro concedere, quod *Ebriis* hominibus ille congruum adferat praesidium.

Generatim ideo *Limoniorum succus* in sanis etiam Hominibus omnino conveniens erit, utpote Bilis praecipue, nec non aliorum humorum effervescentiam, & acrem indolem, infringens. Cumque hujusmodi aestus humorum Aestate longe saepius, & vehementius patiamur: eo tempore tali uti remedio liberalius possumus. Ex hoc enim succo, cum aqua simplici frigida, &, si lubeat, glaciata etiam, suavis, & perquam grata paratur portio, quae in usum

(*) *Andr. Baccius de natural. Vinor. orig. lib. 3. cap. 19.*

(88) *Jo: Frideric. Bachstrom. de Scorbutu natura.*

usum frequenter revocata, optatum nobis adferens refrigerium, prae aliis, plurimi aestimatur; & maxime quia urinas blande ciet, earumdemque fervorem extinguit: quod admodum tunc temporis interest, quando, caeteris paribus, illud, quod a Vesica prodit, serum, juxta uberiorem perspiratum, tam copia deficit, quam crassius est, magis coloratum, & magis urens. Utque nihil circa hoc omittam, quod hominum bono magis conducatur, addam ultra, quod potio haec, ex eo succo confecta, magis prodest, si sine saccharo usupetur, aut saltem (nisi aliter delicatulis possimus satisfacere) modica tantum sacchari copia ipsi adjungatur. Enimvero saccharum attenuantes, & penetrantes succi moleculas quadantenus devincit; adeo ut altius se se insinuare, seu minimos remotiores recessus subire, eae nequitiam, vel saltem non aequè libere, citoque possint. Ad id conferet quoque magis succus ipse, singulis vicibus e Limoniis in aqua expressus: quam si, ita antea parata, haec aqua diu asservetur, propter quod mobiliiores, magisque fragrantæ moleculæ dum avolant, ejus sapor immutatur admodum, & pari proportionem vis diminuitur.

Denique cum ex hisce omnibus evincatur penitus, attemperante aequè, ac incidente, & detergente vi Limoniorum succum praeditum esse, propter quod varias inde nanciscitur facultates: hinc quoque modus innotescet, quo in humoribus, atque in partibus praecipuis, & organis Corporis eos praestet varios effectus, quos hic observandos nobis summatim *Ebembitar* proposuit. Ejus quippe adminiculo ideo cessat aestus, & tumultus in humoribus, quia volatiliores particulae sedantur, aut inertes fiunt magis: ideo vasorum, & Viscerum infarctus, sive mavis, obstructions tolluntur; quia tenaciorum humorum, illuc fluentium, strictiores solvuntur nexus, ac illi propterea

G

magis

magis idonei ad motum efficiuntur. Si Venterculus praefertim, aut Intestina lymphatico, vel alio quovis glutine graventur, ab eo liberantur protinus; dum hujus succi ope ii attenuantur humores, eademque proportionem sollicitati ad motum, ita urgentur, ut, aut per superiora, aut per inferiora liberum magis obtineant aditum. Quae porro salutares, & variae istius remedii vices, aliaeque inde fortassis occurrentes, actiones, quae aliquando pene oppositae videntur esse, ne cuiusquam admirationem, plus quam par est, moveant: eae omnes, inquam, *Nigrisoli* testimonio (89) ita erunt confirmandae. Succus Limoniorum, & Citri, cum diversis facultatibus praediti, & donati sint, prout diversas possident qualitates, tenuitatem nimirum, frigiditatem, & siccitatem, diversos etiam posse producere effectus, haud repugnat, nec est a ratione alienum. Prout enim tenuis sunt substantiae, humores crassos incidunt, attenuant, aperiunt, ac detergunt, & ita dejectiones humectare possunt, ac ventrem subducere, ut docuit Galenus. Prout frigidi, & siccus sunt, vomitum sedare, ventrem retinere, ac solutioni cholericae mederi potentes existunt, ut placuit Avicennae. Sua enim frigiditate calorem biliosi humoris edomant, atque restringunt; unde vis ejus activa, qua Naturam stimulat ad excretionem, frangetur, & obtunditur, concurrente praesertim vi incisiva; quod voluit fortasse exprimere Princeps, eo loci scribens: & acetositas ejus franget choleram rubram. Prout Venterculus, tanquam partem sentientem, tangunt, comprimendo, & contrahendo roborant. Prout rursus frigidi, & siccus, ipsum efficiunt, calidam, & humidam ejus corrigendo intemperiem, ut ibidem observavit Princeps, magis adhuc confirmant, & siccitate tandem retentivam ejusdem, ac Intestinorum facultatem sistendo, vel superfluas humiditates absumendo, fortiores reddunt, unde sedatur vomitus biliosus, atque

(89) Hieronym. Nigrisoli. Progymnasim. 2.

atque secessus denique in his succis moderata adstringendi potentia eorum penetrationem, vimque incisivam, atque aperitivam, & adjuvat, & magis promovet. Quae omnia quidem credimus evenire aliquando posse in specialibus circumstantiis, atque praesertim juxta peculiare Corporum dispositiones, & varias morborum causas; uti ex aliis, quae dicentur postea, eo magis magisque patebit.



CAPUT III

ARTICULUS VII.

*Quod Malorum Limoniorum succus, tanquam
Bezabar contra venena, sive tanquam
Alexipharmacum remedium, haberi
merito debeat.*



Nteaquam miram hanc *Bezahartica* facultatem, quam speciatim Limoniorum succo *Ebembitar* adscribit, explicare aggrediar: aliqua obiter de vero *Bezabar* hic paucis dicam, ut eorum refellam opinionem, qui ipsi passim fidere nimis comperiuntur.

Medicamentum quodlibet, cui Antidoti, seu alexiterii pharmaci vis assignari solet, nomine *Bezabar*, aut *Bezoar*, aut *Bezehard* indicatur: cui proinde potiore jure *Pa-Zahar* nomen adscribitur. Etenim apud Persas (90) *Pa* contra, *Zahar* vero venenum *significare traditur*. Eodem quoque nomine distincte nuncupatur vulgaris ille Lapis, qui suima, prae aliis, virtute pollere creditur, ad venenorum evincendam vim, atque ad malignas omnes qualitates e corpore eliminandas, praecipue vero per cutis meatus. Ejuscemodi duo assignantur lapides, alter nempe, qui animalis; alter, qui fossilis, seu mavis, mineralis dicitur; ac utriusque variae indicantur species, pro varietate animalium, & locorum, a quibus proveniunt. Fossilis praesertim mineram in terra *Syri*, & *Indiae*, & in terris Orientis olim detectam esse, authorante *Serapione*, memorat

Sylva-

(90) Amalth. Castel. Brunon. Verbo *Bezoar*.

Sylvaticus (91), ibidemque eum lapidem tanti tunc habitum fuisse testatur, ut Filius *Amamari*, *Custodis Dei*, pro ejus pretio palatium *Cordubae* solverit. Atque ejusdem lapidis genesim ita distincte profert *Geoffroy*. (92) *Ex variis tunicis coagmentatus videtur, quae successive, altera alteri imposita, ex parvo lapidis rudimento calculum tandem formant ad magnitudinem avellanae, nuci juglandis, vel etiam ovi anserini. In ejus centro arenae granulum, vel conchula, vel carbo fossilis nonnunquam reperiuntur.* Is autem multis in locis reperitur in *Gallia* prope *Monspellium*, in *Sicilia* circa montem *Modonium*, in *Italia* in *Agro Tiburtino*, in nova *Hispania* in fluvio *detzhuatlan*, unde maximi afferuntur.

Quicumque autem de utriusque lapidis viribus loquuntur, miras praecipue commendant facultates, ad venenorum destruendum virus, uti & ad malignas humorum qualitates in quamplurimis morbis evincendas: ita ut tanti a vulgaribus Medicis aestimentur, perinde ac si absque ipsis, nullae prorsus ex hujusmodi curationibus, sana methodo fiant. Hanc tamen opinionem, aliorum etiam fretus judicio, velut erroneam refellit *Schurigius* (93): eo quia plerumque lapides isti factitii venduntur: & quamvis genuini sint, uti *Caput mortuum* ii pene audiunt; cum nec odore, nec sapore, nec aliter alexipharmacae penetrantis, & incidentis facultatis ulla vere proferant signa. Quapropter eorum usum prorsus vanum esse, censet praelaudatus celeberrimus (94) *Van-Svvieten*, hisce verbis. Pretiosissima illa remedia ex porcino lapide, *Bezaar* &c. nihil efficere valent, quamvis adeo laudentur a multis: interim tamen, ne aliquid negligi videatur apud doctos, similli-

G 3

ma

(91) *Matthaeus Sylvatic.* in *Pandect.* cap. 398.

(92) *Geoffroy Mater. Medic.* Tom. 1. Part. 1. Sec. 3. cap. 41

(93) *Martin. Schurig.* *Litholog.* cap. 9. §. 37.

(94) *Van-Svvieten Com.* in *Aph. Boerhaav.* §. 634.

na dari possunt, modo his non confidat quis, & alia efficaciora longe remedia negligat.

Ast in hisce, quae ad Chymaericam Lapidis. Bezahar facultatem pertinent, haud amplius immorandum nobis est: cum ea in propositum nostrum fas sit referre, quibus ad Ebembitar mentem ostendam, curnam apud Indos praefertim habita tanti sint Limonia mala, ut in ipsis (95) plus praesidii ponant, quam in Lapide Bezahartico, aut Theriaca, contra malignos morbos, & pestilentes Febres, atque ipsa venena: sicuti testatur Piso Batavus, in rebus Naturae exoticis, siquis alius, versatissimus. Cum autem Limoniorum succum, ob duplicem rationem, bezahartica pollere vi doceat Ebembitar: quid utique eo fidere Medicus debeat, distincte modo patefaciam. Agam itaque primum de iis interficientibus Medicinis, quae, cum Arte sint paratae, vim suam, & agendi modum in propatulo magis ponunt; unde & facilius nobis captu evadit, cur praecipue Limoniorum succus eorumdem deleteriam vim infringat, imo & penitus destruat. Verum quia modo factitia venena haec considerata assumimus, ea data opera omittimus, quae, veluti ridicula, a Valisnerio habita, Joseph Lanzoni (96) recenset. Huiusmodi autem est Aqua, vulgo dicta, della Martelosa, Aqua della Palermitana, Aqua, manus lavans, & occidens, odor in strophilo, in candela, & alia quaecvis similia. Cum enim aliquibus istorum venenorum capita, caudae, & fel viperarum ingredientur, illa tanquam erronea, & vana videt citatus D. Valisnerius: quia caput, fel, & cauda viperarum venenata non sunt, quemadmodum notavit etiam Illustris Redi in suo Libro, de Viperis: imo pro veneno huius ipse non agnoscitur, a superlaudato Valisnerio; quia ille se observasse

fatetur

(95) Martin. Lister Tract. de Morb. Chronic. Exerc. 5.

(96) Joseph Lanzon. Op. omnia Tom. I. cap. 118.

fatetur, *Milites Germanos sub Scandiano comedisse innocue bu-
fones.*

Verum quo magis innocua putantur esse factitia haec, atque alia ejusdem census venena; eo magis insensum evasit illud, quod vulgo *Acqueta* nominatur; cujus quoque ibidem meminit *Lanzonus*, qui id ipsum communicaverat *Mangeto*, sicuti patet ex ipsius operibus. (97) De hoc quoque veneno distincte egit *Fridericus Hoffmannus*, (98) tanquam de eo, quo *Venificae quaedam Romanae sub Alexandro VII. gravem stragem ediderunt.* Ibidemque praeterea, teste celebratissimo *Garelli, Caroli VI. Imperatoris* Archiatro, animadvertit, quod hoc *lentum* venenum est, quo *famosa Venefica, in carceribus Neapolitanis tunc vivens in sexcentorum perniciem usa est*: quod insuper venenum *idiotate Neapolitano Aqua della Tossina* vocari solebat. Quomodo autem subdolum venenum hoc conficiatur (et si alii, variis tamen formulis, candide fortasse nimis, id typis vulgare non dubitaverint) ego quidem silere malo: eo dumtaxat contentus, ut, ejusdem attentae speciali operandi vi, cuique ostendam, qua ratione Limoniorum succus, (uti aliis plurimis) ita & huic praesertim opem facile, tutoque adferre valeat: dummodo congrua methodo, nec sero nimis usurpetur. Hujusmodi aquae corrosivam inesse vim, ob quam venefica efficacissima qualitate praestat, ex eo prorsus evincit *Lanzonus*, quod ab ea causticum paratur remedium, quo *parti animalis viventis admoto, loco cauterii, utuntur*: cui quidem insensibilis tollendae vi, tanquam omnium insignius pharmacum, commendat succum *Citri*, aequae ac Limoniorum; licet ego hunc illi praefarendum esse putem, cum

G 4

eo

(97) Manget. Biblioth. Med. Pract. Tom. 4. lib. 18.

(98) Frider. Hoffman. Med. R. System. Tom. 2. cap. 2. n. 19.

eo acidior, & penetrans magis ipse sit. Quod si corro-
dentem hujusce veneni actionem quis adamussim consideret,
facile erit morbosa quaelibet ea phaenomena explica-
re, quae inde oriuntur. Isti vero pravi effectus modo
cito, modo sero apparent, intensioresve, vel leviores sunt,
ideoque citius, aut tardius necem adferunt, vel aliter quo-
cunque modo variant, & nocent, juxta diversam exhibiti
hujusce veneni copiam, vel repetitum usum; aut demum
pro varia norma, qua illud utcunque confectum sit. Ut-
plurimum tamen, ad illud praeparandum, eam scelesti Ho-
mines normam servant, ob quam teterrimum hujusmodi
venenum non illico suos effectus prodat, sed clinculum,
atque paulatim operetur: quo quidem modo omnis pro-
pinati jam veneni, suspicio evitatur: quippe quod illi, qui
eo fuerunt infecti, nihil pene se inde laedi animadver-
tunt. Secus autem sit a violentis venenis aliis, quorum
maxime cum vehemens sit actio, atque praecipue circa
Ventriculum, & Intestina, graves illico suscitantur cardi-
algicae passiones, & aliquando vomitus, & Intestinorum
cruciatu, perinde ac si eorum fibrae vehementer distra-
hantur, imo lacerentur; praeter laboriosam anxietatem,
aliaque symptomata, quae ob specialem cum Stomacho,
& Intestinis consensum, ab affectis partibus aliis origi-
nem habent. Eaquepropter assumpti veneni illius facilis
tunc conjectura se prodit. Ideo, cum aliquotab hinc an-
nis ad invisendum Juvenem quemdam accersitus essem,
qui, nulla alia praegressa congrua causa, summis Abdo-
minis cruciatibus extemplo correptus erat, irrequietus
factus, ac undequaque per lectum sese jactitans, tumente
alternatim, contractoque, & mox depresso supra modum
Abdomine, cum anxietate summa; statim vehementis as-
sumpti veneni certa signa demonstravi. Neque fallax
suspicio evasit. Etenim, irritis evadentibus remediis om-
nibus,

nibus, eo post sexhorium miserrime mortuo, ejusque secto cadavere, lacerata penitus, & discissa undequaque Intestina reperi, cum inflammatorio universali rubore, quo insuper Ventriculus undique fuerat infectus, effuso quaquaversus sanguine tam in Intestinelorum cavum, quam in Abdominis universam regionem. Quia tamen violentissima venena haec statim summa procreant symptomata, quae pro speciali sua indole, & agendi modo, saevissimum virus illud citius patefaciunt; ideo & facilior, & tutior curatio tunc habetur: dummodo quo citius fieri queat, tam per superiora, quam per inferiora, venenum ipsum educere quis satagat, antequam aut Ventriculi, aut Intestinelorum tunicae laedantur quidquam. Atque in hisce circumstantiis, si quae adsunt efficacissima emetica remedia, vel purgantia, ea statim sunt in usum revocanda: ut nempe earum partialium cavitates a virulenta materie liberentur, atque etiam tenuiores ejus moleculae, si quae forte earundem rugis, & plicis infixae sint, inde citissime detergantur. Hac autem ita facta congrua purgatione, praesto sint juscula, vel oleo, vel butyro recenti abunde referta, tum & lac ipsum, & farinosa, & glutinosa omnis generis edulia, nec non alia ejusmodi, ut illico, copioseque propinentur. Ita enim erodentes (si unquam supersint) veneni moleculas colligare, diluere, attemperare, ac tandem per Alvim educere omnino possumus: ad id etiam conferentibus lenientibus Clysteribus, uti opus sit, identidem injectis. Congrua itaque hac methodo festinanter instituta, simulac virus illud violentum cito educere, atque compescere quaerimus, opportune quoque cavemus, ne ejus minima frustula, seu mavis spicula, venas lacteas ineant, & inde in aream circulationis cum sanguine devecta, partes quoque alias, & organa, in intimis corporis recessibus, laedant

laedant, aut vexent. Quamobrem in enarrato casu, cum ad eum invensum Juvenem sero nimis vocatus essem, tunc scilicet cum Stomachus, & Intestina intus jam labefacta erant: eo magis dolui, quod nulla amplius exhibendi purgans subesset indicatio, dum solutae jam fere penitus vires id amplius non permittebant: unde & incassum alia quaeque praesidia fuerunt usurpata, sine ullo nempe levamine.

Verum, ut ad propositum nostrum accedamus, exinde deducimus, quod ea praesertim adsit differentia inter violenti efficacioris veneni, & alterius levis actionem; quod illud, seu vehementer agens, citius se se patefaciat, atque proinde facilior initio curatio evadat. Contra vero lentum venenum quodlibet, etsi inducias Medico concedat, sero plerumque cognoscatur, tunc scilicet, cum, aliis, ut ajunt, actis radicibus, nullam amplius curationem admittit. Ex quibus, insuper evincitur, quare nam longe major, quod ad diagnosim, Medici sollicitudo necessaria sit, cum de lentis potius, quam de violentis venenis agitur: uti potissimum de recensito veneno, *Aequeta* nuncupato, verum profecto est. Interest quippe maxime, quod accuratus Medicus quaeque tunc ob oculos habeat accidentia, quae ab eo distincte procedunt; ex quorum scilicet indagine tutius de illius existentia judicium prodeat, ita ut curatio congruo perficiatur tempore.

Antequam itaque curationem, veneno huic evincendo aptam (quam sane Limoniorum succus magna ex parte complet) hic raptim indicem: operae pretium fore censeo, quod, attentis symptomatibus illis, quae inde plerumque suboriuntur, adferam signa, assumptum venenum hoc subsequencia: quae tamen non eodem modo in omnibus apparent, imo variant, pro diversa agentis veneni intentione, atque dispositione affecti corporis: Imprimis vero
tanquam

tanquam erroneam, & commentitiam eorum opinionem habendam esse arbitror, qui pro certo habent, quod dosis, & praeparatio hujusce veneni concinnari ita possit, ut, ne dum infensum plus, minusve illud evadat, sed etiam dato tempore (pro lubito offerentis) necem adferat. Equidem concedo, quod major, aut minor dosis veneni istius (sicuti si minus, aut magis dilutum sit, atque magis, minusve caustica vi polleat) magis, aut minus gravia, symptomata adferat, ideoque vel citius, vel tardius interimat. Quod autem statuto primum tempore, & non alio, nefarium compleat adamussum opus, uti fabulosum rejicio. Nam utcumque quispiam in hisce sit expertus; ita ut modum agendi, & vices quasunque veneni hujusce perspectas omnino habeat; vix eo unquam adduci potero, ut credam, speciales circumstantias eorum, qui id assumunt, nihilum ob stare posse, quin ejus actio quomolibet immutetur, retardetur, aut alteretur. Atque hoc eo fidentius asserendum esse censeo, cum agatur non de violento veneno, quod citissime, vehementerque operatur; sed de lento, cujus videlicet actio ad hebdomadas, & menses, & ultra etiam protrahiprehenditur.

Nulla proinde habita ratione circumstantiarum quarumvis, quae in eo maxime (cui propinatum hoc fuerit venenum) sint unquam considerandae, propter quas ejus actio diversimode se habeat; praecipuus in omnibus effectus est universa Corporis consumptio, paulatim oborta. Ea vero sine ulla manifesta causa incipit, atque successive crescit: quippe quod nullus ex iis praecesserit morbus, aut Animi diuturnum, & grave pathema, ex quo Tabes per saepe evenire observatur. Antequam tamen inde contabescat Corpus, ut plurimum recurrentes in Abdomine leves accidunt dolores, aliquando graviore,
juxta

juxta modum, quo venenum operatur, aut dispositum. Corpus illud est: eaque occasione non raro Alvus solvitur. Exinde, insinuato magis ad interiores partes veneno (quod modo citius, modo tardius fit) sanguinis motus concitator efficitur; unde frequens, & inaequalis eadem proportionem pulsus redditur, perinde ac si lenta hinc oborta febris esset; maxime quia acris calor, plus, minusve intensus, Corpus universum exagitat. Hisce insuper accedunt vigiliae, inappetentia, nec non insignis ardoris sensus circa Stomachum, qui speciatim invalescit a pastu. Bonus interim Corporis habitus immutatur, adeo ut Cachectici fere Aegroti reddantur, atque etiam IctERICI. Animus ipse hinc quoque patitur: unde affecti Homines isti, sine manifesta causa, vel moesti evadunt, vel facile nimis in iram concitantur, neque facile quiescentes, quod ad omnia irrequieti fiunt. Hinc praeterea, dum nervea quaecvis stamina summopere patiuntur, decrescunt vires, atque etiam universi Artus variis contremiscunt modis, imo & in motibus suis languent. Aliquando vomitu ii laborant, atque praesertim jejuno stomacho, acidamque tunc, vel amaram, vel alterius pravae indolis lympham educunt, atque male olentes non raro status eructant.

Praecipua haec sunt symptomata, quae veneni hujusce actionem consequuntur; quae tamen (ut innuimus) quod ad intensiorem, durationem, complicationem, & procedendi normam, variare comperiuntur, pro diversitate laesorum inde Corporum, & dosi simplici, vel iterata veneni ipsius: unde fit etiam, quod ea citius, aut tardius eveniant. Quas quidem vices, uti experientia, ita & ratio ipsa verisimiliter comprobant: congrua servata analogia quorumlibet aliorum accidentium, quae a violentis venenis oboriuntur. Habita enim ratione
corro-

corrodentis facultatis, qua venenum hoc, ut diximus, revera pollet; facile intellectu erit, cur minimae ejus molecule Stomachi, & Intestinorum parietes irritent, atque discindant, sin minus abradant: eaeque in aream circulationis adaectae, una sanguinis, bilis, lymphae, aliorumque quorumvis humorum diathesim solvant, alterent maxime, imo penitus immutent: id, quod sufficit ad recensita producenda, & explicanda symptomata. Ideo autem veneni hujusce actio (secus ac in violentis aliis evenit) non illico Ventriculum, & Intestina graviter vexat, aut lacerat, unde nec gravia in illis partibus phaenomena excitat: quia dilutum in aqua illud est, ideoque citius inde secedit, absque quod earum partium plicis, & rugis tenaciter adhaereat. Idcirco, cum nulla plerumque assumpti veneni tunc emergant signa, vix quidquam solliciti suat Medici, ut eidem congruis pharmacis illico obviam ire satagant. Quotiescunque vero notas ipsius aliquas quis consideret, ac una pateat, hinc Ventriculum oppressum, gravatumque esse; statim is intelligat, & superius, & inferius Aegrotum purgandum fore, nec non efficaciter, usque dum venenum illud e Stomacho, & Intestinis eliminatum sit. Addantur postea juscula oleosa, copiose exhibita, nec non alia quaevis glutinosa, attemperantia, sicuti occasione violenti veneni praestandum esse supra monuimus: adeo ut, quae unquam supersint, assumpti veneni molecule corrigantur, devinciantur, atque demum expellantur penitus. Prae caeteris autem diluentibus, & attemperantibus, ad quae subinde confugiendum tunc erit, succus Limoniorum, abunde assumptus, omnem adimplebit paginam: quippe quod ipse (docente *Elembitar*) a tota, ut ajunt, substantia eidem resistit, cum *Brzabartica* revera polleat vi. Quamobrem diluculo, & interdum frigidam saepe ebibant aquam, in qua

CANEA

tanta copia succi Limoniorum, absque saccharo, fuerit
 recentur expressa, quanta sufficiat, ut satis acida ea fiat.
 Idem succus cibis etiam quibuscumque erit immiscendus; uti
 Hominum eorum Stomachus, absque damno, ferre posse
 tunc videatur. Ast nec vini usus proscribendus omnino
 erit, dummodo sit meracum; & aliquando tunc genero-
 sum, & aromaticum seligendum est, quotiescunque, prae-
 ter alia symptomata, Stomachus hinc maxime fuerit las-
 satus, adeo ut metus sit, ne hinc Lipothymiae proveniant.
 Hujusce vero succi usus quo diutius ita tunc protrahitur,
 eo melius Aegrotorum valetudini consultum est. Quod si
 eo tempore, quo succus iste administratur, aut stiptica
 sit Alvus, aut eae, quae per secessum prodeunt, mate-
 ries acres adeo sint, atque pungentes, ut inde ardo-
 res, & premitus eveniant; hisce vel purgantium congru-
 orum ope, vel attemperantibus, detergentibus Clysteri-
 bus, saepe injectis, succurremus. Atque pari methodo
 Limoniorum succum hunc praescribere poterimus, etiamsi
 diu antea propinatum hoc fuerit venenum, ita ut om-
 nes id agnoscere non posse videantur. Animadvertent hoc
 illi maxime, qui ad recensita supra signa mentem in-
 renderint: quae si quis unquam evenire noscat, ad hunc
 succum confugiat illico, prius quam ea labes altas, ut
 diximus, radices agat. Ex quo quisque intelliget, quam
 utile sit, ea supra recensuisse signa, quae hujusce veneni
 notas adferant, tunc etiam cum blande ita agat, ut non
 ab omnibus cognoscatur. Siquidem eo modo, dum causa
 morbi nobis innotescit, in promptu hoc est efficacissimum
 praesidium, ut a longe imminuentem avertamus necem.
 Quamvis autem & in hoc, & in aliis quibuscumque venenis
 concedendum sit, nos, quo citius antidorum adhibetur,
 eo tutius, & funditus optatum sortiri effectum: atramen-
 experientia teste, evincitur, quod succus iste, eo, ut
 diximus,

diximus, modo usurpatus, admodum prodest, etiam si aliquo antea tempore quis iis fuerit infectus. Etenim hoc remedium pravam inde genitam sanguinis diathesim, si quod aliud, omnino tollit, aut saltem summo opere emendat.

Hujusmodi methodo memini me, aliquot abhinc annis, Dynastam quemdam magni nominis curasse, cui lentum hoc venenum ante plures hebdomadas fuerat propinatum. Ille enim, cum initio doloribus Stomachi, & Intestinorum vexatus esset, etsi quoquo modo curatus, haud hunc tamen omnino convaluerat. Etenim tunc cum ego ipsum invisi, lenta aderat febricula, cum parvo, duro, frequenti, & inaequali pulsu, virium solutio maxima, inappetentia, Ventriculi ardor, praecipue post assumptum cibum, tremor artuum, inordinata, & vehemens in iram concitatio, Alvi frequens stipticitas, universi corporis tabes. Irrequietas fere quotidie transigebat noctes, habituque corporis ad Cachecticum vergente, Ictericus fere semper erat, ac una Oedematoso tumore affecta cernebantur extrema pedum. Huic itaque ut opem adferrem (cum jamdiu assumpti lenti veneni patuissent signa) praevio congruo purgante, iterumque per epicroasim (ut ajunt) soluta exinde leniter Alvo, ope tincturae Rhabarbari, atque etiam Tettutianae mineralis aquae, non omisis identidem lenientibus Clysteribus, ut opus erat, tandem Limonio- rum succum copiose, & saepe cum aqua communi ebibendum jussi diuturno tempore. Quod porro fausto cessit omine, cum ipse imminentis jam mortis periculum post aliquot hebdomadas effugerit, atque demum, Chalybeatis utens remediis, omnino convaluerit.

Quomodo vero subdolum veneni hujusce lenti virus varias adeo excitet morbosas affectiones, quippe quod intima quaeque Corporis penetralia subeundo, tam fluidorum

rum crasim alteret, atque pervertat, quam solida quaeque irritet, atque distorqueat; ex eo quadantenus per analogiam assequimur, quod ex Mercurii actione evenit, tunc cum in celtica praesertim lue usurpatur. Eius quippe tenuissimae, & irrequietae maxime particulae, cum sanguine quaquaversus delatae, ita fluida perturbant, exagitant, concutuntque, ut eorum diathesim immutent penitus. Idcirco in parietes Cordis, & arteriarum irrundo, eorumdem vim contractilem perturbant, atque augent, & absque ordine sollicitant; unde & pulsationum ritibus aequa proportione acceleratur, incongruusque fit, tunc cum & alia solida proinde afficiuntur. Ita pariformiter quod suo modo agat venenum hoc, fas erit opinari; dum illud non tantum primas, ut ajunt, Abdominis vias adoritur, verum etiam in intimiores partes vim suam exerit, ad enarrata suscitanda symptomata. Quenam vero specialis Limoniorum succo tribuenda sit facultas, (ob quam virus illud insensissimum edometur, imo destruat), haud adeo facile explicabimus, nisi acidam ejus peculiarem qualitatem attendamus, quam revera in plerisque remediis (quibus contra venena prisca quoque utebantur Medici) adesse deprehendimus. Quod si praeterea aliam ad hoc peculiarem qualitatem in succo Limoniorum considerare quispiam velit; uti nec ipsi me quidquam opponam, ita & candide fatebor, eam mihi penitus ignotam esse. In hoc enim illud ipsum dicere non erubescam, quod de Chinae Chinae actione, ad Intermitterentium febrium fomitem enervandum, solemus asserere; quod scilicet speciali qualitate ea agat, quam explicare nemo adamussim valet. Ita & *Lanzoni* teste (99) utrina, & saliva jejuni Hominis utilis dicitur, ad eas tollendas

(99) Joseph Lanzon. Op. omnia Tom. 2. Observ. 239.

lendas noxas, quae a Vesprium ictu fiunt. Quidquid itaque sit de genuina qualitate illa, nobis ignota, qua succus Limoniorum vere pollet, ad venenum hoc destruendum; satis utique erit scire, quod revera id praestat, etiam si modum minime intelligamus: quod insuper & de plerisque remediis verum comperitur esse; uti saniores Practici fatentur.

Verumtamen quia, ut probavimus, tantum valet Limoniorum succus, ad pravam illam a sanguine auferendam qualitatem, quae ab hoc veneno procedit: verisimile quoque erit, quod idem remedium, ad praecavendas opportune noxas hasce, possit usurpari. Nam, cum aliquis abunde succo illo utitur, qui una cum Chylo ad sanguinem transit, ipsum ita disponit, ut, si illi unquam venenum hoc postea fuerit exhibitum, minus sanguinem inficiat, atque ideo fortasse nihil Hominem illum laedat. Etenim tunc praesto sunt antidoti, jam antea assumpti, particulae, quae ipsi summo opere resistent. Atque propterea Dynastis, Magnatibus, aliisque conspicuis Viris, qui super alios eminent, suadere soleo, quod quotidie, vix a somno expergescenti, jeiuno Stomacho succum Limoniorum in aqua plenis haustibus ebibant, atque etiam interdum. Quod porro saluberrimum mandatum, ut, quorquor vel divitiis, vel honoribus, vel doctrina, vel insignibus utriusque dignitatibus praestantiores aliis sunt, aut praesse debent, ii caute, seduloque servant, interest maxime. Eos itaque oro, obtestorque, ut, (tametsi se sanos omnino esse sentiant, aut saltem existiment) suam magis, quam vilium, & rusticorum Hominum vitam in ancipiti semper esse, pro certo habeant, ob invidentium nequitiam. Alioquin enim, nisi ita sui ipsorum, ut opus est, ii curam habeant, ad quid opes, honores, dignitatesve, ut iis crescant, expetuntur, si summa ejusmodi

modi decora illos strangulant: eo quia tunc magis timenda venena sunt, cum gemmata sumuntur pocula, nullusque contra fictilibus est timor aconiti? Jure namque meritoque ita Juvenalis. (*)

... sed nulla aconita bibuntur

Fictilibus: tunc illa time, cum pocula sumas:

Gemmata, & lato setinum ardebit in auro.

Propter quod etiam Seneca monet: (**)

Humi jacentem scelera non inrant casam,

Tutusque mensa capitur angusta cibus,

Venenum in auro bibitur..

Quod si unquam ex hisce, qui, prae aliis, faustae sortis bonis utrinque fruuntur, aliquis fortasse sit, cui Invidorum astutae artes minime noceant; non hinc tamen, oro, se ipsum ita negligat, ut Limoniorum succum parvi faciat. Sciat enim, quod illud saltem, ex assiduo hujusce antidoti usu, commodum ipsi certe eveniet, ut sanguinis ii arceantur aestus, siue mavis, compescantur, qui a lautioribus oriuntur mensis, atque potissimum ut illi sedentur bilis furores, quibus omnes, Reipublicae administrandae, gravissimisque gerendis negotiis addicti, magis, saepiusque, quam alii, obnoxii esse solent. Caeterum, quod respicit miram succi hujusce facultatem, ad eludendam Veneni istius, atque aliorum, actionem, eam facilius admittent, qui Chinam Chinam adeo valere arbitrantur adversus Periodicarum Februm fomitem, ut ne dum inertem eum efficiat, dum Febris viget, sed etiam impediatur, ne ille in nobis oriatur utcumque; sin minus non adeo efficax insurgat, siue aptus ad eas prognoscendas. Ego vero, tamen id dicere malo, ut, apta inde petita analogia, explicem, quomodo succi

(*) Juvenal. Satyr. 10. vers. 25.

(**) Senec. in Thyest.

'succi Limoniorum antidotum ad praecautiorem adhiberi queat: iis tamen haud penitus assentior, qui ad prophylaxim, ut ajunt, Chinae miram hanc potentiam facile nimis concedunt, maxime quia multi opiaionem hanc rejiciunt penitus. Praeterquamquod ea adest inter haec duo remedia differentia; quod, si China China pro praeservatione non prosit, nondum patet, quid aliter boni praestare ea valeat: secus autem succus Limoniorum, etsi ad praecavendam veneni actionem non sufficiat, aliunde tamen, ut diximus, ille maxime proderit.

Praeterea cum tanti fieri debeat Limoniorum succus, ceu antidotum contra *Aquasae* venenum, concedendum, quoque erit, quod efficax esse possit contra alia factitia venena, atque illa praecipue, quae corrodentem admodum sapiunt indolem; dummodo tamen, ante ejus usum (si possibile sit) ea congruo tempore praecedant, quibus, aut per superiora, aut per inferiora, Alvum purgandi vis inest, ut magna saltem ex parte venenum inde educatur. Ex quo merito conjectandi locus adest, quod idem succus iis possit insuper prodesse, quibus unquam *Castorei* venenum fuerit propinatum. Quam insensum sit *Castorei* virus, ac quatenam illud excitet gravia symptomata, praec aliis, indicarunt *Galenus*, *Filius Patriarchae*, *Rasis*, *Albucasis*, sive *mavis*, *Alfaharavus*, *Avicenna*, & *Haly Abas*; quorum super hoc animadversiones accurate recenset *Ardoynus*. (100) Neque mirum esse debet, quod, cum in hystericiis passionibus, aliisque nervorum affectibus *Castoreum* passim, velut utile remedium, usurpetur, nunc illud ipsum venenata praestare vi, cum enarratis Auctoribus, admittam. Sicuti enim a bonae qualitatis *Castoreo* (quod apta dosi, congruoque tempore, uti morbi ratio poscit, exhibeatur)

H 2

oprimi

(100) *Ardoynus de Venenis lib. 4. cap. 19. de Castor.*

optimi effectus eveniunt: ita cum pravae qualitatis illud est (utpote cinereum, terreum, rancidum, corruptum, atque ad dosim drachmae unius, vel semidrachmae propinatum) quod summopere noceat, *Ardoynus* ibi cum aliis auctor est. Ideo eam inter bonum, & malum *Castoreum* differentiam indicat, quod natura illius est calida in fine tertii, usque ad quartum, & sicca in secundo gradu: huius autem calida in quarto, & mordificativa, & venenosa. Accidentia autem consequentia ipsius assumptionem sunt, alienatio, phrenesis, apostema Pectoris calidum, cum strangulatione, Cordis tristitia, siccitas oris, febris, pustulae in lingua, & mors aliquando in die una, & praecipue si ex eo sumitur ultra drachmam semis, & praesertim drachma una. *Alfaharavius* vero (101) potissimum animadvertit, quod signum potus ejus est, quia superveniunt ex eo accidentia bursen, idest phrenesis, & Cordis tristitia, siccitas oris, & pustulae in lingua, & possibile est, quod interficiat, & quidem si sumitur ex eo ultra drachmam semis. Tantamque praecipue huiusce veneni vim esse ex *Galeo* refert *Ardoynus*, ut eo ipso die, quo assumitur, aliquando interimat, nisi ei congruis antidotis obviam eamus. Quod autem ad ipsius curationem attinet, una consentiunt omnes, quod imprimis, assumpto *Castoreo*, vomitus cietur, iteratis etiam vicibus, donec vomitus non habeat odorem *Castorei*; uti monet *Petrus de Abano*. Id tamen eo citius, & efficacius praestandum erit, si assumptum *Castoreum* pravum adeo sit, ut declinet ad nigredinem, & foetens sit, propter quod, adnotante *Avicenna*, die una interficit. Statim ac vero, ope vomitus, venenum hoc a Stomacho fuerit detersum, atque magna ex parte eliminatum, ut penitus tollantur noxae, quae a tenuioribus ejus moleculis, in aream circulationis propulsis, evenire

(101) *Alfaharavius* lib. Pract. Sec. 2. cap. 7. de potu *Castorei*.

evenire consueſcunt, *Ardoynus* indicat, quod illico ii propo-
nunt uſum pomorum acetoforum, & Aceti ipſius, ſuccum
herbae acetofae, aut etiam Lac acetofum vaccinum, vel
aſininum. *Avicenna* praefertim, & *Alſaharavius* ad hoc uti-
lem exiſtimant acetofitatem Citri. *Petrus* demum de *Abano*
Limonia mala ſeligit, cujus opinioni nemo ſe adſcribere
dubitabit, qui ea, quae de bezahartica eorum ſucci prae-
ſtantia ſupra fuſius explicavimus, ob oculos habeat.
Quod ſi quis unquam a me petat, quomodoniam *Caſtoreus*
(quod alioquin velut utile maxime, in Medicina paſſim
uſurpatur) ita alterari poſſit, quod veneni naturam acqui-
rat: ſat erit reponere, quod, quando *Caſtoreum* corrumpi-
tur, obſcurique coloris, ut diximus, evadit, tunc, qui
in eo continetur, pinguis, ſerofus humor acris fit, eam-
que propterea induit qualitatem, quae noxium virus ſa-
pit, illudque idoneum ad pravos in Corpore producen-
dos effectus. Id ipſum enim perſaepe evenit humoribus
aliis, in humano corpore ſe moventibus, qui, dum plus
aequo in parte aliqua conſiſtunt, & alterantur, pro ſpe-
ciali diatheſi ſua, inſenſiſſimam adipiſcuntur qualitatem, ob
quam virulenti pene efficiuntur. Atque hoc eo ſidentius
aſſero, quod, apud pleroſque ſaniores Viros, Veterum
jam obſolevit opinio, quae apud vulgus viget adhuc, quod
nempe Animalis illius amphibii (cui *Caſtorei* nomen adſcri-
bunt) teſticulari pro vulgari *Caſtoreo* aſſumantur, cujus uſus
in Medicina maximus eſt: cum potius (uti ex *Rondeletio* ait
Brown) (102) ſint folliculi, membrana conteſti, in quorum medio
ſunt meatus; e quibus exſudat liquor pinguis, & oleoſus, quem ipſe
Caſtor, ſaepe adimoto ore, lambit, & exſugit; poſtea, veluti oleo,
partes Corporis obſinit: qui folliculi in mare pariter, ac in
foemina conſpiciuntur.

H 3

Eo

(102) Saggio ſopra gli errori popolariſchi Tom. 1. lib. 3. cap. 4. |

Eo magis magisque succi Limoniorum facultas adversus venena haec, & alia similia, nobis innotescet, si praeterea animadvertamus, quod ille plurimum quoque valet contra alia venena, quae, & ictu animalium quorundam, corpori nostro infigi, docuit *Ebembitar*. Prae caeteris autem venenis, Homini insensibilis, ea praecipue re-ferret, quae a Vipere, Serpentibus, atque Scorpionibus inferuntur, quorum veneficae destruendae vi succum hunc conferre testatur. Hujusmodi venenorum efficaciam si quis generatim tantummodo consideret, utique cum *Friderico Hoffmanno* concedet, (103) quod ea agunt *summa partium tenuitate, quae sese aliis partibus nervosis insinuant, iisque intensissimos motus inducunt*. Quae partium tenuitas, etiamsi congrua videatur esse ad subitam venenorum actionem explicandam, tamen ea minime satis est, ut peculiare, & inter se maxime discrepantes, ii effectus intelligantur, qui ab illis oriuntur: quin ultra supponamus, quod ex hisce venenis quaedam agunt (104) *principio tenuissimo, salino, acri, constringente; alia subtilissimo, vaporeoso, sulphureo, Naturae insensu, & sic aliter alia: quippe quia singula ex hisce peculiare in se continent molculas, ratione figurae, & superficiei, vel alterius modi, quo eae constructae sunt. Ut Viperei veneni propriam adferret indolem Clarissimus Brogiani, (105) accuratissimi Meadii testimonio utitur, unde eruit, minimas hostilis Viperei succi atomos, salinas molculas esse, five mavis, crystallinas, acutas, nodosas, solidissimas, ad mutuum contactum accedentes facile, & immutabiles, ex genere acrium vehementiorum, quae actionem suam exercent potissimum in solidis illis, a quibus vis vitae procedit. Idcirco virulentus iste succus nec acidus, nec alcalinus videtur*

(103) *Frideric. Hoffmann. Med. R. System. Tom. 2. cap. 2. n. 19.*

(104) *Idem ibidem n. 20.*

(105) *Brogiani de Veneno Animantium.*

videtur esse, sed urens, ideoque gustui acerrimus. Scorpii quoque teterrimum virus minima tenuissima praeferret guttula liquidi, proflientis ab ejus caudae foraminulis, quorum aut duo, aut tria ibidem ad latera hiare putant, ad illud effundendum venenum. Id porro etsi dicamus, candidè tamen cum praelaudato Brogiani fatendum erit, quod vix microscopio ipso detegitur tenuis illa, & tantis ansam disceptationibus exhibitura, liquidi guttula, quam ejcit Scorpium; exinde tamen brevi temporis momento motus omnes, actiones omnes immutantur. Ea ipsa est actio Corporum omnium, quae in nervos agunt, quaeque mole parva maximas, easque subitas, in Corpore convocant tempestates. Et profecto quis distillatam lauro-cerasti aquam in nervos agere inficietur, quae, convulsionibus excitatis, mortem fere subitam adducat, quin ulla tamen in internis primisque vitae organis, inspecto Cadavere, morbi indicia praesferantur? Haec per analogiam, ut ajunt, ab hoc eruditissimo Viro prolata, dum veneni hujusce actionem quoquomodo nobis ob oculos ponunt, evincunt etiam merito, quod tam ii errant, qui sanguinem ab eo dissolvi, quam qui ipsum inde coagulari, pro certo habent: cum hujusmodi coagulatio (si quae in Cadaveribus tunc observatur) a vi vitae, in solidis languente, repetenda sit. Qua porro ratione, praeter caetera, eorum quoque refellimus opinionem, qui sanguinis coagulationem, uti pro genuina causa Malignantium quarundam febrium, inconsulto admittunt. Venenosum insuper efficax admodum principium hoc, quod ex Scorpionum ictu prodire, in Homini perniciem, animadvertimus, variat pro ratione locorum, in quibus insensa haec animalcula degunt, & pro varia eorumdem specie. Utrinque enim diversa humorum constitutio in his animalibus emergit, tam relate ad nutrimentum, quo utuntur, quam relate ad aërem, aut alias externas causas, ob quas eorumdem corpora diversimode

disponuntur. Atque hinc fit quod, genitum in ipsis virus, majoris, aut minoris efficaciae evadit, adeo ut, aequa proportionem plus, minusve Homini noceat. Si itaque locorum rationem habere quis velit, utique cum praecitato Brogiani par erit concedere, quod, qui sub Italo coelo vivunt Scorpiones, (ut plurimum nigri, aut obscuri coloris) vel tenuissimae, vel nullius efficaciae virus obtinent; licet non desint pauca quaedam in contrarium, apud Auctores, exempla. Qui vero & corporis amplitudine, & veneni vi, reliquis antecellunt, Aegyptii Scorpii sunt, atque Tunesiani. Potissimum vero Scorpionum diversae species attendendae hic sunt, ut peculiare eorum virulentas qualitates intelligamus, ad mentem Ebembitar, qui eos, prae aliis, voluit indicare, Algerat vocatos, seu (ut alii dicunt) Jazraria, Alierat, Jarrareti, Algrata, juxta Ardoynum. Horum brevem quidem, sed accuratam adfert historiam Avicenna, (106) dum ita ait: Ibi sunt sicut Scorpiones, habentes corpus gibbosum, acutas caudas, & eorum venenum est calidum, & multiplicatur in Alcoz, & in Ascari hononito, & proprie in mimeris Alanindem: & quando mordent, non curatur de eis in hora illa, imo in mane, aut post: deinde accidit angustia, & alteratur calor: & quandoque accidit Icteria, & apostematur lingua, & ulceratur locus puncturae, & mingit sanguinem: & quandoque resinetur natura, & fortasse convertitur esse ejus ad perditionem, & incipit cum pulsu Cordis, & syncopi: & non oportet ut negligatur, propter levitatem doloris ejus, quoniam est mali veneni. Hoc propemodum, quod ad insensibilissimi Scorpionis hujusce virus, & actionem, quoque sentit Alsharavius (107); dum animal hoc praeterea mole parvum esse, valde movere caudam, atque ideo appellari Grata, monet: ubi insuper anim-

(106) Avicenna Can. lib. 4. Fen. 6. Tra&t. 5. cap. 4.

(107) Alsharavius Tra&t. 30. Sec. 2. cap. 22.

animadvertit, quod licet statim post ictum nullus fere dolor, atque solum pruritus vehemens in affecta parte exciteretur; tamen secundo die supervenit syncopes, & postea febris acuta valde, atque demum Icteria, propter quam virescit, & rubescit maxime Corpus, tunc cum, simul, tumefcente lingua, vomitus succi porracei accidit, & Aegroti sanguinem mingunt; propter quae mors in proximo est. Eiusdem quoque lethalis veneni, ab hoc Scorpione profecti, *Rasis* (108) meminit, ejus genesim terrae *Cobum* specialiter adscribens, atque de eo fule egit *Ardoynus*, (109) ubi *raffellantem* eum Scorpionem vocat. Alias etiam species hisce addere non incongruum erit, ut eorum porissimas differentias assequamur. *Avicenna* (110) dicit, quod aliqui Scorpiones duos habent aculeos, a quibus hostile virus emittunt; gestant alas, quibus per aëra feruntur: alii *spondyles* sex in cauda habent, & alii pauciores; alii demum inter se differunt colore, quippe quia albi, citrini, rubri, cinerei, rufi, virides, & aurei, cum magnis caudis; cujusmodi videntur ii esse, quos eruditissimus *Redi* in Tuncetano regno *Akrab* vocari censet, (111) atque, praeter hosce, vinosi quandoque reperiuntur. Alii vero, (112) qui in *Aegypto* nascuntur, aut albicant colore, aut virides sunt, triploque majores, quam nostrates, cernuntur.... eorumque ictus sunt usque adeo exitiales, ut, ni partem ictam ex toto sectione abdicare queant, omnes moriantur. Istorum autem caudam aculeis duobus instructam esse, *Alpinus* ibidem testatur, eorumque virus exitiale adeo, ut Aegyptii

(108) *Rasis* Tract. 8. cap. 4.

(109) *Ardoynus* de Venenis lib. 8. cap. 2.

(110) *Avicenna* lib. 4. Fen. 6. Tract. 5. cap. 2.

(111) *Redi* Esperienze intorno agli Insetti.

(112) *Prosper. Alpini*, Rerum Aegypt. lib. 4. cap. 3.

tii longe magis illud timeant, quam Aspidis, Ceraſtae, aut alterius cujuſvis virulenti Serpentis venenum, ſi forte ab illis icti ſint. Praeterea Scorpiones alios memorat *Albertus Seba*, (113) maximum ſcilicet Braſilienſem *cauda biſida*, Scorpionem Ceiloninum, Surinanenſem, alioſque Africanos, atque denique omnium minimos in Hollandia. Sed, omiſſis ſpecialibus hiſce Scorpionum differentiis, quae ad propoſitum noſtrum parum conferunt, id unum praecipue dicam, quod utcumque pravae, penetrantis, imo urentis indolis ſit virus hoc, quo pollet minima ea guttula liquoris, a Scorpii recurvo aculeo tunc proſilientis; haud ſatis unquam quis intelliget, quomodonam tam variis modis, atque adeo graviter, laeſorum Hominum ita corpora afficiat, ut eos aliquando citiſſime etiam occidat. Quamobrem circa hoc, & alia huiuſce cenſus venena, a mortiferis animalibus emanantia, cum praclaudato eruditis *Brogiani* (114) malim fateri, ea, quae *Sapientem decet, definitae humanae ſcientiae memoria*, quod, cum plurima *Phyſicae phaenomena occupationem Hominum peſſimam fecerit Deus; tum hanc potiſſimum alta nocte obrutam veneni actionem in profundo Democriti putco Natura collocaverit.*

Ut ergo teterrimum virus hoc, ſive Viperarum, ſive Scorpionum ictu, communicatum, non modo laeſam extrinſecus partem, verum etiam univerſam ſanguinis maſſam, quomodolibet inficiens, edometur, imo, ſi fieri poſſit, deſtruatur penitus (quippe quod ejus actio, ut diximus, ignota nobis omnino ſit): ſatis erit, quod ex ijs, quae de vi ſucci Limoniorum contra venenum, *Aqueta* dictum, innuimus ſupra, deducamus, ad *Etembitar* mentem, quod idem ſuccus acque potens contra animalium iſtorum venenum evadat.

(113) *Albert. Seba Rerum Natur. Theſaur. Tom. 1.*

(114) *Brogiani de Veneno Animant.*

evadat. Uti vero, juxta sanam Arabi hujusce Auctoris methodum, animadvertimus ultra, quod contra illa venena, quae per os assumuntur, tunc eo magis Limoniorum antidotum juvat, quo citius antea vomitus satis fuerit excitatus: ita post inflictum ab animalibus illis vulnus, in ea, quae laeditur, parte, pari sollicitudine fas erit curationem incipere. In utraque enim horum venenorum specie, praestandum hoc ideo est, quia ab affecta primum parte, tanquam ab infenso fonte, procedens virus ad sanguinem facile properans, alias quoque intimas contaminat. Idcirco, cum assumpta venena illico in Ventriculo tyrannidem suam exercent; si ea fausto omine per vomitum detergantur inde penitus, educanturque, possibile est, quod ab iis sanguis nihilum inficiatur, aliaeque insuper partes aequae illacrae remaneant. Ita vero per vomitum, ea, quam supra attulimus, methodo, cum ab infenso veneno Stomachus liber magna ex parte evaserit: qui postea ebibitur, Limoniorum succus ipsi longe majorem adfert opem, pravam nempe, ibidem excitatam, qualitatem attemperando, ac destruendo. Quod si nihilominus aliqua adhuc, post vomitum, vel purgationem, supersit assumpti veneni pars, quae ad sanguinis semitam traducatur; ejus tamen copia cum minor sit, eidem citius, & melius tunc succurrat Limoniorum pharmacum. Haud absimile valet ratiocinium, quod ad externa, de quibus modo agimus, venena verisimilius evincenda: quod nempe, ut demorsis hominibus opitulemur tutius, ad affectam primo partem animum intendamus; anteaquam scilicet infusum ibidem venenum, lateralium vasculorum hiatus clanculum subiens, additiora Corporis penetralia pervadat. Quamobrem omnem in hoc meretur laudem *Avicenna*, dum hac occasione cauterium imprimis laesae parti adhibendum statim esse, jubet. *Rasis* autem 2. *Continentis* cap. 2. (uri *Ardoynus* adnotat)

notat) (115), praecipue suadet, ut demorsa pars, cucurbitulis appositis, exlugatur, seu abstergatur; ac una congruum ducit, calefacere lapidem molarem, & irrorare super ipsum acetum, & suffumigare membrum. Ita quoque plurimi fieri debet curationis ea methodus, quam ibidem Ardoynus, ceu ab Haly Abate depromptam, indicat, de rastellantis praesertim Scorpionis punctura loquens, cujus verba fas est adamussim referre: atque haec sunt. Huic antiqui Medici medelam ignorarunt. Sed qui secuti sunt de Gente Hascarin, equeren, phlebotomo extrahebant sanguinem, quantum patiebatur virtus.... statim apponentes sitiam, idest ventosam, loco, qui punctus erat, & fortiter fugebant, quo venenum abstraherent. Adhibent autem loco medicamina calida, ut Euphorbium, Castoreum, terram armeniam, circumponentes cum aceto. Neque emittenda hic est accurata sollicitudo Prosperi Alpini (116), quod, cum ipse demorsus saepe fuerit a Scorpionibus nigris nostratibus (et si ii aliis, ut innumus, eo minus noxii sint) a quorum tamen ictu parum doloris senserat, satis ad ejus ictum fuit, vel scorpio tritus parti appositus, vel oleum e scorpionibus illitum. Atque idem Auctor cum optime nosceret, quanti revera interest, ad internas ejusdem veneni arcendas noxas, ut, quo citius fieri queat, demorsae proficiatur parti, a qua statim procedens virus intra demum protruditur: haud dubitat asserere, quod si tunc pars illa amputari potest, ea statim amputata, assumpta una & Theriaca, servantur. Pro certo quippe habebat ipse, quod contra Aegyptiorum Scorpionum morsus nullum valeret pharmacum: cum fortasse succi Limoniorum mirabile antidotum ipsi nondum innotuisset. Ego vero, pace tanti Viri, cujus alioquin opera, velut utilia, probro, nunquam amputationem

(115) Ardcynus de Venenis lib. 8. cap. 2.

(116) Irosper. Alpin. Rerum Aegypt. lib. 3. cap. 4.

tionem hanc in hisce circumstantiis admittam, nisi cum in illa parte suboriat gangraena, eaque lethalis. Tam incisiones enim, quam excarificationes, quae in ea fiunt parte, cauterio etiam, aut cucurbitulis apposis, aliisque usurpatis remediis, ad extrahendum virus illud, amputationis necessitatem avertere quandoque possunt. Eaque praesidia, aut alia hujusmodi laesae parti adhibita, intentius satisfaciunt, si antequam usurpentur, affecta pars illa, (sicuti possibile sit) valido devinciatur vinculo, ut ejus commercium cum aliis omnino tollatur, ideoque caveamus, ne illuc intrusum tenuissimum venenum, a lateralibus absorbentibus vasis recipiatur, atque proinde in aream circulationis cum sanguine abeat. Atque hæc, ut opinor, omnium melior est curationis methodus, in hisce circumstantiis, quam aequè, post morsum rabidi canis, illico fas esset adhibere, ad Hydrophobiam avertendam; maxime quia alia, quae tunc praescribuntur remedia, ceu vana, videntur esse; uti dicemus Cap. X.

Hoc itaque modo, vel aliter, ut quispiam malit, posteaquam demorsae parti satis prospectum sit; si aliqua unquam veneni pars ad sanguinem permeaverit, congrua intrinsecus remedia propinanda erunt, quae ejus actioni resistent, imo sese opponant penitus. Ex antiquis Medici plerique specialem ad hoc indicant Theriacam, quam *exercitalem* dicunt, tanquam Scorpionum puncturae speciatim oppositam. Hujusmodi illa est, quam ita (117) *Rafis* describit.

R. Gentianae, Aristolochiae, Myrrhae,
Costi, Castorei, Mentastri sicci,
Piretri, Gingiberis, Nigellae,
Piperis, Ruthae,
Omnium partes aequales:

Coni.

(117) *Rafis* Tract. 8. cap. 3.

Conficiantur cum melle: detur ex ea ad nucis magnitudinem cum Vino.

Authorante vero Ardoyno, loco supra citato, aliud compositum remedium ita exhibet *Haly Abas*.

R.^e Corticis radicis Capparorum,
Colocynthis, Gentianae, Absynthii,
Aristolochiae rotundae,
Taraxaci siccī,

Omnium partes aequales.

Tere, & de hoc propina drachmas duas cum Vino.

Propinant etiam Barmeli, idest radicis Ruthae campestris hexagium unum, tritum diligenter cum Vino, prodestque illis manifesta utilitate.

Alii alias ad hoc antidotos seligunt, juxta peculiarem methodum, quae ipsis arridet. At haec omnia praesidia, quo magis composita sunt, imo ex contrariis quandoque inter se remediis confarcinata, minime intelligo quomodonam utilia revera esse possint: tamen eo utcumque dirigantur, ut specialibus inde subortis symptomatibus occurrant. Et oh utinam, qui praesunt Magistratibus, communi saluti prospicientibus, ea omnia aliquando damnant nimis composita pharsaca, in Antiquorum Antidotariis descripta, quae, veluti ad pompam potius inventa, tam aurum, quam pretiosos lapides in se continent. Hisce propterea neglectis antidotis, ut demorsis hominibus opitulemur, una omnes consentiunt, quod acida remedia praescribantur: uti sunt vel succus malorum acetosorum, vel granatorum acetosorum, vel agrestae, vel similia. Etenim omnis *Populus Hascarin* equeren consuevit (118) in hujus scorpionis (neppe Algerarat) punctura aquam pomorum etiam in domibus quoque suis usui asservare. Statimque,

ut curat

(118) Ardoyn. de Venenis ut supra,

ut cum aliquis pungit hominem, accelerat de hoc aliquid bibere, passioque cessat ab eo, & sanatur. Christophorus de Bononia in suis problematibus de venenis, agens de Jarraria, sive de Scorpionis Algerat punctura, sic docet: Bezahar ejus est lac acetosum, datum in magna quantitate, quod vocatur etiam Alraib, juxta Bellunenſis expositionem in operibus Avicennae. Hic etiam Medicorum Araum Princeps, praeter externa praesidia, Scorpionis hujusce puncturae convenientia, specialem indicat Theriacam, in qua malorum acetosorum folia continentur; aquas fructuum, & eorum succum, fructus dissolutos in aqua, & lac valde acetosum, cum Trochiscis de Camphora. Cum itaque acida haec remedia, aut alia quaevis, ea qualitate praestantia, in hoc utilia maxime praedicuntur, quis Arabico Auctori nostro non concedet, quod Limoniorum succus omnem, prae aliis, mereatur laudem, qui quidem omnibus inde obortis accidentibus: miro modo succurrit: uti ex iis, quae supra fuisse proposui, adamusim patet? Ideo saepe in aqua succum hunc bibant Aegroti, coque, si lubet, alimenta quaeque conspergant, ita ut ea omnia, quae assument, aciditate praestent. Atque haec, quae supra memoravimus, Athenaei historia eo magis confirmat, cui alteram addit *Guglielmus Schmidt* (119) de studioso quodam Medicinae Parisiis, qui a Vipera graviter demorsus, post alia frustra adhibita remedia, usu Citriorum malorum, ejusque succi, convalescit: uti etiam testatur *Mangetus* in praecitato tractatu de *Citris Malis*. Nam istae, ac aliae plurimae, quae circa hoc apud Auctores extant, Citriorum malorum observationes, aequae Limoniorum succi Bezaharticam facultatem patefaciant, quo illis longe magis isti fructus aciditate praestant. CA.

(119) Vide Miscellanea Physico-Medica dissert. 3. de praestantia malorum Citriorum.

CAPUT III.

ARTICULUS VIII.

*Quod Malorum Limoniorum succus non noceat
alicui membro, sed nervis tantum, & iis
demum Hominibus, qui frigida
temperie pollent.*



X hisce, quae supra fatis innuimus, quod ad succi Limoniorum praecipuas qualitates, fas est deducere, quod ipse furentis summo-
pore bilis aestum refraenat, imo & omnino sedat. Iis itaque succi ejusdem usus conveniens erit, qui tali humore magis abundans, uti & eo tempore, nec non in illis maxime morbis, in quibus bilis dominatur magis, atque vehementius saevit. Id ipsum quoque secus eas nobis indicat circumstantias, in quibus ille succus minus convenire posse videtur: sive nempe relate ad specialem affectorum Corporum aetatem, aut temperiem, sive relate ad morborum indolem, & anni tempus, quo ii grassantur, aut gravius saeviunt: qua porro norma, circa hoc tutius *Ebemitur* iudicium assequi possumus. Atque hinc deducimus etiam, qua ratione Arabicus iste Auctor senserit, quod succus Limoniorum nulli membro noceat; dummodo scilicet agatur de circumstantiis illis, in quibus omnino conveniat, juxta ea, quae indicavimus, atque fusius postea demonstrabimus. Juvenibus propterea, nec non illis maxime, in quibus copiosa magis adest bilis, eaque summo-
pore fervet,
aestivo

aestivo proinde tempore, nec non in biliosis omnibus morbis utilis adeo evadet succus iste, ut eo nullum tutius, & utilius remedium reperiri possit, quod indicationibus omnibus admodum satisfaciat. Hoc siquidem aequè verum, comperitur esse, tam si uti attemperans, refrigerans, quam si uti attenuans, & incidens, ob allatas supra rationes, adhibendus proinde sit. In Senibus contra, qui bile hac aetnante, servidaque magna ex parte carent; unde & perquam raro biliosis corripiuntur morbis; in quibus praeterea graciles, tensi, seu mavis, obdurati nervi sunt, aut aliter etiam debiles, minusque ad oscillandum idonei; in quibus, caeteris paribus, concitatus longe minus est motus sanguinis, qui insuper in aestus, ob quamcunque causam, longe minus pronus efficitur: hunc succum & rarius, & parcius usurpare fas est. In hisce enim ejus abusus eo magis rimendus est: quippe quod in iis languens aliunde vitalis calor, seu melius vitae actio, ita compescitur, atque pene sedatur; dum praesertim nervi, suapte natura ad motum inertes, eo minus elastici redduntur. Quamobrem tantum abest, quod Senibus attemperans haec succi Limoniorum vis omnino conveniat, ut potius attenuantia, & calefacientia, plerumque necessaria sint. Hoc confirmant, quae sano ratiocinio scripsit Clarissimus de Gorter, (120) eademque, tanquam ad propositum nostrum optime facientia, hic distincte referam. In senibus, quia vires recuperari nequeunt, inevitabili lege deperditae, sensim in deteriora abeunt: quae igitur mala, ex deficiente actione vitae nata, ut evitentur, & aliquo modo praeventantur, adhibemus auxilia, actionem vitae suscitantia. Hippocrates dicit egere somnitibus: id est adhibenda sunt auxilia, quae majorem calorem sua potentia in corpore excitant, qualia hodie

I
vocantur.

(120) Johan. de Gorter lib. 1. Medicin. Hippocr. Aph. 14.

vocantur calefacientia, qualia sunt spirituoſa, & aromatica. Ita enim eſt noſtra vitæ actio comparata, ut a quibusdam aſſumtis ſe validius agitet. Taſia calefacientia Senibus, minime vero Juvenibus, ſunt adhibenda, utpote his actio vitæ ſatis valens non eget ſtimulo; quem ſi adhibes, morbus fit ex nimia agitatione: ſed Senum corpora languentia ſtimulo exagitanda.

Inſuper, præter Senes, ab uſu ſucci Limoniorum alii caute ſunt arcendi, quorum lymphatica vere eſt corporis temperies, quam Antiqui *Pituiroſam* appellabant: in quibus videlicet ſolida ſummopere laxa ſunt, atque catarrhoſi humores, mobilibus nempe particulis carentes, parumque æſtuantes abundant. In quo vere ſenſu intelligendus eſt Arabs Auſtor iſte, dum ſtatuit, quod iſte ſuccus non eſt conveniens eis, qui habent nervos debiles, & habentibus complexionem frigidam. Etenim in hiſce (ut paulo ante de Senibus monuimus) loco eorum, quæ ſolida laxant, & fluidorum motum coercent, volatilia, & quoquomodo irritantia remedia uſurpare, neceſſum eſt. Quemadmodum Paralyſis, aliivæ nervorum torpores hoc ſucco non ſunt curandi, ne in pejus Aegroti ruant. Ideo, cum in hiſce morbis, atque præſertim in Senibus iſte ſuccus ut plurimum non careat ſuſpicionē: neque hyeme tutus omnino ſit ejus uſus: ita quacunque alia occaſione caute uſurpandus erit, quotieſcunque nec abundat bilis, neque ea plurimum æſtuat, nec effraenes humorum motus eveniunt. Eodem innixi ratiocinio noſcimus, quare nam, (ut ſupra propoſuimus) utilis maxime ſuccus iſte evadat Junioribus, & vegetis facminis illis, quæ ideo Hyſtericæ ſunt, quia humores in illis plus æquo ſervent, & tumultuarie moventur, aut acre fluidum quoddam (cui aphrodiſſi nomen adſcribimus) ab Utero abunde procedens, vel ab aliis eidem adnexis partibus, admodum dominatur, propter quod minima nervorum ſilamina ſine norma, vehementerque oscil-
lant

sant. Quamobrem in hisce circumstantiis prodest maxime Limoniorum succus, recens expressus, & copiose cum aqua epotus, jejuno praesertim Stomacho: cujus ope aestuans, atque irritans humorum compages solvitur, & nervi laxantur. Quibus omnibus pro re nata, ut par est, consideratis, quisque generatim intelliget, cur nam Aestate potius, quam Hyeme, Juvenibus potius, quam Senibus, cholericis potius, quam lymphaticis hominibus, atque demum iis potius, qui magis elasticos, & mobiles, quam iis, qui debiles, & inertes habent nervos, Limoniorum succus merito conveniat. Ea-que omnia rationabiliter probant etiam, quare nam *Andreolus* (121), dum ad sedandos febriles aestus, tam vitrioli spiritum, quam succum Citri, Limoniorum, & Aurantiorum commendat, animadvertat insuper, quod haec acida dumtaxat usurpanda sint in febris acutis caloricis. Nam in chronicis febris, a materia acida, melancholica, crassa, tutius est abstinere ab acidis, & eorum loco adhibere amarulenta, absinthiaca, gentianae radices &c. Ita expertissimus *Riverius*, (122) quamvis mirae acidorum remedium vi fiderit adeo, ut absolute statuerit, quod ea in febris nunquam sint omittenda, quia amara dulcescantur per acida; quippe quia bilis dominatum tunc praesupponat: tamen alibi (123) de succo Limoniorum hoc notandum esse docet, cautum esse debere illius usum, quia frequentius, aut nimia copia exhibitus, aphtas facit in Ventriculo, unde lienteria succedit. Ego tamen, etiamsi non omnino, experientia teste, concedam, quod ex solo huiusce succi abusu (nisi de specialibus, & oppido raris agatur corporum circumstantiis), aphtae in Ventriculo fiunt, aut Lienteria succedat: nihilominus non negabo, quod frequens nimis, & supervacaneus ejus usus mala efficere quandoque possit,

I 2

(121) Michael. Ang. Andreol. de Febris. lib. 1. cap. 1.

(122) Lazar. River. Pract. Medic. lib. 17.

(123) Idem ibidem lib. 14. cap. 1.

possit, atque tunc praecipue, ut diximus, cum nullo modo conveniens ipse sit, atque in iis potissimum, quorum cachecticus revera sit corporis habitus, atque serosa constitutio. Quamobrem, cum, adnotantibus ultra *Pisanello*, (124) & *Castor Durante* (125) pro certo habeam, quod, in recensitis a me supra circumstantiis, succus iste longe magis, quam aliud quodpiam remedium, vere prosit: ita nec iis assentior, qui tanquam inconcussum habent, quod ab eo summopere infrigidetur Stomachus; quod colici suscitentur dolores; quod corpus emungatur; quod melancholici generentur humores; atque tandem adstricta fiat admodum Alvus. Nam si unquam tam pravi effectus, quod ab hoc saluberrimo remedio eveniant, sit asserendum (ut alioquin minime probro) certe id inordinato, & copioso nimis ejus usui tribuendum erit: atque maxime si de iis agatur Aegrotis, in quibus tam prava humorum diathesis dominatur, atque talis nervorum constitutio, propter quam utrinque remedia quaevis acida penitus noceant. Praeterquamquod cum eodem *Ebembitar* animadvertendum est, quod si quidquam hinc damni potest evenire, tunc id fiet, quando talis succus assumitur simplex, non permixtus cum eo, quod rectificat ipsum. Atque in hoc eadem videtur esse *Pisanelli*, & *Duranti* sententia, quam ego quoque admitto: dum scilicet ii monent, quod succus iste cum aqua diluatur, ad nimiam ejus attemperandam aciditatem; ita ut etiam, (si opus sit, aut utcunque lubeat) saccharum, & cinnamomum, aut aliud quidpiam addatur. Revera succus iste, ab immaturis fructibus elicitus, si simplex assumitur, uti stuporem dentium quandoque excitat, ita Ventriculi, & Intestinorum fibris, eoque magis nervis, insensus esse

(124) *Pisanelli Trattato della natura de' Cibi.* pag. m. 52.

(125) *Castor Durant. Il Tesoro della Sanità.* pag. m. 168.

esse potest. Quapropter tunc solum iste simplex adhibetur, & parce, quando summus Ventriculi viget actus, occasione ardentium febrium, in quibus bilis praecipue turget nimis, unde & cardialgicae vehementes excitantur passiones, & vomitus molestus, quibus succi hujusce simplicis modica dosis, una cum laudano opiato, & sale absynthii, opem illico praestat, ut antea observavimus. Ideo cum eo succo tam abunde, quam saepe, fas est uti, is aquae plerumque immiscetur, atque saccharum tunc additur, cum hoc adeo gratum Aegrotis fore censemus, ut nec aliter iis possit exhiberi. Alioquin enim tantum abest, quod saccharum hujusce succi vim incidentem augeat, ut eam potius compescat, ejus tenuiores moleculas irretiendo. Praeterquamquod addere non incongruum erit, quod, cum ad attemperandam bilem, ejusque vim coercendam succus iste ut plurimum usueniat: ad hoc sane saccharum minime confert, uti tunc supra monuimus, cum id ex eo judicavimus, quod *dulcia bilescunt*. Animadverto denique, quod in illis, qui lacte utuntur, imo lacteae dietae sunt addicti, nullo modo succus Limoniorum convenit.

Quibus omnibus, aliisque hujusmodi, caute pro re nata servatis, quotiescunque remedium hoc in illis sana methodo usurpetur, in quibus nulla vere contraindicatio occurrat, omnem ipse laudem merebitur, ac eas maxime, quas eidem attribuit *Nigrisoli*, (126) dum iteratis observationibus evincit, quod succus iste *putredinem malignam inhibere, venenosam qualitatem oppugnare, & Cordi contra febriles aestus robur addere, omnino potens erit*. Atque ut tandem pateat, in quibusnam morbis haud prorsus tutus sit semper hujusce remedii usus, *Geoffroy* testimonium (127) in medium proferam,

I 3

(126) Hieronym. Nigrisoli. Progymnas. 2.

(127) Geoffroy Tom. 2. Mater. Medic. Part. 2. Sec. 2.

feram, ut cum eo concedamus, quod, licet in quamplurimis morbis acida utiliter usurpentur, quia insignem vim habent refrigerandi, aperiendi, pituitam crassam incidendi, putredini resistendi, inflammabilitatem humorum, & eorum acrimoniam demulcendi: advertendum tamen est, in Pleuritide, Peripneumonia, Haemoptoe, Phthysi, caeterisque Pulmonum affectionibus, Ventriculi, & Intestinorum Inflammatione, Dysenteria, Sanguinis mictu, Renum, & Vesicae ulceribus, plurimum nocere. Tunc igitur ab illis abstinendum est: tussim enim provocant, Ventriculi, & Intestinorum tormina pariunt, Diarrhoeas, aut Haemorrhagias provocant. Speciatim vero de succo Citri, & Limonum Riverius observat, tantum esse debere ejus usum. Quia autem ratione, nec non in quibus sane circumstantiis, adeo cautus esse debeat succi Limoniorum usus, ne scilicet ab eo pejora eveniant mala, satis, ut arbitror, indicavimus supra. Ex quibus ultra deducendum erit, quod ea, quae ex incongruo acidorum usu timenda fore, mala, Geoffroy monuit, non omnino succum hunc videntur attingere, sed ea praesertim acida, quae velut austera, aut mineralibus conflata particulis, acrimoniam quoquo modo sapiunt, unde & solida non parum irritant. Enimvero allata a Montano distinctio (128) nos apprimè docet, acidos dividendos liquores esse in illos, qui solum acidi sunt, ut succus Limonum; & in eos qui pure acres, ut succus chelidoniae; & in alios, qui mixti sunt ex utroque, acrimonia, inquam, & aciditate, ut acetum: de quo iterum agemus postea, ita quod ejus cum Limoniorum succo opportuna a nobis fiat comparatio. Atque praeterea licet animadvertere, quod etiam alia ratione enarratis supra morbis aliquando Limoniorum succus (cum moderamine tamen usurpatus) potest convenire: quotiescunque

(128) Montanus de simpl. Medicamentor. qualis.

cunque scilicet, una cum ipsis aestuans, & copiosa bilis domineatur, cuius vim compescere ipse potest, ne eo pejor exinde morbus ille evadat, qui caeteroquin ab alia causa dependeat: id, quod tutius praestandum erit, si ob bilis actionem complicatus ille morbus sit. Denique cum praecitato Geoffroy (129) Tyrones monemus, in lapsis cardiacis, & diaphoreticis, Stybii praeparationes diaphoreticas cum acido succo Citri, vel Limonium permiscendas non esse, ne emeticae fiant. Caveant pariter, ne acida emulsionibus commisceant: quippe substantiam lactescentem facile praecipitant: uti id ipsum valet, quando alia huiusmodi remedia sunt administranda: ne scilicet aut facultates suas amittant, aut in peiores unquam immutent; quod summo opere interest ad exercendam tuto Praxim.



CAPUT III.

ARTICULUS IX.

*Quod Malorum Limoniorum succus magis,
quam Acetum, conveniat, congrua
facta utriusque comparatione.*



Um, Ebembitar duce, miram succi Limoniorum facultatem supra Aceti vim probare modo contendam, non is ego sum, qui Aceti usum velim unquam condemnare, atque maxime in specialibus morbis illis, quorum curationi illud revera conferre, quamplurimi inter Antiquos, & Recentiores Medicos existimant. Quapropter, ut cuique ostendam, quantum in hoc eorum opinioni ego quoque tribuam, Aceti in primis potissimas facultates breviter indicabo: propter quod facilius mihi patebit adieus, ut, eas cum Limoniorum succi viribus comparando, verisimilius indicem, in quibusnam circumstantiis Arabico Auctori nostro concedendum sit, quod vere succus iste in peculiaribus morbis Acero sit praestantior, ut eo tutius, citiusque Aegrotis opitulemur.

Ut autem summatim Aceti vires patefaciam, satis erit Martini Lister (130) circa hoc iudicium adferre, dum ipse ait: *Acetum refrigerat, & adstringit. Stomacho utile appetentiam excitat, erumpentem undique sanguinem sistit, potus inessetive. Prodest Alvi fluxionibus, cum cibo coctum. In Orthopnoea*

(130) Martin. Lister Tract. de Morb. Chronic. Exercit. 5.

phnœa calidum commode sorbetur. Tussim veterem mitigat. Inflammationes arcet. Reprimis abscedentes gingivas, & sanguine manantes. Suggillationes rapit, & ad conglobatum sanguinem prodest. Ad Capitis dolores confert. Ad aquam intericiem ferventis vapor proficit. Panos coercet tepide fotus, pruritus permulcet. Ad nomas, & sacrum ignem, & ulcera, quæ serpunt, ad lepram, impetiginemque efficax est. Phazaedenas ulcerum, nomasque fotu continuo cohibet. Calidum potum adversus omnia venena efficax est, praesertim contra Maconium, fungos, & haussam cicutam, contra venenatorum serpentum ictus, & eos, qui iuens virus ejaculant. Apposita tamen adnotandum hic esse volo, quod licet Auctor iste in recensitis variis morbis, atque in Scorbuto maxime, tantum Aceto, velut egregio remedio, tribuat; ejus nihilominus cum acido succo fructuum immaturorum, & praecipue Limoniorum opportuna facta comparatione, tam Limoniorum, quam Aurantiorum fructuum succum, tanquam tutum magis, & utilem, imo, prae caeteris, excellentem magis habendum esse statuit. Etenim in Limoniorum maturorum succo, nec ingratam aciditatem immaturorum fructuum, nec Aceti acrimoniam reperit: propter quod aut minima nervorum filamina plus aequo corrugare, sive constringere, aut plus aequo irritare nunquam valeat. Eandem itaque saniozem curationis methodum servans, celeberrimus Antonius Cocchi, (131) (summo omnium moerore e vivis nuperime sublatus) ubi de Scorbuto agit, auctoritatibus Baldini Ronfsei, praecitati Lister, & Gulielmi Pisonis merito utens, omnino statuit, quod & Poma Aurantia, & Limonia summum omnium praesidium Scorbuticis adferunt: uti ex dictis magis evincitur. Major autem in hisce, aliisque morbis, succi Limoniorum supra Acetum praestantia.

(131) Anton. Cocchi dei Bagni di Pisa cap. 4. §. 15.

stantia patet etiam, si, *Montano* (132) teste, quis consideret, quod succus iste tantae aciditatis est, & in tenuissima substantia fundatur, ut acetum etiam incidendo, & colliquando superet: & clarum est hoc experientia, cuius facultates neque a *Galeno*, neque ab Antiquis deprehensas esse video: neque enim omnia experiri potuerunt. Hisce addam cum eodem *Montano*, quod Acetum habet acrimoniam iunctam cum aciditate. Quapropter eo magis cum ipso nobis in proclivi erit iudicare, quod in enarratis morbis, & in aliis, in quibus eadem indicationes militantes, succus Limoniorum (cuius tutius, & utilius remedium) Aceto revera palmam eripiat, ideoque pluris sit aestimandus. Praeterea quod, si plerisque Auctoribus, atque praecipue *Baccio*, (133) fides in hoc sit adhibenda, tantum abest, ut in Aceto par, ac in Limoniorum succo, vis refrigerans vere sit admittenda; quod, cum diversarum partium sit Acetum, sic & diversarum esse facultatum discernere, liceat, videlicet calidum simul, & frigidum. Cuius quidem asserti rationem ita ipse subdit: Nam dum Vinum in Acetum transit, vinosae ejus partes refrigerantur, ac aquae in eo excrementum, putrescens, adscititiam induit caliditatem, veluti caetera omnia, quae putrescunt. Exinde vero, congrua facta comparatione Aceti (134) cum acidis fructibus, dicit, quod in hisce praevalet vis refrigerandi; cum ii speciatim frigidi revera sint, ad differentiam Aceti, in quo simul caliditas consideranda est: id, quod eo magis verum esse comperitur, si Limoniorum praecipue cum Aceto comparatio fiat: quod nempe (*Montano* ibidem docente) habet acrimoniam iunctam cum aciditate. Etiam *Arlunus* (135) omphacium comparans

(132) *Montan. de Simplic. Medicament. qualitat.*

(133) *Andr. Bacci de Natur. Vinor. histor. lib. 1. cap. 23.*

(134) *Idem ibidem cap. 24.*

(135) *Jo: Petr. Arlun. de facilior. Aliment. comment. 3.*

comparans cum Aceto, monet quod illud *frigorificum* magis existit. Aceto namque calentes particulae inhaerent, quae acidi saporis remissum ardorem obtundunt.... Contra *omphacium* ponticis ex partibus, & acidis constat; sunt vero insigni frigore praeditae ponticae partes: quapropter jure ambiget nemo, *omphacium* aceto intensiore frigore vigere: tametsi acetum plures, & internos artus refrigerans, *omphacii* gradum eminentiorem diffusore extensione superet. Quod si, facta comparatione, Aceti cum *Omphacio*, hoc magis, quam illud prodesse concedamus, ad febrilem sanguinis attemperandum aetum; hoc eo rationabilius asserendum erit de *Limniorum* succo, in quo longe major tenuitas, praeter vim refrigerandi maximam, quod vigeat, inficiari nemo potest. Neque praeterea ad hoc omittenda illa sunt, quae de peculiari Aceti qualitate *Lanzonus* (136) attulit, dum eorum opinionem recenseret, qui putant, quod Aceti usus diu protractus, aestate praesertim, potenter corpora exsiccat. Insuper hoc genus remedii eos fugere debere monet, qui *Articulos* habent imbecilles, nec non *Uterum*, atque *hyeme*: quippe quia nimis in Aceto vigeat acedo, ad quam infringendam, eidem immiscendae sunt *rose passae*. Ad quae sane animum intendisse putaverim praeclaudatum *Cocchi* (137), qui, posteaquam plura de miris Aceti facultatibus declaraverat, ob quas scilicet in ardentibus febribus attemperentur maxime, nec non dissolvantur humores, corumque prava diathesis, aut a venenis, aut ab interna *alcalescentia* procedens, edometur; tandem concludit, et bona omnia multo melius, & efficacius ab aliis acidis succis evenire posse, atque speciatim ab illis, qui a *Limoniis* malis, aliisque ejusdem census fructibus eruuntur. Horum ideo vegetabilium remediorum admirabilem speciem facultatem

(136) Joseph Lanzon. Op. omnia Tom. 2. Consult. 170.

(137) Anton. Cocchi Discorso del Vitto Pitagorico.

cultatem plurimi faciendam esse, praesertim admonet in malignis quibuscumque, & pestilentibus febribus, in quibus summus viget humorum aestus, acris qualitas, atque in componentibus moleculis tumultuaria collisio, propter quod in enormem effervescentiam ii facile adiguntur. Ea propter, cum Cap. 3. Articulo 6., ne dum docentur Ebembitar, verum etiam aliis adstipulantibus Auctoribus, demonstratum sit, quod Limoniorum succus, prae caeteris acidis praesidiis, cum sanguinis aestum, seu mavis, effervescentiam, quam Ebrii patiuntur Homines, omnino sedet: ita, authorante Bachstrom, (138) ex eo deducimus, quod ipse succus, in febribus illis, quae maximum sanguinis aestum, & venenatam, pene dixerimus, qualitatem pro causa habent, utiliter usurpandus sit. Sic in febribus plurimis (ut ejusdem Auctoris verbis utar) Aegroti, ignorantibus, & dissuadentibus Medicis, Naturae insinctu acida desiderant, comedunt, & eorum virtute febris finem imponunt. Sic ego rationibus sufficientibus adductus, febrem ardentem saepius unico malo Citrio sustuli. Sic in gangrenosa fere inflammatione, cum summa utilitate, acidiora propinavi. Non minoris propterea utilitatis in aestuantibus hisce biliosis febribus quod evadat speciale Citri decoctum, ab Hadriano a Mynsicht (139) propositum, concedendum est: cujus quidem haec est formula.

R.

Malor. Citrior. cum corticibus in taleol. rotundas,
ac tenues incisurum n. 3. vel 5.

Sacchari albiss. uncias quatuor.

Aq. fontanae libr. sex.

Cequantur ad tertias; postea colentur: & decoctum
clarum, instar vini, ad usum reponatur.

Nam

(138) Jo: Frideric. Bachstrom de Scorbut. natura &c.

(139) Hadrian. a Mynsicht Thelaur. Medic. Chym. Sect. 25.

Nam decoctum hoc aequè gratum Aegrotis cum evadat, pro potu etiam ordinario iis suppeditari poterit. Neque quidquam Auctoris huiusce sententiae se aliquis opponet, qui, Citriorum loco, mala Limonia potius ad hoc usurpari jubeat, praecipue quia haec illis aciditate maxime praestant; imo etiam quia utrosque fructus inter ea remedia Lazarus Riverius (140) recenset, quae proprietate specifica venenatam qualitatem oppugnant, alexipharmaca vulgo dicta.

Cum itaque concedamus, Acetum prodesse maxime in recensitis morbis, uti in aliis plurimis, in quibus effraenis humorum aestus, eorumque venenata, ut ita dicam, qualitas dominatur: id ipsum potiore jure, ob allatas rationes, de Limoniorum succo asserendum erit. Qua porro servata norma, par de iis ferre iudicium possumus, quae Lucensis Clar. Medicus Joseph Benvenuti (141) de Aceti peculiaribus viribus, ad quamplures sanandos morbos, summatim proposuit. Neque ut fusiùs Aceti praestantiam evincam ultra, necessum esse reor, ut alii multi hic recenseantur Auctores, qui plurimum utilissimo huic remedio fidunt. Illud enim ad institutum nostrum, ni fallor, interest, ut, simulac ex dictis eruiamus, utilem aequè ac opportunum in Arte nostra multoties evadere Aceti usum, cuique pateat, in eo praecipue, potius quam in Limoniorum succo, principium quoddam acre vigere, propter quod aliquando, nec raro, laedi hinc Aegroti queant; nisi ab hoc magis, quam a fragrante Limoniorum succo ii abhorreant: uti per saepe observavi. Quibus omnibus adamussim perpensis, nemo, ut arbitror, Eberritar assentiri renuet, quod, eo quia Acetum, ob acrimoniam

(140) Lazar. River. Prax. Medic. lib. 17. cap. 1.

(141) Joseph Benvenuti de Aceto Vini Commentarj

moniam suam, & Stomachum, & Intestina quadantenus irritat, atque debilitat: ita & in iuvamento ambrosiam, scilicet Stomachi, & Intestinorum, Limoniorum succus nobilitatem habet, & virtutem, quae in Aceto non reperitur: id, quod & in aliis morbis, de quibus supra pertransennam egimus, verum utique est. Is propterea, qui hoc succo (pro ut specialis cuiusvis morbi ratio postulat) abunde utuntur, non indigent Acetoso Syrupo, cujus quidem excellentiam speciatim admirari solebant Antiqui Medentes in iis morbis, quibus ejus usum summopere convenire, ipsi putabant.



CAPUT III.

ARTICULUS X.

Quod Malorum Limoniorum succus pro nutriendo Corpore nihil valet.



I ea, quibus vefcimur, ideo magis Corpus nutriunt, quia citius, & melius, actione Ventriculi, in optimum Chylum abeunt: quae fcilicet iis magis fcateant particulis, quae facilius venarum lactearum oftiola pervadere, fanguini intime magis immifceri, atque denique, nutriendis partibus adhaerendo, congruum fuppeditare pabulum natae funt: hinc facile cuique erit deducere, quod Limonia mala nutriendo Corpori nil pene conducant. Atque hoc aequè verum eft, tam fi fermo fit de integro comefto hoc fructu, quam de fingulis ejus partibus, fi eae unquam affumantur feorfim. Et fane Limoniorum expreffus fuccus, craffis, & glutinofis fuis fpoliatus partibus, veluti aqueus, tenuisque humor habendus eft; cui ideo nutriens ea dumtaxat facultas inftit, quae in aqua fimplici viget: nifi volatiles, atque odoras eas moleculas attendamus, quibus fragrantiffimum ejus oleum praeditum efle demonftravimus; quae nempe Ventriculum mirifice roborant. Aft longe minus etiam, quam aqua fimplex, enutrients dicendus eft ifte fuccus: quippe quod incidens, & penetrans magis, quam illa, ipfe eft, ideoque per Renes praecipue trajectus, abunde urinas ciet, citoque adeo e Corpore prodit, ut vix minima pars ejus fuperfit, quae, fumma tenuitate fua, a partibus illico fe-

cedit:

cedit : cum nihil fere in se habeat roridi glutinis illius, quod tam solida, quam fluida satis reficiuntur. Vis insuper summa refrigerans, qua succus iste pollet, actioni coctionis in Ventriculo minime favet, praecipue si sincerus ille ebbatur. Eapropter interesse maxime diximus, quod iste succus raro purus, & nonnisi in parva copia usurpetur, atque tunc solummodo, cum hoc revera necessarium sit, ut gravi alicui prospiciamus symptomati, cui ipse conveniat. Itaque generatim optimum illud esse consilium innuimus, quod ipse, congrua addita Aquae copia, contemperetur, ut saepe, & abunde magis uluveniat. Intima vero cellulosa Limoniorum substantia, quae succum una cum seminibus in se continet, cum ex tenacibus coalescat filamentis, quae digestivam Ventriculi vim eludunt penitus, eo minus alendo Corpori apta est : atque idem de interna corticis parte dicimus, quae caro nominatur. Tenuissimus autem cortex ille, coloris citrini, fructus hosce extrinsecus investiens, si vere aliquid, quod Corpus enutrit, in eo admittendum sit, id erit ob volatile fragrantissimum illud oleum, quod inde exhalat, atque vitalem potius vim excitat, quam quod Corpori nutrimentum adferat. Verumtamen ejuscemodi volatilis spiritus abundat magis in flavedine Citri, quam in Limoniorum extimo illo cortice : propter quod fit, ut Citri fructus odore longe magis, quam Limonii, praediti sint. Quod quidem volatile oleum si a Limoniorum flavo cortice demas, quod superest, id nullo modo Corpus reficit. Hoc autem ex eo passim evincitur, quod, dum cortices istos comedimus, ii in ore detenti, dentibusque contriti, suaveolentem efficiunt halitum, & oris foetorem tollunt : in cavitate demum Ventriculi commorantes, eum aggravant, & frequentem eructionem illam excitant, quae assumptorum eorundem corticum exhalationes diu nimis nobis adfert. Idcirco, ut de hoc paucis

paucis dicam, quod sentio: sat erit ea in propositum addicere, quae de Citro *Paulus Aegineta* ita adnotat (142): *Citrii mali externa pars acris est, & difficulter concoquitur: quae vero velut caro ipsius est, nutrit quiaem, sed & ipsa aegre concoquitur: & interna pars, siue acida, siue aquea fuerit, multum frigefacit.* Quae si *Limoniis* malis rationabiliter aptentur, haud amplius in hoc immorandum erit, ut alia Auctorum testimonia proferam.



K

Ex

(142) *Paulus Aegineta de Re Medica lib. 1. cap. 81.*

Ex Manuscripto Cremonensi.

IN semine autem Limonis est virtus bezahardica quod resistit & contrariatur venenis sicut illa quae est in semine Citri verum est debilior parumper quam ea quae est in semine Citri; & dosis feminum praedictorum est ab aureo uno usque 3. ij. excorticato & assumatur aut cum vino aut cum aqua calida.

Ex Editione Veneta.

IN semine vero Limonis est virtus bezaharica, quae resistit & contrariatur venenis, sicut illa, quae est in semine Citri. Verum est debilior parumper quam ea quae est in semine Citri, & dosis feminum praedictorum est, ab aureo uno usque 3. ij. excorticato, & assumatur aut cum vino, aut cum aqua calida.

Idem extat in Editione Parisensi.

C A P U T I V.

De virtutibus Seminum Limoniorum:



Audem servans normam, qua *Ebembitar* seminum Limoniorum facultates nobis indicat, ut ego quoque id ipsum praestem, facta scilicet istorum cum iis, quae a Citriis emergunt, opportuna comparatione, quanti in usum Medicinae haberi consuecant Citriorum semina, primum confide-

considerabo. Circa hoc autem, ut antiquorum praesertim Auctorum opinionem in propatulo ponam, ea satis erit referre, quae diligentissimus *Matthaeus Silvaticus* (143) a *Galeno*, *Dioscoride*, *Avicenna*, *Serapione*, *Paulo*, & *Rabi Moysè* deprompsit. Horum itaque fretus auctoritate, dum de seminum Citri proprietatibus agit, dicit, quod illa Pirorum semini, quod ad formam, similia sunt, amara, diaphoretica, resolventia, atque siccantia, in secundo, ut ait, gradu, eodemque modo calida. Si ea cum vino, aut aqua tepida sumantur, ad dosim aurei unius, aut duarum drachmarum, habent potestatem contra Medicinas mortiferas, laxant Ventrem, & conferunt venenis, quibus resistunt, atque iis, quae proprie *Scorpionis* sunt: quorum insuper ictibus medentur, si iis illiniatur affecta pars. Haemorrhoidibus etiam succurrunt. Quae confirmantur ultra testimonio *Veckeri*, *Matthioli*, *Pisanelli*, *Castor Duranti*, *Junckeri*, & aliorum quamplurium. Prae caeteris *Geoffroy* (144) ita de iis sentit. In quibusdam compositionibus alexiterius usurpantur. Ventriculi, & Intestinorum vermes enecant, menses provocant, flatu discutiunt, humores viscidos attenuant, & dividunt. Ex hisce emulsiões conficiuntur vermifugae, & cardiacae in morbis mali moris, & pestilentibus. Aliorum quoque fretus auctoritate *Paulus Gullielmus Schmidt*, (145) praeter vim bezaharticam, diaphoreticam, & alexipharmacam, ob quam malignitari (uti ajunt) resistunt, dicit quod Citri semina egregie sunt usus in Petechialibus febribus, & morbillis; quod Ventriculi robori conferunt, vermes enecant, & gravidarum praecipue vomitui opitulantur, simulque tam intra, quam extra adhibita, venenatorum Animalium ictibus au-

K 2

xiliū

(143) *Matthaeus Silvaticus*. in *Pandect.* cap. 345.

(144) *Geoffroy Tom.* 2. *Mater. Medic.* Part. 2.

(145) *Paul. Gullielm. Schmidt* *Dissert. de praest. mal. Citr.*

ziliū præstant. *Lanconus* (146) etiam animadvertit; *Citri semen in emulsionibus conferre verminantibus pueris, & vomitus gravidarum compescere*. Quamobrem nil mirum est, quod adeo etiam apud vulgares faeminas invaluerit opinio, quod emulsiōes, ex hisce feminibus confectæ, hysteris omnibus, atque eo magis illis, quæ Uterum gerunt, utiles sint; quotiescunque in hisce vel languet Stomachus, vel flatibus turgēt, aut aliae iis accidunt cardialgicæ passiones, ob nervorum irritationem factæ. Tantumque huic remedio tunc mulieres fidunt, perinde ac si nullum aliud efficacius usurpari queat, cuius opē citius leventur: cui opinioni quod experientia ipsa faveat, haud raro observamus. Fortassis enim, ob aromaticam, qua pollent, amaritiam, id ea præstare posse creduntur: eo quia in iis circumstantiis ejuscemodi mulieres, si dulcia assumant, eo pejor se habent. Cum ergo hæc semina Stomacho languenti præsertim suppetias ferant, ea in meraco vino infusa, una cum aromaticis, (quas exalefacientes dicimus) herbis, & radicibus, addito Chalybe, & quandoque etiam Rhabarbato, optimum efficiunt medicatum vinum, quod deficientes ciet menses, obstructions tollit, simulac mucosos, viscidosque dissolvit humores, atque laxatis solidorum fibrillis tonum addit. Propterea dum faeminae Chlorosi detentæ, Cachecticum obtinent Corporis habitum, non aliter citius, & melius convalescunt, apparentibus exinde menstruis excretionibus, quam hujusmodi vini opē, cuius congruam dosim quotidie capiant in prandio, & coena; illud diu continuando, prævio etiam purgante remedio, si opus sit. Utilia demum sunt hæc semina, cum in portionibus solventibus infusa, Stomacho prospiciunt, ne ab iis lædatur, aut fatigetur nimis.

Cum

(146) *Joseph Lancon. Citrologia cap. 2.*

Cum itaque Citri semina, ab iis, quae a Limoniis eruuntur, tam quod ad formam, quam quod ad substantiam, aut saporem, nihil pene differant, concedendum erit, quod haec pariter, ac illa, iisdem propemodum facultatibus valeant, etsi aliquantisper debilius; ut *Ebenbitar* indicavit. Quamobrem utraque haec semina non immerito simul aliquando commiscuntur, ut ex hisce specialia conficiantur composita medicamenta. Ex quibus plurimis, quae apud Auctores recensentur, unum seligam pulverem, a praecitato *Schmidt* indicatum, quem, *Cratone* teste, contra vermes efficacem esse censet: cuius haec est descriptio.

R.^e

Coriand. praeparator. unc. semis.

Semin. Portulacae, Citri,

Limoniior. an. drachm. duas.

Zedoariae drachm. unam.

Corn. Cervi nsti unc. unam.

Misce, fiat pulvis, cuius dosis erit drachma dimidia.



Ex Manuscripto Cremonensi.

LImones autem falsi quando assiduatur eorum comestio bonificant odorem ejus & eructationis & confortant Stomachum & remouent humectationem ejus & adjuvant ad bonitatem alistimbre & digestionis ciborum grossorum & remouent ucham ipsorum idest nauseam seu relaxationem & malam qualitatem ab eis causatam & eorum corruptionem: & confortant cor & hepar: & aperiunt opilaciones renum & provocant urinam: & conferunt multis aegritudinibus frigidis sicuti est paralyfis & molificatio: & resistunt venenis & rebus venenosis seu venenatis.

Ex editione Veneta.

LImones autem falsi quando assiduatur eorum comestio bonificant odorem oris, & eructationis, & confortant Stomachum, & remouent humectationem ejus, & adjuvant ad bonitatem alistimbre, & digestionis ciborum grossorum, & remouent ucham ipsorum, idest nauseam, seu relaxationem, seu malam qualitatem ipsorum, aut eorum corruptionem: & confortant cor, & hepar, & aperiunt opilaciones renum, & provocant urinam, & conferunt multis aegritudinibus frigidis sicut est paralyfis, & molli-

mollicatio, & resistunt venenis & rebus venenosis seu venenatis.

Ex editione Parisensi.

LImones autem falsi quando assiduatur eorum comestio bonificant odorem oris, & eructationis, confortant Stomachum, & remouent humectationem ejus, & adjuvant ad bonitatem alitimbri idest digestionis, & praecipue ciborum grossorum, & remouent nauseam, seu relaxationem ipsorum quam ipsi cibi causant, & malam qualitatem ab eis causatam, & corruptionem ipsorum, & confortant cor, & hepar, & aperiunt oppilationes renum, & provocant urinam, & conferunt multis aegritudinibus frigidis, sicut est paralyfis, & mollicatio, & resistunt venenis, & rebus venenosis & venenatis.

C A P U T V.

De Limoniis salitis.



Um de salitis Limoniis hic *Ebembitar* agat, eorum praeparationes mihi videtur intelligere, quae data opeta sunt passim, ut isti fructus conseruentur diu, ad parandas mensas, una cum aliis omnigenis bellariis: quae praeparationes *conditurae* vulgo dicuntur. Neque vero mihi satis persuadeo, quod solo iis addito

K 4

fale,

fale, nec ulla alia facta eorum confectione; fructus isti bene adeo condiantur, ut ad eos usus ita asservati, effectus illos revera praestent, quos Arabicus Auctor accurate hic commemorat. Si quid itaque efficit sal, Limoniis malis adjectum, ut inde meliores evadant, hoc eo quidem modo, quod eveniat, asserendum erit, quo a Pharmacopolis nostris vulgaris ea fructuum conditura fit, quae communiter *Moltarda* dicitur. Primo namque fructus, qui ad hoc usurpantur, asperso sale eo usque asservant, donec ejus ope, quidquid aquae in interstitiis eorum adfuerit, penitus educatur, illudque remaneat tantum, quod volatile, oleosum, seu mavis, aromaticum in iis vigeat: quo facto, congrua mellis, vel sacchari dosi adjungitur, quae pro perfecta ipsorum conditura serviat, ut incorrupti diuturno tempore conserventur. Ob eandem rationem existimo, quod ad specialem corticum Citri efficiendam condituram, aliqui eorum cortices in lixivio nierni ad aliquot dies jubent: cujusmodi est praeparatio illa, quam, ex Bononiensi Antidotario erutam, proponit *Anguisola*, (147) quam ego data opera hic subnectam. Cortices Citri, carne purgati, lixivio claro merguntur diebus novem, mutato ad diem quintum; post merguntur aqua clara, donec, amaritudine deposita, dulcescant. Tunc aqua fontis pluviae in vase mundo coquuntur, donec tenerescant, aquosa deinde substantia ab iis expressa, in vase lapideo merguntur horis 24. in Julapio sufficiente ex saccharo albo, & aqua tripla constante: post coquuntur igne lento ad penidiorum consistentiam. Extracti cortices ex hoc Julapio reponuntur in vase vitreo, superaffuso singulis vicissim Julapio rosato, cocto ad mediocrem crassitiem sacchari candefacti. Hujusce vero conditurae eam facultatem esse docet, ut Cor, & Ventrículum mirum

(147) Anton, Anguisola Compens. simpl., & compos. Medicam.

mirum in modum reficiat, & roboret, coctionem juvet, orisque halitum emendet. Alias quoque corticum Citri simpliciores condituras recenset *Mesue* (148), ob quas emergens conditus cortex, *Cerebrum*, *Cor*, *Stomachum*, & reliquum etiam *Ventriculum*, si frigida intemperie laborant, calore aromatico roborant. Ipse praeterea cortex ita praeparatus, sive humidus, sive siccatus, diligenter mansus, & ore detentus, vel deglutitus, quia est odore suavi praeditus, tantum oris halitum tegit, & obtundit, praesertim qui a corruptis in *Ventriculo* humoribus affertur. Alias omitto corticum Citri condituras, quae vulgaribus etiam hominibus illis notae sunt, qui caeteris parandis bellariis incumbunt, in usus lautioris mensae, ut assidentibus satisfaciant. Quae sane omnia valent, etiamsi ad hasce perficiendas condituras, loco Citriorum malorum, *Limonia* fuerint usurpata, ac ea maxime, quae succrescunt ex *Limoniorum* furculis, *Citro* insitis: quippe quia cum hisce, quod ad facultates suas, ea magis tunc conveniunt; uti clarius patebit ex sequenti Capite. Utcunque vero, sive primum sale inspersa, sive non, opportuna tamen conditura, pro lubito parata sint *Limonia* mala, eos nihilominus praestare effectus poterunt, quos in hoc Capite merito recenset *Ebembitar*: atque id praecipue, si eorum cortices ad hoc adhibiti sint. Aliam addam *Limoniorum* praeparationem, cum sale factam, quam apud *Genueses* usavenire *Pisanellus*, & *Castor Durantus* testantur, quae nedum gustui grata dicitur esse, sed etiam utilis ad excitandum appetitum, & expellendos calculos, & arenulas. Ii parva *Limonia* in calcolas incidunt, sale aspergunt, adduntque postea *Rosarum* aquam cum saccharo: quae, ita parata, comedunt una cum Carne, & Piscibus, ut gustui satisfaciant.

Ex

(148) *Mesue* de Syrupis lib. 1.

DE Limonibus vero insertis dicamus quando ipsi inseruntur super Citruum. Et dicamus nos quod Limones qui tali insercione producuntur sic se habent quod virtus corticis ipsorum ex amaritudine & acuitate sua est major quam virtus corticum citri & diminuta est ab ea quae est in cortice Limonum. Et cum hoc in huiusmodi cortice Limonum insertorum est dulcedo pauca & propter hoc est in eo nutritio quae non est in ambobus ipsorum praedictorum. Quare cortex praedictus Limonum insertorum est quid medium in operatione amborum scilicet Citri & Limonum.

Carnositas vero Limonum habet dulcedinem manifestam & moliciem apparentem & facilitatem disruptionis in partes & raritatem quae non est in carne Citri & propter hoc efficitur minoris frigiditatis & est magis proxima temperamento quam caro Citri & velocioris digestionis & levior super Stomachum quam sit caro Citri.

Acetositas vero huius Limonis inserti est sicut acetositas Citri in omnibus suis dispositionibus & propter illud est conferens omnibus quibus confert

fert acetositas Citri. Et syrupus est sicut syrupus de acetositate Citri.

Ex editione Veneta.

DE Limonibus vero insertis dicamus, quod ipsi inseruntur super Citrum, & dicamus nos, quod Limones, qui tali insertione producuntur, sic se habent, quod virtus corticis ipsorum ex amaritudine, & acuitate sua, est major, quam virtus corticum Citri, & diminuta est ab ea, quae est in cortice Limoniorum, & cum hoc in huiusmodi cortice Limonum insertorum, est dulcedo pauca, quae non est in ambobus, scilicet in cortice Citri, & cortice Limonum, & propter hoc est in eo nutritio, quae non est in ambobus ipsorum praedictis: quare cortex praedictus Limonum insertorum est quid medium in operatione amborum, scilicet Citri, & Limonum, carnositas vero Limonum insertorum habet dulcedinem manifestam, & mollitiem apparentem, & facilitatem disruptionis in partes, & raritatem, quae non est in carne Citri, & propter hoc efficitur minoris frigiditatis, & est magis proxima temperamento, quam caro Citri, & velocioris digestionis, & levior super Stomachum, quam sit caro Citri: Acetositas vero hujus Limonis

nis inserti est sicut acetositas Citri in omnibus suis dispositionibus; & propter illud est conferens omnibus, quibus confert acetositas Citri, & ejus syrupus est sicut syrupus de acetositare Citri.

Ex editione Parisensi.

DE Limonibus vero insertis dicatur qui inferuntur super Citrum, & dicamus nos, quod Limones, qui tali insertione producuntur, sic se habent, quod virtus corticis ipsorum ex amaritudine, & acuitate sua est major, quam virtus corticum Citri, & diminuta est ab ea quae est in cortice Limonum, & cum hoc in hujusmodi cortice Limonum insertorum est dulcedo pauca, & propter hoc est in eo nutritio, quae non est in ambobus ipsorum, quasi cortex praedictus Limonum insertorum est quid medium in operatione amborum, scilicet Limonum, carnositas vero Limonum insertorum habet dulcedinem manifestam, & mollitiem apparentem, & facilitatem diruptionis in partes, & raritatem, quae non est in carne Citri, & propter hoc efficitur minoris frigiditatis, & magis proxima temperamento, quam caro Citri, & velocioris digestionis, & levioris super Stomachum, quam sit caro Citri. Acetositas vero hujus Limonis

monis inserti est sicut acetositas Citri, in omnibus suis dispositionibus, & propter illud est conferens omnibus, quibus confert acetositas Citri, & ejus syrupus est sicut syrupus de acetositate Citri.

CAPUT VI

De Limoniis insertis super Citrum.



Um Animalia diversae speciei, mas scilicet & faemina, simul coeunt, ea, quae inde generantur Animalia, quod ad specialem Corporum suorum constitutionem, eos utrumque praefereunt characteres, ob quos utriusque coeuntis Animalis proprietates, & formam speciatim exhibent. Hoc Mulorum obvia satis generatio ostendit, quando nempe, coeunte Asino cum Equo, ea generantur mixta Animalia, quae eo indicantur nomine: sicuti & Hinnuli alia bruta dicuntur, quae ex Equo & Asina fuerint procreata. Nam utrinque progenita animalia illa, & Asini & Equi notas quoquo modo referunt; etiamsi vel nec Muli, nec Hinnuli, subinde nati, Equi vel Asini structuram, relate ad omnes partes, prorsus obtineant. Ast non modo coeuntibus diversae speciei Animalibus, verum etiam cum ejusdem speciei illa sint, diversimode tamen constructa, propter quod diversa etiam polleant Corporis temperie: ea, quae inde oriuntur Animalia, de utriusque Genitoris indole, seu potius proprietatibus ita plerumque participant, ut quid medium inter marem, & faeminam resultet. Atque

que hoc dum ut plurimum evenire observamus, miramur maxime, quod aeque facile Hermaphrodita non oriantur Animalia, quae sane rarissima sunt. Verum phaenomena haec, quae quidem nota cuique sunt, haud unquam satis explicari poterunt, sive uni, sive alteri generationis systemati, ex plurimis, quae ab Auctoribus nostris afferuntur, adhaerere quispiam velit. Illud tamen certum est, quod in huiusmodi edendis effectibus, ita constans Natura videtur esse, quod ea, quae, in Animalium generatione, diximus evenire, suo quoque modo in vegetabilibus contingant: quotiescunque scilicet ex diversae speciei Arboribus avelluntur surculi, quorum super alias Arbores insitio fiat. Etenim inde, quae germinant plantae, mixtam, ut ita dicam, eae contrahunt indolem, seu potius structuram; propter quam cum iis, a quibus avulsae sunt, & cum aliis, quibus fuerunt insitae, relationem peculiarem habeant; sive folia, sive flores, sive fructus attendantur, aut alia denique, utriusque Arboris characteres indicantia. Quod porro plurimis adeo comprobatur experimentis, (quae ad nauseam usque possent singillatim adferri) ut in dubium revocari minime queat. Exinde vero quisque facile cognosceret, quam merito hic *Ebembitar* animadverterit, quod, quotiescunque mala Limonia inferuntur in Citria, eae succrescunt Arbores, a quibus oborti fructus eas una qualitates obtinent, quae seorsum Limoniorum, & Citriorum malorum propriae sunt; adeo tamen, ut eae adinvicem contemperatae quomodolibet sint. Eas itaque si modo consideremus, quas supra memoravimus, malorum Limoniorum a Citriis differentias, tam quod ad extimum corticem, & internam pulpam, quam quod ad contentum in iis succum; Auctori nostro fas erit concedere, quod enatus, post insitionem Citro, fructus iste

cas

cas praeferat proprietates, quae ad utriusque fructus speciem suapte natura pertinent: quae tamen in uno quomodocunque coeuntes, quid medium, ut dicimus, utrinque repetant, ea simul aptum efficere, quae ad utramque plantam sint merito referenda. Quamobrem, habita utrorumque ratione, nemo sane inficiabitur, quod uti singuli fructus isti easdem pene facultates obtinent, ut Aegrotis plurifariam succurrant; ita & illud, quod ex praedicta insitione provenit, Limonium malum eo magis aptum iisdem usibus evadat: quod quidem ex eo potissimum eruitur, quod oleosum volatile principium (quo Citri cortices praecipue, uti diximus, pollent) acidum magis refrigerantem substantiam corrigere satis valeat, quae in Limoniis dominatur. Propterea enim, relate ad qualitates alias, in utroque distincte vigentes, hinc moderatum eveniet compositum, eo tutius evincendis morbis idoneum. Ea idcirco, quae, ob talem insitionem, evenient Limonia mala, caeteris aliis, quae simplicia sint, omni jure praeferrenda erunt: nisi tamen peculiares vigeant circumstantiae, in quibus acidum Limoniorum potius, quam volatile Citriorum principium, vel contra potius hoc, quam illud necessarium utique sit: ad quod decernendum accurata rationalium Medicorum solertia requiritur. Verumtamen quia composita aequae inde prodeunt Limonia mala, tam si in haec inserantur Citria, quam viceversa: Peritorum in hac Arte iudicio fretus, satius esse cum *Augustino Gallo* (149) puto, quod Limoniorum surculos in Citri arborem ingeramus: ut scilicet enati hinc fructus pulchriores aliis, Stomacho magis accomodati, nec non in caeteris proprietatibus suis longe praestantiores evadant.

Ex

(149) Giornata prima di M. Agostino Gallo.

Ex Manuscripto Cremonensi.

Nunc autem dicamus de syrupo de Limonibus simplici & est ille qui fit ex succo Limonum cum zucaro: & modus compositionis ejus est secundum hunc modum. Terratur zucarium & ponatur in lebere lapideo & est melius aut in olla vitreata bene: quod si non fuerit ibi praesens ponatur in vase Aeneo linito cum stagno deinde proiciatur in eo super quamlibet libram zucari pondus 3. iiij. vel CC. lactis noviter mulcti: Et si non fuerit lac praesens tunc ponatur albumen ovi & conquassetur cum eo zucarium permixtione seu agitatione bona, deinde proiciatur super eum aqua quantitate sufficienti & moveatur quousque dissolvatur deinde super ignem ponatur & melior ignis est ignis de carbonibus & dimittatur super ignem quousque ex ebullitione separetur & elevata sit superius spuma ipsius tota deinde properet ad removendum & prociendum eam ut ipsa non sumergatur videlicet profundetur postea dequoquatur quousque approximetur coagulationi vel inspissationi deinde proiciatur aliquid aquae Limonum seu aliquid succi Limonum expressorum super aliquid zucari ut non fiat amarus; Et acetositas syrapi praedicti sit secundum quantitatem qua sapor ejus

ejus delectet administrantem seu assumentem ipsum; nam ex hominibus sunt quibus conveniens est qui ex eo est paucae acerositatis, & ex eis sunt quibus conveniens est acerositas multa seu manifesta.

Illud vero quod de eo currit consuetudo apud plurimos homines & apud Ypotecarios Aegyptios est quod super quamlibet libram zucari proiciunt tres aut quatuor uncias succi Limonum deinde decoquatur quo usque redeat ad substantiam suam quam prius habebat ante projectionem succi Limonum super ipsum postea alleviatur ignis sub eo & decoquatur quousque perveniat ad bonam & completam spissitudinem seu substantiam quae seuret ipsum a corruptione ipsius & removeatur ab igne & conservetur; & ex hominibus sunt qui intendunt bonificare colorem huiusmodi syrupi quia in hora decoctionis syrupi considerant & inspiciunt accipiendo aliquid ex eo in vase vitreo claro hora post horam & considerant colorem ejus si enim color fuerit bonus conformis intentioni ipsorum complent ejus decoctionem & conservant, & si non spargunt super eum aquam claram solam aut permixtam cum pauco albuminis ovi; & dimittunt eum parumper deinde experiuntur sicut

L

dictum

dictum est ante: quod si adhuc color syrupi non fuerit bonus tunc reiterant asperfusionem aquae super eum & non cessant facere hoc donec adveniat secundum intentionem suam; Et manifestum est quod haec operatio reiterandae asperfusionis aquae debilitat virtutem syrupi. Iste igitur est melior modus faciendi syrupum de Limonibus & manifestum est quod huiusmodi syrupus confert omnibus juvamentis succi quem diximus nisi quod non confert imperigini & morfeae & pano sicut confert succus Limonum. Verum nos dicemus hic juvamenta huius syrupi secundum viam aliam & non curabimus replicare quaedam quae jam praediximus.

Ex editione Veneta.

Nunc autem dicamus de syrupo de Limonibus simplici, & est ille, qui fit ex succo Limonum cum zucharo, & modus compositionis ejus est secundum hunc modum. Teratur zucharum, & ponatur in lebece lapideo, & est melius aut in olla vitreata bona, quod si non fuerit tibi praesens, ponatur in vase aeneo, linito cum stagno, deinde projiciatur in eo super quamlibet libram zuchari pondus 3. iiij., vel circa lactis noviter mulcti, & si non fuerit lac
prae-

praesens tunc ponatur albumen ovi, & conquis-
 setur cum eo zucharum permixtione, seu agi-
 tatione bona, deinde projiciatur super eum aqua
 quantitate sufficiente, & moveatur, quousque
 dissolvatur, deinde super ignem ponatur, & me-
 lior est ignis de carbonibus, & dimittatur super
 ignem, quousque ex ebullitione separetur, &
 elevata sit superius spuma ipsius tota, deinde
 properet ad removendum & projiciendum eam,
 ut ipsa non submergatur, vel profundetur, pos-
 tea decoquatur, quousque approximetur coagu-
 lationi, vel inspissationi, deinde projiciatur ali-
 quid aquae Limonum, seu aliquid succi Limo-
 num expressorum super aliquid zuchari: ut non
 fiat amarus, & acetositas syrupi praedicti sit
 secundum quantitatem, qua sapor ejus delectet
 administrantem, seu assumentem ipsum. Nam
 ex hominibus sunt, quibus conveniens est, qui
 ex eo est paucae acetositatis, & ex eis sunt,
 quibus conveniens est acetositas multa, seu ma-
 nifesta. Illud vero, quod de eo currit consuetu-
 do apud plurimos homines, & apud Apotheca-
 rios Aegyptios, est, quod super quamlibet libram
 zuchari projiciunt tres, aut quatuor uncias succi
 Limonum, deinde decoquatur, quousque redeat
 ad substantiam suam, quam prius habebat ante

L 2

pro-

projectionem succi Limonum super ipsum, postea alleviatur ignis sub eo, & decoquatur quousque perveniat ad bonam, & completam spissitudinem, seu substantiam, quae securer ipsum a corruptione ipsius, & removeatur ab igne, & conservetur. Et ex hominibus sunt, qui intendunt bonificare colorem hujusmodi syrupi: quare in hora decoctionis syrupi considerant, & inspiciunt accipiendo aliquid ex eo in vase vitreo claro, hora post horam, & considerant colorem ejus. Si enim color fuerit bonus, conformis intentioni ipsorum, complent ejus decoctionem, & conservant, & si non, spargunt super eum aquam claram, solam, aut permixtam, cum pauco albuminis ovi, & dimittunt eum parumper, deinde experiuntur, sicut dictum est ante; quod si adhuc color syrupi non fuerit bonus, tunc reiterant asperersionem aquae super eum, & non cessant facere hoc, donec adveniat secundum intentionem suam. Et manifestum est, quod haec operatio reiterandae asperersionis aquae, debilitat virtutem syrupi. Iste igitur est melior modus faciendi syrupum de Limonibus, & manifestum est, quod hujusmodi syrupus confert omnibus juvamentis succi, quae diximus, nisi quod non confert impetigini,

petigini, & morseae, & pano, sicut confert succus Limonum; verum nos dicemus hic iuventa huius syrupi secundum viam aliam, & non curabimus replicare quaedam, quae praediximus.

Ex editione Parisiensi.

Nunc autem dicamus de syrupo de Limonibus simplici, & est ille qui fit ex succo Limonum cum saccharo, & modus compositio- nis est secundum hunc modum. Teratur saccharum, & ponatur in lebere lapideo, & est melius: aut in olla bene vitriata, quod si non fuerit ibi praesens, ponatur in vase aeneo linito cum stagno, deinde projiciatur in eo super quamlibet libram sacchari, pondus 3. iij. vel circa lactis noviter mulcti: si non fuerit lac praesens, tunc ponatur albumen ovi, & agitetur cum eo saccharum permixtione, seu agitatione bona, deinde projiciatur super eum aqua quantitate sufficienti, & moveatur quousque dissolvatur, deinde super ignem ponatur, & melior ignis est ignis carbonum, & dimittatur super ignem quousque ex ebullitione separetur, & elevata sit superius spuma ipsius tota, deinde properet ad removendum, & projiciendum eam, ut ipsa non submergatur, vel profundatur, & postea decoquatur quousque approximetur coagulationi, vel

L 3 inspif-

inpassationi , deinde projiciatur aliquid aquae Limonum , seu aliquid succi Limonum expref-
 forum super aliquid sacchari , ut non fiat ama-
 rus , & acerositas syrapi praedicti sit secundum
 quantitatem , qua sapor ejus delectet administran-
 tem , seu assumentem ipsum , nam ex homini-
 bus sunt , quibus conveniens est acerositas multa ,
 seu manifesta . Illud vero quod de eo occurrit
 consuetudo , apud plurimos homines , & apud
 Pharmacopolas Aegyptios est quod super quam-
 libet libram sacchari , projiciunt tres aut qua-
 tuor uncias succi Limonum , deinde decoquatur
 quousque redeat ab substantiam suam , quam pri-
 us habebat ante projectionem succi Limonum .
 super ipsum , postea allevietur ignis sub eo , &
 decoquatur quousque acquisierit bonam , & com-
 pletam spissitudinem , seu substantiam , quae se-
 curum reddit ipsum a corruptione ipsius , & ex
 hominibus sunt , qui intendunt bonificare colo-
 rem hujusmodi syrapi , quasi in hora decoctio-
 nis syrapi considerant , & inspiciunt accipiendo
 aliquid ex eo in vase vitreo claro , hora post ho-
 ram , & considerant colorem ejus : si enim color
 fuerit bonus , conformis intentioni ipsorum , com-
 plet ejus decoctionem , & conservant : & si non ,
 spargunt super eum aquam claram solam , aut
 permix-

Haec sententia
 apud me suspec-
 ta est ; nam totū
 oppositum crede-
 mihi , ut scilicet
 libra succi exigit
 uncias tres , vel
 quatuor sacchari .

permixtam cum pauco albuminis ovi, & dimit-
tunt eum parumper: & deinde experimentant
ipsum sicut dictum est ante: quodsi adhuc color
syrupi non fuerit bonus, tunc reiterant aspersi-
onem aquae super eum: & non cessant facere
hoc, donec adveniat secundum intentionem suam,
& manifestum est quod haec operatio reiterandae
asperisionis aquae debilitat virtutem syrupi. Iste
igitur est melior modus faciendi syrupum de Li-
monibus, & manifestum est, quod huiusmodi sy-
rupus confert omnibus juvamentis succi, quae
diximus, nisi quod non confert imperigini, &
morphae, & panno: sicut confert succus Li-
monum: verum nos dicemus hic juvamentum
huius syrupi, secundum viam aliam, & non
curabimus replicare quaedam, quae praediximus.

CAPUT VII.

De Syrupo de Limoniis.



I *Danieli le Clerc* (150) adhibenda fides est,
Arabes Medici, prae aliis, primi saccharum,
loco mellis, ad quamplurima conficienda
composita pharmaca usurparunt; unde &
primam Syruporum praeparationem iis ipse
attribuit. Ita enim non modo Aegrotorum utilitati,

L 4

verum

(150), *Histoire de la Medecine par Daniel le Clerc.*

verum etiam gustui consulere visi sunt; atque insuper ut vegetabilium succos, & fructus a corruptione diu praeservarent. Id ipsum sentit Petrus Poterius, (151) ita scribens: *Syrupi appellatio Hippocrati, & Galeno omnino ignota fuit. Id medicamenti genus jamdudum in Artem invexerunt Arabes, saccharo maxime reperto. Etenim licet perobscura sint ejus inventionis vestigia, ut apud M. Varonem, ejus tamen usus non erat notus, & praesertim Medicis. Alioquin Galenus in rebus sibi notis haud mutus, id silentio non involuisset. Verum Syrupi nomen Graecum ne sit, ab Opor & Syro, vel potius, a Syria & Otor, quod est liquor ex Syria, unde primum delatum saccharum, parum refert. Constat succum esse, vel decoctum saccharo conditum ad certam crassitudinem. Antequam autem Ebembitar de Specialibus iis proprietatibus edisserat, quibus Syrupus e malis Limoniis pollet, modum primo patefacit, quo ipse conficiendus sit, ut perfectior evadat, eaque caute vitentur, quae congruae ipsius praeparationi quomodolibet obstant. Ut itaque Syrupus iste paretur, excoqui primum jubet saccharum (antea, uti oportet, clarificatum) ad consistentiam debitam, cui subinde addatur succi Limoniorum, expressi super aliquid sacchari, ea copia, quae satis sit, ut illum aciditatis gradum acquirat, qui convenire merito videatur, tam relate ad assumentium gustum, quam relate ad Syrupi ipsius facultatem, & acuitatem. Huic insuper alium addit modum, apud Aegyptios familiarem, quod scilicet pro qualibet libra sacchari tres, quatuorve succi Limoniorum unciae commisceantur, ut inde coquantur ad opportunam consistentiam: identidem animadvertendo, num opus sit aquam ipsi addere, ut rite coloratus emergat: atque modus iste veluti melior ab ipso habetur.*

(151) Ictr. Poterius Pharmac. Spargyr. lib. 3. Sec. 2.

habetur. Eadem pene norma, atque utroque modo Syrupum hunc confici posse, praecitatus admonet Poterius: quod etiam pro arbitrio faciunt Pharmacopolae nostri, qui caeteroquin minorem sacchari dosim ut plurimum adji-
ciunt. Quomolibet autem parare eum quispiam malit, illud maxime requiritur, ut, si diu Syrupus iste asser-
vandus sit, ad crassiorem consistentiam coquatur, ac eo magis Aestatis tempore; cavendo etiam, *ne nimius coquatur, alias facile concret*: uti in annotationibus ad *Poterium* animadvertit *Hoffmannus*. Atque ad evitandam hujusce succi concretionem, ea non negligenda videtur cautela, quam apposite *Gesnerus* (152) opportunam existimat esse, ut ex hujuscemodi acidis succis Syrupi conficiantur: quod scilicet succi primo *per pannum, seu fil-
trum* trajiciantur, *alioquin coagulantur, cum refrigerint*: idque tam in acido Citri succo, quam in succo Limoniorum, & Aurantium servandum propterea esse monet. Atque circa haec nil ultra habeo, quod adferam: cum de eo agatur, quod vulgaribus etiam Pharmacopolis satis superque notum est; quorum alii nempe, pro conficiendo hoc Syrupu, unam, alii alteram methodum, uti iis placet, seligunt. Omnibus tamen aequè notum est, quanti referat, ut acidi praesertim hujusce Syrupi coctio in figulinis vitriatis vasis fiat, non autem in aeneis, nisi probe stans ea sint illinita. Nam in hisce, uti & in re culinaria, quam periculosus sit aeneorum vasorum usus, innumerae testantur observationes, quarum plurimae ab eruditissimo *Ignatio Vari* Publico Ferrariensi Professore typis nuperrime fuerunt vulgatae; praeter alia, quae, Praeside *M. Camillo Falconet*, in Parisiensi Academia circa hoc discussa, recenset praeclaudatus *Benvenutus* (153) Quaestio-
ne xv.

Ex

(152) Evonim. Conrad. Gesner. Remed. Secret. lib. 1.

(153) Dissertationes, & Quaestiones Medicae.

Ex Manuscripto Cremonensi

Dicamus ergo quod quando homo assumit aliquid ex hoc syrupo parum post parum deglutiendo abstergit illud quod reperit in gutture & gula & in meri & in stomaco de humoribus colericis grossis de flegmatibus viscosis & incidit ea & subtiliat ipsa & adjuvat ad ascendendum ad superius illud quod debet egredi per eam partem scilicet per vomitum & facit descendere illud quod debet descendere per inferius per secessum & humectat siccitatem oris & exsicationem linguae & palati & sitim abscondit; & si assumatur syrupus secundum modum praedictum post bibitionem vini minorat vapores & confert ebrietati & si sumatur in ore syrupus praedictus & deglutiatur parumper parumper & fiat cum eo gargarisma confert apostematibus gutturis: & duarum amigdalorum: & uvulae & squinantiae: & minorat effusionem materierum quae ad ipsa effunduntur: & aperit guttur & faciliat deglutionem & quando fit illa deglutio paulatina & gargarisma praedictum & fuerit syrupus huiusmodi calefactus supra tepiditatem parumper tunc incisio humorum viscosorum & iuvamentum ad squinantiam causatam ab humoribus grossis erunt magis ultima & fortiora; Et confert spasmo stomachico

matico humido conjuncto cum febre; Et solvit
 seu removet gravitatem seu impedimentum lin-
 guae prohibens ipsam a locutione: & confert
 praecipue spasmo infantium & puerorum acci-
 denti eis apud prolongationem febrium ipsorum
 & retentionem videlicet stipercitatem ventris
 ipsorum. In hoc enim non habet compar praeci-
 pue quando talis syrupus fit cum siracost aut
 tereniabin loco zucari quum juvamentum in ipsis
 quum hoc quod addit lenitatem ventris est majus
 & perfectius. Qui si ponatur in ore & dimittatur
 in eo donec molificetur lacertus gutturis & illud
 quod ex eo dissolvitur in ore dimittatur descen-
 dere paulatim & resudare in cannam pulmonis
 absque deglutione praecipue quod de hujuscemodi
 syrupo est inspissatum per se & aliquantulum gra-
 nulosum in modum arenae abluat cannam pul-
 monis & abstergit eam & lenit asperitatem ejus
 praecipue quando cum eo miscetur parum olei
 amigdalorum dulcium; Et confert tussi factae a
 catarris & a materiis grossis viscosis & faciliat
 sputum ejus quod in pectore aggregatum est:
 praecipue si addatur cum eo parum succi liqui-
 ritiae boni: & cum eo fit juvamentum in pa-
 tientibus. sotosi & pleuresim quando in eis est
 sputum difficile propter grossitiem & viscosita-
 tem

tem materiae & quando syrupus praedictus bibitur permixtus cum aqua frigida sedat sitim & excitat virtutem & vivificat eam propter nutritionem quae est in eo acquisita ex zucaro & contemperat complexionem & confortat membra intrinseca & infrigidat inflammationem stomachi & epatis & sedat furiam febrium acutarum praecipue si addatur ei juleb factum cum aqua rosata odorifera & comminutum fuerit in eo granum unum aut duo grana camphorae alfanfuri quando additum fuerit in eo aliquid mucilaginis psyllii sicut aut emulsio quorundam seminum frigidorum seminum portulacae & seminis cucumeris aut citruli & reprimat acuitatem colerae citrinae quando acetositas hujuscemodi syrupi fuerit manifesta, & extinguit inflammationem ejus & sedat ejus furiam vel commotionem & faciliat evacuationem ejus quod per vomitum oportet evacuari & faciliat resolutionem totius quod in ea oportet resolvi vel finire quia frangit qualitatem ejus, & malitiam ejus & nocumentum ejus propter incesum suum super membrum: & abstergit eam scilicet coleram: & removet angustiam stomachi & sincopim: & tristitiam causatam ex ipsa colera: & liberat a fumis seu vaporibus colerae nigrae generatae ex adustione & sedat caecam causatum in febribus &

& causatum ab humoribus acutis praecipue quando sumitur cum juleb supradicto aut cum rosis ipsis: & confert sodae: & vertigini: & scotomiae factae ex elevatione fumorum seu vaporum humorum praedictorum; Et abscindit colericam passionem & exstinguit acuitatem sanguinis: & confert serae: & bothor sanguineis & colericis: & sedat maliciam vini vel ebrietatis: & quando bibitur syrupus praedictus permixtus cum aqua calida abluit stomachum: & abstergit ipsum: & facit descendere ad inferiora illud quod de humoribus & superfluitatibus cibi reperitur: & illud quando aqua fuerit vehementis caliditatis: quantum bibenti sit possibile tolerare: Et facili-
tat egressionem earum per vomitum: & illud quando aqua fuerit tepida: & confert nauseae & subversioni animae & febribus antiquis generatis ex humoribus calidis & ex humoribus frigidis praecipue si decoquantur in illa aqua quaedam semina aut herbae subtiliantes provocantes urinam sicut camomila: & feniculus: & radices ejus: & semen ejus: & capillus veneris: & semen endiviae: quando enim patiens febrem interpolatam assumpserit eum in principio paroxysmi alleviatur horripilatio, & rigor & facilitatur tolerantia ipsius praecipue si accadat vomitus post ejus assumptionem:

ptionem: Et vomitus etiam cum hujusmodi syrupo factus quando continuatur quibusdam diebus & reiteratur ante cibum confert plurimis doloribus juncturarum generatis ex materiis compositis ex flegmate & colera citrina; & quando assumere volens medicinam solutivam mondificantem corpus ejus a superfluitatibus bibit hujusmodi syrupum diebus quibusdam ante assumptionem medicinae solutivae: subtiliat materias aggregatas in corpore ejus & incidit viscositates earum: & abluit & abstergit eas in viis ipsarum & faciliat vias in quibus est opilatio: quare ex hoc disponit corpus ut in eo agant medicinae praecipue si decoquatur in aqua quarundam medicinarum subtiliantium digerentium. Et quando sani assiduam ipsum syrupum praedictum tunc ab eo fit abstersio vel expulsio eorum quae sunt in stomacho de superfluitatibus digestionis ejus: Et mondificat vias epatis & bonificat digestionem ejus; & propter illud prohibet eum ab Aegritudinibus & malis dispositionibus: & conservat sanitatem ejus praecipue si cum hoc utatur exercitio ante cibum: & surgat a mensa cum reliquis sanis: & non repleatur cibo: Et quando homo assumpserit ipsum antequam datum sibi fuerit medicamen mortiferum tunc ipse expellit malitiam

tiam ejus: & resistit nocumento suo; Et quando ille cui datum est medicamen perniciosum assumit syrupum praedictum post evacuationem, omnium eorum quae sunt in stomacho factam cum vomitu vehementi seu sufficienti sumendo lac & butirum, & similia; resistit etiam nocumento ejus: & ipse syrupus est tyriaca veneni scorpionum de quibus supradictum est: & stat loco tyriacae magnae in liberando a morsu viperarum & serpentum & confert etiam veneno aliorum habentium venenum..

Cum idem pene sit hoc Caput in editione Veneta, ac Parisensi, utriusque textus omittitur..

C A P U T V I I I.

De juramentis pluribus Syrupi de malis Limoniis.



A quae supra de succi Limoniorum miris, ac multiplicibus facultatibus. Cap. 3. susse disseruimus, alia modo confirmant, quae de ejus Syrupi viribus indicavit *Ebembitar*. Attamen interest maxime, quod, utriusque hujusce remedii congrua prius facta comparatione, sedulo animadvertamus. (quod uniuscujusque vires, & agendi modum), quidnam revera a simplici succo

sicco potius, quid ab ejus Syrupo sperandum merito sit;
 juxta allatas Auctoris nostri notiones. Atque imprimis;
 ut arbitror, inscisciari nemo poterit, quod, uti ad hunc
 conficiendum Syrupum, ceu praecipuum remedium,
 Limoniorum succus requiritur; ita ab hoc ipso potissi-
 mae illius vires sint omnino repetendae. Quamobrem
 hinc facile quisque deducet, quod ideo minus ad agen-
 dum efficax sit habendus Limoniorum Syrupus, quam
 ejus succus seorsim (ut supra docuimus) usurpatus: quia
 iste, veluti simplex, sui juris (ut ita dicam) ad agen-
 dum semper permanet, secus ac de Syrupo verum com-
 peritur esse; ad quem scilicet parandum una saccharum
 requiritur, quod succi ipsius vires haud parum coarctet,
 aut saltem attemperat maxime. Praeterquamquod sac-
 charum hujusce succi vim tunc imminuit, tenuiores
 ejus particulas irretiendo; addendum insuper est, quod,
 dum, ignis ope, Syrupus conficitur, earum molecularum
 magna pars avolat, atque disperditur; ita quod succi
 facultates admodum debilitentur. Atque haec, quae obi-
 ter, quod ad Syrupi Limoniorum vires, & usum innuo,
 satis esse poterunt, ut quisque noscat, me non adeo vul-
 gari Medentium opinioni adhaerere, quod credam, Syru-
 porum etiam aliorum usum in Medicina revera necessarium
 generatim esse. Plura namque me movent, ut existinem,
 plerosque Syrupos aut inutiles propemodum esse, aut
 etiam nocuos; uti ex comment. *Ettmulleri in Schroderum,*
 & *Morelli* eo magis evincitur. (154) Verumtamen, ut-
 cunque

(154) Ettmuller. Tom. 2. Comment. in Schroder. Dissert. 1.
 de Remedior. selectu in notis ad text. Ludovici.

Caeterum cum ii ipsi Syrupi, propter saccharum copiosum non
 sint adeo magnarum virium; & si velimus, ut aliqui operentur, ne-
 cessum

cumque Syrupi Limoniorum vires longe minores existant, quam in simplici succo: nihilominus concedendum est, quod ille etiam utilis aliquando esse possit, atque tunc maxime cum succi vis, quod attemperata eo modo sit, oportet, ad peculiare usum; atque praeterea ut delicatulis satisfaciamus, utile dulci pro re nata commiscere.

Hisc itaque prae habitis animadvertionibus, eas modo

M

vires

cessum sit ut praescribantur ad unc. 4. 5. vel 6, pro dosi una assumendi: saccharum vero, propter vim fermentativam, paucissimis Subiectis, consentientibus omnibus, sit utile, quin potius in febris, in affectibus hypochondriacis, & similibus chronicis soleat esse nocivum; quandoquidem effervescentias auget, inflationes hypochondriorum inducit, Ventriculi tonum dejicit, & denique intumescencias, & infarctus Viscerum, Abdominis inducit: propterea non in tanto usu solent apud nos usurpari, atque veteribus fuerunt in usu: ut ut ab Italis adhuc interdum soleant nimis excessive praescribi, quibus tamen morem suum relinquimus.

Neque omittendum hic est iudicium Gedeonis Harvei in *Arte curandi morbos expectatione* cap. 18. n. 1. de Syruporum usu; quod revera ad propositum nostrum facit. Dicit itaque, quod Syrupus nihil aliud est, quam decoctio, vel succorum expressio, quorum particulae agilius evaporando, vel decoquendo, in fumum, vel in mucum, & sedimentum secedunt, quod ceteris ebulliendo, & sacchari sufficientem portionem adjiciendo, in Syrupum tunc est spissandum. Hoc acescente in corrodentem indolem, ad instar omnium saccharorum, & saccharo praeparatorum medicamentorum moris (sive sint conservae, loboc, rotulae, similiae) ingravandus, laedendus, & morbo affligendus est Stomachus. Insuper plurimum vegetabilium servatorum siccorum nonnulla eo (scilicet servando) virtute amplificantur, & alia non multum mutantur..... Sub finem octo, vel decem Syrupi intentionibus, & propositis necessariis omnibus abunde satisfaciendo sunt. Praeterea, quod in pluribus Syrupis mel, moderate detergentibus, & diureticis facultatibus donatum, saccharo sit antependendum, ulteriore non indiget argumento.

vires accurate perpendamus, quas Syrupo huic adscribit *Ebembitar*. Primum autem ipse monet, quod Limoniorum Syrupus, paulatim deglutitus, noxios ab Ore, & gutture detergit humores; eos insuper tam dissolvendo, si tenaces fuerint, iisque stricte adhaerentes partibus; quam eos attemperando, si quomodolibet iidem, acri qualitate sua, partes illas irritent, aut vexent. Utramque enim in hoc Syrupo facultatem (uti in succo diximus) vigere pro certo habet, ut nempe attenuet, atque detergat, ac una leniat, & humectet, ex quo sitim etiam extinguat. Haec vero duobus modis praestare Syrupus iste potest; tam si simplex in ore detineatur diu, prout fas sit, & paulatim deglutatur, quam si immixtus aquae ad modum gargarismatis usurpetur. Primo modo hic Syrupus prodest, adinstar aliorum, seu mavis, Julapiorum, quae, cum lambi guttatim ab Aegrotis soleant, *lambitiva* vulgo nominantur; sub quorum praecipue classe, ea recenseri possunt, quae ad promovendum excreatum in morbis Pectoris adhibentur. Uti autem haec fauces quidem, & superiores Laryngis partes lenire, & demulcere valent, & acrem tenaciorem lympham, iis partibus adhaerentem, ad excreatum sollicitare; tamen Tracheae cavum nullo modo subeunt: id ipsum de Limoniorum Syrupo dicendum pariter erit, quotiescunque in ore detineatur, aut simplex, aut oleo Amygdalarum dulcium, aut concreto Liquiritiae succo immixtus, aut alio modo, ut aliqui facere consuecunt. Etenim, si Syrupus iste, ita usurpatus, tussim unquam sedat; ideo id evenit, quia irritatas tunc a morboris ichoribus partes illas leniens, atque noxium illud gluten inde removens, & detergens, eas quoque ad motum aptiores facit, ita quod optato melius excreatui conferant, simulac minorem patiuntur stimulum. Sive itaque circa Laryngis,

gis, aut Pharyngis principium, sive circa Linguam, aut Velum palatinum, aliasve contiguas partes, insensae illae humorum stases factae sint, propter quas ardor, & aestus, cum dolore ibi fuerit excitatus; utilis erit Syrupus iste, diu in Ore detentus, usquedum paulatim deglutitus omnino fuerit. Efficax ad hoc praeterea fiet idem Syrupus, si congrua aquae copia solutus, ad modum Gargarismatis, usurpetur. Ita enim, dum affectas Oris partes frequenter abluimus, infixos ibidem tenaces humores dissolvimus, indeque detergimus, atque tandem educimus facile; tunc cum obortus ibidem aestus miro modo compescitur. Revera dum, adinstar Gargarismatis, hoc Syrupum utimur, ipse nedum uti leniens, attemperans, atque demulcens agit, verum etiam uti incidens, atque detergens, illudque propterea melius efficit, quod vel a Syrupum acetoso simplici, vel ab Aceto, cum modico sacchari, aquae mixti, sperare Medici passim solent, ut isti solvantur morbi. Illud tamen, quod ad Syrupi Limoniorum usum, in hisce morbis animadvertendum esse moneo, quod de simplici Limoniorum succo diximus supra, ut nempe sedulo caveat Medicus, ne eo tunc temere utatur unquam, cum suppuratio imminet, eoque minus cum facta jam sit. Ea namque occasione tantum abest, ut acida haec convenientia remedia, ut maturantia potius adhibere fas sit, ad eas citius, rursusque solvendas stases. Ast quotiescunque nulla penitus adsit suppurationis suspicio, Arabico Auctori nostro concedendum erit, quod in hisce morbis utilis per saepe Syrupus iste evadat, vel in aqua calida dissolutus, ut tenaciores attenuentur humores, atque proinde resolutio promoveatur: vel etiam in aqua frigida, ut novus impediatur humorum affluxus ad illas partes. Eaque propter assentiri minime renuo, quod utroque modo Syrupus iste profit Infantibus, dum ii spasmus vexantur, praecipue circa fauces; eo quia

M 2

acris

acris lymphæ ibi consistat, propter quod lingua quoque lædatur. Verum quia tunc Infantes illi sæpe abluendo Ori aut sunt inepti, aut renuunt id facere: propterea congruum videtur esse, quod identidem Syrupus simplex guttatim in ipsorum Os instilletur; unde eum facilius, atque libentius ipsi deglutient. Insuper approbo, quod alio modo Syrupus iste conficiatur, ita ut magis Infantibus illis prosit, qui stipticitatem Alvi patiuntur: quod nempe, loco sacchari, manna ad id utamur. Verum nihil exinde refert, quod *Siracost*, aut *Tereniabin* seligatur, ut *Ebembitar* meminit: cum præsto sit manna vulgaris illa, quæ penes Apothecarios nostros in usum Medicinæ prostat, quæ satis intento satisfacit. In eo autem differre putatur nostras manna, ab alia Arabum, quod (licet utraque eodem præstare posse effectus credatur) illa quidem succus sit concretus, ab Arbore Fraxini præsertim exsudans; (155) ista vero tanquam rotidus humor habeatur, qui de Coelo cadens, adinstar gummi, super cacuminibus Arborum consistens, ibidem granulorum more coacervetur. Eo magis ita confectus Syrupus iste opem adferet Infantibus, si verimibus sint vexati, ut enecentur, & educantur, alvo ad eum modum soluta.

Neque solum ad prædictas Oris evincendas affectiones plurimi, ad *Ebembitar* mentem, habendus est Syrupus iste, verum etiam in aliis peculiaribus morbis, qui in Ventriculo, Intestinis, Hepate, caeterisque Abdominis partibus eveniunt, quæ cum illis maximum commercium habent. Atque primo, si de Ventriculo laborante sermo sit, quotiescunque in ipso cruditates, aliive tenaces humores unquam adsint: id ipsum agit Syrupus iste, tepenti copiosæ immixtus

(155) Teatr. Farmaceut. del Donzelli part. 2.
Matth. Silvatic. Pandect. cap. 544.

tus aquae, plenisque haustibus ebibitus, quod praestare passim observamus Syrupum acetosum simplicem, eodem modo tunc administratum. Ita enim, dum ipsi morbosum Ventriculi aestum contemperat, haerentes ibi noxios humores dissolvit facile, nec non eos ita sollicitat ad motum, ut, juxta habitas tunc circumstantias, aut per vomitum eliminantur illico, aut per inferiores partes, aut etiam utroque modo Ventriculus morbosa illa sarcina solvatur. Hoc itaque modo longe magis utilis erit hic Syrupus, quando bilis acris, & aestuans abundat, eaque utcumque saeviens, Ventriculum quoque divexat: quippe quod hujusce remedii ope, tam furentis illius humoris effraenata vis compescitur, quam ea insuper ad motum urgetur adeo, ut supra, vel infra exitum obtineat. Cumque praesertim biliosarum febrium initio, atque earum praecipue, quae (tametsi periodum revera servant), prae aliis tamen perniciosae sunt, bilis magis aestuans, ac pene dixerim, corrodens dominetur, quae potissimum Ventriculo noxam adfert, unde cardialgicae gravissimae passiones oboriuntur: hisce statim succurret Limoniorum Syrupus, abunde in repente aqua ebibitus. Atque tunc simplicissimum, & blandum remedium hoc utilius, tutiusqueprehenditur esse, quam si opiata cito nimis exhibeantur. Nam haec, quae effectui (ut dicimus) solummodo prospiciunt, causam, (biliosum nempe humorem illum) nil prorsus attemperant, nec auferunt quidquam: secus ac efficit Syrupus iste, utrique simul indicationi satisfaciens. Eaque propter idem lene praesidium, antequam purgans remedium, si opus sit, assumatur, aequè proderit, ut hoc citius, & melius effectum suum sortiatur: eo quia Ventriculus ita viscidis humoribus illis opportune solvitur, qui scilicet aut purgantis illius pharmaci vim enervant, aut ipsi non leve repagulum parant, unde difficilius

cilius ad inferiores partes optatum prosequatur effectum, ideoque & Stomachus hinc gravius afficiatur. Si vero cendi vomitum nulla necessitas urgeat; alioquin autem bilis furorem, & febris summum aestum sedare fas sit, ac una stases in Hepate, vel in aliis Abdominis partibus obortas, avellere: speciatim intento satisfaciet Syrupus iste cum aqua frigida abunde, & saepe usurpatus, jejuno Stomacho. Tametsi enim ad hoc utilis aeque non sit Syrupus, ac succus Limoniorum simplex, eodem modo (ut supra fusius indicavimus) assumptus: tamen id ipsum quoquo modo efficere aptus erit: eo quia frigidae copulatus aquae, cum per vomitum sibi aditum parare fere nunquam soleat, ad interiora vergens, penitiores viscerum recessus penetrat, ut ibidem vim suam exerat. Ea propterea ratione, velut incidens, & penetrans hoc remedium, humorum infarctus, si qui unquam adsint, solvit, atque velut attemperans, atrae, citrinae, & alterius cujusvis noxiae bilis tumultus sedat, & arceat. Utrunque ideo Vertigini, Scotomiae, Stomachi passionibus, aliisque sympaticis hujusmodi morbis, qui ab eodem bilioso humore quomodolibet ortum habeant, opportune succurrit. Verumtamen ut effectus hosce fortiamur, haud quidem sufficit, ut semel, aut bis, aut paucis tantummodo vicibus Syrupus usurpetur, sed diuturno tempore, ut mane abunde sumatur, jejuno, ut diximus, Stomacho: quo scilicet modo bili, & sanguini intime commisceatur, ad ejus pravas corrigendas qualitates. Exinde patet ultra, curnam idem Syrupus cum aqua frigida copiose ebitus, ebrietati succurrat: et si, quod ad hoc, majorem in succo simplici, aquae immixto, facultatem eam inesse putem, quam plerique Aceto tribuerunt. Ejusmodi enim succus (uti ex dictis antea deducitur) volatiles, & admodum mobiles vini moleculas ita coerceat, ne sua vi nimium aestuent, atque rarefiant

rareſcant humores, neve proinde nervea ſtamina ad incongruas illas cogantur oſcillationes, quae in Ebriis dominantur.

Alio denique modo, quod proſit Syrupus iſte, nemo negabit, ſi Arabico huic Auctori concedamus, quod ipſe conſert plurimis doloribus *juñcturarum*, generatis ex materiis ſompoſitis ex ſlegmate, & colera citrina: quod porro phœnomenon cum maximi revera momenti ſit, neque facile concedi ab omnibus queat, opportunum cenſeo, ut paulo fuſius hic explicetur, ideoque melius Auctoris mentem aſſequamur.

Ii, qui de Arthritide anomala agunt, una conſentiunt omnes, quod Arthriticus humor ille, qui plerumque circa articulos conſiſtit, ibidemque circumambientes membranas, & adnexa ligamenta pungens, & irritans, aut in tophaſceas concretiones abiens, eaſdem partes ſummis cruciatibus afficiat: ille, inquam, ipſe in aream circulationis quaquaverſum propuſſus, aliis quoque intimis partibus labem adferre ita queat, ut alii graves, varii, contumacesque morbi ab hoc uno principio dimanent. Iſti autem inter ſe diſcrepantes ſunt, atque ſpecialia ſymptomata progignunt, ratione partis peculiaris, quae ſubinde afficitur, uti & ratione modi, quo morboſus ille ſomes ibidem infixus eſt. Hiſce propterea morbis nullum tutius, citiuſve praefidium evenit, quam ſi Arthriticus humor inſenſiſſimus ille, ſive ſponte, ſive Artis ope, removeatur inde, atque diſperdatur, aut ſaltem attemperetur admodum, aut denuo ad Articulos derivetur, ut ibi conſuetos exerat effectus. Atque huiuſcemodi Arthritidis vi-ces, iteratis obſervationibus confirmatae, ſatis utique probant, quod hoſtilis ille humor (quicunque vere ſit, ſive nempe phlegmaticus, ſive cholericus, ut priſci opinabantur Medici) tam ab extimis ad internas partes, quam ab

hisce ad illas devehī facile queat: ex quo diversi omnis morbi fiunt, qui & diversimode nobis molestiam, & cruciatum adferunt. Praesertim vero ab Articulis ad Intestina, nec non vicissim, humor iste transfertur: atque propterea Hippocrates observavit (156), quod qui articulari morbo detentus, Intestini dolore dextera parte vexabatur, quietior erat; hoc autem curato, magis dolebat: id quod insuper alibi confirmat. (157) Siquidem, humoribus ad Intestina depositis, (158) mirum non est aliquantulum Articulorum dolores allevari; ut, & iis curatis, iterum Articulorum dolores ingravescere. Non secus ac in dies experimur in iis, qui articulari morbo sunt obnoxii, ex magno humorum crassorum affluxu, & redundantis, Articulorum doloribus jam remittentibus, colicos dolores gravissimos suboriri, ubi praesertim intemperantius se gesserint, neque sibi medicamentorum purgantium ratione consuluerint. Tunc enim ideo gravissimi illi dolores eveniunt, quia Arthriticus humor, qui nempe consistere in Articulis solitus antea erat, postmodum in Intestinis haerens, cum inde nequeat educi, demum ex mora longe acrior fit, adeo ut eas partes facillime torqueat. Aliquando tamen, dum fausto omine hinc Natura Crises molitur, ideoque noxius humor ille ad exitum urgetur, dysentericus efficitur fluxus, quem si forte praemature nimis imprudens cohibeat Medicus, praesto sunt Articulorum morbi, aliique in internis partibus exurgentes: unde jure meritoque ita ait Hippocrates: (159) *Intempestive suppressa Intestinorum difficultas, abscessum in Colicis, aut Visceribus, aut Articulis inducit. Ac forte biliosa quidem in Articulis, sanguinea vero in Colicis, ac Visceribus abscessum facit.*

(156) Hippocr. lib. de humor. Sec. 2.

(157) Idem de Morbis Vulgar. lib. 6. Sec. 4. n. 3.

(158) Fösius in Comment. ibidem.

(159) Hippocr. Coac. praenot. n. 462.

facit. Qua porro suppressa inconstituto excretionē, sicuti hæmorrhoidali etiam, alii præterea graves, ac lethales quod accidunt morbi, *Fœsius* ibidem in Commentariis adnotat: atque huiusmodi sunt Insania, Apoplexiā, Melancholia, Pleuritis, Hydrops, sanguinis Sputum, atque Vomitus. Cumque ad eandem Hippocratis sententiam animum intenderit diligentissimus ejus interpret *Desiderius Jacotius*, morbosas hæc vices pari solertia, breviterque, sic explicat in Commentario. (160) Quod autem de abscessu ad Articulus scribit, ex sexto Epidemiorum intelligitur, quo loco docet, ab Arthritide ad dolorem Intestinarum, & contra permutationem sæpe fieri, per fluentiam humorum translationem ab Articulis in Colon, aut a Colo in Articulis. Vicissitudinarias hæc Arthritici humoris translationes, quæ innumeris aliisquin observationibus comprobantur, Celeberrimus præterea Immortalis *Boerhaavii* Commentator *Van-Svieten* (161) ita proposuit, atque rationabiliter explicavit. Verum quandoque & tales spasmi sunt in Intestinis ab aliis longe causis, quæ ad cognitæ acrimonie classes reduci nullo modo possunt. Illud latens morbosum in Corpore, quod ad extremos Artus delatatum, exquisita illa Podagrae tormenta facit, si ex imprudenti medela, vel effœti Corporis languore, ad solita loca deponi impeditur, sæpe in Visceribus abdominalibus horrendos spasmos excitat.

Atque hæc quidem ita summatim præfari consentaneum duxi, ut verisimilius pateret, quomodo nam Limoniorum Syrupus (atque fortalic efficacius eorum simplex succus) abunde, ac diuturno tempore, cum aqua frigida assumptus, conferat plurimis doloribus *Juncturarum*, iisque maxime, qui a *flegmate*, & colera citrina, juxta Hippocratis, & *Ebembicar* mentem,

(160) *Desider. Jacot. Com. 1. in lib. 6. Sec. 2. Hippoc. Coac. n. 38.*

(161) *Van-Svieten Com. in Aphor. Boerhaav. n. 648.*

mentem; oboriri creduntur. Eo quia hujuscemodi humores magna ex parte a colatorijs Abdominis procedunt, sive ii in Intestinis resideant, & inde ad Articulos deveci, dolores in iis pariant; sive ab Articulis secedentes, atque demum cum universa humorum massa in gyrum acti, in Intestinis, aut in aliis partibus consistent: utrinque patet, quod Syrupus iste *Juncturarum doloribus* optime succurrat; quippe quia Arthriticus ille humor eodem praesidio dissolvitur maxime, & attemperatur, ita ut non adeo facile Articulis adhaerere, neque in iis irritantem vim suam exercere valeat, uti antea solebat. Ex quibus omnibus jure deduco, quod Syrupi hujusce, atque praecipue Limoniorum succi, frequens usus non modo utilis esse queat illis, qui Arthritici sunt, dum morbus viget; verum etiam ad ejusdem insultus praecavendos, aut saltem arcendos.

Ob easdem vero rationes, propter quas diximus, quod iste Syrupus, uti par est, diuturno usurpatus tempore, ad *Juncturarum dolores* praecavendos aptus sit: ita cum *Ebembitar* asserimus, quod sanis quoque sit utilis, ad educendas a Stomacho *superfluitates*, aut alios tenaces humores, qui quidem purgantis cujusvis remedii actionem praepedire possint, aut saltem imminuere. Praeterea utilis pari modo erit ad detergendas vias Hepatis, atque attenuandos humores quoslibet, ac denique ad genitas in Visceribus Abdominis stases, & obstructions evincendas. Quibus morbis eo magis quod opitulari possit Syrupus iste, jure meritoque docet *Ebembitar*, si in illa aqua, cui immiscendus ipse sit, attenuantes, seu deobstruentes herbae, juxta indigentiam, ebullierint. Eosque effectus ut inde tutius sani quoque Homines obtineant, ad enarratos praecavendos morbos, ego quoque Arabici ejusdem Auctoris consilium probō; quod scilicet, qui hoc remedio uti velit,

is ante cibum satis exerceat Corpus, atque surgat a mensa cum reliquis famis, & non repleatur cibo. Cuique enim patet, opportunas Corporis exercitationes humorum motus sollicitare, nec non eisdem attenuare, solidorum vim elasticam augere, atque demum repagula quaeque tollere, quae remedium huiusce actioni unquam obstant. Huic quoque praesertim obest nimia alimentorum sarcina, quae Ventriculi digerentem vim enervat, ibidemque cruditates accumulat, ac proinde impedit, ne assumptum hoc remedium intimos Corporis recessus libere pervadat. Valet etiam Syrupus iste, minus tamen quam succus Limoniorum simplex, ad venenorum deleteriam destruendam actionem; sive de iis agatur, quae assumuntur, dummodo vomitus, ante remedii huiusce usum, satis fuerit excitatus; sive etiam de aliis, quae ab insensis Animalibus procedunt: veluti a Scorpionibus, Serpentibus, aut similibus: dummodo ipse, in aqua solutus, copiose, atque diu usurpetur. Neque praeterea mirum omnino videtur, quod idem Syrupus ita potens ab *Ebembitar* dicatur esse, ut tanquam praeservans habeatur remedium, ab effectibus veneni illius, quod unquam alicui postea propinari queat. Etenim non abs re erit, cum *Lanzoni* animadvertere, (162) gravius affici eos, qui jejuni arsenicum assumpserunt, levius vero, qui a pastu. Quod quidem, dum *Lucae Tozzi* testimonio probat, id ipsum se observasse ait in circumforaneo quodam arcanorum jactatore, qui, ut rudem illuderet plebem, arsenicum publice manducavit, absque noxa. Hoc autem accidit, ut ipse candidè fassus est, quia, ante praedicti arsenici assumptionem, cibus oleosus; ac pinguis usus fuit, quibus Ventriculi interior tunica, ad veneni particulas retundendas, fuerat obliterata. Nihilominus haud ignoro, quod observatio haec non

(162) Joseph Lanzon. Tom. 2. Observat. 233.

non omnino proposito nostro, satisfacit; eo quia *Limonius* hic agit de Veneno, quod potissimum in Intestinis, & Ventriculo suam exercit vim; tum etiam quia pingues illi cibi Stomacho tenaces moleculas suppeditant, quae ejus tuniceis arcte cohaerent. Attamen licet alexiteriae Limoniorum particulae, in aqua simplici dilutae; cito praeterfluant; eae ceteroquin diu, frequenterque usurpatae, sanguini immiscentur, eoque magis gastricae lymphae, aliisque Intestinatorum liquoribus: unde eorum diathesis ita disponitur, quod veneni actioni resistendi congruam nanciscantur facultatem: propter quod eorum supra laudavimus consilium, qui succum Limoniorum quotidie ebibere consueverunt, cum timeant, ne forte *Acquet* venenum iis dolose praebetur.

Verum quia, ut initio diximus, Syrupi hujusce speciales aliae proprietates, ex iis, quae fufius de Limoniorum succi viribus antea proposuimus, eruuntur facile; de hisce ultra differere supervacaneum existimo. Pleraque tamen ut summam adferam, *Geoffroy* teste dicam, (163) quod *Syrupus de succo Limonium* commendatur ad calculum, & obstructions Renum: item ad sitim, & aestum in febribus ardentibus: Cordis, & Ventriculo robur addit, & bilis effervescentiam compescit: ideoque haud infeliciter imbecillitates, lipothymias, vomitus, & singultus, febribus ardentibus supervenientes, curat. Quod si denique Syrupi istius vires cum iis comparemus sedulo, quae ad Syrupum acetositate Citri pertinent; utique concedendum erit *VVeckero*, (164) quod ille potius, quam iste vehementius infrigidat, & penetrat. Ideo speciatim contra putrefactionem valet, contra vermes, contra vehementiam caloris febrilis, & alios crudos humores.

Atque

(163) *Geoffroy* Tom. 2. *Mater. Med.* Part. 2. Sec. 2.

(164) *Joh. Jacob. VVecker*, *Medic. Syntex.* lib. 1. part. 3.

Arque demum ut omnia paucis complectar, quod ad Syrupi Limoniorum, eorumque maxime succi proprietates in enarratis morbis: ea quidem facilius admittenda fore, quisque concedet, quo magis tam rationi, quam experientiae conformia sunt, simulac antiquorum Medentium testimoniis evincuntur. Isti enim omnes (uti supra explicavimus) acidis hisce remediis peculiarem attribuunt vim, in Oris maxime, fauciumque morbis, ut eorum scilicet ope, si non tollantur penitus, ii saltem compescantur adeo, ut minorem Aegrotis molestiam adferant. Aretaeus, (*) praec aliis, docet, quod non modo tunc ex mulsis, cum lentis, aut byssopi, aut rosarum, aut palmularum, aut simul omnium decocto, collutiones fiant: verum etiam illiniendum totum Os esse, usque ad intimas fauces, simplicibus quidem, ut mororum, aut malorum punicorum, aqua maceratorum, succo, aut palmularum decocto. Idem Auctor (**) ad sedandos Articulorum dolores, praeter Marrubii decoctum quidem infusum, atque cataplasma ex ipsa herba, cum panis micis, aut cum hordei farina, animadvertit, quod malorum quoque Citriorum pars, non apta cibo, cum polenta, magnopere subvenit. Neque vero ad rem nostram alia Auctorum testimonia referam: cum ex iis, quae antea recensui, Limoniorum praecipue succi mirae facultates omnino pateant, uti & ejus Syrupi.

E

(*) Aretaeus de Curat. Acut. morb. lib. 1. cap. 7.

(**) Idem de morb. diuturn. Curat. lib. 2. cap. 12.

DIXIT ABENGIEMIHA quod Syrupus de Limonibus cum Citoniis est ille qui fit ex succo Limonum cum zucaro & succo Citoniorum cujus descriptio est haec. Permisceatur zucaram cum lacte & dissolvatur & abiciatur spuma ejus secundum quod dictum est in arte conficiendi Syrupum de Limonibus simplicem deinde proiciatur super eum pro qualibet libra zucari de succo Limonum & succo Citoniorum mundificatorum a semine & paniculis seminum suorum quantitas quae secundum dispositionem Aegritudinis & exigentiam debilitatis Stomaci videtur Medico necessaria; Aut secundum aliquos proiciantur pro qualibet libra zucari unciae tres de succo Limonum: de succo autem Citoniorum completorum & mundatorum a seminibus suis & paniculis ejus qui quidem succus jam ebullierit ita ut sit mundificata spuma ipsius, & diminuta fuerit pars ejus sexta aut quarta proiciatur pro qualibet libra zucari libra media ipsius succi Citoniorum praedicti & in decoctione Syrupi fervetur ordo in postponendo succum Limonum & sollicitudo quam praediximus quousque compleatur & tunc removeatur ab igne & conservetur: Juvamentum autem hujusmodi Syrupi

rupi est quod ipse confortat Hepar & Stomachum relaxatum recipientem superfluitates multas & abstergit quod in eo est de flegmate & de colera citrina : & prohibet fluxum ejus quod fluit de superfluitatibus ad ipsum & ad reliqua viscera & adjuvat ad bonitatem digestionis & confortat alistimbre & remover casum appetitus & sedat sitim & abscindit vomitum colericum & fluxum colericum & confert febribus accidentibus in eis : & retinet ventrem quando assumitur ante assumptionem cibi : & abscindit colericam passionem forti abscissione : & quando assumitur post vinum , adjuvat ad bibendum de eo multum & prohibet adventum ebrietatis..

Idem pene est in editione Veneta:

Ex editione Parisiensis.

DIxit etiam EBENGIEMIHA : quod Syrupus de Limonibus cum Citroniis. est ille, qui fit ex succo Limonum cum saccharo, & succo Citoniorum, cujus descriptio haec est. Permisceatur saccharum cum lacte, & dissolvatur, & abjiciatur spuma ejus secundum, quod dictum est in arte conficiendi Syrupum de Limonibus simplicem, deinde projiciatur super eum pro qualibet libra sacchari, de succo Limonum, & succo Citoniorum mundi-

Eundem credo
esse hic errorem,
de quo supra.

mundificatorum a semine, & paniculis seminum
suorum, quantitas quae secundum dispositionem
aegritudinis, & exigentiam debilitatis Stomachi
videtur Medico necessaria aut secundum aliquos
projiciantur pro qualibet libra sacchari unciae tres
de succo Limonum: de succo autem Citoniorum
completorum, & mundatorum a seminibus suis,
& paniculis suis, qui quidem succus ebullierit ita,
ut sit mundificata spuma ejus, & diminuta fuerit
pars ejus sexta, aut quarta projiciatur pro qualibet
libra sacchari media libra ipsius succi Citoniorum
praedicti, & in decoctione Syrupi praedicti ser-
vetur ordo in postponendo succum Limonum, &
solicitudine quam praediximus, quousque complea-
tur, & removeatur ab igne, & conservetur: ju-
vamentum autem hujusmodi Syrupi est, quod ipse
confortat Hepar, & Stomachum relaxatum reci-
pientem superfluitates multas, & abstergit, quod
inest de phlegmate, & de colera citrina, & prohi-
bet fluxum ejus quod fluit de superfluitatibus ad
ipsum & ad reliqua viscera, & adjuvat ad boni-
tatem digestionis, & confortat alistimbre, & re-
moveat casum appetitus, & sedat sitim, & abscin-
dit vomitum colericum, & fluxum colericum, &
confert febribus accidentibus cum eis, & retinet
ventrem quando assumitur ante assumptionem
cibi,

cibi, & abscindit colericam passionem forti abscissione, & quando assumitur post vinum adjuvat ad bibendum de eo multum, & prohibet adventum ebrietatis.

C A P U T I X.

De Syrupo Limoniorum cum Citoniis.



Ti facile nimis, atque fortasse magis, quam par est, simplicium quamplurium remediorum viribus tribuere, prisca plerique Medici consueverunt, ut non aequè in omnibus apud saniores fidem mereri videantur: ita minus iis credere ut plurimum possumus, quotiescunque de compositis agunt, atque praecipue de illis, quae ex diversis, atque etiam contrariis inter se simplicibus conficiuntur. Non ideo enim quia aliqua simplicia, seorsim sumpta, specialibus facultatibus polleant, inferre hinc nobis licet, quod eadem in unum coeuntia, pares utrinque vires obtineant, atque servant; ita quod, junctis pene, ut ajunt, viribus, ad illa quaeque revera valeant, quae a singulis sperare concessum erat, anteaquam in unum redigerentur compositum. Quinimo rationi consonum magis fore putavimus, si generatim innuam, quod, quo plura, eaque simul commixta, remedia adhibentur, eo magis dubius sit eorum effectus, relate ad peculiare indicationes illas, quibus unquam par sit satisfacere, ut Aegrotis prospiciamus. Idcirco saniorum quorumvis Medicorum ea est opinio, quod, ad faciendam Artem, multiplex remediorum apparatus, nisi

N

revera

revera nocuus, saltem inutilis ut plurimum evadat: quippe quod Natura (quae una tutior est morborum medicatrix, & agentium Medicorum norma) simplicitatem in omnibus servare, atque expetere semper videtur. Hinc factum esse arbitror, quod primus Medicinae parens Hippocrates, Naturae ipsius genium, & vires, si quis alter, accuratissime investigans, atque caute, prudenterque sequens, pauca admodum, eaque simplicissima, praescribere remedia semper visus sit; velut is, qui, ratione, & experientia duce, omnino cognoverat, quod, uti in caeteris, ita potissimum in Arte nostra, id, quod potest fieri per pauciora, non debet fieri per plura. Verumtamen non negaverim, quod aliquando plura in unum redigere medicamenta conveniat, ut optatum melius, & citius sortiamur effectum; quotiescunque scilicet ea singula, quae usurpantur, tantum abest, ut opposita inter se sint, ut omnia potius ad eundem finem penitus vergant: cujusmodi nonnulla apud Practicos exempla occurrunt.

Haec autem (de quibus aliquando fusius disserere in animo habeo) per transennam hic praefari consentaneum duxi, ut meum, qualecunque sit, adferrem iudicium de compositis aliis Limoniorum Syrupi formulis, quas in fine Tractatus *Ebembitar* adjunxit. Quemadmodum enim miram Limoniorum facultatem in simplici eorum succo potius, quam in ejus Syrupo simplici vigere, supra satis indicavi: sic potiore jure dubitandi locus adest, an vere Syrupus iste efficax speciatim sit, ut iisdem intersit usibus, si, ad *Ebembitar* mentem, Citoniorum succus eidem immisceatur. Ecquis enim ignorat, quantum revera differat acidus ille succus, qui a Citoniis exprimitur, ab altero, qui a Limoniis exit? In eo acerbum quid, seu austum dominatur principium; in hoc vero nequaquam: propter quod adstringens ille est, iste vero attenuans, incidens, & supra
modum

modum penetrans ; uti satis ostendimus . Aut itaque sola unquam adstringendi viget indicatio ; atque tunc succus Citoniorum simplex , absque Limoniorum succo eisdem satisfaciens : aut attenuare , detergere , vel incidere quomodocunque expedit ; & iste tunc sine illo non modo sufficiens , verum etiam ad hoc magis efficax erit : unde utrinque quo simplicior instruetur curatio , longe maiorem ea laudem merebitur . Quid ? quod si animadvertamus , plerosque effectus , quos composito Symplo cum Citoniis *Ehembitar* adscribit , solius succi Limoniorum actioni tribuendos esse . Nec enim quispiam melius , quam Limoniorum succi praesidio , Hepati , vel Stomacho phlegmaticos humores , vel choleram citrinam absterget ; abscindet *colericam passionem forti abscissione* ; aestuantium summiopere febrium accidentibus occurret ; & sitim sedabit , ut alia omittam plura bona , hisce non absumilia , quae ab hoc uno repeti posse , fufius demonstravimus : quibus omnibus phoenomenis opem adferre succus Citoniorum minime valet . Quotiescunque vero vomitus , aut cholericus adsit fluxus , nec non appetitus inde languescit , adstringentia non ideo conveniunt , ita ut Citoniorum succus illico sit indiscriminatim usurpandus . Esto enim quod pravi effectus illi ab aestuante , & copiosa bile (quod plerumque contingit) originem obtineant : ea cum adsit occasio , qua , juxta Hippocratis monitum , & vomitus vomitu curatur , & fluxus fluxu ; non ne adstringentia , neglectis congruis remediis aliis , praescribere , mercede idem sane foret , ac morbosam eam causam in Corpore firmare , quam caeteroquin incidere , attenuare , compescere , atque tandem educere penitus fas esset , ne inde peiores postea contingerent aerumnae ? Profecto qui in hisce circumstantiis inconsulte adeo se gerunt , tantum a sana curationis methodo aberrant , quantum refert ad Medicinam

nam rite faciendam, ut veram morborum causam nunquam omnino negligamus, effectibus utcumque evincendis dumtaxat intenti: qui quidem summus omnium error est in Arte nostra, quem, pessimo nescio quo fato, familiarem nimis esse, etiam atque etiam saniores omnes conqueruntur. Attamen in casu nostro, si placet, concedamus etiam Arabico Auctori, quod immoderatus adeo vomitus, & fluxus aliquando eveniat, cui statim aut succi Citoniorum, aut alterius efficacioris adstringentis remedii praesidio, penitus oporteat succurrere: nunquid pro votis res tantummodo tunc cederet, quum Syrupo Limoniorum cum Citoniis utemur, & non aliter? minime sane. Abunde tunc Aegroti exhibant Limoniorum succum cum aqua frigida, sine saccharo: aut saltem Syrupum, qui ex eo fit, juxta allatam supra normam, capiant. Quod enim dum fiet, ut peccantium humorum effraenes compescantur aestus: seorsim, pro ratione speciali morbi, adstringentia poterunt administrari, quae immoderatum eorum motum, seu potius tumultum, opportune coerceant. Ita vero simpliciore methodo, ideoque tutiore, utriusque indicationi fiet satis, quin compositus ejusmodi Limoniorum Syrupus cum Citoniis frustra in usum revocetur. Atque ex hisce facile erit inferre, quod ad pompam potius confectus esse videatur Syrupus ille; qui propterea, nisi ut nocuus, saltem ut inutilis haberi merito queat: cujusmodi aliae sunt nimis compositae remediorum praescriptiones, quae tanti fieri a vulgaribus Medicis consueverunt; uti eae forsitan ipsae, quas ab Auctoribus depromptas, eruditionis potius gratia, supra recensui. Iis enim quoque fas erat satisfacere, qui a simplicitate alieni, compositis hujusmodi remediis fidem praestant, & aliquando fortassis non immerito.

Ex Manuscripto Cremonensi.

ET dixit ABENGIEMIHA Syrupus vero de Limonibus factus cum menta est Syrupus factus cum succo Limonum & zucaro & succo mentae aut ex ipsa menta cujus descriptio est quod fiat sicut dictum est de syrupo de Limonibus simplici propter hoc quod hora qua projicitur succus Limonum projiciatur manipulus unus mentae viridis mundificatae a pulvere mundificatione bona cum panno leni & dimittatur in eo quousque accipiat virtutem ipsius mentae postea extrahatur & exprimatur deinde abjiciatur menta expressa aut projiciatur super syrupum praedictum in hora ebullitionis ejus aliquid de succo foliorum mentae & ramorum ejus recentium tenerorum depurato; & manifestum est quod virtus syrapi de Limonibus facti cum succo mentae est fortior quam factus cum foliis mentae & juvamentum quidem syrapi de Limonibus facti cum menta quod ipse confortat stomachum relaxatum & bonificat ejus digestionem & removel nauseam & subversionem animae & abscondit vomitum factum ex permixtione flegmatis cum colera citrina: & confert vomitui flegmatico & melanconico etiam: & removel corruptionem cibi & confert singultui humido:

N 3

&

& ei quem momordit canis rabidus antequam
fugiat ab aqua.

Ex editione Veneta.

ET dixit ERENGEMIHA Syrupus vero de Limonibus factus cum mentha, est syrupus factus ex succo Limonum, & zuccharo, & succo menthae, aut ex ipsa mentha, cujus descriptio est, quod fiat sicut dictum est de syrupo de Limonibus simplici praeter hoc, quod hora, qua projicitur succus Limonum, projiciatur manipulus menthae viridis mundificatae a pulvere mundificatione bona cum panno lini, & dimittatur in eo quousque accipiat virtutem ipsius menthae, postea extrahatur, & exprimatur, deinde abjiciatur mentha expressa, aut projiciatur supra syrupum praedictum aliquid de succo foliorum menthae, & ramorum ejus recentium tenerorum depurato, & manifestum est, quod virtus syrupi de Limonibus facti cum succo menthae est fortior, quam factus cum foliis menthae: Et juvamentum quidem syrupi de Limonibus facti cum mentha est, quod ipse confortat Stomachum relaxatum, & bonificat ejus digestionem, & removel nauseam & subversionem animae, & abscondit vomitum factum ex per-

permixtione flegmatis cum colera citrina & confert vomitui flegmatico, & melancolicho etiam, & remover corruptionem cibi, & confert singultui humido, & ei, quem momordit canis rabidus, antequam fugiat ab aqua.

Ex editione Parisiensi.

ET dixit EBENGEMIHA: Syrupus vero de Limonibus factus cum menta, est syrupus factus ex Limonibus, & saccharo, & succo mentae, aut & ipsa menta: cujus descriptio est, quod fiat sicut dictum est de syrupo de Limonibus simplici, praeter hoc, quod hora qua projicitur succus Limonum, projiciatur manipulus mentae viridis mundificatae a pulvere mundificatione bona cum panno lini, & dimittatur in eo quousque accipiat virtutem ipsius mentae, postea extrahatur: & exprimatur deinde abjiciatur menta expressa, aut projiciatur super syrupum in hora ebullitionis ejus aliquid de succo foliorum mentae, & ramorum ejus recentium tenerorum deinde ebullito: & manifestum est quod virtus syrupi de Limonibus facti cum succo mentae, est fortior quam factus cum foliis mentae: juvamentum vero syrupi de Limonibus facti cum menta est, quod iste confortat Stomachum relaxatum, & bo-

nificat ejus digestionem, & removet nauseam, & subversionem animae: & abscindit vomitum factum ex permixtione phlegmatis cum colera citrina, & confert vomitui phlegmatico, & melancolicho etiam removet corruptionem cibi, & confert singultui humido, & ei quem momordit canis rabidus, antequam fugiat ab aqua.

C A P U T X.

De Syrupo Limoniorum cum Mentha.



EA, quae in antecedente Capite, quod ad Syrupum Limoniorum cum Citronis, ejusque vires, & actionem, candide diximus; quid de Syrupo Limoniorum cum Mentha sentiendum merito sit, unicuique ostendunt. Quapropter quin eadem repetam, solummodo dicam, quod, cum ego semper in conficiendis remediis, iisque praescribendis, si quis alter, simplicitatis aequae, ac veritatis amator fuerim; ita neque in hoc *Ebembitar* iudicio acquiescere possum, ut credam, Syrupum hunc Limoniorum cum Mentha necessarium revera esse, ad exercendam rite Artem. Etenim nec quidquam hinc moveor, quod ideo ab Auctore Syrupus iste proponatur, quia *confortat Stomachum relaxatum, & bonificat ejus digestionem, & removet nauseam, & subversionem animae, & abscindit vomitum factum ex permixtione phlegmatis cum colera citrina: & confert vomitui phlegmatico, & melancolicho etiam, & removet corruptionem cibi, & confert singul-*

frigidum humido, & ei quem monordit Canis rabidus, antequam fugiat ab aqua. Nam varii effectus isti, cum per emphasim potius, ut ita dicam, enuntiati ibi sint, haud penitus merentur fidem. Enimvero, quidquid sit de specilibus Menthae facultatibus, quae a Botanicis omnibus distincte proferuntur, (quas porro & praclaudent *Platina* (*) noster accurate consideravit) minime intelligo, quod eadem illa vires seruet, tunc cum, ad parandum hunc Syrupum, Limoniorum succus, cum succo Menthae copulatur. Siquidem Mentha, teste Dioscoride, (165) calefaciendi, adstringendi, atque exsiccandi vim habet. Limoniorum vero succus (uti supra demonstravimus) refrigerat, attenuat, incidit, dissolvit, & humorum effervescentias mirifice compescit. Quicumque ideo oppositas e diametro vires haec in unum redigere tentans, succum Menthae cum Limoniorum succo conjungit, ut iste Syrupus efficiatur, an non is revera videtur esse, qui, ut adagio fertur, *quadrata rotundis*

(*) *Platina de honest. volupt. & valet. lib. 3. de Mentha, de qua quidem cum aliqua ibidem referat, quae ad propositum nostrum faciunt, ea hic exscribere congruum existimo. Sic itaque de ipsa loquitur. Mentha suavisissimi odoris herba est. Hanc fuisse puellam a Platone amatam ferunt Poetae, versamque in herbam sui nominis a Proserpina, tunc pellex erat: hinc praeterea mentulam dictam, quasi donum amoris, vel quasi meritam, vel quod mensa grato odore percurret. Excitat enim haec herba, propter inflammationem, & humiditatem, demerentem Venerem. Hanc ob rem crediderim, veteres exercituum Duces utiisse, militem, quem castum volebant, unde & Castra sunt dicta, hac herba vesci. Appetentiam inducit Mentha: & obesos a marcescentia conservat: Lactum cor reddit: Stomachum juvat: Lumbicos interficit: contra morsum Canis rabiosi valet plurimum. Seritur Mentha aequinoctio Verno: melius tamen surculo venit, quam semine: humido minus gaudet &c.*

(165) Andr. Mathiol. in lib. 3. Dioscorid. cap. 35.

rotundis immiscet? Ego profecto consilium hoc haud unquam probabo. Quod si nihilominus aliquis, utens jure suo, Menthae vires cum iis, quae Limoniorum propriae sunt, copulare velit; optato potiri sine commode poterit, si congruam Limoniorum Syrupi dosim alteri Syrupi Menthae dosi, pro lubito, adjiciat, quin compositum *Ebembitar* Syrupum usurpet: coque modo, pro re nata, omnibus satisfacere indicationibus poterit, atque contrariis etiam inter se, si ad id revera opinione seratur. Ne vero Novatoris nomen mihi asciscam; fere ac si composita quaeque remedia ab Arte nostra indiscriminatin proscribere velim; cum iis, qui compositarum ejusmodi formularum fautores sunt, liberalius agam. Eorum propterea opinioni modo favens, uti possum, ne dum allatam ab *Ebembitar* istius Syrupi praescriptionem aequo iis animo relinquam; verum etiam alias magis compositas subnectam, ut illis, si placeat, utantur: qua quidem ratione gratam ipsis me rem praestare confido.

Cum expertissimus *Riverius* (166) ad roborandum Ventrículum, praeter alia, cortices Citri, & Aurantiorum conditos commendat maxime, ita etiam animadvertit; quod, quia Citri cortex saepe ab exsiccatione duritiem contraxit, ut dentibus facile comminui non possit, cogimur non raro eum in mortario marmoreo contundere cum aqua rosarum in formam opiatae. Ibi insuper compositum syrupum de *Abfynthio* Penae describit, quem apud Parisienses maximo in pretio fuisse dicit: cujus haec est descriptio.

R. Cortic. Citri saccharo condit. & in
 saleolas diffect. lib. semis.
 Coquantur in aequis partibus Aq. Cichorei, &
 Agri-

*Agrimoni, usque ad putrilaginem.
Expressiōi fortiter factae adde
Succi Citoniorum, & Aquae stillatae*

*Absynth. pontic. an. lib. semis;
quibus simul mixtis, infunde per quatrīdium Schoenanth. unci.
quatuor, in vase bene clausa vitreato, super cineres calidos.
In expressiōe, fortiter facta, dissolve
Sacchari albissimi quantum satis. Coquantur postea in Syru-
pum perfectum, in qua calente dissolve
Ambrae Cineritiae drachm. unam.*

In Antidotario nostro Mediolanensi, in eundem pene finem, describitur modus conficiendi Syrupum de Menthā majorem Mesve, cui alium sere similem Bononiense Antidotarium ita proponit.

R.^s *Succ. Citonior. Muzor. & dulcium,
Granator. acetosor. dulcium, &
Muzor. an. lib. unam & semis.
In hisce succis macerentur sequentia
Rosar. rubrar. unci. duae,
Menthae sicc. lib. una & semis.*

*Coquantur deinde cum facilitate, usque ad medietatis consumptionem: colentur, & colaturae adde Sacchar. albiss. lib. duas.
Coquantur ad perfectionem, & cum reponis, aromatiza cum
Galliae Moschatae drachmis duabus, in petra ligatis, atque
in officio vasis suspensis.*

Aliam denique addam normam conficiendi Syrupum Dia-citri rosatum, quem usus maximi esse docet Hadrianus a Mynsicht, (167) dum eum sic describit.

R.^s *Succ. Citri, & Limon. per pannum, aut filtrum, sine
ulla vi, vel expressiōe destillator. & cum Rosar.
rubr.*

(167) Hadrian. a Mynsicht Thesaur. Med. Chymic. Sec. 6.

rubr. prius, rubini inflar, tinēt. an. lib. unam.

Rob de Berberis,

de Ribes an. unci. octo.

Syrupi de Agrest.

Oxyfacchari, Rub. Id. i optim.

Fragorum an. unci. quatuor.

Aq. Cinnamom. Buglossat., in qua

Species Diarrhod. Ab. infusae fuerint,

unci. duas.

Nitri praeparat. drachm. unam & semis.

Mixta decoque, ut est Artis, & fiat

jusae consistentiae Syrupus.

Si Hadriano a Mynsicht in hoc fidem omnino quis praestet, is utique concedet, quod Syrupus iste, quod ad proprietates suas, longe sit illo praestantior, quem cum Limoniis, aut Citoniis, aut Mentha confici docet *Ebembitar*. Hadriano enim teste, *potentissime refrigerat, penetrat, siccatur, & a putredine vindicat. Febris malignis, biliosis, morbisque contagiosis plurimum confert. Ebrietati, venenis, & pestilentiae saluberrime resistit. Intemperiem calidam Capitis, Cordis, Ventriculi, Hepatis, Idem, Viscerum, omnemque hunc extinguit. Remanens aëstus emendat. Urinas, & sudores movet. Vomitus biliosum reprimat. Cholerae medetur. Cardiacis, Dysentericis, & Coelacis, purgato prius Corpore, succurrit. Dosis ab uncia dimidia ad unciam iohannem, & duas per se, vel in vehiculis specificis, affectum proprie respicientibus. At cum ego Auctor esse nequeam, ut tam multiplices, varii, & miri effectus credantur, sat erit dicere, quod, si ii vere admittantur, fas quoque sit concedere, quod, qui eo Syrupus est munitus, nulla pene alia remedia poterit exoptare, ut optime Medicinam faciat. Quod cum minime admittere velim, fides sit penes Auctorem ipsum, qui caeteroquin adeo compositis remediis, plusquam par est, favere consuevit.*

Ex

Ex hisce itaque cum omnino pateat, me praeter modum ejusmodi compositis pharmacis minime fidere, necnon iis cum fiducia potius uti, quae, utpote simpliciora, vim suam magis indicant: eo minus cum *Ebembitar* concedam unquam, quod Syrupus Limoniorum cum Menthâ, praeter alia, potens adeo sit, ut illi opem satis adferre valeat, quem *monordis Canis rabidus*, antequam fugiat ab aqua. Nam hoc venenum, si quod aliud, efficacissimum est, ejusque indoles, & agendi modus omnino latet: licet ab ortu Medicinae, quotquot experti, accurati, doctissimique, usque in hanc diem, fuerunt Medici, conati sint, ut eorum omnium, quae ad insensissimum virus hoc, ejusque medelam pertinent, certiores fierent. Et quamvis multa propterea a sanioribus ubique fuerint vulgata, adhuc circa hoc veritas in Democriti, ut ajunt, puteo prorsus delitescit: ita ut aliquid certi evinci nondum potuerit. Quemadmodum vero inter tot ambages, & tenebras, meum etiam, utcunque sit, adferre judicium licet; haudquaquam vereretur asserere, quod illud unum demorsis a Cane rabido praesidium, caeteris tutius, adsit: ut nempe, si possibile sit, illico post inflictum vulnus, affecta pars forti vinculo superius devinciatur adeo, quod, ab ea regressu sanguinis ad alias partes denegato, penitus impediatur, ne virulentus ille tenuissimus humor, in aream circulationis cum sanguine properans, eum unquam inficiat. Hoc autem praestito, laesae parti, supra vulnus, apponantur cucurbitulae, congruis ibidem factis incisionibus: quo modo eo usque sanguis inde extrahatur, donec, qui a loco ligaturae, usque ad extremum partis illius, in venis continetur sanguis, is affatim, & ocysime prodeat. Verum hoc, tamen, uti arbitror, omnium summum praesidium sit; illud tamen tunc solum valet, cum extrema Corporis fuerint vulnerata, quippe quod in iis solum.

solummodo ligaturae possint institui: secus autem, si alibi in Capite, aut in trunco infortunium huiusmodi contigerit. Insuper animadvertimus, quod, cum virus illud summopere sit mobile, nec non penetrantissimum, nemo unquam sibi persuaserit, quod opportuno tempore praefixum istud in usum possit revocari, antequam scilicet illud virus intima Corporis penetralia pervadat. Atque animadversiones istae quoque valent, si Aegyptiorum imitati morem, (qui, ut Cap. 3. Artic. 7. monuimus, ietam a Scorpiis quibusdam partem ex toto *seissione* abdicare solent) etiam demorfas a rabidis Canibus partes omnino tollere velimus. *Crudele hoc consilium*, etiamsi, a Celeberrimo *Savvages* praecipue propositum, praeclaudatus *Van-Svvieten* (168) indicet; jam dudum utile, ac necessarium in hisce circumstantiis existimaverat *Johannes Andreas a Cruce*, (169), atque tunc etiam, cum ab aliis venenatis animalibus Homo fuisset vulneratus. Cumque curationis ista methodus, speciales animadversiones (quae maximi sane momenti mihi videntur esse), in se contineat; minime Tyronibus praesertim, in jocunda erit opera, si eam hic adamussum referam. Est] autem huiusmodi: *Tota*, si fieri potest, aut saltem ea pars, quae veneno affligitur, abscindatur. Dignoscitur quidem, quia a sana, & naturali variat, quippe pallida, aut sublivida, aut emortua apparet. Si vero ex toto separari nequit, profundis scarificationibus saltem locus feriatur, ut sanguis malus expurgetur: nec ideo alienum erit cucurbitulas adhibere, vel ut psillus, siue vilis Homo, ore proprio sano, sed prius praeparato, simulque & Ventrículo, esu nempe *Ruthae Sylvestris*, aut salis, *Ruthae*, & caricarum, ac aceto abluto vulnus exsugat, cui inde tale applicetur medicamentum.

Recipe

-
- (168) Van-Svvieten Com. in Aphor. Boerhaav. §. 1143. n. 1.
 (169) Jo: Andr. a Cruce Chirurg. Sec. 1. lib. 7. cap. 6.

R:

*Terebenth. clar. unc. duas.**Ol. Hypericon. unc. unam.**Theriac. optim. unc. semis.**Euphorb. recent.**Terrae Sigill. an. unc. duas.**M. & parum bulliant.*

Aut imponatur Aegyptiacum bis, aut ter, cui non est par: vel praecipitatum hydrargirum cum Theriaca. Loca vero circumvicinata ipso armeno, aut Dianae sigillo, aceto rosato soluto, si praefectus fuerit auxilium, succurrantur. Inde Medicinis, strenue attrahentibus, venenum evocetur, vel ignito Cauterio, si locus nervosus, aut arteriis, venisque plenus non fuerit, saepe aduratur, donec tota malignitas, quae talis est, & non simplex venenum, consumpta fuerit. Siquidem contra virulentos hoc ictus tale praesidium expeditissimum est: utpote cum ignis caetera viribus praefectus. At si uri non potest, a venis Cordi, ac vulnere longinquis, si vires validae sint, sanguis mittatur. Si vulnus angustum fuerit, primis diebus turundae parentur ex adipe suilla, adeo ut totum impleant vulnus. Est sane in veneno extrahendo secretum mirabile. Si vero carnem totam a veneno amputatam circumcidere non possit, non abs re fore iudicatur, profundis scarificationibus circumiacentes regiones aperire &c. Quatenam autem ex recensitis modo curationibus (an ea scilicet, quam imprimis attuli, an altera, ab expertissimo Chirurgo a Cruce proposita) rationi consona magis videri queat, ex eo solum possumus iudicare, quod statuamus, utrum intrusum a Cane rabido virus in affecta parte diu commoretur, anteaquam ad sanguinis massam transeat; an potius ab absorbentibus laesae cutis porulis, & vasculis illico receptum, festinanter inficiat sanguinem. Quia tamen utrinque variae, & oppositae pene observationes emergunt, quid certi circa hoc statui revera possit, haud satis patet. Ideo licet existimaverit Sak-

vires eruditissimus, solidas potius partes hoc veneno inhihi, quod ab viscositate illis sumiter adhaereat, donec mora, aliisque casis accedentibus, in actum deacatur, attenuetur, fluidis miscetur, inficiat omnia: seu, quod idem est, in ipso vulnere contagium haereat impressum diu: nihilominus (170) praecitatus Van-Svieten, praeter alias observationes, oppositae faventes sententiae, analogia petita a varioloso ichore, sanguini communicato, verisimilius existimat, quod venenum illud vere ad sanguinem transeat, atque cum eo in gyrum adigatur, etiam si statim suos minime prodat effectus. Atque hoc rationi ideo magis conforme est, quia virus illud Canis rabidi subtilissimae, & mobili admodum salivae immixtus est, quae propterea, prae tenuitate sua, sanguiferorum vasorum hiatus subire perquam facile potest. Ex quo itaque, ut opinor, inferendum est, quod ea, quam ego primo proposui, curatio (dummodo congruo tempore perfici revera possit) omnium melior, & tutior sit dicenda, ac eo mitior, quam altera, quae demorsae partis omnimodam postulat abscissionem.

Haec autem cum ita sint, jure meritoque in propositum nostrum par erit statuere, quod si nulla alia certa pharmaca contra teterrimum venenum hoc innotuerunt; ita & nullo modo sperandum a nobis sit, quod indicatum ab *Ebenbiter* hujusce Syrupi antidotum, id revera efficere queat, etiam si demorsi a Cane rabido nondum ab aqua fugiant. Eodem quippe teste (171) *Van-Svieten*, alia etiam curatio quaevis, quae in demorsis aquae motum praecaveret, nondum ad illam certitudinem deducta est, ut absque omni metu huic confidere possimus. Quod si nihilominus Syrupo huic facultatem aliquam concedere quis velit, non ad destruendum penitus

virus

(170) Van-Svieten Com. in Aphor. Boerhaav. §. 1138.

(171) Idem ibidem §. 1141.

virus hoc, sed ad illud saltem ita corrigendum, ut, quiescunque sanguini immixtum sit, tam graves non adferat aerumnas: illud a succo Limoniorum magis, quam ab hoc Syrupo potiore jure sperandum erit. Esto enim, quod hoc Hydrophobiae venenum (uti monet (*) Praeclar. Allionius) communes habeat proprietates cum hostili Miliarium febrium miasmate, atque huic insuper corrigendo apta praecipue sint, ut ipse ait, acida vegetabilia remedia, & in primis Limoniorum malorum succus: opportunum erit dicere, quod iste quoque in Hydrophobiae curatione plurimi merito sit aestimandus; ut eum scilicet abunde, frequenterque, in aqua simplici solutum, infecti a Cane rabido Aegroti bibant.



O

E

(*) Carol. Allion. Tract. de Miliar. origine, progressu &c. Cap. XIII. §. 174. Cap. X. §. 145. Cap. XIV. §. 188, 190, 198.

Ex Manuscripto Cremonensi.

Dixit ALTEMIMI acetum Limonum quod est succus acetositatis eorum soli expositum est calidum in primo gradu primi & caliditas in eo est accidentalis acquisita ab acuitate & aromaticitate quae sunt in cortice eorum apud expressionem ipsorum Limonum cum toto cortice; Siccitas vero aceti seu succi supradicti est in gradu tertio: & huiusmodi succus est confortans stomachum debilem: faciens odorem oris bonum: excitans appetitum cibi: resolvens humiditates grossas: conferens flegmati grosso generato in stomacho: & conferens etiam venenis perniciosis ebibitis aut ab extra accidentibus in corpore, sicut morsui scorpionum & serpentum & morsui scorpionum algierarat & aliis speciebus scorpionum. Quandoque autem decoquuntur pulli proximi galli cantui vel proximi ut possint coire & galinae pingues & carnes lactentium agnorum & aedorum pinguum ponendo de huiusmodi succo Limonum & parum mentae & spicae & cinamomi & galangae & croci & zucari: & multiplicetur in eis quantitas amigdarum excorticatarum contusarum, & provenit ex his omnibus cibus bonus mirabilis delectabilis saporis nutrimenti jувativi; & fit ex succo supradicto.

prædicto Syrupus conferens venenis quorum commemoratio dicta est: & conferens etiam Squinantiae flegmaticae quando cum eo puro aut mixto cum cortice nucis fit gargarisma; Et quandoque fit ex Limonibus condimentum conferens stomaco confortans ipsum sua aromaticitate: excitans appetitum adjuvans digestionem stomachi: conferens etiam adustioni & pustulis seu bothor accidentibus stomaco factis ex putredine flegmatis aut a colera nigra.

Idem pene est in editione Veneta, & Parisensi.

CAPUT XI.

De qualitatibus succi Limoniorum

Soli expositi.



Aud aliter noscimus, curam differat Limoniorum succus Soli expositus, ab alio ejusdem fructus succo, quem Sol non attigerit: nisi dicamus, quod ille, magis quam iste, tenuis, & purus est; quippe quia crassioribus, atque etiam aqueis, & inertibus particulis ita fuerit destitutus. Hoc prisci usque Medici noverant, atque, præ aliis, Melse, qui, ad conficiendum Syrupum de succo Citri acido, præsertim animadvertit, quod, ut ipse melior evadat, succus ille debet Soli exponi: propter quod ejus ita præparatio in Commentario proponitur. (172) Accipiaturs illud, in quo acetositas reperitur Citri, & ipsam peria subtili leniter exprimas, & non-violenter.

(172) Melse de Syrup. lib. 1. in Comment.

violenter: exhibet liquor clarus, non mucilaginosus. Accipe igitur de dicto liquore quantitatem congruam. Zucchari albi bene clarificati, & debito modo cocti quantitatem congruam, & cum eo pone acetositatem, & Soli expones. Sol enim consumet parvo tempore humiditatem superfluum acetositatis Citri, & remanebit clarum tanquam aqua. Hoc enim modo faciunt Cypriani. Quae porro norma si ad conficiendum Syrupum Limoniorum fervetur, nullus dubito, quin ipse melior evadat. Etenim Solis ejusmodi proprietatem (quae igni quoque competet) ad humiditatem scilicet speciatim consumendam, nemo non novit: quippe quod ejus calor aqueum humorem attenuat, cujus proinde comminuuntur particulae, nec non ita rarefcunt, ad instar vaporis, & leviores in specie factae, quam circumpositus Aër, attolluntur, & in auras disperduntur. Atque ob eandem causam, purior, & clarior, qui superest, humor efficitur, crassioribus, ac magis gravibus, si quae in ipso aderant, particulis fundum petentibus. Etenim tunc, cum, ope caloris, rarefcit humor ille, molecule ejus susdeque vertuntur, colliduntur adinvicem, dum vicissim in se ruunt, impetumque faciunt: unde fit, ut strictiores earum solvantur nexus, imminuantur particulae, nec non figuras immutent. Ac propterea graviores, sui juris, ut ita dicam, effectae, ceu ab aliarum cohaesione satis solutae, subsidunt; simulac aliae leviores, iis decidentibus, assurgunt: quo quidem modo tota illius liquoris massa (quae antea turbida, & spissa erat) tenuis fit, clarescit, atque, consumpta simul insipida humiditate, efficacem, & gratumque magis exlibet liquorem. Eodem porro modo Solis calorem, tenuem, & purum magis efficere Limoniorum succum, ut diximus, credendum est, quo urina etiam, ab frigore praesertim, turbida facta, dum super cineribus calidis consistit, paulo postea clarescit; nam id, quod erat

lius,

sius, ac ponderosum magis, in ea prius commixtum undequaque erat, exinde fundum matulae petit. Ita coenosa aqua, posteaquam ebullierit, dum frigescit, in fundo vasis crassiores facilius deponit particulas. Hisce positis, concedo quidem, quod Limoniorum succus, posteaquam, uti oportet, Solis vim passus sit, evadat tenuior, magis penetrans, eoque minus corruptioni obnoxius. Quod vero ipse (ad differentiam succi alterius, qui recens ab iisdem maturis fructibus elicitus sit, aut saltem, uti par est, absque ulla Solis actione rite fuerit depuratus) longe magis efficax sit, ad eos omnes praestandos effectus, de quibus supra fusius egimus, haud satis ratio suadet; eoque maxime, quia vis Solis tenuiores, mobilioreque ejus moleculas debet necessario consumere. Neque tamen negaverim Arabico Auctori nostro, quod succus Limoniorum Soli expositus, atque ita magis depuratus, diutius asservari possit, ut serviat, si lubet, pro alimenterum condimento, quotiescunque, loco aceti, debeat usurpari. Proinde fiet etiam, quod Syrupus, paratus ex eodem succo, purior evadat, & suavior, atque etiam magis incidens, quam alter, qui ex alio succo, sine vi Solis depurato, conficitur. Utrique tamen, quod ad alias proprietates, eadem pene vis erit concedenda. Nihil denique dicam de conditura tenellorum pullorum, agnorum, aut gallinarum pinguum, quam proponit *Ebembisar*; si nempe una cum *Mentha*, aliisque aromaticis, ipsi addatur Limoniorum succus, Soli prius expositus. Ex hoc enim, quod emergat cibus *bonus, & delectabilis*, ii tantum concedat, quibus vere talis arrideat conditura. Nam de iis, quae, ad placitum Hominum, plus, minusve gustui satisfaciunt, nostrum non est judicare: maxime quia, ut saluti potius, quam gustui, & gulae prospiciamus, de hisce disseruimus.

Modus conficiendi condimentum Limonum praedictum est quod accipiantur Limones complete digesti & citrini & scindatur unusquisque eorum in duas medietates non separando unam medietatem ab altera deinde spargatur inter duas medietates parum salis contriti & postea reducantur duae medietates sicut prius erant in suo situ & ponantur in vase vitreo habente orificium latum deinde projiciatur super Limones praedictos de succo Limonum expresso ab aliis Limonibus tanta quantitas, qua submergantur Limones praedicti deinde obturetur caput vasis cum luto & dimittatur in sole duabus ebdomadis deinde conservetur in loco umbroso & comedatur ex istis Limonibus post dies quadraginta & quanto magis antiquantur tanto efficiuntur meliores delectabiles gustui & aromatici & sunt aperientes opilationem excitantes appetitum cibi: & conferunt humidis flegmaticis:

Idem pene est in editione Veneta, & Parisensi.

CAPUT

CAPUT XII,

De condimento Limoniorum.

Osteaquam *Ebembitar* in antecedenti Capite eam proposuerat Limoniorum condituram, quae grata, ut ipse putat, & *delectabilis* evaderet; utilitati quoque, seu Stomachi indigentiae ut succurrat, speciale indicavit condimentum, cujus parandi normam in hoc Capite accurate subdit. In hac vero praeparatione ea praecipue videtur esse Auctoris intentio, quod nedum attenuetur maxime, depureturque Limoniorum succus, ut aqueatum particularum omnino expers effectus, eo acidior evadat: sed etiam ita praeparata Limonia illa mala, magis grata, atque utilia reddantur. Eo autem modo praeparatus ille, qui inde emergit, succus, attemperans longē magis, & penetrans, & aromaticus fit, ideoque gustui amplius satisfacit. Etenim, dum, sectis in duas partes Limoniis malis, inter utriusque frustra Sal spargitur, eaque iterum coalescentia, in vase vitreo habente orificium latum, detinentur, alio superaffuso Limoniorum succo, atque tandem vas illud per duas hebdomadas actioni Solis subjicitur: Sal aqueas particulas ab aliis separat, eas optime solvens, aptasque insuper reddit, ut, ope radiorum Solis, adeo sejungantur ab invicem, ut avolent, atque disperdantur. Ille praeterea succus, ita aqua destitutus, crassiores particulas in fundo deponit, propter quod eo purior evadit: qui denique in loca umbroso per quadraginta dies detentus, etiam majorem acquirit aciditatem. Haec quoque praeparatio, dum succum illum ita bene disponit, Limonia frustra, tali modo parata, grata magis

O 4

reddit,

reddit, & delectabilia, nec non appetitum excitantia, adeo ut melius usibus inserviant. Huic aliam addam Limoniorum condituram, quae, juxta *Alpazi* expositionem, (173) *Allimunic* dicitur, ut patet in *Libro Ebengian*, Capite de Limonibus. Ita vero, docente *Alpago*, vocatur ferculum factum cum succo Limonum, & modico Cinnamomi, & cum amygdalis, & zucchero: & est confortans Stomachum, & potest fieri cum carne, & absque carne, sicuti cum herbis, aut cucurbita, & similibus: & in cura Sodae minorantur aromata, quae non miscentur, nisi ad corrigendam acetositatem Limonum.

Hanc *Ebembitar* imitatus normam, alias praeterea magis compositas, si lubeat, condituras Limoniorum is parare poterit, qui simplicitatem non amet, ut specialibus indicationibus fiat satis. Et licet ego, ut supra innui, a nimis compositis pharmacis plerumque abhorream: iis nihilominus inserviens, qui aliter sentiunt, alias adnectam ejuscemodi compositas praeparationes, quae, licet Citria mala, non autem Limonia comprehendant, ad rem nostram tamen faciunt; cum id ipsum, ex dictis, Limonia quoque praestare queant, quia haec cum Citriis plurimum consentiunt.

Nicolaus Myrepsus (174) pro iis, qui inflati sint, & tarde concoquantur alimenta, sic parari Antidotum jubet, uti admodum utile.

R^c Carnis Citrior. repurgator. libr. unam.
Hyssopi; Ruthae, Origani ana exiguum
fascicul. unum.

Aceti cotylas tres.

Macerato in aceto per noctem, & dies quinque; & deinde
ad

(173) *Alpagus* in *Arabicorum nominum Interpretatione*, *Avicennae Operibus* adjuncta.

(174) *Nicol. Myreps. de Antidot. Sec. 1. cap. 143. & 144.*

ad tertias decoque, atque ubi expressa fuerint, ab igne amoveto, & adjectis mellis libris duabus, iterum ad consistentiam decoque: deinde species probe tufas, & cretas injice, nempe

Asari, Mei, Piperis, Hyssopi, Xylobalsami
ana uncias duz.

Datur mane, & vesperi.

Aliam etiam huic addit antidotum, ad eundem usum; ea-
que est melior, & magis quam ea, quae praecedis, laudata,
ut ipse monet.

R. Carnium Citrior. lib. unam.
e tritis, & probe contusis, atque in linteo ligatis exprime
omnem humorem, quo facto accipe

Mellis Astici despumati lib. duas,

& in abeum conjice Citria expressa, una cum Melle, &
dimitte illis per diem, & noctem. Dein altera die deco-
que, usque ad justam crassitudinem, posteaque has species
bene tufas, & cretas injice

Zinziberis, Cinnamomi, Caryophili.

Ligni Aloes an. hexag. duo.

Nucis moschat., Xylobalsami, Hyssop.

an. hexag. unum, & semis.

Calami odorati hexag. duo.

Carnabadi, Anisi. an. hexag. unum, & semis.

Ameos, Coriandr. an. hexag. unum.

Croci gran. duo, Moschi Siliq. quatuor.

Primum species odoratas injice, dein amove ab igne, &
subige, tandemque moschum tritum cum stillatio rosarum,
liquore, aut vino adhibe, rursusque subige. Et si placuerit,
adde illi Piperis albi unc. semis.

Ac subinde in vase reconde, praebeque mane, & vesperi ex
vino bono.

Sequi-

Sequitur tertia antidotus, in eundem usum, a Myrepsō ibidem commendata.

R. Carn. Citri. lib. unam, & unc. unam.
Hyssop., Rhus., Origan. an. parv. fascicul. unum.
Aceti Cetyl. tres.

Macerentur in aceto per noctes, & dies quinque, ac subinde ad tertias coquantur. Ubi expresseris, species abjecto: aceto autem admisce

Mellis hexag. unum.

Et iterum coque ad Mellis consilientiam, ac deinceps insperge

Sennae, Afari, Mei, Piperis, Spicae,
Zingiberis, Caryophil., Cinnamom., Coriandr.,
Anisi, Nuc. Moschat. an. unc. unam.

Subacta probe, dato.

Eidem satisfaciens indicationi, parum absimile pharmacum ita describit Aetius. (175)

R. Carnis mali Citrii lib. unam.
Hyssop., Ruthae, Origan. an. fasciculum
exiguum unum.

Aceti heminas tres.

Per quinque dies, ac noctes, aceto macerato, ad tertias decoquito, & expressa rejicito: ad acetum vero Mellis sextarium unum admisceto, rursumque ad Mellis crassitudinem decoquito, deinde Afari, Mei, Piperis, cujusque sextarium inspergito. Mane, & vespere exhibeatur.

Hoc ipsum pharmacum describens Aegineta (176) ejus insuper dosim indicat, ut scilicet assumatur cochlear unum mane, & ad somnum.

Alias

(175) Aetius Tetrab. 3. Serm. 1. cap. 24.

(176) Paul. Aeginet. de re Medic. lib. 7. cap. 2.

Aliaſ hujusmodi compoſitas adeo formulas, quae, ut ex Limoniis, vel Citriis parentur pharmaca, ſolent proponi, nunc omitto, ne incaſſum Lectores detinea-
 Addam dumtaxat modum, quo praeſtaudatus *Platina* (177) noſter docet, quod tam cotonea, quam cucurbitae, citra, mala medica, pira, & poma condiſi poſſint, ut iis in menſa, ſi placet, utamur. Haec autem ſunt Auctoris verba. Condiſi etiam matura (coctonea) hoc modo poſſunt. Depilata, ac in fruſta conciſa, nucleisque e medio ſublatis, in aquam coeleſtem ponuntur: ubi tandiu, mutata tamen aqua, reſinqui debent, donec ſtypticitatem illam amiſerint, eluceantque tanquam cornea. Eliceſcuntur deinde, & ſemicocta ex abeno ablata in linteum album, & mundum ſuper tabulam extendantur: donec aqua exſiccetur. In cacabum deinde cum Melle poſita, tandiu ebulliant, quouſque omnino coquantur. Cocta ruruſum linteis extendes, & fere ſicca ad umbram, non in Sole, in ollam repones, ſuperinfundeſque Mel bene deſaectatum, & tepidum. Hoc modo fere condiuntur cucurbitae, citra, mala medica, quae vulgo narančia vocamus, pira, poma; quibus nonnulli aromata inſpergi voluerunt: ut caryophyllum, cinnamomum, zingiber, trita, & cribrata. Malopeponum coſtae, unde conditura fieri ſolet, in aceto macerantur dies quatuor: poſtea vero quum in linteis aliquandiu reſederint, mutato aceto, iterum coſtae, ac ruruſum in linteum extenſae, donec refrixerint, in ollam reponuntur, ſuperaffuſoque Melle, optime ſervantur. Haec in prima menſa variis temporibus comedi ſolent. Hyeme citrum, & narancium; Aeſtate cucurbita, pepones, coctonea &c.

Praeter haec, cum nihil aliud de Limoniis diſſeruerit *Ebembitar*, ego 'quoque Commentariis ſinem imponam. Quae autem (178) hic ſcripſi, iudicio prudentum, & expertorum Medicorum

(177) *Platin.* de honeſta voluptate &c. lib. 2. de Coctoneis.

(178) Jø: *Frideric. Bachſtrom* de Scorbuti natura.

*Medicorum permitto: ab his si alia edoctus fuerò; non solum
illis gratias agam, sed meam quoque sententiam lubenter revoca-
to, cum mihi nihil magis curae, cordique sit, quam per omnia
sibi constans, & salusifera veritas.*



INDEX.

A

- A**busus succi Limoniorum quomodo noceat. 131. 132.
 Acetum, loco succi Limoniorum, in panperibus adhibetur, ad curan-
 dam Scabiem. 54.
 cum succo Limoniorum comparatur. 44.
 non ita ebrietati succurrit, uti Limoniorum succus. 25.
 magis refrigerat, quam Omphacian. 139.
 cum succo Limoniorum comparatum, minus utile est in ar-
 dentibus febribus. 65.
 Aceti usus in morbis cutis. 52.
 in Scorbuticis commendatus. 86.
 congruus ad febriles sedandos aestus. 82.
 Aceti speciales facultates proponuntur. 136. 137.
 Aceto plerumque praeferendus Limoniorum succus. 141. 142.
 acrimonia inest, unde minus refrigerat, quam Limoniorum suc-
 cus. 138.
 Acida corruptioni humorum resistunt. 82.
 Bili speciatim opponuntur. 73.
 Acidi minerales succi longe minus tui sunt, quam Limoniorum succus.
65.
 Acidorum usus in Scorbuticis prodest. 86. 87.
 quorumvis differentia proponitur. 134.
 Acqueta, ut determinate agat, an possit exhiberi. 106. 107.
 ejus propria symptomata, & signa. 107. 108.
 quomodo agat in corpore. 108. 109.
 si unquam fuerit propinata, quid illico sit agendum. 109.
 ejus praecipua curatio a Limoniorum succo. 109. 110.
 specialis adfertur observatio. 111.
 varia actio quomodo explicetur. 111. 112.
 sententia hoc venenum a quibus fuerit consideratum. 103.
 Neapoli

- Neapoli primum divulgatum. Ibidem.*
vim habet corrosivam, quae ex eo patet,
quod, dum extrinsecus adhibetur, cauterii vices gerit. Ibidem.
eius antidotum succus Limoniorum, & Citri. Ibidem.
non eodem modo, nec aeque cito in omnibus agit. 104.
Acutis febribus, a bile ortis, prodest maxime Limoniorum succus.
82. 83.
Acutis morbis, potius quam chronicis, medetur Limoniorum succus. 131.
Aeris attemperando aestui, quibus adminiculis utebantur priscae Me-
dicantes in aegrotorum cubiculis. 60.
eius causa mutatio in cubiculis aegrotorum utilis est. 61.
Aestivo tempore sanis prodest Limoniorum succus, ad bilis aetus
compescendos. 96. 129.
Aestatis tempore bilis facile a naturali statu deflectit. 72. 79.
Aeneorum vasorum usus, pro conficiendo Sympo Limoniorum, quare
sit suspectus. 169.
Algierarum Scorpiones qui sint, & quam noxii. 120. 121.
Amara cum acidis attemperantur, sen dulcificantur. 73.
Analysis Chymica succi Citri. 47.
corticum Citri. 18. 19.
Anginae Lymphaticae, ob cohibitam perspirationem factae, quo-
modo succurrat Limoniorum succus. 56. 57.
Anginae medetur Limoniorum Sympus. 178. 179.
Animalium venena cur generatim insensa. 118.
neque dissolvunt, neque coagulant humores, sed
in solida praesertim agunt. 118. 119.
Animalia genitoris utriusque notas plerumque referunt. 157. 158.
Antidotum quid sit. 100.
Appetitum excitat Limoniorum succus. 77.
Aqua distillata ex malis Limoniis servit pro fuso, ad expoliendam
faciem. 51.
Arabibus Symporum inventio adscribitur. 167. 168.
Arbores diversae speciei, dum invicem inferuntur, fructus eos
edunt, qui de utraque specie participant. 158.
Arbri-

I N D E X.

223

Arbitricus humor quomodo ab extremis ad intimas partes delatus, & viceversa, 2, varios efficiat morbos, atque praecipue in intestinis. 183. 184. 185.

Articulorum doloribus cur succurrat Limoniarum Syrupus, eorumque praecipue succus. 183. 184. 185. 186.

Atramenti maculae Limoniorum succo delentur. 49. 50.

B **B**
Ellaria sunt ex conditis, Citri, & Limoniarum. 152. 153.

Bezabar lapis quanti ab Antiquis habitus sit. 100. 101.

eius vanitas indicatur. 101.

Bezahartica vis Limonis malis adscribitur. 101.

Bilis in statu sano quid sit, & quid efficiat. 71.

in statu morbofo consideratur, eaque praesertim dominatur aestate. 72.

in Tertianis febribus quomodo saeviat. 80.

edomandae vi maxime confert Limoniarum succus. 128.

cur ipsi praesertim prosit admodum Limoniarum succus. 73. 74.

variis morbis quomodo prospiciat. succus Limoniarum. 74. 75.

76. 77. 78.

Brassica ebrietati resistit, cum acida sit. 95. 96.

C **C**
Acheeticis hominibus non convenit Limoniarum succus. 132.

Calculos, & arenas dissolvit Limoniarum succus. 46. 47.

Capitis morbis, qui a bile utcumque ortum habent, 2, opem adfert Limoniarum succus. 77. 78.

Cardiaci remedii nomine quid intelligitur. 69.

eius vices quando gerat vinum, 2, vel Limoniarum succus.

Ibidem.

Castoreum, diu corrumpitur, cur venenosum fiat. 117.

quod in usum Medicinae venit, non est testiculus istius Animalis, sed folliculus humore pingui repletus. Ibidem.

eius venenum quae symptomata adferat. 116.

huius.

INDEX.

- huic cur proſit Limoniorum ſuccus. 115.
116. 117.
 venenatum quomodo cognoſcitur. 116.
 ipſi ſucciorum fructus acetofi, & acetum quoque. 117.
 Chinae Chinae actioni non opponitur Limoniorum ſuccus. 81. 82.
 Chloroſi medetur optime vinum paratum cum aromaticis herbis, &
 ſeminibus Citri, cum Chalybe. 148.
 Citria, & Limonia mala fructus inter ſe congenereſ ſunt. 7. 18.
 mala ſpeciatim, Medica mala, Perſica, & Affyria a veteri-
 bus appellantur. 7.
 dicuntur etiam heſperica, & aurea. 12.
 commendantur maxime ab Antiquis contra venena. 12.
 & Aurantia in Scorbuticis utilia ſunt. 87.
 difficilis ſunt concoctionis. 145.
 Citri vires ab Antiquis fere omnibus Auctoribus referuntur. 5.
 Citri nomine Limonia etiam Mala ab Antiquis Medicis indicata
 videntur. 6.
 Citri antidoti pro roborando ſtomacho. 216. 217. 218.
 Citri corticis principia, & vires. 19. 20.
 cortex magis, quam Limoniorum, volatili oleo ſcatet, & Tineas
 a veſtibus praecaveat. 20.
 decoctum ſpeciale proponitur. 140.
 ſucci Chymica Analyſis. 47.
 ſuccus cum Limoniorum ſucco comparatur. 74.
 in morbis cutis adhibetur. 52.
 Citriorum conditurae, ſtomacho utiles. 152. 153.
 pars, non apta cibo, cum polenta, quanti habeatur in
 articularum doloribus. 189.
 Compoſita nimis remedia damnantur. 126. 192. 193. 200. 205.
 Conditurae Limoniorum. 115. 116.
 Conditura Citri, & aliorum fructuum. 219.
 Cortex extimus flavus Limoniorum oleo fragrante pollet. 14.
 Limoniorum coctioni conſert, & ſtatu diſcutit. 15.
 in ore detentus prurum halitum tollit, & peſti-
 fero miaſmati reſiſtit. 17. 18.

intimus

INDEX.

225

intimus albicans non digeritur, imo ventriculum
aggravat. 13.

17. 18. masticatus cur a Scorbuto, & Phthyfi praeservat.

Corticem Citri Chymica Analysis, quae corticibus Limoniorum ap-
tari potest. 18. 19.

Cutis pustulis medetur succus Limoniorum. 66. 67.
plurimis morbis Limoniorum succus prodest. 51. 52.

externa remedia non omnino succurrunt, nisi
interna etiam congrua administrentur. 52. 53.

D **D**
Ecoctum Citri Agrotis plurimis utile. 120.
foliorum, aut florum Malvae, Limoniorum addito
succo, Remora, & Vesicae morbis opitulatur. 24.
Diarrhoeae biliosae quomodo succurrat Limoniorum succus. 78. 79.
Diarrhoea, intempestive suppressa, mortis adfert. 185.
Diureticus est Limoniorum malorum succus, unde Renes, & Vesicam
opportune detergit. 21. 22. 23. 24.

E **E**
Brietati magis succurrit Limoniorum succus, quam acetum, &
prodest etiam comesta Brassica. 25. 26.
Expulsiones ex seminibus frigidis cur haud semper valeant, ad aestum
sanguinis attemperandum. 62. 64.
Citri quare utiles sint Histericis foeminis,
148.

F **F**
Auciam inflammationi Limoniorum succus medetur. 55. 56.
Febrim aestus sedat Limoniorum succus, in aqua saepe epotus. 67.
ardentium accidentibus, uti maximum refrigerans, opem
adfert Limoniorum succus. 59. 60. 62.
Febris tertianis succurrit admodum Limoniorum succus, abunde.

P

cm

- cum aqua usurpatus. 79. 80. 81. 82.
 biliosis omnibus prospicit Limoniorum succus. 83. 84.
 Lypitii quoque convenit. 80.
 Foetori oris, ab dentium cariem, vel aliter facto, masticati Limoniorum cortices succurrunt. 17.
 Fenestras in Aegrotorum cubiculis identidem aperire oportet, ad im-
 mutandum, & attemperandum aërem. 61.

G Argarismata utilia sunt cum Syrupus Limoniorum in Angina. 179.
 ex Limoniorum succo parata, licet plerumque in Angina conveniant, tunc tamen non sunt adhibenda, cum de suppuratione agitur. 56. 57.
 Cuturis, aliisque faucium morbis, multoties succurrit Limoniorum succus, uti & Syrupus Limoniorum. 67. 173. 179.

H Aemorrhoides, inconsulto suppressae, quae mala adferant. 185.
 Hepatis, & intestinorum morbis, cur profit Limoniorum succus. 74.
 75. 78.
 Hydrophobia ut praecaveatur, quid agendum sit, statim ac quispiam a Cane rabido fuerit demorsus. 205. 206.
 demorsae partis amputationem aliqui laudant 206. 207.
 Hydrophobiae venenum cum miliarium febrili miasmate non parum consentit. 209.
 Hystericis foeminis succurrit Limoniorum succus. 95. 130.
 prosunt emulsiões ex seminibus Citri. 148.

I Cteritiae, a tenaci bile factae, Limoniorum succus predest. 57.
 Inflammationibus Viscerum succus Limoniorum prospicit. 65. 66.
 Inseta in Citrium Limoniorum arbor fructus emittit, qui Limonia

niorum, & Citriorum facultates obtinent. 159.
 Intestinorum dolores, quomodo, ab intropulso humore arthritico, fiant. 184.
 Ira compescitur Limoniorum succo. 79. 84.
 Iuvenes bile magis abundant, quam senes, eaque magis aestuante, & isque ideo convenit Limoniorum succus. 128. 129.

L Ac, cum quis assumit, a Limoniorum succo caveat. 133.
 Lactis serum in febricitantibus acescit facile. 64.
 Limonada, seu aqua, in qua solus Limoniorum succus, sine saccharo, sit solutus, est utilis. 97. 68.
 quomodo parari possit speciali modo. 67. 68.
 varios effectus utiliter praestare potest. 97. 98. 99.
 Limonia mala, magis quam Citria, refrigerant. 82.
 nutriendo corpori nihil conferunt. 143.
 sale confecta, cur magis utilia. 152. 153.
 Limoniorum taleolae, saccharo inspersae, in ore detentae, Aegrotis placent, & prosunt. 68.
 Succi vis contra venena satis nequit explicari. 112.
 Limoniorum succus quare melior dicendus sit succo Citri. 74.
 succus a Tinctioribus plurimi sit, ad speciales efficiendos, vel immutandos colores. 50. 51.
 frustula, saccharo aspersa, cur vel cum cortice, vel sine cortice, in ore detineri possint. 15. 16.
 differentiae praecipuae. 8. 9. 10.
 differentia a Citriis. 7. 8. 11.
 nulla pene mentio apud Antiquos, nisi apud Avicennam. 5.
 extimus flavus cortex fragrans oleo scatet, intus vero albicans nullius est usus. 14.
 suculi, in Citrum inserti, meliores edunt fructus. 158. 159.
 Limoniis, & Citriis malis eadem fere assignantur facultates. 6. 11.
 Lymphaticis corporibus raro prodest Limoniorum succus. 130.
 Lypiriae febris a bile praesertim fiunt, isque ideo prodest Limoniorum succus. 80.

M

Magnates magis, quam alii, caveant a venenis. 114.
 iis suadetur, ad praecavendas praecipue venenorum
 noxas, ut Limoniorum succum familiarem habeant. 113. 114.
 Malvae foliorum, aut florum tinctura, cum Limoniorum succo, pro-
 dest maxime in ardore urinae, atque ad educendas arenulas. 94.
 Menthae proprietates. 201.
 Mercurius caute adhibendus in cutis morbis. 51.
 Miliarum februm miasma corrigit Limoniorum succus. 209.
 Mineralium acidia minus, quam vegetabilium, utilia sunt, ad febriles
 sedandos aestus. 65.
 Mophea rubra illis facile accidit, qui vino abutuntur, iisque suc-
 currit Limoniorum succus. 53.
 Mulorum generatio indicatur. 157.

O

Obstusiones solvit Limoniorum succus, dum urinas ciet. 57.
 Oleum fragrantissimum, a flavo Limoniorum cortice emanans, cor-
 pus reficit. 144.
 Oleo amygdalarum dulcium cur non omnino fidendum sit, in biliosis
 praesertim febribus. 84. 85.
 Onphacium refrigerat magis, quam Acetum. 139.

P

Physsici cur prosunt, masticati Limoniorum cortices. 17.
 Pectoris morbis aliquando succurrit Limoniorum succus, atque tunc
 maxime, cum bilis dominatur. 45.
 Pretiosa remedia ex auro, & margaritis, inutilia sunt. 70.
 Puerperis succurrit Limoniorum succus, si, lochia suppressa, sint etiam
 promovenda. 44. 57. 58.
 gratum, & utilem potum praestat Limoniorum succus, in
 aqua dissolutus. 76. 77.
 eransiones ex seminibus Citri prosunt. 148.

Purgan-

Purgantibus potionibus utiliter immiscetur succus Citri, vel Limoniorum: propter quod speciales ad hoc exhibentur formulae. 88.
89. 90. 91.

R Remedia nimium composita damnantur. 70. 193. 194. 200.

S Accharum, succo Limoniorum nimixtum, vim hujus imminuit. 133.
Sanis quoque prodest Limoniorum succus, aestivo tempore, ad bilem compefcendam. 96.

Sanguinis emissio in curatione februm cur, & quomodo conveniat, ad attemperandum aestum. 63. 64.

iterata tunc nimis non probatur, cum inde vires solvantur. 63.

Sanguinis tenacitas haud rite indicatur a lento motu, quo sanguis a secta vena prodit. 63. 64.

Scabiei succurrit Limoniorum succus. 53.

ad hoc speciale proponitur linimentum. 53. 54.

Scorbuticis magis prodest Limoniorum succus, quam acetum. 137.
auxiliantur magis vegetabilia acida, atque inter haec praecipue succus Limoniorum magis, quam Citri. 87.

profunt masticati cortices Limoniorum. 17.

Scorpionum veneni antidotum ab acidis fructibus, atque praesertim a Limoniorum succo. 127.

venenum in minima liquoris guttula latet. 119.

variat, quod ad actionem suam, pro varia eorum specie, & locorum varietate. 119. 120.

veneni minima guttula quomodo tam enormis, & variis excitat effectus, ignoramus. 122.

diversae species. 120. 121. 122.

veneno, & Viperarum evincendo, quomodo, & cur adhiberi debeat Limoniorum succus. 123.

veneno ut succurramus, affectae parti primo curatio adhibenda.

INDEX.

- visenda est.* 123. 124. 125.
veneno ut tutius prospicerent Antiqui Medici, laesam
partem abscindebant. 124. 125.
veneno tutius medemur, affectam arte colligando par-
tem, ut inde sanguis exsugatur. 125.
veneno vincendo Theriacam specialem Antiqui Medici
adhibebant. 125. 126.
Scorpiones Itali minus, quam Aegyptii, & Tunetani nocent. 120.
Algierarum qui, & quam insensu. 120.
Seminum Citri facultates. 147. 148.
Semina Citri, & Limoniorum iisdem pene pollent viribus. 149.
Senibus cur minus conveniat Limoniorum succus. 129. 130.
Simplicibus magis, quam compositis remediis, est fidendum. 93.
Sordes a corporibus detergit Limoniorum succus. 49.
Spiritus, ex Limoniorum flavo cortice prodians, cur utilis. 14. 15.
fragantissimus abundat magis in flavo cortice Citri, quam
Limoniorum. 20.
Succus Limoniorum, in aqua solutus, absque saccharo, efficacior est. 97.
tam ardet, quam sedat inflammationes. 66.
in ardentibus febribus, contra sanguinis aestum,
magis valet, quam emulsiões ex seminibus frigidis. 62.
simplex raro usurpandus. 132. 133.
in quibus morbis non omnino conveniat. 134.
ventris Tinearum interimit. 54.
faucium inflammationi prospicit. 55. 56.
a non decorticatis, quam a decorticatis Limoniis
elicitur, quando conveniat, & cur magis potens sit. 25. 26.
quomodo attenuat, & incidit, atque ab austeris
acidis differt. 43.
puerperis, licet Lichia defint, uti aperiens, conve-
nire potest, cum vere adstringens non sit. 44.
dissolvit tam humanos lapides, quam alabastrin-
sem, & alia marmorea corpora. 48.
dum intus penetrat corpora, quae iis extrinse-
cus

cus fiunt, sordes auferunt. 49.

cur nihil pene enutriat corpus. 143. 144.

utilior est, quam Limoniorum Syrupus, licet huic

Citoniorum succus addatur. 194. 195. 196.

Soli expositus, purior, tenuiorque fit, magis penetrans, minusque corruptioni obnoxius. 211. 212. 213.

Syruporum inventio Arabibus adscribitur. 167. 168.

Syrupi generatim ad medendum inutiles plerumque sunt. 176. 177.

Syrupus Limoniorum, addita Manna, tamquam leniens, infantibus est utilis. 180.

quomodo parari debeat. 168. 169.

minus est efficax, quam Limoniorum succus. 176.

cur sit utilis in Angina. 178. 179.

Abdominis infarctus tollit, minus tamen quam quare & ebriis succurrit. 182. 186.

magis est utilis, quam Syrupus Citri. 188.

eius variae facultates a pag. 175. ad 188.

cum Citonis quanti valeat. 196.

cum Menta quanti valeat. 201. 202.

cur potens credatur contra venenum

Canis rabidi. 205.

Syrupi de succo Citri Mesue praeparatio. 211. 212.

Diacetri specialis praeparatio, & vires. 203. 204.

de Menta specialis praeparatio. 203.

de Absinthio Penas, pro roborando Ventriculo, praeparatio. 202. 203.

T


T

Heriaca exercitulis veterum, contra venenum Scorpionum, usitata. 125. 126. 127.

Tertianis praecipue febribus medetur optime Limoniorum succus, qui earum symptomatibus speciatim succurrit. 79. 80. 81. 82.

Vene-

- V** **V**
Envenum Cantis rabidi efficacissimum est, ejusque natura, & agendi modus adhuc ignotus. 203.
cito sanguini communicatur. 208.
Veneri violenti curatio ab emeticis, & purgantibus inchoanda. 105.
observatio specialis. Ibidem.
ejus differentia a lento veneno. 106.
actio citior, & gravior in intestinis, & ventriculo evenit. 104. 105.
Venera lenta leviter, & tarde agunt, praesertim in sanguine, unde difficilius se produnt. Ibidem.
Veneris etiam animalium cur. succurrat Limoniorum succus. 118.
Venerum lentum Acquetta est, quod difficile manifestatur. 103. 104.
ejus actio praecaveri potest, ope succi Limoniorum. 113. 114. 115.
Venerorum actionem quomodo praecavere utcumque possimus. 187. 188.
quorundam facitiorum vanitas indicatur. 102.
Veneris aduersatur Syrupus Limoniorum, minus tamen, quam eorum succus. 187.
Ventriculum roborant conditurae Limoniorum, & Citriorum. 152. 153.
Ventriculi affectibus, qui vela bile, vel ab aliis humoribus ibidem infixis sunt, plurisariam succurrit Limoniorum Syrupus. 181. 186.
Vermibus succurrens pulvis describitur. 149.
Vinum medicatum cum aromaticis herbis, Chalybe, & Seminibus Citri, prodest in Chlorosi, a suppressione mensesuorum. 148.
Viperini veneni actio consideratur. 118.
Vitrioli spiritus minus utilis, quam succus Limoniorum. 73.
Unguenta ex Citro. 20. 21.
Vomitui, aliisque Ventriculi morbis, quomodo prospicias Limoniorum succus. 74. 75.



1

2

820



